

ମାଥୁର ଲିଖିତ ଜିସୁ କ୍ରିଷ୍ଟଙ୍କ ସୁସମାଚାର ମାତିର ଲେକ୍ତାଦ୍ ଜିସୁ କ୍ରିଷ୍ଟନ୍ ସୁସମାଚାର ମାତିର ବଇ ବିଷୟରେ ଅଣ୍ଟୟ ପଦ୍

ମାତିର କେତ୍ତାଦ୍ ସୁସମାଚାର ପୁନେ ନିୟମ୍ତାର୍ ଜିସୁ କ୍ରିଷ୍ଟନ୍ ଜିହ୍ୱୁତିଙ୍କ୍ ତିଆର୍ ମାତ୍ତମାନ୍ ନାଲୁ ବଇକିନ୍ ଲୋପେକେ ଝେରଡ୍ । ଇହୁ ସାରେତିଙ୍କ୍ ଜିସୁ କ୍ରିଷ୍ଟନ୍ ଲେକେତାଦ୍ ସମାଚାର ଇଡକେ ନେଲ୍ତାଦ୍ କବର୍ ଇଞ୍ଜ କେତିତଡ୍ । ଇହୁ ସାରେ ଜିସୁନ୍ ଡଲ୍ତେ ଅଦିକ୍ ମାତିର, ମାର୍କ, ଲୁକ ନୁ ଯୋହନ୍ ଲେକିମାଡତଡ୍ । ମାତିର କେତ୍ତାଦ୍ ସୁସମାଚାର କେତ୍ତାଦ୍ ଟିକ୍ ତାରିକ୍ ପୁନ୍ଝେମାକ୍ ମିକା ପଣ୍ଡିତ୍ କେତିତଡ୍, ଇଦ୍ କ୍ରିଷ୍ଟନ୍ ଜନମତେ ମାତର୍ ୬୦ ଏଣ୍ଟକ୍ ଅଦିକ୍ ଲେକ୍ତାଦ୍ ଅସମାଡତେ । ଇଦ୍ ମିକା ବିଶ୍ୱାସ୍ ମାଡାଙ୍କ୍ ଆଦତେ ଯେ ଇଦ୍ ବଇ ପାଲେଷ୍ଟାଇନ୍ ଦେଶ୍ତେ ଯିରୁଶାଲେମ୍ ସହରତାଗାଙ୍କ୍ ଲେକାଆସ୍ ମାଡତେ ।

ମାତିର ଇଦ୍ ସୁସମାଚାର୍ତେ ଲେକ୍ତେନଣ୍ । ଜିସୁ ଅଂକିଙ୍କ୍ ଶିଷ୍ୟ ଇଞ୍ଜ କାର୍ଜାନାଦ୍ ମାଡାନ୍ ମୁନେଙ୍କ୍ ଅଣ୍ଟ ଝେରଣ୍ କରଗ୍ରାହୀ ମାଡତଣ୍ । ଅନାଦ୍ ମେଣ୍ଟେଅନ୍ ପେଦେର୍ ଲେବୀ ମାଡତେ । ଅଣ୍ଟ ବାରଜାନ୍ ପ୍ରେରିତଡ୍ ଲୋପେଙ୍କ୍ ଝେରଣ୍ ମାଡତଣ୍ । ଅଣ୍ଟ ମୁକ୍ୟଡ୍ ଯିହୁଦିଡ୍ ସେଙ୍ଗେ ଇଦ୍ ସୁସମାଚାର ଲେକିମାଡତଣ୍ । ଆଦ୍ ଅଣ୍ଟ ତାନାଦ୍ ଲେକାତାର୍ ପାଃନେ ନିୟମ୍ତାର୍ ୬୦ ଟା ପଦ୍ ମୁଲ୍ୟାଙ୍କନ ଆଦାନାଦ୍ ପ୍ରମାନିଡ୍ ଆଦତେ । ଜିସୁ ଯେ କ୍ରିଷ୍ଟ ଇଡକେ ମସିହ ଇଶ୍ୱର୍ ହେଞ୍ଚିମାନ୍ ଉଦ୍ଦାର୍ କର୍ତ୍ତାଲ୍ ନୁ ରାଜାଲ୍ ବେନ ଝାଦାନ୍ ବିଷୟରେ ପାନ୍ତେ ନିୟମ୍ତାଦ୍ ଦର୍ମଶାସ୍ତ୍ରତାର୍ ବବିଷ୍ୟବାଣି ଆସମାଡତେ ଇଦ୍ ମାତିର ସାୟେ ଲେକାମ୍ ଲେକାଙ୍କ୍ ଇଚ୍ଛା ମାଡମାଡତଣ୍ । ଯିହୁଦିଡ୍ କ୍ରିଷ୍ଟ ଇଡକେ ମସୀହଙ୍କ୍ ରାଜନୀତି ରାଜ୍ୟତାର୍ ରାଜାଲ୍ ଆଦତନ୍ ଇଞ୍ଜ ଆଗେ ମାଡିତଡ୍ । ମାତିର ଆଦ୍ ବିଶ୍ୱାସ୍ତିଙ୍କ୍ ମେଣ୍ଟନ୍ଲେକାମ୍

ମାଡ଼ି ଆମ୍ଭିକ ଇଶ୍ବରତେ ରାଜ୍ୟ ବିଷୟତେ ତିଆର୍ ମାଡ଼ାଙ୍କ ଗାଟି ସାୟେ ଗୁରୁତ୍ବ ହିତ୍ତତ୍ତ୍ବ ।

ମାଡ଼ିଉ କେତ୍ତାଦ୍ ସୁସମାଚାରତେ ପୁନେ ନିୟମ୍ତାର୍ ପ୍ରାତମିକ୍ ବଇ ଲେକାମ୍ ଦରକାର୍ ଆଦତେ ବାତେଙ୍କ୍ ଇଡ଼କେ ପାଃନେ ନିୟମ୍ତାଦ୍ ବାକ୍ୟତିଙ୍କ୍ ନାରଗେ ମାଡ଼ାତେ ଉଦ୍ବୃତ ମାଡ଼ିମିନ୍ଦେଣ୍ । ଇଦ୍ ବଇ ପାଃନେ ନିୟମ୍ ନୁ ପୁନେ ନିୟମ୍ତିଙ୍କ୍ ଅଣ୍ଡୟ ମାଡ଼ିତନ୍ । ପଣ୍ଡିତିଡ଼୍ ମିକା କେତିତଡ଼୍ ମାଡ଼ିଉ ତାନ୍ ଲେକାତାର୍ ମୋଶାନ୍ ବ୍ୟବସ୍ଥା ବଇକିଙ୍କ୍ ଲେକାମ୍ ମାଡ଼ାନ୍ ମାଇଦିଙ୍କ୍ ଆଲ୍‌ସି ମାଡ଼ିମିନ୍ଦେଣ୍ । ଜିସୁନ୍ ମେଟେଡ଼୍ ପରରଡ଼୍ କେତାନାଦିଙ୍କ୍ ୫-୭, ଇଶ୍ବର ମୋଶାନ୍ ବ୍ୟବସ୍ଥା ହିଦାନ୍ ବିଷୟ ତଡ଼୍ ମିକା ସାମାନ୍ ମାଡ଼ିତଡ଼୍ ବିବରଣ ୧୯:୩; ୨୩ ।

ବଇଡ଼୍ ଲୋପେ ମାନ୍ଦାନ୍ ମୁକ୍ୟ ବିଷୟ

୧. ଜିସୁ କ୍ରିଷ୍ଟନ୍ ଜନମ୍ ନୁ ଅନ୍ ସେବାକାମ୍ ଆରାମ୍ । ୧-୪

୨. ଜିସୁ କ୍ରିଷ୍ଟନ୍ ସେବାକାମ୍ ନୁ ଶିକ୍ଷା । ୫-୨୫

୩. ଜିସୁ କ୍ରିଷ୍ଟନ୍ ତଲ୍ଲନାଦ୍ ନୁ ପୁନରୁତ୍ତାନ । ୨୬-୨୮

ଜିସୁ କ୍ରିଷ୍ଟନ୍ ବଂଶତଡ଼୍

(ଲୁକ ୩:୨୩-୩୮)

^୧ ଇଦ୍ ଆଦୁତଡ଼େ ଜିସୁ କ୍ରିଷ୍ଟନ୍ ଆନିଦାଦିଡ଼େତେ ପେଦେର୍ । ଅଣ୍ ଦାଉଦ୍‌ତେ ବଂଶତଣ୍ ନୁ ଦାଉଦ୍ ଅବ୍ରାହାମ୍‌ତେ ବଂଶତଣ୍ ମାଡ଼ତଣ୍ ।

^୨ ଅବ୍ରାହାମ୍ ତେ ମାର୍ ଇସହାକ୍; ଇସହାକ୍‌ତେ ମାର୍ ଯାକୁବ୍; ଯାକୁବ୍‌ତେ ମାର୍ ଯିହୁଦା ନୁ ତାନ୍ ତାମୁଣ୍ଡୁକ୍ତିଡ଼୍;

^୩ ଯିହୁଦା ତାମରତେ ଜେରହନ୍ ବାବାଲ୍ । ମେଣ୍ଡେ ତାମ୍ ମାର୍ ଅଡ଼୍ ଯାୟ୍ ମାଡ଼ତେ; ମାଲ୍‌ତନ୍ ହେସ୍ତନତେ ବାବାଲ୍ ମାଡ଼ତଣ୍;

^୪ ହେସ୍ତନତେ ମାର୍ ଆରାମ୍; ଆରାମ୍‌ତେ ମାର୍ ଅମିନାଦାବ୍; ଅମିନାଦାବ୍‌ତେ ମାର୍ ନହଶୋନ; ନହଶୋନତେ ମାର୍ ସଲ୍‌ମନ୍;

^୫ ସଲ୍‌ମନ୍‌ତେ ମାର୍ ବୟ୍‌ଜ ମେଣ୍ଡେ ରାହାବ ତାମ୍ ଯାୟ୍ ମାଡ଼ତେ; ବୟ୍‌ଜତେ ମାର୍ ଓବେଦ୍ ମେଣ୍ଡେ ଉଡ଼୍ ତାମ୍ ଯାୟ୍ ମାଡ଼ତେ; ଓବେଦ୍‌ତେ ମାର୍ ଯେଶା;

^୬ ଯେଶାତେ ମାର୍ ଦାଉଦ୍ ରାଜା । ଦାଉଦ୍‌ତେ ମାର୍ ଶଲୋମନ୍; ଶଲୋମନ୍‌ତେ ଯାୟ୍ ମୁନେନ୍ ଉରିୟତେ ମୁଡ଼ତେ ମାଡ଼ତେ;

^୭ ଶଲୋମନ୍‌ତେ ମାର୍ ରହବୟାମ୍; ରହବୟାମ୍‌ତେ ମାର୍ ଅବିୟ୍;

୮ ଅବିୟତେ ମାର୍ ଅସା; ଅସାନ୍ ମାର୍ ଜିହ୍ୱାପାଟ୍;
ଜିହ୍ୱାପାଟ୍ତେ ମାର୍ ଜରାମ୍; ଜରାମ୍ତେ ମାର୍ ଉଜିୟ୍;

୯ ଉଜିୟ୍ତେ ମାର୍ ଜତାମ୍; ଜତାମ୍ତେ ମାର୍ ଅହାଜ୍; ଆହାଜତେ
ମାର୍ ହିଜକିୟ୍;

୧୦ ହିଜକିୟ୍ତେ ମାର୍ ମନଗେହ୍; ମନଗେହ୍ତେ ମାର୍ ଆମନ୍;

୧୧ ଆମନ୍ତେ ମାର୍ ଜଶିୟ୍; ଜଶିୟ୍ତେ ମାର୍ ଜିକନିୟ୍ ନୁ ତାମ୍
ଦାଦାଲ୍ତ୍; ଇଦ୍ ସମୟ୍ତେ ଇସ୍ରାଲୀୟ୍ତ୍ କିଂଙ୍କ୍ ବାବିଲନ୍ ଦେଶ୍ତାଗ୍
ତଅସ୍ମେଣ୍ଟେ ଆଡ୍ତଡ୍ ଆଦ୍ ସମୟ୍ତେ ଜିକନିୟ୍ ଜନମ୍ ଆସ୍
ମାଡ୍ତଣ୍ଟ ।

୧୨ ବାବିଲନ୍ତାଗ୍ ତଅସ୍ ଆଡ୍ତେ ପେକେ ଜିକନିୟନ୍
ମାର୍ ଶଆଲ୍ତୀୟେଲ୍ ବାବିଲନ୍ତାଗ୍ ଜନମ୍ ଆଡ୍ତଣ୍ଟ ।
ଶଆଲ୍ତୀୟେଲ୍ତେ ମାର୍ ଜିରୁବାବେଲ୍;

୧୩ ଜିରୁବାବେଲ୍ତେ ମାର୍ ଅବୀହୁଦ୍; ଅବୀହୁଦ୍ତେ ମାର୍
ଏଲିୟାକମ୍; ଏଲିୟାକମ୍ତେ ମାର୍ ଅଜ୍ଜୁର;

୧୪ ଅଜ୍ଜୁରତେ ମାର୍ ସାଦକ୍; ସାଦକ୍ତେ ମାର୍ ଜାକୀନ୍;
ଜାକୀନ୍ତେ ମାର୍ ଏଲୀହୁଦ୍; ଏଲୀହୁଦ୍ତେ ମାର୍ ଲାଜାର୍; ଲାଜାର୍ତେ
ମାର୍ ମଡ୍ତାନ୍;

୧୫ ମଡ୍ତାନତେ ମାର୍ ଯାକୁବ୍; ଯାକୁବ୍ତେ ମାର୍ ଜସେପ୍ ।

୧୬ ହି ଜସେପ୍ ମରିୟମ୍ତିଙ୍କ୍ ପେଣ୍ଟୁ ମାଡିମାଡ୍ତଣ୍ଟ । ମରୀୟମ୍
ତେ ତଙ୍କେତାଗାଙ୍କ୍ ଜିସୁ ଜନମ୍ ମାଡିମାଡ୍ତଣ୍ଟ । ଜିସୁ କ୍ରିଷ୍ଟ୍ ମସିହ
ପେଦେର୍ତେ ମିକା ପୁଡ୍ତଣ୍ଟ ।

୧୭ ଇଦ୍ରକମ୍ ଅବ୍ରାହାମ୍ ତାଗାଙ୍କ୍ ଦାଉଦ୍ତାଗ୍ ହେଝୁନା
ଚଉଦଚାନ୍ ପିଡି; ଦାଉଦ୍ତାଗାଙ୍କ୍ ବାବିଲନ୍ ବନ୍ଦି ହେଝୁନା ଚଉଦଚାନ୍
ପିଡି ନୁ ବାବିଲନ୍ ବନ୍ଦିତାଗାଙ୍କ୍ କ୍ରିଷ୍ଟନ୍ ଜନମ୍ ହେଝୁନା ଚଉଦଚାନ୍
ପିଡି ।

ଜିସୁ କ୍ରିଷ୍ଟନ୍ ଜନମ୍ କାରୁର

(ଲୁକ ୨:୧-୭)

୧୮ ☆ ଇଦ୍ ଆଦୁଡ୍ତେ ଜିସୁ କ୍ରିଷ୍ଟନ୍ ଜନମ୍ କବର । ତାମ୍ ଯାୟ୍
ମରୀୟମ୍ ତାଦ୍ ଜସେପ୍ ତଡ୍ ନିର୍ବନ୍ଦ୍ ଆସ୍ମାଡ୍ତେ । ବାତେଙ୍କ୍

ଇଡ଼କେ ଅଡ଼ାଦ ପେଣ୍ଡୁଲୁ ଆଦଦାନ ମୁନେଙ୍କ ମରୀୟମ ପୁତ୍ତେ ଯେ ପବିତ୍ର ଆମ୍ବାତେ ଆଦ ତଙ୍କେଡ଼ ଆଡ଼ତେ ।

୧୯ ଜସେପ୍ ସାରେଦାମ୍ ନେଲେଡ଼ାଦ ପାଡ଼ୟି ମାଡ଼ମାଡ଼ତଣ୍ଡ । ଆଦଦିଙ୍କ ମରିୟମତିଙ୍କ ନାରୁଡ଼ାଦ ନିନ୍ଦତାଗାଙ୍କ ରକ୍ଷା ମାଡ଼ାନ ମାଇଦିଙ୍କ ମିଞ୍ଜି ନିର୍ବନ୍ଦତିଙ୍କ ମନାମାଡ଼ାଙ୍କ ଚିନ୍ତେ ମାଡ଼ତଣ୍ଡ ।

୨୦ ଅଣ୍ଡ ଇଦରକମ୍ ଆଲ୍‌ସାନ ଝେଲେ ଝେରଣ୍ଡ ଇଶ୍ବରତେ ଦୂତ ଅଂକିଙ୍କ ସପ୍ନତେ ତହିଁ କେଡ଼ତଣ୍ଡ, “ହୋ ଦାଉଦ ବଂଶତନି ଜସେପ୍ ! ମରୀୟମ୍ ତିଙ୍କ ମୁତ୍ତେ ଇଞ୍ଜି ଗ୍ରହନ୍ ମାଡ଼ାଙ୍କ ଝେରମା, ବାତେଙ୍କ ଇଡ଼କେ ପବିତ୍ର ଆମ୍ବା ତଡ଼ ଆଦ ତଙ୍କେଡ଼ ଆଡ଼ତେ ।

୨୧ ☆ ତାଂକିଙ୍କ ଝେରନ୍ ମାର୍ ଜନମ୍ ଆଦତଣ୍ଡ । ନିମ୍ ଅନ୍ ପେଦେର୍ ‘ଜିସୁ’ ଝାଟିତି, ବାତେଙ୍କ ଇଡ଼କେ ଅଣ୍ଡ ତାମ୍ ନାରୁଡ଼କ୍ ତାମାଦ ପାପ୍‌ତାଗାଙ୍କ ରକ୍ଷା ମାଡ଼ିତନ୍ ।”

୨୨ ଇଶ୍ବର ଝେରଣ୍ଡ ବାବବାଦିନ୍ ତଡ଼, ବେନ୍ ବବିଷ୍ୟବାଣି କେସ୍‌ମାଡ଼ତଣ୍ଡ, ଆଦ ସାରେ ଆଦାନ ମାଇଦିଙ୍କ ଇଦ୍‌ସାରେ ଗଟେମ୍ ଆଡ଼ତେ ।

୨୩ ଆଦ ବବିଷ୍ୟବାଣି ଆଦୁଡ଼ତେ, “ଅଣ୍ଡୟ ପିକିଡ଼ ତଙ୍କେଡ଼ ଆସ୍ ମାର୍ ଜନମ୍ ମାଡ଼ତେ । ଅଣ୍ଡ ମାର୍ ‘ଇମାନ୍‌ୟେଲ୍’ ଇଡ଼କେ ଇଶ୍ବର ମାନତଡ଼ ମିନ୍ଦେଣ୍ଡ ।”

୨୪ ଜସେପ୍‌ତେ ଉସ୍‌କାଡ଼ ତେର୍ତେ ପାୟେ ଅଣ୍ଡ ଇଶ୍ବରତେ ଦୂତତେ ଗର୍ ଲେକାମ୍ ପାଡ଼ୟି ମାଡ଼ତଣ୍ଡ । ଅଣ୍ଡ ମରିୟମତିଙ୍କ ପେଣ୍ଡୁଲୁ ଆଡ଼ତଣ୍ଡ ।

୨୫ ☆ବାତେଙ୍କ ଇଡ଼କେ ଆଦିନ୍ ଆଦ ମାର୍ ଜନମ୍ ଆଦାନ ଯାକ ତାନ୍ ତଡ଼ ଉଞ୍ଜଣ୍ଡ । ଜସେପ୍ ଆ ମାର୍‌ରିଙ୍କ ଜିସୁ ପେଦେର୍ ହିଡ଼ତଣ୍ଡ ।

୨

ମୁନେଡ଼ ଦେଶ୍‌ତେ ଜାନିନାରୁଡ଼

୧ ହେରଦ୍ ଶାସନ୍ ମାଡ଼ାନ ଝେଲେ ଯିହୁଦା ଦେଶ୍‌ତେ ବେଡ଼ଲିହିମ୍ ଟାଉନ୍‌ତାଗ୍ ଜିସୁ ଜନମ୍ ଆଡ଼ତଣ୍ଡ । ଇଦିନ୍ ସୁଦୁର୍ ଦିନାମ୍ ପେକେ

ମୁନେଙ୍କତେ ଦେଶତଡ଼, ବେସ୍‌କତଡ଼, ଜାନିନାରୁଡ଼, ଜିରୁଶାଲମ୍‌ତାଗ୍
ଝାସ୍ ପାତ୍ରାମାଡ଼ତଡ଼,

୨ “ବେନ୍ ବାବୁ ଯିହୁଦିଡ଼, ରାଜାଲ୍ ଆଦାନ୍ ମାଇଦିଙ୍କ୍ ଜନମ୍
ଆଡ଼ତଣ୍ଟ, ଅଣ୍ଟ ବେକେ ? ମୁନେଡ଼ ମାବ୍‌ତାଗ୍ ଅନାଦ୍ ଉକାମ୍ ଉଡ଼ି
ଅଂକିଙ୍କ୍ ପୂଜା ମାଡ଼ାନ୍ ମାଇଦିଙ୍କ୍ ମାମ୍‌ମେ ଝାଡ଼ତମ୍ ।”

୩ ଅଡ଼ାଦ୍ ଇଦ୍ ଗର୍ କେଞ୍ଜି ରାଜାଲ୍ ହେରଦ୍ ନୁ ଜିରୁଶାଲମ୍‌ତେ
ସାରେତଡ଼ ଗାଟି ଦାୟେ ଆଦତଡ଼ ।

୪ ହେରଦ୍ ସାରେ ମୁକ୍ୟ ଜାଜକ୍ ନୁ ସାରେ ଦର୍ମଗୁରୁଡ଼କ୍ କାର୍‌ଜି
ଅଡ଼କିଂଙ୍କ୍ ପାତ୍ରାମାଡ଼ତଣ୍ଟ, “ମସିହ ଇଡ଼କେ କ୍ରିଷ୍ଟ ବେଗେ ଜନମ୍
ଆଡ଼ତନ୍ ?”

୫ ଅଡ଼ ଉଉର୍ ହିଡ଼ତଡ଼, “ଯିହୁଦା ଦେଶ୍‌ତେ ବେଡ଼ଲିହିମ୍‌ତାଗ୍ ।”
ଇଦ୍ ବିଷୟ୍‌ତେ ଝେରଣ୍ଟ ବାବବାଦୀ ଲେକିମିୟେଣ୍ଟ,

୬ “ଯିହୁଦା ଦେଶ୍‌ତେ ବେଡ଼ଲିହିମ୍ !

ଯିହୁଦାତେ ମୁକ୍ୟ ସହର୍ ନାଗାଙ୍କ୍ ନିମ୍ ସୁଦୁର୍ ଆୟୁଞ୍ଜିନ୍,
ବାତେଙ୍କ୍ ଇଡ଼କେ ନା ଇସ୍ରାୟେଲିୟ ନାରୁଡ଼କିଂଙ୍କ୍ ପଡ଼୍‌ପାନ୍ ମାଇଦିଙ୍କ୍
ନିୟାଗ୍ କଞ୍ଜି ଝେରଣ୍ଟ ରାଜାଲ୍ ଜନମ୍ ଆଦତନ୍ ।”

୭ ଇଦ୍ କେଞ୍ଜି ହେରଦ୍ ମୁନେଡ଼ ଦେଶ୍‌ତେ ଆଦ୍ ଜାନିଡ଼କିଙ୍କ୍
ଅଣ୍ଟୟ୍ ଗୁପ୍ତ ମିଟିଙ୍କ୍‌ତାଗ୍ କାର୍‌ଜି ଟିକ୍ ବେନ୍ ସମୟ୍‌ତେ ଆଦ୍ ଉକାମ୍
ପେୟିସ୍ ମାଡ଼ତେ, ଅଡ଼ଆଗାଙ୍କ୍ ବୁଜେମ୍ ଆଡ଼ତଣ୍ଟ ।

୮ ତାନ୍ ପେକେ ଅଡ଼କିଂଙ୍କ୍ ବେଡ଼ଲିହିମ୍ ଟାଉନ୍‌ତାଗ୍ ରଅସ୍
କେଡ଼ତଣ୍ଟ, “ଆନୁର୍ ଆ ପେକାଙ୍କ୍ ସାୟେ ମାଡ଼ି ମେହେକାର୍ ନୁ ଅଂକିଙ୍କ୍
ଦରସ୍‌କି ନାକିଂଙ୍କ୍ କେଲାର୍, ନାନ୍ ମିକା ଆଞ୍ଜି ଅଂକିଙ୍କ୍ ପୂଜା ମାଡ଼ିତାନ୍
।”

୯ ଜାନିଡ଼ ଆଦ୍ ପଡ଼ିୟେ ଝିଡ଼ସି ମେଣ୍ଟନ୍‌ୟାମ୍ ଅଡ଼ ହାରଦାଗ୍
ଆଦାନ୍ ଝେଲେ, ମୁନେଡ଼ ମାବ୍‌ତାଗ୍ ଉଡ଼ିମାଡ଼ତାଦ୍ ଆଦ୍ ଉକାମ୍
ମେଣ୍ଟନ୍‌ୟାମ୍ ତଅନ୍‌ଦତେ ।

୧୦ ଆଦିଙ୍କ୍ ଉଡ଼ି ଅଡ଼ାଦ୍ ବେସର୍ ଝେଡ଼କା ଆୟୁୟ ! ଅଡ଼ ବେସର୍
ସାଦେ ଆଦତଡ଼ ! ଅଡ଼ ମୁନ୍ ଆଞ୍ଜି ଉକାମ୍ ବାବୁ ମାୟାନ୍ ଲୋଡ଼ତେ
ପରର ନିଡ଼ତେ ।

୧୧ ଅଡ଼ ଆଦ୍ ଲୋଡ଼ତେ ଲପ୍ ହସ୍‌ତଡ଼ ନୁ ବାବୁଙ୍କ୍ ଯାୟ ମରାୟମ୍
ତେ ତଡ଼ ଉଡ଼ି ମର୍‌ମିଣ୍ଟାଇସ୍ ନମସ୍‌କାର୍ ମାଡ଼ତଡ଼ ନୁ ତାସ୍‌ମାୟାନ୍

ସୁନା, କୁହୁରୁ ନୁ ସାଏଡ଼ ଗାବତାଦ ରସ ପେସପିଇ ଅଂକିଙ୍କ ଉପହାର ହିତତଡ଼ ।

୧୨ ଇଦିନ୍ ପେକେ ଅଡ଼ ମେଣ୍ଡେଅନ୍ ହାର ଇସ ନିଜେଡ଼ ଦେଶତାଗ ମାଲ୍ଲସ୍ ଆଡ଼ତଡ଼ । ବାଡେଙ୍କ ଇଡ଼କେ ହେରଦନ୍ ଗାରରେ ମାଲ୍ଲସ୍ ଆନ୍ମାକିଡ଼ ଇଞ୍ଜ ଇଶ୍ବର ଅଡ଼କିଂଙ୍କ ସାପ୍ରେତେ ଗର୍ ଇସମାଡ଼ତଣ୍ ।

ମିସର୍ ଦେଶତାଗ ମିରତଡ଼

୧୩ ଅଡ଼ ଆଡ଼ତେ ପେକେ ଇଶ୍ବରତେ ଦୂତ ଯୋସେପ୍ତିଙ୍କ ସପ୍ରେତେ ଦର୍ଶନ୍ ଇସ କେଡ଼ତଣ୍, “ହେରଦ୍ ପେକାଙ୍କ ଆଞ୍ଜୁକାଙ୍କ ମାଲ୍ଲଦିଙ୍କ ମେହେକିତଣ୍ । ଆଦିଙ୍କ ତେଦଦେ, ବାବୁଙ୍କ ନୁ ତାମ୍ ଯାୟାଙ୍କ ପଇସ୍ ମିସର୍ ଦେଶତାଗ ମିରରେ । ଆଦ୍ ପଡ଼୍ଯି ଝିଡ଼ସାଙ୍କ କେଲ୍‌ଝେ ଯାକ ଆଗେ ମାନ୍ନୁର୍ ।”

୧୪ ଯୋସେପ୍ ତେଦି ପେକାଙ୍କ ନୁ ତାମ୍ ଯାୟାଙ୍କ ପଇସ୍ ଆଦ୍ ନାରକେଡ଼ ମିସର୍ ଦେଶତା ଆଡ଼ତଡ଼ ।

୧୫ ହେରଦ୍‌ତେ ଡଲାନ ଯାକ ଅଡ଼ ଆଗେ ମାଡ଼ତଡ଼ । ଇଦ୍ ସାରେ ଗଟେମ୍ ଆଡ଼ତାଙ୍କ ବାବବାଦିଡ଼ାଦ୍ ବବିଷ୍ୟବାଣି ସାରେ ଆଡ଼ତେ । ଅଣ୍ କେସମାଡ଼ତଣ୍, “ନା ମାର୍‌ରିଙ୍କ ନାନ୍ ମିସର୍ ଦେଶତାଗ କାର୍‌ଞ୍ଜି ତାଡ଼ତାନ୍ ।”

ହେରଦ୍ ପେକାଲଡ଼କିଙ୍କ ହାଉକାଙ୍କ କେଡ଼ତଣ୍

୧୬ ମୁନେଡ଼ ଦେଶତାଗାଙ୍କ ଖାସ୍ ମାନ୍ଦାନ୍ ଜାନିଡ଼ ଅଂକିଙ୍କ ବୁସାମାଡ଼ି ଆଡ଼ତଡ଼ ଇଞ୍ଜ ପୁଞ୍ଜ, ହେରଦ୍ ଗାଟି କପାମ୍ ଆଡ଼ତଣ୍ ନୁ ବେଡ଼ଲିହିମ୍ ନୁ ଆଦିନ୍ ଗାରରେ ଗାରରେଡ଼ ପଡ଼ିୟେତାଗ୍ ମାନ୍ଦାନ୍ ରେଣ୍ ହେଣ୍‌କ୍ ନୁ ସୁଡ଼ର୍ ବୟସ୍‌ତେ ସାରେ ପିଲାଙ୍କ ହାଉକାଙ୍କ ଗର୍ ହିତତଣ୍ । ଡକାମ୍ ପେୟତାଦ୍ ଦିନାମ୍ ବିଷୟତେ ଜାନିଡ଼ାଗାଙ୍କ ଅଣ୍ ବାଡ଼ କେଞ୍ଜି ମାଡ଼ତଣ୍, ଆଦ୍ ଲେକାମ୍ ଅଣ୍ ପିଲାମାଞ୍ଜୁ ବୟସ୍‌ତାଦ୍ ସିମା ପୁଞ୍ଜମାଡ଼ତଣ୍ ।

୧୭ ଇଦିନ୍ ତଡ଼ ବାବବାଦୀ ଜିରିମାୟତେ ଅଣ୍‌ୟ ବବିଷ୍ୟବାଣି ସାରେ ଆଡ଼ତେ । ଅଣ୍ ଲେକିମାଡ଼ତଣ୍;

୧୮ “ରାମା ସହର୍ କନ୍‌ସ୍ କିଡ଼କାନାଦ୍ ଲେଙ୍କ୍ ଖାଦୁଡ଼

ଆଦ୍ ଦୁଃକାମତେ କେୟାନାଦ୍ ଲେଙ୍କ୍

ରାହେଲ୍ ତାନ୍ ପିଲାନ୍ ସେଙ୍ଗେ କେୟୁଡ଼;

ଅଂକିଙ୍କ ବେନ ଗଟତେମିକା ବୁଜାମାଡାନଙ୍କ ଆୟାୟ,
ବାତେଙ୍କ ଇଡକେ ଅଡ଼୍ ସାରେତଡ଼୍ ତଲ୍ତଡ଼୍ ।”

ମିସରତାଗାଙ୍କ ମାଲ୍ତଡ଼୍

^{୧୯} ହେରଦନ୍ ତଲ୍ତେ ପେକେ ପ୍ରବୁନ୍ ଦୂତ ମିସରତାଗ୍
ଜସେପ୍ତିଙ୍କ ଦର୍ଶନ୍ ଇସ୍ କେଡ଼ତଣ୍ଡ,

^{୨୦} “ତେଦଦେ, ପେକାଙ୍କ ନୁ ତାମ୍ ଯାୟାଙ୍କ ଅସ୍ ଇସ୍ରାୟେଲ୍
ଦେଶ୍ତାଗ୍ ମାଲ୍ସ୍ ଆନ୍ । ବାତେଙ୍କ ଇଡକେ ବେନଡ଼୍ ଅଂକିଙ୍କ ଜିଝୁଣ୍ଡ
ମାଡ଼ାଙ୍କ ଆଲ୍ସି ମାଡ଼ତଡ଼୍ ଅଡ଼୍ ତଲ୍ତଡ଼୍ ।”

^{୨୧} ଆଦିଙ୍କ ଜସେପ୍ ପେକାଙ୍କ ନୁ ମରିୟମ୍ତିଙ୍କ ଅସ୍ ଇସ୍ରାୟେଲ୍
ଦେଶ୍ତାଗ୍ ମାଲ୍ସ୍ ଆଡ଼ତଡ଼୍ ।

^{୨୨} ବାତେଙ୍କ ଇଡକେ ହେରଦନ୍ ପେକେ ତାନ୍ ମାର୍ ଆରକିଲାୟ୍
ଯିହୁଦାତେ ରାଜାଲ୍ ଆଡ଼ତଣ୍ଡ ଇଞ୍ଜ କେଞ୍ଜି ଅଣ୍ଡ ଆଗେ ଆଡ଼ତାଙ୍କ
ଝେରତଣ୍ଡ ।

^{୨୩} ☆ମେଣ୍ଡେନ୍ଦାମ୍ ମେଣ୍ଡଅଣ୍ଡରକମ୍ ସପ୍ତେ ଗଟ୍ ପାଏମ୍ଆସ୍
ଅଣ୍ଡ ଗାଲିଲୀ ପ୍ରଦେଶ୍ତେ ନାଜରିତିୟ୍ ସହରତାଗ୍ ଲୋନ୍ ମାଡ଼ି
ଆଗେ ମାଡ଼ତଣ୍ଡ । ଇଦିନତଡ଼୍ ବାବବାଦୀଡ଼ାଦ୍ ମଦଲ୍ କେଡ଼ତାଦ୍
ଅଣ୍ଡୟ୍ ବାକ୍ୟ ସାରେ ଆଡ଼ତେ, “ଅଣ୍ଡ ନାଜରିତିୟ୍ ଇଞ୍ଜ ପୁଡ଼ତନ୍ ।”

୩

ବାପ୍ତିସ୍ମ ଯୋହନ୍ତାଦ୍ ପ୍ରଚାର

(ମାର୍କ ୧:୧-୮; ଲୁକ ୩:୧-୧୮; ଯୋହନ୍ ୧:୧୯-୨୮)

^୧ ଆଦ୍ ସମୟତେ ବାପ୍ତିଜକ ଯୋହନ୍ ଯିହୁଦା ପ୍ରଦେଶ୍ତେ
ଉତ୍ତକନେଲ୍ ପଡ଼ିୟେତାଗ୍ ଖାସ୍ ପ୍ରଚାରମାଡ଼ାଙ୍କ ଆରାମ୍ ମାଡ଼ତଡ଼୍ ।

^୨ ☆ଅଣ୍ଡ କେସ୍ମାଡ଼ତଣ୍ଡ, “ପାପ୍ ହାରତାଗାଙ୍କ ମାଲ୍ମୁଟ୍, ବାତେଙ୍କ
ଇଡକେ ଇଶ୍ବର୍ ରାଜ୍ୟ ମି ଗାର୍ରେ ଖାସ୍ ହେଝ୍ସ ମିନ୍ଦେ ।”

^୩ ଯିଶାଇ ବାବବାଦୀ ବେନ୍ ନାରୁଡ଼୍ ବିଷୟତେ କେସ୍ମାଡ଼ତଣ୍ଡ,
ଯୋହନ୍ ଆଦୁତନ୍ ଆଦ୍ ନାରୁଡ଼୍,

“ଉତ୍ତକନେଲ୍ତାଗ୍ ବେନ ଝେରଣ୍ଡ ଗାଟି ଲେଙ୍ଗ୍ଦେ କେଡୁତଣ୍ଡ,

ପ୍ରବୁନ୍ ମାଲ୍ଦିଙ୍କ ହାର୍ ତିଆର୍ ମାଡ଼ାଟ୍;

☆ ୨:୨୩ ମାର୍କ ୧:୨୪; ଲୁକ ୨:୩୯; ଯୋହନ୍ ୧:୪୫. ☆ ୩:୨ ମାତିର ୪:୧୭; ମାର୍କ ୧:୧୫.

ଅଣ୍ଡ ଖାଦାନ ସେଙ୍ଗେ ତିନାଙ୍କ ଆର୍ ତିଆର୍ ମାଡ଼ାଟ୍ ।”

୪ ଯୋହନତାଦ୍ ଚକା ଉର୍ କେଲକିନ୍ ତିଆର୍ ଆସମାଡ଼ତେ । ଅଣ୍ଡ ତାନ୍ ଚିକିଡ଼ତାଗ୍ ଅଣ୍ଡୟ୍ ତଲକେତଡ଼୍ ଗାଟ୍ ଖାଟ୍ ମାଡ଼ତଣ୍ । କାରାପ୍ ମାଡ଼େଡ଼ କାୟା ନୁ ଗୁପ୍ତାଦ୍ ତେନେ ଅନାଦ୍ କାଦି ମାଡ଼ତେ ।

୫ ଯିରୁଶାଲେମ୍ ସହରକନ୍ସ, ଯିହୁଦା ପ୍ରଦେଶ୍ ନୁ ଯର୍ଜନ୍ ବେଡ଼େଡ଼ତେ ଗାରରେ ସାରେ ପଡ଼ିୟେତାଗାଙ୍କ୍ ନାରୁଡ଼୍ ଅନ୍ ଗାରରେ ଖାସ୍ ମାଡ଼ତଡ଼୍ ।

୬ ଅଡ଼୍ ତାମାଦ୍ ପାପ୍ ସୀକାର ମାଡ଼ି ଯୋହନ୍ ତଡ଼୍ ଯର୍ଜନ୍ ବେଡ଼େମ୍ତାଗ୍ ବାପ୍ତିସ୍ମ ଅସମାଡ଼ତଡ଼୍ ।

୭ ✧ବେସୁର୍ ଯୋହନ୍ ଉଡ଼ତଣ୍ ନାରଗେ ପାରୁଣୀଡ଼୍ ନୁ ସାଦୁକିଡ଼୍, ବାପ୍ତିସ୍ମ ଅଦାନ୍ ମାଇଦିଙ୍କ୍ ଖାଦୁତଡ଼୍; ଅଡ଼୍କିଂଙ୍କ୍ ଅଣ୍ଡ କେଡ଼ତଣ୍, “ରେ ଝିସାମ୍ ମାୟାନ୍ ତାଡ଼ାମ୍ ବଂଶତଡ଼୍, ଖାଦାନ୍ ଦଣ୍ଡତେ ଖେଲେ ମିରାନଙ୍କ୍ ସେଙ୍ଗେ ବେନ ମିକିଂଙ୍କ୍ ଚେତନା ହିଡ଼ତଣ୍ ?

୮ ଯଦି ନିଜାମ୍ ପାପ୍ତାଗାଙ୍କ୍ ମାଲ୍ସ୍ ଖାଡ଼ତିଡ଼୍, ଇଦ୍ ମିଡ଼୍ ସାୟେଡ଼ ପାଡ଼ିୟିଦାଗ୍ ତଅମୁର୍ ।

୯ ✧ଆଲ୍ସମାଟ୍ ଯେ ଅବ୍ରାହାମ୍ ମିଇ ମୁନେଡ଼ ନାରୁଡ଼୍ ଇଞ୍ଜି କେଡ଼ତାନ୍ ତଡ଼୍ ମିଡ଼୍ ଦଣ୍ଡତାଗାଙ୍କ୍ ରକ୍ଷା ଦରକିଡ଼୍ । ନାନ୍ ମିକିଂଙ୍କ୍ କେସମିୟେନ୍ ଯେ ଇଶ୍ବର ଇଞ୍ଜୁ କାଲ୍କିଙ୍କ୍ ଅସ୍ ଅବ୍ରାହାମ୍ତେ ବଂଶତେ ତିଆର୍ ମାଡ଼େ ପାର୍ଦଡ଼ତଣ୍ ।

୧୦ ✧ମେଣ୍ଡେ, ଇଞ୍ଜେ ମିକା ମାଡ଼ାକିନ୍ ମଦଲ୍ ଗଡେଲ୍ ମିୟେ । ବେନ୍ ମାଡ଼ାକିନାଗ୍ କାୟା ସାୟେ ଆଦକ୍, ଆଞ୍ଜିଙ୍କ୍ ନାଡ଼କି କିସ୍ତାଗ୍ ଖାଟିତଡ଼୍ ।

୧୧ ମିଡ଼୍ ପାପ୍ତାଗାଙ୍କ୍ ମାନ୍ତିଙ୍କ୍ ମାଲ୍ପାଟ୍, ଇଦ୍ କେଞ୍ଜିପାନଙ୍କ୍ ନାନ୍ ମିକିଂଙ୍କ୍ ଏରଦାଗ୍ ବାପ୍ତିସ୍ମ ହିଡୁତାନ୍ । ବାଡେଙ୍କ୍ ଇଡ଼କେ ନା ଅଦିକ୍ ବେନ ଖାଦୁତଣ୍, ଅଣ୍ଡ ମିକିଂଙ୍କ୍ ପବିତ୍ର ଆମ୍ବା ନୁ କିସ୍ତାଗ୍ ବାପ୍ତିସ୍ମ ହିଡ଼ତଣ୍ । ଅଣ୍ଡ ନାୟାଗାଙ୍କ୍ ମହାନ୍ ଅନାସ୍ତୁ ହେର୍ପୁକ୍ କାଞ୍ଜାଙ୍କ୍ ମିକା ନାନ୍ ଯୋଗ୍ୟ ଆୟନ୍ ।

୧୨ ଶସ୍ୟତାଗାଙ୍କ୍ ପଲେତିଙ୍କ୍ ତୁଉତାନ୍ ମାଇଦିଙ୍କ୍ ଅନ୍ କାଇଦେ ଏଡ଼ ମିୟେ । ଅଣ୍ଡ ଶସ୍ୟକିଙ୍କ୍ ତାନ୍ କୁସ୍ତାଗ୍ ନେହେତିଡ଼ତଣ୍ ନୁ

ପଲେତିଙ୍କ ନିତ୍ତାନାଦ କିସ୍ତାଗ୍ ଖାଟି ପଡ଼ିଥିବୁ ।”

ଜିସୁ ବାପ୍ତିସ୍ମ ଗ୍ରହନ୍ ମାତ୍ରତଣ୍ଡ
(ମାର୍କ ୧:୯-୧୧; ଲୁକ ୩:୨୧; ୨୨)

୧୩ ଆସୁଚେ ଜିସୁ ଗାଲିଲୀ ପ୍ରଦେଶ୍‌ରେ ନାଜରିତ୍‌ୟ ତାଗାଙ୍କ୍ ଖାସ୍ ବାପ୍ତିସ୍ମ ଗ୍ରହନ୍ ମାତ୍ରାନ୍ ମାଲ୍‌ଦିଙ୍କ୍ ଯର୍ଦ୍ଦନ୍ ବେଡ଼େମ୍‌ତାଗ୍ ଆଞ୍ଚିନାଗ୍ ଯୋହନ୍‌ରେ ଗାର୍‌ରେ ଖାଡ଼ତଣ୍ଡ ।

୧୪ ଯୋହନ୍ ଜିସୁଙ୍କ୍ ମନାମାଡ଼ି କେଡ଼ତଣ୍ଡ, “ନାନ୍ ସିନା ନିୟାଗାଙ୍କ୍ ବାପ୍ତିସ୍ମ ଅଦାନ୍ ମାତ୍ରତେ ମିକା ନିମ୍ ନା ଗାର୍‌ରେ ଖାଡ଼ତିନ୍ ?”

୧୫ ବାତେଙ୍କ୍ ଇଡ଼କେ ଜିସୁ ଉତ୍ତର ହିଡ଼ତଣ୍ଡ, “ନାଖାଦ୍ ଗର୍‌ତେ ରାଜି ଆୟିମ୍ । ବାତେଙ୍କ୍ ଇଡ଼କେ ଇଦିନ୍ ତଡ଼୍ ମାନାଡ଼୍ ଇଶ୍‌ବରତେ ଇଚ୍ଛା ଲେକାମ୍ ପାଡ଼ିୟି ମାତ୍ରପାର୍‌ଦତାଡ଼୍ ।” ଆଦିଙ୍କ୍ ଯୋହନ୍ ଅଂକିଙ୍କ୍ ବାପ୍ତିସ୍ମ ହିଦାଙ୍କ୍ ରାଜି ଆଡ଼ତଣ୍ଡ ।

୧୬ ଜିସୁ ବାପ୍ତିସ୍ମ ହସ୍ ଏରତାଗାଙ୍କ୍ ତେଦି ଖାଡ଼ତେ ସାଙ୍ଗେ ସାଙ୍ଗେ ଅଣ୍ଡ ଉଡ଼ତଣ୍ଡ ସ୍‌ବର୍ଗ୍ କୁଲେମ୍ ଆଡ଼ତେ ନୁ ପବିତ୍ର ଆମ୍ବା ପାଖି ରକମ୍ ହାସ୍ ଅନ୍ ପରର ଡିଗ୍‌ତେ ।

୧୭ ଡାନ୍ ପେକେ ସ୍‌ବର୍ଗ୍‌କନ୍‌ସ ଇଦ୍ ବାଣି ଆଡ଼ତେ, “ନିମେ ମା ପ୍ରିୟ ମାର୍, ନିୟାଗେ ନାନେ ଗାଟି ସନ୍ତୁଷ୍ଟ ।”

୪

ଗୟତାନ୍ ତଡ଼୍ ଜିସୁ ପରିକ୍ଷିତ୍ ଆଡ଼ତଣ୍ଡ
(ମାର୍କ ୧:୧୨-୧୩; ଲୁକ ୪:୧-୩୪)

୧ ☆ଆସୁଚେ ପବିତ୍ର ଆମ୍ବା ଜିସୁଙ୍କ୍ ଉଡ଼କନେଲ୍‌ତାଗ୍ ଅଂକିଙ୍କ୍ ସିମ୍‌ସାମ୍ ପଡ଼ିୟେତାଗ୍ ଅଡ଼ତେ । ଆଗେ ଅଣ୍ଡ ଗୟତାନ୍ ତଡ଼୍ ପରିକ୍ଷିତ୍ ଆଡ଼ତଣ୍ଡ ।

୨ ଚାଲିଣି ଦିନ୍ ନୁ ଚାଲିଣି ନାରକେଡ଼୍ କାଦି ଡିନକର୍ ମାତ୍ରତାଙ୍କ୍ ପେକେ ଜିସୁଙ୍କ୍ କାର୍‌ପୟିତେ ।

☆ ୩:୧୭ ମାତ୍ରିକ ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫. ☆ ୪:୧ ଏବ୍ରୀ ୨:୧୮; ୪:୧୫.

୩ ଆସୁଟେ ଶୟତାନ୍ ଅନ୍ ଗାରରେ ଝାସ୍ କେଡ଼ତଣ୍ଟ, “ନିମେ ଯଦି ଇଶ୍ବର ତେ ମାର୍, ଆଲାକେ ଇଦ୍ କାଲ୍‌ଦିଙ୍କ୍ ରୋଟି ଆଦାନ୍ ସେଙ୍ଗେ ଗର୍ ହିମ୍ ।”

୪ ଇଡ଼କେ ଜିସୁ ଉତ୍ତର୍ ହିଡ଼ତଣ୍ଟ, “ଶାସ୍ତ୍ରତାଗ୍ ଲେକାମିୟେ, ‘ନାରୁଡ଼୍, ବେସୁଣ୍ଟ୍ ରୋଟି ତିଞ୍ଜ୍ ବାଦକଡ଼୍ । ବାତେଙ୍କ୍ ଇଡ଼କେ ଇଶ୍ବରତେ ପାୟ୍‌ରତାଗାଙ୍କ୍ ପେୟ୍‌ତେ ସାରେ ବାକ୍ୟ ତଡ଼୍ ବାଦକିତଣ୍ଟ ।”

୫ ଇଦିନ୍ ପେକେ ଶୟତାନ୍ ଜିସୁଙ୍କ୍ ପବିତ୍ର ନାର୍ ଜିରୁଶାଲମ୍‌ତାଗ୍ ଅଡ଼ତେ । ଆଗେ ଅଂକିଙ୍କ୍ ମନ୍ଦିରତେ ପରର୍ ଜୁଟିନାଗ୍ ଅସ୍ କେଡ଼ତେ,

୬ ନିମେ ଯଦି ଇଶ୍ବରତେ ମାର୍, ଆଲାକେ ଇଗାଙ୍କ୍ ମଦଲ୍ ତୁଲ୍‌ଲେ । ଦର୍ମଶାସ୍ତ୍ରତାଗ୍ ଲେକାମିୟେ,
“ନିକିଂଙ୍କ୍ ରକ୍ଷା ମାଡ଼ାନ୍ ସେଙ୍ଗେ ଇଶ୍ବର ତାନ୍ ଦୂତକିଂଙ୍କ୍ ନି ବିଷୟ ତେ ଆଦେଶ୍ ହିଡ଼ତଣ୍ଟ ।

ଅଡ଼ ନିକିଂଙ୍କ୍ କାଇଦେ ପୟ୍‌ଦତଡ଼୍ ।

ଆଦିଙ୍କ୍ ନିୟାସ୍ତ୍ ତେକାନାଗ୍ କାଲ୍‌କିନ୍ ଦେବ୍ ତାଲ୍‌ଗ ।”

୭ ମେଣ୍ଟେ, ଜିସୁ ଶୟତାନ୍ ତିଙ୍କ୍ କେଡ଼ଣ୍ଟ, “ଶାସ୍ତ୍ରତାଗ୍ ଲେକାମିୟେ, ନିମେ ପ୍ରବୁ ନିଜର୍ ଇଶ୍ବର ତିଙ୍କ୍ ପରିକ୍ଷା ମାଡ଼ାନାଦ୍ ଆୟ୍‌ୟ ।”

୮ ତାନ୍ ପେକେ ଶୟତାନ୍ ଅଣ୍ଟୟ୍ ବେଡ଼ୟାଦ୍ ମେଟେଡ଼ ଜୁଟିନାଗ୍ ଅଡ଼ତେ ନୁ ଅଂକିଙ୍କ୍ ଜଗଡ଼ତାଦ୍ ସାରେ ରାଜ୍ୟତାଦ୍ ସମ୍ପତି ତଅସ୍ କେଡ଼ତଣ୍ଟ,

୯ ଶୟତାନ୍ ଜିସୁଙ୍କ୍ କେଡ଼ତେ, “ଯଦି ନିମ୍ ନାକିଂଙ୍କ୍ ମର୍ମିଣ୍ଟା ଇସ୍ ପୁଜା ମାଡ଼ିତିନ୍, ନାନ୍ ନିକିଂଙ୍କ୍ ଇଦ୍ ସାରେ ଅଦିକାର ନୁ ଇଦ୍ ସାରେ ସମ୍ପତ୍ତି ହିଡ଼ତାନ୍ ।”

୧୦ ଜିସୁ ଉତ୍ତର୍ ହିଡ଼ତଣ୍ଟ, “ଜେକେ ଆନ୍ ଶୟତାନ୍ ! ଦର୍ମଶାସ୍ତ୍ରତାଗ୍ ଲେକାମିୟେ, ‘ମାଡ଼ର୍ ନି ପ୍ରବୁ ଇଶ୍ବରତିଙ୍କ୍ ଉପବାସ୍ ମାଡ଼େ ନୁ ଅନାଦ୍ ସେବା ମାଡ଼େ ।”

୧୧ ତାନପେକେ ଶୟତାନ୍ ଅଂକିଙ୍କ୍ ଝିଡ଼ସି ଆଡ଼ତେ ନୁ ଦୂତ ଝାସ୍ ଜିସୁନାଦ୍ ଯନ୍ ଅଡ଼ତଡ଼୍ ।

ଜିସୁ ଗାଲିଲୀତାଗ୍ ତାନାଦ୍ ପାଡ଼ୟି ଆରାମ୍ ମାଡ଼ତଣ୍ଟ

(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ ✧ ଯୋହନ୍‌ତିଙ୍କ ବନ୍ଦି ମାଡ଼ତଡ଼, ଇଞ୍ଜ କେଞ୍ଜି ଜିସୁ ଗାଲିଲୀତାଗ୍ ମାଲ୍‌ସ୍ ଖାଡ଼ତଣ୍ଡ ।

୧୩ ✧ ବାତେଙ୍କ ଇଡ଼କେ ନାଜରିତ୍‌ୟ ତାଗ୍ ମାନକନ୍‌ସ୍ ସବୁଲୁନ୍ ନୁ ନପତାଲି ପଡ଼ିୟେତାଗ୍ ମାନ୍ଦାନ୍ ଗାଲିଲୀ ସାଞ୍ଜଡେଡ଼ ଆଞ୍ଜିନାଗ୍ ମାନ୍ଦାନ୍ କପର୍ନାହୁମତାଗ୍ ଅଦତଡ଼ ।

୧୪ ଇଦିନ୍ ତଡ଼ ବାବବାଦୀ ଜିଶାଈୟତାଦ୍ ବାକ୍ୟ ସାରେ ଆଡ଼ତେ । ଅଣ୍ଡ କେସ୍‌ମାଡ଼ତଣ୍ଡ,

୧୫ “ଜର୍ଦନ୍ ବେଡେଡ଼ ମେଣ୍ଡେଅନ୍‌ପାକ୍ ସମୁଦ୍ରତା ଆଦାନ୍ ହାବଦାଗ୍, ଜବୁଲନ୍ ନୁ ନପତାଲି ରେଣ୍ଡ ଦେଶ୍‌କ୍ ମିନ୍ଦେ ମେଣ୍ଡେ ବିଜାତି ନାରୁଡାଦ୍ ଗାଲିଲୀ !

୧୬ ଇକାଡ଼ତାଗ୍ ମାଞ୍ଜି ମାଡ଼ମାନ୍ଦାନ୍ ନାରୁଡ଼, ଅଣ୍ଡୟ ସାଏଡ଼ ଖେସ୍ ଉଡ଼ିତଡ଼,

ତଲ୍‌ନାଦ୍ ନିଡ଼କେଡ଼ ସହର୍ତାଗ୍ ମାନ୍ଦାନ୍ ନାରୁଡ଼ତେ ପରର୍ ଆଦ୍ ଖେସ୍ ସାରରେ ପାକେ ଆଦତେ ।”

୧୭ ✧ ଆଦ୍ ସମୟତେ କନ୍‌ସ୍ ଜିସୁ ପ୍ରଚାର ମାଡ଼ି କେଡ଼ତଣ୍ଡ, “ପାପ୍ ହାବତାଗାଙ୍କ୍ ମାଲ୍‌ମୁର୍, ବାତେଙ୍କ ଇଡ଼କେ ଇଶ୍‌ବର୍ ରାଜ୍ୟ ମି ଗାରରେ ଖାସ୍ ହେଞ୍ସ୍ ମିନ୍ଦେ ।”

ଜିସୁ ନାଲ୍‌ଝୁଡ଼ କିକେ ପୟତାନଡ଼କିଙ୍କ୍ କାରଙ୍‌ତଣ୍ଡ

(ମାର୍କ ୧:୧୭-୨୦; ଲୁକ ୫:୧-୧୧)

୧୮ ଜିସୁ ଗାଲିଲୀ ସାଞ୍ଜଡେଡ଼ ଆଞ୍ଜିଇସ୍ ଆଦାନ୍ ଖେଲେ ଶିମୋନ୍ ପିତର୍ ନୁ ଆନ୍ଦିୟ ପେଦେରତେ ଇର୍‌ଝୁଡ଼ କିକେ ପୟତାନଡ଼କ୍ କାଈଲ୍‌ତଣ୍ଡ । ଇଡ଼୍‌ତାମୁଣ୍ଡ ଇର୍‌ଝୁଡ଼ ଖାଲେ ଖାଟି ସାଞ୍ଜଡେଡ଼ାଗ୍ କିକେ ପୟସମାଡ଼ତଡ଼ ।

୧୯ ଜିସୁ ଅଡ଼କିଙ୍କ୍ କାରଙ୍‌କି କେଡ଼ତଣ୍ଡ, “ନା ତଡ଼ ଖାଡ଼ାବ୍ । ନାନ୍ ମିକିଙ୍କ୍ ନାରୁଡ଼କିଙ୍କ୍ ପଇତାନାଦ୍ ନାଡ଼ସ୍ଥିତତାନ୍ ।”

୨୦ ଅଡ଼୍‌ସାଙ୍ଗେ ସାଙ୍ଗେ ଅଡ଼ାଝୁ ଖାଲା ଶ୍ରିଡ଼ସି ଅନ୍ ତଡ଼ ଆଡ଼ତଡ଼ ।

୨୧ ଜିସୁ ସୁଦୁର୍ ମୁନେ ଆଞ୍ଜି ଯାକୁବ୍ ନୁ ଯୋହନ୍ ପେଦେରତେ ଜେବଦିତେ ଇର୍‌ଝୁଡ଼୍‌ମାରକିଙ୍କ୍ କାଈଲ୍‌ତଣ୍ଡ । ଇଡ଼୍‌ତାମୁଣ୍ଡ ଇର୍‌ଝୁଡ଼୍‌

✧ ୪:୧୨ ମାତିତ୍ତ ୧୪:୩; ମାର୍କ ୬:୧୭; ଲୁକ ୩:୧୯, ୨୦.

✧ ୪:୧୩ ଯୋହନ୍ ୨:୧୨.

✧ ୪:୧୭ ମାତିତ୍ତ ୩:୨.

ନୁ ତାମ୍ ବାବାଲ୍ ଓଡେତାଗ୍ କୁଦି ତାମାଦ୍ ଖାଲା ମଦଦା
ମାଡ଼ମାଡ଼ତଡ଼ ।

^{୨୨} ଜିସୁ ଅଡ଼କିଂଙ୍କ ମିକା କାରଙ୍ଗତଣ୍ଡ ମେଣ୍ଡେ ଅଡ଼ ସାଙ୍ଗେ ସାଙ୍ଗେ
ଓଡେ ନୁ ତାମ୍ ବାବାଲ୍ ଖିଡ଼ସି ଜିସୁନ୍ ତଡ଼ ଆଡ଼ତଡ଼ ।

ଜିସୁନ୍ ଶିକ୍ଷା, ପ୍ରଚାର ନୁ ସୁସ୍ଥ ମାଡ଼ାନାଦ୍
(ଲୁକ ୬:୧୭-୧୯)

^{୨୩} ☆ଜିସୁ ଗାଲିଲୀତେ ସାରେତାଗ୍ ଉଡିଉଡି ପ୍ରାର୍ଥନା ଲୋକିନାଗ୍
ଶିକ୍ଷା ଇଡ଼ତଣ୍ଡ । ଇଶ୍ବରତେ ରାଜ୍ୟତାଦ୍ ସୁସମାଚାର ପ୍ରଚାର ମାଡ଼ତଣ୍ଡ
ମେଣ୍ଡେ ନାରଗେ ଲେକାମ୍ ରଗି ନୁ ରଗତେ ନାରୁଡ଼କ୍ ସୁସ୍ଥ ମାଡ଼ତଣ୍ଡ
।

^{୨୪} ସିରିଆତେ ସାରେତାଗ୍ ଅନ୍ଧାଦ୍ କ୍ୟାତି ସାରେପାକ୍ ଆଡ଼ତେ
ମେଣ୍ଡେ ନାରୁଡ଼, ବୁଡ଼ ପୟତେନଡ଼କ୍, ମୁର୍ଛା ରଗିଡ଼କ୍, ପକ୍ଷାଗାଡ଼
ରଗିଡ଼କ୍ ସାରେ ଲେକାଡ଼ ଦୁଃକି ନାରୁଡ଼କ୍ ଅନ୍ ଗାରରେ ତାଡ଼ତଡ଼
।

^{୨୫} ଜିସୁ ଅଡ଼ ସାରେ ତଡ଼କିଂଙ୍କ ସୁସ୍ଥ ମାଡ଼ତଣ୍ଡ । ଗାଲିଲୀ,
ଦେକାପଲୀ, ଯିରୁଶାଲେମ୍, ଯିହୁଦା ପ୍ରଦେଶ୍ ନୁ ଜର୍ଦ୍ଦନ୍ ବେଡେଡ଼
ଆପାକେ ମାନ୍ଦାନ୍ ପଡ଼ିୟେତାଗାଲ୍ ନାରଗେ ନାରୁଡ଼ ଜିସୁନ୍ ପେକେ
ଆଡ଼ତଡ଼ ।

୫

ମେଟେଡ଼ ପରର ଜିସୁ କେତାନାଦ୍

^୧ ଜିସୁ ନାରଗେ ନାରୁଡ଼କିଂଙ୍କ ଉଡି ଅଣ୍ଡୟ ମେଟେତାଗ୍ ଆଞ୍ଜ୍
କୁଦତଣ୍ଡ । ଶିଷ୍ୟଡ଼ ଅଂକିଂଙ୍କ ଗେରାମାଡ଼ି ମାଡ଼ତଡ଼ ।

^୨ ଆଗାଲ୍ ଅଣ୍ଡ ଅଡ଼କିଂଙ୍କ ଶିକ୍ଷାଈସ୍ କେଡ଼ତଣ୍ଡ ।

ବେନଡ଼ ଦନ୍ୟ
(ଲୁକ ୬:୨୦-୨୩)

^୩ “ଆଦ୍ୟାମିକ୍ ଜିହୁନ୍ତାଗ୍ ଦୁର୍ବଲ୍ ଇଞ୍ଜ ଏକା ମାଡ଼ାନ୍ ନାରୁଡ଼ ଦନ୍ୟ,”
ବାତେଲ୍ ଇଡ଼କେ ଅଡ଼ ସ୍ବର୍ଗରାଜ୍ୟତେ ଅଦିକାର ଆଦତଡ଼ ।

^୪ ଦୁଃକାମ୍ ନାରୁଡ଼ ଦନ୍ୟ,

☆ ୪:୨୩ ମାତିର ୯:୩୫; ମାର୍କ ୧:୩୯.

- ବାତେଙ୍କ ଇଡ଼କେ ଇଶ୍ବର ଅଡ଼କିଂଙ୍କ ସାନ୍ତନା ହିଦତଣ୍ ।
 ୫ ନମ୍ର ନାରୁଡ଼ ଦନୟ,
 ବାତେଙ୍କ ଇଡ଼କେ ଅଡ଼ ପୃତିବିତେ ଅଦିକାରି ଆଦେପାର୍ଦତଡ଼,
 ୬ ଇଶ୍ବରତେ ଇଛା ଲେକାମ୍ ପାଡ଼ୟି ମାଡ଼ାନଙ୍କ ବେନଡ଼ାଦ ଇଛା, ଅଡ଼
 ଦନୟ,
 ବାତେଙ୍କ ଇଡ଼କେ ଇଶ୍ବର ଅଡ଼କିଂଙ୍କ ଶାନ୍ତି ମାଡ଼ିତନ୍ ।
 ୭ ବେନଡ଼ ବାଗାଡ଼ ନାରୁଡ଼ ସେଙ୍ଗେ ଦୟାବାନ୍ ଆଦତଡ଼ ଅଡ଼ ଦନୟ,
 ବାତେଙ୍କ ଇଡ଼କେ ଇଶ୍ବର ଅଡ଼କିଂଙ୍କ ଦୟାମାଡ଼ିତଣ୍ ।
 ୮ ବେନଡ଼ାଦ ହୁଦୟ ନିର୍ମଲ୍ ଅଡ଼ ଦନୟ,
 ବାତେଙ୍କ ଇଡ଼କେ ଅଡ଼ ଇଶ୍ବରତେ ଦର୍ଶନ୍ ଉଡ଼ିତଡ଼ ।
 ୯ ବେନଡ଼ ଶାନ୍ତି ମାଡ଼ାନଙ୍କ ଆଲ୍ଲସି ତଡ଼ ଅଡ଼ ଦନୟ,
 ବାତେଙ୍କ ଇଡ଼କେ ଅଡ଼ ଇଶ୍ବରତେ ମାର୍ ରକମ୍ ପୁନ୍ଦାଙ୍କ
 ଆଦତଡ଼ ।
 ୧୦ ☆ବେନଡ଼ ଇଶ୍ବରତେ ଇଛା ଲେକାମ୍ ପାଡ଼ୟି ମାଡ଼ି ତାଡ଼ନା
 ପାହେମ୍ ଆଦତଡ଼, ଅଡ଼ ଦନୟ,
 ବାତେଙ୍କ ଇଡ଼କେ ଅଡ଼ ସ୍ବର୍ଗରାଜ୍ୟତେ ଅଦିକାରିଡ଼ ଆଦତଡ଼ ।
 ୧୧ ☆“ନାରୁଡ଼ ବେସୁଣ୍ ନାକିଂଙ୍କ ପେକେ ମାଡ଼ି ମାୟାନ୍ ମାଛଦିଙ୍କ
 ନାରୁଡ଼ ଯଦି ମିକିଂଙ୍କ ଅପ୍ମାନ୍ ମାଡ଼ିତଡ଼, ଗାଟିତିପାଲ୍ ହିଦତଡ଼, ନୁ
 ମିଲ ବିରୁଦ୍ଧତେ ବୁସା କେତିତଡ଼,
 ୧୨ ☆ମିଡ଼ ଝେଡ଼କେ ମାଡ଼ି ହେନ୍ଦାଟ୍ ।” ବାତେଙ୍କ ଇଡ଼କେ ସ୍ବର୍ଗତାର୍
 ମିଲ ସେଙ୍ଗେ ବେଡ଼ୟାଦ ପୁରସ୍କାର ମିନ୍ଦେ । ହେର୍ଜା ମାଡ଼ାଟ୍ ମିଲ
 ମୁନେଡ଼ ବାବବାଦୀଡ଼, ମିକା ଇଦ୍ ରକମ୍ ଗାଟିତିପାଲ୍ ହାସ୍ ମାଡ଼ତଡ଼,

ଅଞ୍ଜଡ଼ ନୁ ଝେସ୍

(ମାର୍କ ୯:୫୦; ଲୁକ ୧୪:୩୪-୩୫)

- ୧୩ ☆“ମିଡ଼ ସାରେତଡ଼ି ମାନେୟତେ ଜାତିଡ଼ ପୃତିବିତେ ଅଞ୍ଜଡ଼
 ଲେକାମ୍ । ବାତେଙ୍କ ଇଡ଼କେ ଅଞ୍ଜଡ଼ ଯଦି ତାନାଦ ମିଙ୍ଗାନାଦ
 ଗୁଣ୍ ଆରାମାଡ଼ିଡ଼, ଆସୁଙ୍କ ମେଣ୍ଡେ ଅଞ୍ଜଡ଼ ମାଡ଼ାଙ୍କ ପାର୍ଦ୍ଧାଦ ।

☆ ୫:୧୦ ୧ ପିତର ୩:୧୪. ☆ ୫:୧୧ ୧ ପିତର ୪:୧୪. ☆ ୫:୧୨ ପ୍ରେରିତ ୭:୫୨.

☆ ୫:୧୩ ମାର୍କ ୯:୫୦; ଲୁକ ୧୪:୩୪, ୩୫.

ତାନ୍ ପେକେ ଆଦ ପୁରାପୁରି ଦରକାର ଆୟୁୟ ତାଙ୍କ ବାଇଦେ ହେସ୍‌ସିଦତଡ଼ । ନାରୁଡ଼୍‌ତାଙ୍କୁ ଝିକି ଆଦତଡ଼ ।”

୧୪ ☆ “ମିଡ଼୍‌, ସାରେ ଜଗତଡେ ଝେସ୍‌ ଲେକାମ୍ ।” ବେନ୍‌ ନାର୍‌ ମେଟେଡ଼ ପର୍‌ର ତିଆର୍‌ ଆଡ଼ଡେ, ଆଦ ବେସୁଙ୍କ ବା ମିଞ୍ଜିମେଣ୍ଡେ ମାନ୍‌ଆଙ୍କୁ ପାର୍‌ଝି ।

୧୫ ☆ କୁପିତିଙ୍କ ନିଡ଼୍‌ସ୍‌ପି ବେନ ବଡ଼ ତଡ଼୍‌ ମୁସି ଝାଟଣ୍ଡ । ଆଦିଙ୍କ କୃପିଝାଟାନାଗ୍‌ ଝାଟିତଣ୍ଡ ମେଣ୍ଡେ ଆଦ ଲୋନ୍‌ ମାନ୍‌ଆନ୍‌ ସାରେତଡ଼ିକିଙ୍କୁ ଝେସ୍‌ ହିଦଡେ ।

୧୬ ☆ ଆଦେପୁରୁଙ୍କ ମିଝାଦ୍‌ ଝେସ୍‌ ସାରେତଡ଼୍‌ ଗାରରେ କେଲିନ୍‌ । ଆଲେକେ ମିଝାଦ୍‌ ସଡ଼କାମ୍‌ ସାରେ ଉଡ଼ି ଅଡ଼୍‌ ମିଇ ସ୍‌ର୍‌ଗତଣ୍ଡ ବାବାଲ୍‌ ଇଶ୍‌ବରତିଙ୍କୁ ପ୍ରସଂଶା ମାଡ଼ିତଡ଼୍‌ ।

ନିୟମ୍‌ ବିଷୟଡେ ଶିକ୍ଷା

୧୭ “ହାଲ୍‌ସ୍‌ମାଟ୍‌ ଯେ ନାନ୍‌ ମଶାଲ୍‌ ହିଡ଼ତାଦ୍‌ ନିୟମ୍‌ ନୁ ବାବବାଦୀଡ଼ାଦ୍‌ ଶିକ୍ଷା ସାରେ ଲପ୍‌ ମାଡ଼ାନଙ୍କୁ ଆୟୁୟ ବେଲାନ୍‌ ସାରେ ମାଡ଼ାଙ୍କୁ ନାନ୍‌ ଝାଡ଼ତାନ୍‌ ।”

୧୮ ☆ ନାନ୍‌ ନିଜାମ୍‌ କେତୁତାନ୍‌ ହେକେମାଡ଼ାଟ୍‌, ସ୍‌ର୍‌ଗ ନୁ ପୁତିବି ତିଷ୍ଟି ମାନ୍‌ଆନ୍‌ ଯାକ ଦର୍‌ମଶାସ୍ତ୍ର ନିୟମ୍‌ତାଦ୍‌ ଅଣ୍ଡୁୟ୍‌ ତିହ୍ନେ ବା ବିସର୍‌ଗ ଲପ୍‌ପାଏମ୍‌ ଆୟୁୟ । ସାରେ ବିଷୟ ଶେଷ୍‌ ଆଦାନ୍‌ ଯାକ ଇଦ୍‌ ଗଟେମ୍‌ ଆୟୁୟ ।

୧୯ ଆଦିଙ୍କ ବେନ ଆୟି ନିୟମ୍‌ତାଦ୍‌ ସାରେତିଙ୍କୁ ସୁଦୁରାଦ୍‌ ଗଟ୍‌ତିଙ୍କୁ ପାଲନ୍‌ ମାଡ଼ନ୍‌ ମେଣ୍ଡେ ଆଦେପୁରୁଙ୍କୁ ମାଡ଼ାନଙ୍କୁ ବାଗାତଡ଼୍‌ ଶିକ୍ଷା ହିଦଡଣ୍ଡ, ଅଣ୍ଡ୍‌ ସ୍‌ର୍‌ଗରାଜ୍ୟତାଗ୍‌ ସାରେତିଙ୍କୁ ସୁଦୁନଣ୍ଡ ଇଞ୍ଜ କ୍ୟାତି ଆଦଡନ୍‌ ।

୨୦ ଆଦିଙ୍କ ନାନ୍‌ କେତୁତାନ୍‌, ଦର୍‌ମଗୁରୁ ନୁ ପାରୁଣୀ ଡ଼ାଗାଙ୍କୁ ଗାଟି ବିଶ୍ୱାସ୍‌ ମାଡ଼ି ଇଶ୍‌ବରଡେ ପାଡ଼୍‌ୟି ମାଡ଼କେ ଆଞ୍ଜ୍‌ ମିଡ଼୍‌ ସ୍‌ର୍‌ଗରାଜ୍ୟତାଗ୍‌ ହସାଙ୍କୁ ପାର୍‌ଦଡିନ୍‌ ।

କପାମ୍‌ ବିଷୟଡେ ଶିକ୍ଷା

☆ ୫:୧୪ ଯୋହନ୍‌ ୮:୧୨; ୯:୫. ☆ ୫:୧୫ ମାର୍କ୍‌ ୪:୨୧; ଲୁକ୍‌ ୮:୧୭; ୧୧:33. ☆ ୫:୧୭ ୧ ପିତର୍‌ ୨:୧୨. ☆ ୫:୧୮ ଲୁକ୍‌ ୧୭:୧୭.

୨୧ “ବେବିଚାର ମାଡ଼ିମାର୍, ହିଦ୍ ଗର୍ ମିଡ଼୍ ମୁନେଡ଼ କନ୍ୟ କେଞ୍ଜି ଖାଦୁଡ଼ିଡ଼ । ବେନ ଆଦ୍ ମାଡ଼ିଡ଼ନ୍, ଅଣ୍ଡ୍ ବିଚାରିତ ଆସ୍ ଦଣ୍ଡ୍ ଜିଝେଦରକିଡ଼ ।”

୨୨ ବାତେଙ୍କ୍ ଇଡ଼କେ ନାନ୍ କେଡୁଡ଼ାନ୍, ବେନ ବେନ୍ଆଇ ତାମୁଣ୍ଡ୍ରେ ପରର କପାମ୍ ଆଦ୍ତନ୍, ଅଣ୍ଡ୍ ମିକା ବିଚାରିତ ଆସ୍ ଦଣ୍ଡ୍ ଜିଝେଦରକିଡ଼ । ବେନ ତାମୁଙ୍କ୍ ବାକ୍ଝା ଇଞ୍ଜ କେସ୍ ପରିହାସ୍ ମାଡ଼ିଡ଼ନ୍, ଅଣ୍ଡ୍ ବେଡ଼ୟାଦ୍ ବିଚାରାଲୟତାଗ୍ ଦଣ୍ଡ୍ ଜିଝେଦରକିଡ଼ । ମେଣ୍ଡେ ବେନ ତାମୁଙ୍କ୍ ମୁର୍କ୍ ଇଞ୍ଜ କେଡିତଣ୍ଡ୍, ଅଣ୍ଡ୍ ନରକତେ କିସ୍ତାଗ୍ ହେସାନାଦ୍ ଦଣ୍ଡ୍ ଜିଝେଦରକିଡ଼ ।

୨୩ ଆଦିଙ୍କ୍ ଇଶ୍ବର ଗର୍ତ୍ତେ ବଲି ହିଦାଙ୍କ୍ ଆଦାନ୍ ଖେଲେ ଯଦି ନିକିଙ୍କ୍ ହେର୍କା ଖାଦ୍ତେ ଯେ ନି ସେଙ୍ଗେ ବେନ୍ଆଇ ତାମୁଣ୍ଡ୍ରେ ମନ୍ତାଗ୍ ବାଡ଼ିଆଇ ଲେକେଡ଼ ଆୟ୍ଝେ ମିନ୍ଦେ,

୨୪ ବେଦିଡ଼ ମୁନେ ଆଦ୍ ବଲିଡିଙ୍କ୍ ଝିଡ଼ସିମିକା ସାଙ୍ଗେ ସାଙ୍ଗେ ଆଞ୍ଜ୍, ତାମୁଣ୍ଡ୍ରେଡ଼୍ ମେଣ୍ଡେନ୍ଦାମ୍ କାଇଲେ, ମେଣ୍ଡେ ମାଲ୍ସ୍ ଖାସ୍ ଇଶ୍ବରଡିଙ୍କ୍ ଆଦ୍ ବଲି ଉସ୍ତର୍ଗ ମାଡ଼ାଟ୍ ।

୨୫ “ଯଦି ବେନ ନି ବିରୁଦ୍ଧତେ ମକଦମା ମାଡ଼ି କୋଟାଗ୍ ଆଦାନ୍ ମୁନେଙ୍କ୍ ଦିନାମ୍ ମାନନା ଅନ୍ତଡ଼୍ ନିଜେ ଆଞ୍ଜ୍ କାଇଲାଟ୍ । ଇଲୁକ୍ କୋଟାଗ୍ ହେଝୁକ୍କେ, ଅଣ୍ଡ୍ ନିକିଙ୍କ୍ ବିଚାରପତିନ୍ କାଇଦେ ହିଦ୍ତଣ୍ଡ୍ ମେଣ୍ଡେ ବିଚାରପତି ନିକିଙ୍କ୍ ଟାଣ୍ଡେତାଗ୍ ଅଦାନ୍ ମାଇଦିଙ୍କ୍ ପୁଲିସିଡ଼୍ କାଇଦେ ପସ୍ତିଦ୍ତଣ୍ଡ୍ ।”

୨୬ ନାନ୍ ମିକିଙ୍କ୍ ନିଜାମ୍ କେଡୁଡ଼ାନ୍, “ନି ପରର ଖାଟ୍ତେ ସାରେ କାମଦେନନ୍ ଖେରନ୍ ପାଇସା ମିକା ଇଝେଯାକ ନିମ୍ ଆଗାଙ୍କ୍ କଲାସ୍ ଆଡ଼ତାଙ୍କ୍ ପାର୍ଝିନ୍ ।”

ବେବିଚାର ବିଷୟରେ ଶିକ୍ଷା

୨୭ “‘ବେବିଚାର ମାଡ଼ିମାର୍,’ ହିଦ୍ ଗର୍ ମିଡ଼୍ ମୁନେଡ଼ କନ୍ୟ କେଞ୍ଜି ଖାଦୁଡ଼ିଡ଼ ।”

୨୮ ବାତେଙ୍କ୍ ଇଡ଼କେ ନାନ୍ କେଡୁଡ଼ାନ୍ ଯଦି ବେନ ଅଡ଼କିଙ୍କ୍ ମୁତେନ୍ ପରର ନଜର ଖାଟିତଣ୍ଡ୍, ଅଣ୍ଡ୍ ଆଦିନ୍ ତଡ଼୍ ହେର୍କା ମାଡ଼ି ବେବିଚାର ବା ଅପରାଦି ମାଡ଼ିତଣ୍ଡ୍ ।

୨୯ ☆ ଯଦି ନିଝାଦ୍ ତିନ୍‌ନ୍ଦେ କଣ୍ଡେଡ୍ ବେସୁଙ୍କୁ ବାଲାହାଇ ଆଦତେ, ଆଲେକ୍ ଆଦିଙ୍କ ଟେଣ୍ଡି ହେସ୍‌ସିମ୍ବର୍, ନିଝାଦ୍ ସାରେ ମେନ୍‌ଲୁ ନରକତାର୍ ହେସାନାଗାଙ୍କୁ, ମେନ୍‌ଲୁକ୍‌ତେ ଅଣ୍ଡୟ୍ ଦୁଡେ ଆରା ମାଡାନାଗାଙ୍କୁ ବେଲାନ୍ ସାୟେ ।

୩୦ ☆ ଯଦି ନିଝାଦ୍ ତିନ୍‌ନ୍ଦେକାୟି ପାପ୍ ମାଡାଙ୍କୁ କେଡୁଡ୍, ଆଦିଙ୍କ ମିକା ନାଡକି ହେସିମ୍ବର୍ । ନିଝାଦ୍ ସାରେ ମେନ୍‌ଲୁ ନରକତାର୍ ହେସାନାଗାଙ୍କୁ ଅଣ୍ଡୟ୍ ଅଂକିଙ୍କୁ ଆରା ମାଡାନାଦ୍ ବେଲାନ୍ ସାୟେ ।

ଚାଡପତ୍ର ବିଷୟରେ ଶିକ୍ଷା

(ମାତିତ ୧୯:୯; ମାର୍କ ୧୦:୧୧-୧୨; ଲୁକ ୧୭:୧୮)

୩୧ ☆ “ଯଦି ବେନ ନିଜେଡ୍ ମୁଡେଙ୍କୁ ଝିଡସାନ୍ ମାଇଦିଙ୍କୁ ଇଛା ଆଦତଣ୍ଡ, ଅଣ୍ଡ ଆଦିଙ୍କୁ ଲିକିଡ୍ ଲେକାମ୍ ଝେରଡ୍ କାଇଦେ ଏର୍ ହିଝାଣ୍ଡ ଇଦ୍ ଶିକ୍ଷା ମିଡ୍ ମୁନେଡ୍ କନ୍‌ସ୍ ପାଏମ୍‌ଆଡ୍‌ତିଡ୍ ।”

୩୨ ☆ ବାଡେଙ୍କୁ ଇଡକେ ନାନ୍ କେଡୁଡାନ୍, ବେବିଚାର୍ ଅପରାଦି ବ୍ୟତିଡ୍ ବାଗାଡ୍ ବାଡ୍‌ଆଇ ବାଡେଙ୍କୁ ଇଡକେ ମାଇଦିଙ୍କୁ ତାନ୍ ମୁଡେଙ୍କୁ ଚାଡପତ୍ର ହିଡକେ, ଅଣ୍ଡ ଆଦିଙ୍କୁ ବେବିଚାର୍ ମାଡତଣ୍ଡ ଇଞ୍ଜି କାରାପଡେ ଦକ୍ଷି ଆଦତନ୍ ମେଣ୍ଡେ ବେନ୍ ନାରୁଡ୍ ଆଦ୍ ନାଟାଡ୍‌ତିଙ୍କୁ ପେଣ୍ଡୁଲୁ ଆଦତନ୍, ଅଣ୍ଡ ମିକା ବ୍ୟବିଚାର୍ ଆଦତନ୍ ।

ଶପଡ୍ ବିଷୟରେ ଶିକ୍ଷା

୩୩ “ମୁନେଡ୍ କନ୍‌ସ୍ ଇଦ୍ ଶିକ୍ଷା କେଞ୍ଜି ଝାଡୁଡିଡ୍, ‘ଶପଡ୍ ମାଡି ଝିଡସମାର୍ । ଇଶ୍‌ବରତେ ମୁନେ ବେନ୍ ଶପଡ୍ ମାଡିଡିଡ୍, ଆଦିଙ୍କୁ ସାରେ ମାଡାଟ୍ ।”

୩୪ ☆ ବାଡେଙ୍କୁ ଇଡକେ ନାନ୍ ମିକିଂଙ୍କୁ କେଡୁଡାନ୍, ଶପଡ୍ ମାଡାନ୍ ଝେଲେ ରାଣ ନିୟମ୍ ଝାଟ୍‌ମାର୍ । ସ୍ପର୍ଗ ପେଦେରତେ ରାଣ ଝାଟ୍‌ମାର୍, ବାଡେଙ୍କୁ ଇଡକେ ଆଦ୍ ଇଶ୍‌ବରତେ ସିଂହାସନ୍ ।

୩୫ ପୁଡିବି ପେଦେରତେ ରାଣ ଝାଟ୍‌ମାର୍, ବାଡେଙ୍କୁ ଇଡକେ ଆଦ୍ ଇଶ୍‌ବରତେ ଡେକେଡ୍ କୁଡୁଲ୍ । ଯିରୁଶାଲେମ୍ ନାର୍ ପେଦେରତେ

☆ ୫:୨୯ ମାତିତ ୧୮:୯; ମାର୍କ ୯:୪୭. ☆ ୫:୩୦ ମାତିତ ୧୮:୮; ମାର୍କ ୯:୪୩. ☆ ୫:୩୧ ମାତିତ ୧୯:୭; ମାର୍କ ୧୦:୪. ☆ ୫:୩୨ ମାତିତ ୧୯:୯; ମାର୍କ ୧୦:୧୧, ୧୨; ଲୁକ ୧୭:୧୮; ୧ କରନ୍ତ୍ରୟ ୭:୧୦, ୧୧. ☆ ୫:୩୪ ଯାକୁବ ୫:୧୨; ମାତିତ ୨୩:୨୨.

ମିକା ରାଣ ଖାଟାନାଦ୍ ଆୟୁୟ, ବାତେଙ୍କ ଇଡ଼କେ ଆଦ୍ ଆଦୁଡ଼ତେ ମହାରାଜାନ ନାର ।

୩୭ ମିଇ ତାଲେଡ଼ ରାଣ ଖାଟମାଟ୍, ବାତେଙ୍କ ଇଡ଼କେ ଅଣ୍ଡୁୟ କେଲ୍‌ଦିଙ୍କ କାରରି ବା ପାଣ୍ଡେ ମାଡ଼ାଙ୍କ ଶକ୍ତି ମିୟାଦ୍ ଇଲେ ।

୩୭ “ମିଡ଼୍ ରାଣ ନିୟମ୍ ଖାଟକଟ ମାତର୍ ‘ହଁ’ କି ‘ଇଲେ’ କେଲାଟ୍ । ଇଦିନାଗାଙ୍କ ଗର୍ କେସ୍ ଶପଡ଼ ମାଡ଼ାନାଦ୍ ଶୟତାନତାର ପେୟିତାନ ଗର୍ ରକମ୍ ।”

ଇଂସା ବିଷୟତେ ଶିକ୍ଷା

(ଲୁକ ୭:୨୯-୩୦)

୩୮ “କଣ୍ଡା ବାଦୁଲ୍‌ତେ କଣ୍ଡା, ପାଲ୍‌କ୍ ବାଦୁଲ୍‌ତେ ପାଲ୍‌କ୍ ।’ ଇଦ୍ ଇଂସା ନିସ୍ ମିଡ଼୍ କେଞ୍ଜିଡ଼୍ ।”

୩୯ ବାତେଙ୍କ ଇଡ଼କେ ନାନ୍ କେଡୁତାନ, ବେନ ମିୟାଦ୍ ଅନିଷ୍ଟ ମାଡ଼ିତନ୍ ଅନାଦ୍ ପ୍ରତିଶଦ୍ ଅୟିମାଟ୍ । ଯଦି ମିୟାଦ୍ ତିନ୍‌ଦେ ବୁକେତାର୍ ଚାପୁଡ଼ା ରେହେତିତଣ୍ଡ, ଅଂକିଙ୍କ ମେଣ୍ଡ ଅଙ୍କ ବୁକା ତହସିମୁଟ୍ ।

୪୦ ଯଦି ବେନ ମିୟାଦ୍ ଚକା ଆଦାନ ମାଇଦିଙ୍କ ମିଇ ବିରୁଦ୍‌ତେ ବୁସାମାଡ଼ି ମିକିଂଙ୍କ ବିଚାର ଲଡ଼ତାର୍ ଆଦ୍‌ତନ୍, ଅଂକିଙ୍କ ମିୟାଦ୍ କୋଟ୍ ମିକା ଦାନ ମାଡ଼ାଟ୍ ।

୪୧ ଯଦି ଦେଶ୍ ଅଦିକାର୍ ମାଡ଼ିମାୟାନ୍ ସୈନିକିଡ଼୍ ଲୋପେକ୍ ବେନ ମିକିଂଙ୍କ ବଜ୍ କାଞ୍ଜି ଅନ୍‌ତଡ଼୍ ଅଣ୍ଡ୍ କିଲ୍‌ମିଟର୍ ଆଦ୍‌ଦାନଙ୍କ ବାଦ୍ୟ ମାଡ଼ିତନ୍, ମିଡ଼୍ ଚିନ୍ତେ ମାଡ଼୍‌ଝେକଟ୍ ଅନ୍‌ତଡ଼୍ ରେଣ୍ଡ୍ କିଲ୍‌ମିଟର୍ ଆନୁଟ୍ ।

୪୨ ବେନ ଯଦି ଜିନିଷ୍ ତାଲ୍‌କିତଣ୍ଡ୍ ଅଂକିଙ୍କ ହିମୁଟ୍ । ବେନ ବାଡ଼ ତାଲ୍‌କେ ଅଂକିଙ୍କ ଆଦ୍ ହିମୁଟ୍ ।

ଶତ୍ରୁତ୍ୱ ପ୍ରେମ ମାଡ଼ାଟ୍

(ଲୁକ ୭:୨୭-୨୮; ୭:୩୭-୩୮)

୪୩ “ସାଙ୍ଗତ୍ୱକ୍ ପ୍ରେମ ମାଡ଼ାଟ୍, ଶତ୍ରୁତ୍ୱକ୍ ପାସ୍‌କାଟ୍ ।’ ଇଦ୍ ଶିକ୍ଷା ମୁନେନ୍ କେଞ୍ଜିଡ଼୍ ।”

୪୪ ବାତେଙ୍କ ଇଡ଼କେ ନାନ୍ ମିକିଂଙ୍କ କେତୁତାନ୍ ଶତୁଡ଼କ୍ ପ୍ରେମ ମାଡ଼ାଟ୍ । ବେନଡ଼୍ ମିକିଂଙ୍କ ତାଡ଼ନା ମାଡ଼ିତଡ଼୍ ଅଡ଼ାଦ୍ ଲେକେଡ଼୍ ସେଙ୍ଗେ ପ୍ରାର୍ତନା ମାଡ଼ାଟ୍ ।

୪୫ ଇଦ୍ ରକମ୍ ମାଡ଼କେ ଇଶ୍ବରତେ ମାର୍ ହିଞ୍ଜ ପୁନ୍ତଡ଼୍ । ବାତେଙ୍କ ଇଡ଼କେ ଇଶ୍ବର ଲେକେଡ଼୍ ନୁ କାରାପ୍ ରେଣ୍ ଲେକାଡ଼୍ ନାରୁଡ଼କ୍ ପଡ଼ଦ୍ ଖେସ୍ ହିଦ୍ତଣ୍ ନୁ ସାୟେଡ଼୍ ପାଡ଼ିୟିଦେ ନଡ଼କିଙ୍କ୍ ସାରେତଡ଼କିଂଙ୍କ୍ ଖାରସାମ୍ ମାଡ଼ିତନ୍ ।

୪୬ ମାଡ଼ର ମିକିଂଙ୍କ୍ ସାୟେ ଇଞ୍ଜ କେତାନଡ଼କିଙ୍କ୍ ପ୍ରେମ୍ ମାଡ଼ିତଡ଼୍, ଇଶ୍ବର ବାତେଙ୍କ ମିକିଂଙ୍କ୍ ପୁରସ୍କାର ହିଦ୍ତଣ୍ ? କର ଆଦାୟ୍ ମାଡ଼ାନଡ଼ି ମିକା ଆଦଲେକାମ୍ ମାଡ଼ିତଡ଼୍ ।

୪୭ ଯଦି ମିଡ଼୍ ତାମୁଣ୍ ତଡ଼୍ ତିରୟିତିଡ଼୍, ଆଲେକେ ମିଡ଼୍ କି ବାକ୍ସା ପାଡ଼ିୟି ମାଡ଼ିଡ଼ିଡ଼୍ ? ବିଶ୍ବାସ୍ ମାଡ଼୍ ଖେ ନାରୁଡ଼୍ ମିକା ଆଦ୍ ରକମ୍ ମାଡ଼ିତଡ଼୍ ।

୪୮ ସ୍ବର୍ଗତଣ୍ ମି ବାବାଲ୍ ବେଦ୍ପୁରୁଙ୍କ୍ ପବିତ୍ର, ମିଡ଼୍ ଆନ୍ତେ ଆଦେପୁରୁଙ୍କ୍ ପବିତ୍ର ଆଦାନ୍ ଦରକାର୍ ।



ଦାନଦର୍ମ ବିଷୟତେ ଶିକ୍ଷା

୧ ☆ “ନାରୁଡ଼କିଂଙ୍କ୍ ତଅତାନ୍ ମାଇଦିଙ୍କ୍ ସାରେତଡ଼୍, ମୁନ୍ନେ ଦର୍ମକାମ୍ ମାଡ଼ମାର୍ । ଆଲା ମାଡ଼କେ ବାବାଲ୍ ଇଶ୍ବରତାଗାଙ୍କ୍ ମିଡ଼୍ ପୁରସ୍କାର ପାଏମ୍ ଆୟୁଞ୍ଜିଡ଼୍ ।”

୨ “ଖେରଣ୍ ଅବାବତଣ୍ ନାରୁଙ୍କ୍ ବାଡ଼ଆଇ ଦାନ ହିଦାନ୍ ଖେଲେ ଦୁଷ୍ଟ ନାରୁଡ଼୍ ଲେକାମ୍ ତଅମାର୍ । ଅଡ଼୍ ଉପାସନା ଲଅକିନାଗ୍ ନୁ ଝିଦିନ୍ ନାଡ଼ମେ ନିଜେଡ଼୍ ଦାନଦର୍ମ୍ ତଅତିତଡ଼୍ । ନାରୁଡ଼ାଗାଙ୍କ୍ ପ୍ରସଂଶା ପାଏମ୍ ଆଦାଙ୍କ୍ ଅଡ଼୍ ଇଦ୍ ରକମ୍ ମାଡ଼ିତଡ଼୍ । ନାରୁଡ଼ାଗାଙ୍କ୍ ପ୍ରସଂଶା ପାଏମ୍ ଆଦାନ୍ ମାଇଦିଙ୍କ୍ ଅଡ଼୍ ଇଲା ମାଡ଼ିତଡ଼୍ । ନାନ୍ ନିଜାମ୍ତେ କେତୁତାନ୍ ଅଡ଼୍ ଇଦିନାଗାଙ୍କ୍ ଅଡ଼ାଦ୍ ଦରକାନାଦ୍ ପୁରାପୁରି ପାଏମ୍ ଆଦତଡ଼୍ ।”

୩ ବାତେଙ୍କ ଇଡ଼କେ ମିଡ଼, ଝେରନ୍ ଅବାବ୍ ତଡ଼କିଂଙ୍କ ସାହାଯ୍ୟ ମାଡ଼ାନଝେଲେ, ଇଦ୍ ରକମ୍ ମାଡ଼ାର୍, ବେଲ୍ଲାକି ମିଝଣ୍ ସାଏଡ଼ ସାଙ୍ଗ ମିକା ଇଦ୍ ଗର୍ ପୁନ୍ଦାଙ୍କ ପାର୍ଝଣ୍ ।

୪ ମିୟାଦ୍ ଇଦ୍ ମିଞ୍ଜିମାଞ୍ଜ ଆଡ଼କେ ମିକା ମିଝଣ୍ ସାରେଡିଙ୍କ ଉଡ଼ାନ ବାବାଲ୍ ଇଶ୍ବର ଆଦ୍ ଉଡ଼ି ପୁରସ୍କାର ହିଦତଣ୍ ।

ପ୍ରାର୍ଥନା ବିଷୟତେ ଶିକ୍ଷା

(ଲୁକ ୧୧:୨-୪)

୫ ☆“ପ୍ରାର୍ଥନା ମାଡ଼ାନ ଝେଲେ ବୁସା ଦାମିଂକ୍ ନାରୁଡ଼, ଲେକାମ୍ ଆୟମାର୍ । ବେଲ୍ଲା ସାରେଡଡ଼ ଉଡ଼ିତଡ଼, ଆଦିନ୍ ସେଙ୍ଗେ ଉପବାସ୍ ଲଅକିନାର୍ ନୁ ରର୍ ଚକଡ଼ାର୍ ନିଶ୍ମିକା ଅଡ଼ ପ୍ରାର୍ଥନା ମାଡ଼ାଙ୍କ ସାୟେ ଇଞ୍ଜ କେଡିତଡ଼ । ନାନ ମିକିଂଙ୍କ ନିଜାମ୍ତେ କେତୁତାନ ଯେ ଅଡ଼ ନିଜେଡ଼ ପୁରସ୍କାର ଦରକ୍ଷି ମିନ୍ଦେଡ଼ ।”

୬ ବାତେଙ୍କ ଇଡ଼କେ ମିଡ଼ ପ୍ରାର୍ଥନା ମାଡ଼ାନ ମାଇଦିଙ୍କ ନିଜେଡ଼ ବାକଡ଼େ ଲୋପେ ଆନୁର୍, କାପାର୍ କେଏମୁର୍ ନୁ ମିଇ ମିଞ୍ଜିମାନ୍ଦାନ ବାବାଲ୍ ଇଶ୍ବରଡିଙ୍କ ପ୍ରାର୍ଥନା ମାଡ଼ାର୍ । ମିଡ଼ ମିଞ୍ଜିମାଞ୍ଜ ବାଡ଼ ମାଡ଼ିଡିଡ଼, ସାରେଡିଙ୍କ ଉଡ଼ାନନ୍ ବାବାଲ୍ ଇଶ୍ବର ଆଦ୍ ଉଡ଼ି ମିକିଂଙ୍କ ପୁରସ୍କାର ହିଦତଣ୍ ।

୭ “ମିଡ଼ ପ୍ରାର୍ଥନା ମାଡ଼ାନଝେଲେ ବିଶ୍ବାସ୍ ଇଲ୍ଲଝେ ଲେକାମ୍ ନାର୍ଗେ ଇଡ଼କେ ହିଲ୍ଲଝାଦ୍ ଶବ୍ଦ ବ୍ୟବହାର୍ ମାଡ଼ମାର୍ । ଅଡ଼ ହାଲ୍ଲସିତଡ଼ ଅଡ଼ାଦ୍ ପ୍ରାର୍ଥନା ଲାଟି ଆଡ଼କେ ଇଶ୍ବର କେଞ୍ଜିତଣ୍ ।”

୮ ଅଡ଼ ଲେକାମ୍ ଆୟମାର୍ । ମିଡ଼ ତାଲ୍ଲକାନ ମୁନେଙ୍କ ମିକିଂଙ୍କ ବାଡ଼ ଦରକାର୍, ମିଇ ବାବାଲ୍ ଇଶ୍ବର ଆଦ୍ ସାରେ ପୁଡ଼ତଣ୍ ।

୯ ଆଦିଙ୍କ ଇଦ୍ ରକମ୍ ପ୍ରାର୍ଥନା ମାଡ଼ାନାଦ୍ ଟିକ୍,
“ହୁଁ ସ୍ବର୍ଗତନି ବାବା,

ନିୟାଦ୍ ପେଦେର ପବିତ୍ର ହିଞ୍ଜ ମାନ୍ୟ ହାୟି ।

୧୦ ନିୟାଦ୍ ରାଜ୍ୟ ଝାଡ଼ି ।

ନିୟାଦ୍ ଇଛା ବେଲ୍ଲା ସ୍ବର୍ଗତାର୍ ଆଦେପୁଟୁଙ୍କ ହି ପୃତିବିତାର୍ ମିକା ସାରେ ହାୟି ।

୧୧ ସାରେଦିନା ମାକିଂଙ୍କ ଦରକାର ଆଦାନ କାଦି ହିମ୍ ।

୧୨ ମା ବିରୁଦ୍ଧେ ଦଷ୍ଟ ମାଡ଼ିମାନ୍ଦାନ ନାରୁଡ଼କିଂଙ୍କ ମାମ୍ମେ ବେଲା
କ୍ଷମା ମାଡ଼ିତମ୍,

ଆଦେପୁଟୁଙ୍କ ମାଞ୍ଜାଦ୍ ଦଷ୍ଟ ସାରେ କ୍ଷମା ମାଡ଼େ ।

୧୩ ମାକିଂଙ୍କ ତିପାଲ୍ ପରିକ୍ଷାତେ ମୁନ୍ନେ ଆଦାନଙ୍କ ହିମା,

ମାଡ଼ର କାରାପ୍ ତାଗାଙ୍କ ମାକିଂଙ୍କ ରକ୍ଷା ମାଡ଼େ । ବାଡେଙ୍କ
ଇଡ଼କେ ରାଜ୍ୟ, ପରାକ୍ରମ୍, ଗୌରବ୍ ଯୁଗ୍ମୟୁଗ୍ ନିୟାଦ୍,
ଆମେନ୍ ।”

୧୪ ☆ “ମିଇ ବିରୁଦ୍ଧେ ଦଷ୍ଟ ମାଡ଼ିମାନ୍ଦାନ ବାଗାଡ଼ ନାରୁଡ଼କିଂଙ୍କ ଯଦି
ମିଡ଼୍ କ୍ଷମା ମାଡ଼ିତିଡ଼୍, ସ୍ୱର୍ଗତଣ୍ଡ ବାବାଲ୍ ଇଶ୍ୱର୍ ମିକା ମିକିଂଙ୍କ କ୍ଷେମା
ମାଡ଼ିତଣ୍ଡ ।”

୧୫ ବାଡେଙ୍କ ଇଡ଼କେ ମିଡ଼୍ ଯଦି ବାଗାଡ଼ ନାରୁଡ଼କିଂଙ୍କ କ୍ଷମା
ମାଡ଼ିଡ଼ିଡ଼୍, ବାବାଲ୍ ଇଶ୍ୱର୍ ମିକା ମିଡ଼୍ ମାଡ଼ିମାନ୍ଦାନ ଅପରାଦି ସାରେ
କ୍ଷମା ମାଡ଼ଣ୍ଡ ।

ଉପବାସ୍ ବିଷୟରେ ଶିକ୍ଷା

୧୬ “ଉପବାସ୍ ମାଡ଼ାନ୍ ଝେଲେ ବୁସା ଦାମ୍ କିଡ଼୍ ଲେକାମ୍
ମକମତିଙ୍କ ମାଡ଼ମାଟ୍ । ଅଡ଼୍ ଉପବାସ୍ ମାଡ଼ୁଡ଼ୁଡ଼୍ ଇଞ୍ଜ ବାଗାଡ଼
ନାରୁଡ଼କିଂଙ୍କ ତଅତାନ ମାଲଦିଙ୍କ ନିଜେଡ଼ ମକମତିଙ୍କ ଜତନ୍ ମାଡ଼ି
ନେଞ୍ଜଡ଼୍ । ଇଦ୍ ନିଜାମ୍ ଯେ ଆଦ୍ ରକମ୍ ମାଡ଼ାନ୍ ତଡ଼୍ ଅଡ଼୍ ତାମାଙ୍କ
ଦରକାନାଦ୍ ପାଏମ୍ ଆସ୍ମିନେଡ଼୍ ।”

୧୭ ବାଡେଙ୍କ ଇଡ଼କେ ମିଡ଼୍ ଉପବାସ୍ ମାଡ଼ୁଡ଼େ ଝେଲେ ମକମ୍
ନରସ୍, ନିୟ୍ ଉସି, ତାଲ୍ ଇଡ଼ସି ଲେକେଡ଼୍ ଆସ୍ ମାନୁଟ୍ ।

୧୮ ବେଦପୁଟୁଙ୍କ ଉପବାସ୍ ମାଡ଼ୁଡ଼ୁଡ଼୍ ଇଞ୍ଜ ବାଗାଡ଼ ନାରୁଡ଼ ପୁଦାଙ୍କ
ପାରୁଡ଼ଡ଼୍, ବାଡେଙ୍କ ଇଡ଼କେ ମିଞ୍ଜଣ୍ଡ୍ ତନ୍ଦେନଣ୍ଡ୍ ବାବାଲ୍ ଇଶ୍ୱର୍ ଆ
ସାରେ ଗଟ୍ ପୁନ୍ତଣ୍ଡ୍ । ମିଡ଼୍ ମିଞ୍ଜିମାଞ୍ଜ୍ ବାଡ଼ ମାଡ଼ୁଡ଼ୁଡ଼୍ ଆଦ୍ ଉଡ଼ି,
ଅଣ୍ଡ୍ ମିକିଂଙ୍କ ପୁରସ୍କାର ହିଡ଼ତଣ୍ଡ୍ ।

ସ୍ୱର୍ଗତାଗ୍ ନେହେଡ଼ତେ ଦନ୍

(ଲୁକ ୧୨:୩୩-୩୪)

୧୯ ☆ “ହି ପୃତିବିତାଗ୍ ନିଜେଡ଼ ସେଙ୍ଗେ ଦନ୍ ଗୁଡ଼ପାଟ୍ । ଇଗେଡ଼

ସେଙ୍ଗେ, କାର୍ତ୍ତିକେ ପଇସ୍ ଗୁଡ଼ିଆନ୍ ଦନ୍ କାରାପ୍ ଆଦତେ, ବା ମାଡ଼ିଆ
ସିନ୍ଦିମାଡ଼ି ତଙ୍ଗି ଆଦତା ।”

^{୨୦} ମାଡ଼ିଆ ବେଗେ ପୁଡ଼ିଲୁ ନୁ କାର୍ତ୍ତିକେ ପୟ ମେଣ୍ଡେ ତଙ୍ଗିଲଡ଼,
ତଙ୍ଗି ଅଦ୍ ପାର୍ବତୀ, ଇଦ୍ ରକମ୍ ସ୍ୱର୍ଗତାଗ୍ ନିଜର୍ ନିଜର୍ ସେଙ୍ଗେ
ଦନ୍ ଗୁଡ଼ିଆନ୍ ।

^{୨୧} ବାତେଙ୍ଗ୍ ଇକ୍ଟେ ବେଗେ ମିଞ୍ଜାଦ୍ ଦନ୍‌ସମ୍ପତି, ଆଗେ ମିକା
ମିଞ୍ଜାଦ୍ ମନ୍ ।

ମେନ୍ଦୁଲତାଦ୍ ଖେଇସ୍

(ଲୁକ ୧୧:୩୪-୩୬)

^{୨୨} “କଣ୍ଡା ମେନ୍ଦୁଲତେ କୁପି ରକମ୍ । କଣ୍ଡା ଖେଇସ୍ ମାଡ଼ିକେ,
ମେନ୍ଦୁଲ୍ ଖେଇସ୍‌ତଡ଼୍ ବର୍ତ୍ତ୍ ଆଦତେ ।”

^{୨୩} ବାତେଙ୍ଗ୍ ଇଡ଼ିକେ କଣ୍ଡା ଯଦି ଦୁର୍ବଲ୍ ଆଦତେ, ମେନ୍ଦୁଲ୍
ଇକାଡ଼ିକେ ବର୍ତ୍ତ୍ ଆଦତେ । ମିଲ୍ ଜିଞ୍ଜୁକେ ଖେଇସ୍ ଯଦି ଇକାଡ଼ି,
ତଡ଼ି ମିଶିଆଦତେ, ଆସୁଟେ ଆଦ୍ ଇକାଡ଼ି ବେସର୍ ବୟଙ୍କର୍ ହିକାଡ଼ି,
ଆୟ୍ ।

ଇଶ୍ୱର୍ ନୁ ଦନ୍ ସମ୍ପତି

(ଲୁକ ୧୬:୧୩; ୧୭:୨୨-୩୧)

^{୨୪} “ଝେରଣ୍ ନାରୁଡ଼୍ ଇଡ଼ିକ୍ଟୁ ମାଲିକ୍‌କେ ସେବା ପାଡ଼ିମିମାଡ଼େ
ପାର୍ବତୀ । ଅଣ୍ଡ୍ ଅଡ଼ିକିଂକ୍ ପ୍ରେମ ମାଡ଼ିକେ ମେଣ୍ଡେ ଅଡ଼ିକିଂକ୍ ପାସ୍‌କି
ମାଡ଼ିତନ୍, ଅଡ଼ିକିଂକ୍ ସମ୍ମାନ ମାଡ଼ିତନ୍ ମେଣ୍ଡେ ଅଡ଼ିକିଂକ୍ ସମ୍ମାନ
ମାଡ଼ିଣ୍ । ଇଶ୍ୱର୍ ଇଡ଼ିକେ ଦନ୍ ସମ୍ପତି ଇଡ଼ିକ୍ଟାଦ୍ ଦାସ ଆଡ଼ିକାଙ୍ଗ୍
ପାର୍ବତୀ ।”

^{୨୫} “ଆଦିକ୍ ନାନ୍ କେଡୁତାନ୍, ବାଦ୍‌କାନ୍ ସେଙ୍ଗେ ଦରକାର୍ ଆଦାନ୍
ଆର୍ ନୁ ଉନ୍ଦାନ୍‌ନାଦ୍ ନୁ କେଡୁତାନ୍ ମାଲିକିଂକ୍ ଦରକାର୍ ଆଦାନ୍
ତକାସିଲେ ସେଙ୍ଗେ ଦାନ୍ଦେ ଆୟ୍‌ମାଟ୍ । ତିନ୍ଦାନ୍‌ନାଞ୍ ନାଗାଙ୍ଗ୍ ଜିଞ୍ଜୁନ୍
ବାଡ଼ ଅଦିକ୍ ମୂଲ୍ୟବାନ୍ ଆୟ୍‌ୟ ? ସିଲେକିନାଗାଙ୍ଗ୍ ମେନ୍ଦୁଲ୍ ବାଡ଼
ଅଦିକ୍ ମୂଲ୍ୟବାନ୍ ଆୟ୍‌ୟ ?”

^{୨୬} ପାର୍ବତାନ୍ ପିଟେଙ୍ଗ୍ ଉଡ଼ାଟ୍ । ଆହ୍ ଝିତ କି କୟ୍‌ୟ । ପସଲ୍
ଅମଲ୍ ମାଡ଼ି କୁସ୍‌ତାଗ୍ ନେହେଞ୍ । ଇଡ଼ିକେ ସ୍ୱର୍ଗତଣ୍ ବାବାଲ୍ ଇଶ୍ୱର୍

ଆସିଲେ ଜତନ ମାଡ଼ି କାଦି ଇଦୁତଣ୍ଡ । ମିଡ଼ ବାତେଏ ପିଟେନାଗାଙ୍କ
ଅଦିକ୍ ମୂଲ୍ୟବାନ୍ ଆୟୁଷ୍ଟିଡ଼ ?

୨୭ ମି ଲୋପ୍ ବେନ ଚିନ୍ତେ ମାଡ଼ି ମାଡ଼ି ନିଜର୍ ଆୟୁଷ୍ଟିଙ୍କ ମେଣ୍ଡେ
ସୁଦୁର୍ ଦିନାମ୍ତିଙ୍କ କାଲ୍ପିତଣ୍ଡ ?

୨୮ “ଚକାସିଲେନ୍ ସେଙ୍ଗେ ବାତେଙ୍କ ଦାନ୍ଦେ ଆଦୁତିଡ଼ ? ଉଡ଼ାଟ୍,
ଗୁପ୍ତାଗ୍ ମାନ୍ଦାନ୍ ପୁଙ୍ଗାନ୍ ବେଲା ପେର୍ସୁତା । ଆସ୍ତୁ କଷ୍ଟ ମାଡ଼ କି
ନିଜେଡ଼ ସେଙ୍ଗେ ଚକାସିଲେ ତିଆର୍ ମାଡ଼;

୨୯ ବାତେଙ୍କ ଇଡ଼କେ ନାନ୍ ମିକିଂଙ୍କ କେଡୁତାନ୍ ରାଜା ଶଲୋମନ୍
ଅନାଦ୍ ସାରେ ସମ୍ପତି ମାଡ଼କେମିକା ଇସ୍ତୁ ପୁଙ୍ଗାନ୍ ଲେକେମ୍ ସୁନ୍ଦର୍
ସିଲେ ବେସୁଙ୍କ କେର୍ସେ ମାଡ଼ତଣ୍ଡ ।

୩୦ ନେଣ୍ଡୁ ଖାୟାତାଗ୍ ମାନ୍ଦାନ୍ ଗାଡ଼୍ ଯଦି ନାଡ଼୍ ମାନ୍ନ, କଇସ୍ମିକା
ଅୟଦାଲ୍ କିସ୍ତାଗ୍ କାରୁଡ଼ିତା । ବାତେଙ୍କ ଇଡ଼କେ ଆସିଙ୍କ ମିକା
ଇଶ୍ବର୍ ବେସର୍ ସୁନ୍ଦର୍ ସିଲେନ୍ ସଜାମାଡ଼ତଣ୍ଡ । ମିକିଂଙ୍କ ଚକାସିଲେ
ହିଦାନ୍ ମାଇଦିଙ୍କ ଅଣ୍ଡ ବାଡ଼ ଗାଟି ଚିନ୍ତେ ମାଡ଼ତଣ୍ଡ ? ମିଖାଦ୍ ବିଶ୍ବାସ୍
ନିଜାମ୍ ବେସର୍ ସୁଦୁର୍ !”

୩୧ ଆଦିଙ୍କ “ବେଗାକନ୍ସ୍ ତିନ୍ଦାନାଦ୍, କେର୍ଦାନାସ୍ତୁ ଦରକିଡ଼, ଇଦ୍
ବିଷୟତେ ଚିନ୍ତେ ମାଡ଼ମାଟ୍ ।”

୩୨ ବିଜାତିନାରୁଡ଼୍ ହିସଡ଼ ବିଷୟ ତେ ମେହେକ ହୁଡ଼ିତଡ଼, ଇସ୍ତୁ
ସାରେ ବିଷୟ ମିକିଂଙ୍କ ଦରକାର ଇଞ୍ଜ ସ୍ବର୍ଗତଣ୍ଡ ମିଇ ବାବାଲ୍ ଇଶ୍ବର୍
ପୁଡ଼ତଣ୍ଡ ।

୩୩ ମିଡ଼୍ ଅନ୍ ରାଜ୍ୟଡ଼ ମାଇଦିଙ୍କ ହେର୍କା ମାଡ଼ାଟ୍, ଆଲେକେ ଅଣ୍ଡ
ମିକିଂଙ୍କ ଇଦ୍ ସାରରେବିଷୟ ହିଦ୍ତଣ୍ଡ । ଆଲେକେ ଅଣ୍ଡ ମିକିଂଙ୍କ
ବାଗାଡ଼ ସାରେ ବିଷୟ ନେହେସମିନ୍ଦେନ୍ ।

୩୪ ଆଦିଙ୍କ ଖାଦାନ୍ ଦିନାମ୍ ସେଙ୍ଗେ ଦାନ୍ଦେ ଆୟୁମାଟ୍ । ନାଡ଼୍ଦେ
ଚିନ୍ତେ ମାଡ଼ି ନେଣ୍ଡୁତେ ଦାନ୍ଦେ ଗାଟି ମାଡ଼ମାଟ୍ ।



ବାଗାଡ଼ ନାରୁଡ଼ାଦ୍ ଦଷ୍ଟ ପୟିତାନଡ଼୍,
(ଲୁକ ୬:୩୭-୩୮; ୬:୪୧-୪୨)

୧ “ବିଚାର ମାଡ଼ମାର, ଆଲ୍ଲାଙ୍କେ ଇଶ୍ବର ମିକିଂଙ୍କ ବିଚାର ମାଡ଼ଣ୍ଡ ।
ଇଶ୍ବର ମିକା ନିୟାଦ ଦଷ୍ ପୟଣ୍ଡ ।”

୨ ☆ବାଗାଡ଼ ନାରୁଡ଼ାଦ ଦଷ୍ ବିଷୟତେ ମିଡ଼ ବେଦପୁରୁଙ୍କ ବିଚାର
ମାଡ଼ିତିଡ଼, ଇଶ୍ବର ଆଦେପୁରୁଙ୍କ ନିୟାଦ ବିଚାର ମାଡ଼ିତନ୍ । ମିଡ଼
ବାଗାଡ଼ ନାରୁଡ଼ାଦେବେନ୍ ନିୟମ୍ ତିଆର ମାଡ଼ିଡ଼ିଡ଼, ଆଦ ନିୟମ୍
ଇଶ୍ବର ମିଇ ସେଙ୍ଗେ ମିକା ତିଆର ମାଡ଼ିତନ୍ ।

୩ ମେଣ୍ଡେ, ବାତେଙ୍କ ନି ତାମୁଣ୍ଡ ତେ କଣ୍ଡେତାଗ୍ ମାନ୍ଦାନ
ଇଡ଼ପେତିଙ୍କ ଉଡ଼ୁଡ଼ି, ବାତେଙ୍କ ଇକେ ନି ନିଜେ କଣ୍ଡେତାଗ୍ ବେନେ
ଜିଟକେ ମିନ୍ଦେ, ଆଦ ହାଲ୍ସି ଉଡ଼ୁଡ଼ି ?

୪ ନିଜେଡ଼ କଣ୍ଡେତାଗ୍ ଖେରକ୍ ଇଡ଼ପେ ମାନନା ନିମ୍ ବେନ୍
ସାହାସ୍ତେ ନି ତାମୁଣ୍ଡତେ କଣ୍ଡେତାଗାଙ୍କ ଇଡ଼ପେତିଙ୍କ ପେସ୍ବିଦତାନ୍
ଇଞ୍ଜ କେଡୁତିନ୍ ?

୫ ରେ ଦୁଷ୍ଟ ନାରୁଡ଼ ! ମିଇ କଣ୍ଡେତାଗ୍ ମାନ୍ଦାନ ଖେରକ୍ ଇଡ଼ପେ
ମୁନେନ୍ ଟେଣ୍ଡାଟ୍ । ଆଲେକେ ମିଇ ତାମୁଣ୍ଡତେ କଣ୍ଡେତାଗ୍ ମାନ୍ଦାନ
ଇଡ଼ପେତିଙ୍କ ସହଜ୍ତେ ଉଡ଼େ ପାର୍ଦତିନ୍ ।

୬ “ନେୟ ଦିଙ୍କ ପବିତ୍ର ଜିନିଷ୍ ହିମାର୍ । ବାତେଙ୍କ ଇଡ଼କେ ଆଦ
ତିଡ଼ିଇମିକା ମିକିଂଙ୍କ କାସ୍ ପାର୍ଦତେ । ପାଦତେ ମୁନେ ମିକା
ଝାର୍ମାର୍ । ଆଦିନ୍ ମୁଲ୍ୟ ପୁନ୍‌ଖେକନ୍‌ସ୍ ତାଙ୍କ ଆଦ ଡେକେଡ଼ ଝିକିଡ଼
।”

ତାଲ୍‌କାର୍, ମେହେକାର୍ ନୁ କାପାର୍‌ତାଗ୍ ତାଲ୍‌ସାର୍
(ଲୁକ ୧୧:୯-୧୩)

୭ “ତାଲ୍‌କାର୍, ଆଲେକେ ମିକିଂଙ୍କ ହିଦତଡ଼; ମେହେକାର୍, ନିଜାମ୍
ଦରକିଡ଼; କାପାର୍‌ତାଗ୍ ତାଲ୍‌ସାର୍, କାପାର୍‌ ଡେରଡିଡ଼ ।”

୮ ବେନ ଆୟି ତାଲ୍‌କିଡ଼ଣ୍ଡ, ଅଂକିଙ୍କ ହିଦତଡ଼; ବେନ ମେହେକିଡ଼ଣ୍ଡ,
ଅଣ୍ଡ ପାଏମ୍ ଆଦତନ୍; ବେନ କାପାର୍‌ତାଗ୍ ତାଲ୍‌ସିଡ଼ଣ୍ଡ, ଅନ୍ ସେଙ୍ଗେ
କାପାର୍‌ ଡେରସିଡ଼ତଡ଼ ।

୯ ମିଇ ମାର୍ ରୁଟି ତାଲ୍‌କକେ ଅଂକିଙ୍କ ବାଡ଼ କାଲ୍‌ବଦା ହିଦତିଡ଼ ?

୧୦ ବା ଅଣ୍ଡ କିକେ ତାଲ୍‌କକେ ଅଂକିଙ୍କ ବାଡ଼ ତାଡ଼ାମ୍ ହିଦତିଡ଼ ?

୧୧ ମିଡ଼, ନିଜେତ୍ ଦଷ୍ ଦୁର୍ବଲ୍‌ତେ ମାଡ଼କେ ମିକା ପିଲାକିଙ୍କ୍
ସାୟେତ୍ ଜିନିଷ୍ ହିଦ୍‌ତିଡ଼ । ବେନଡ଼, ଇଶ୍‌ବରତିଙ୍କ୍ ତାଲକିତଡ଼, ଅଣ୍
ଅଡ଼କିଂଙ୍କ୍ ମେଣ୍ଟେ ବେସର୍ ସାୟେତ୍ ଜିନିଷ୍ ନାର୍‌ଗେ ହିଞ୍‌ଣ୍ ?

୧୨ ☆“ମିଇ ସେଙ୍ଗେ ବାଗାଡ଼ ନାରୁଡ଼, ବାଡ଼ ମାଡ଼ିଡ଼, ଇଞ୍ ଇଞ୍ଛା
ମାଡ଼ିଡ଼ିଡ଼, ମିଡ଼, ବାଗାଡ଼ ନାରୁଡ଼, ସେଙ୍ଗେ ଆଦ୍ ମାଡ଼ାଡ଼ । ମଶାଲ୍
ଇସ୍‌ମାୟାନ୍ ବ୍ୟବସ୍ଥା ନୁ ବାବବାଦୀଡ଼ାଦ୍ ଶିକ୍ଷାତାଦ୍ ଇଦ୍ ଆଦୁଡ଼ତେ
କେତାନାଦ୍ ଗଡ଼ ।”

ସପୁରାଦ୍ ହାର୍ (ଲୁକ ୧୩:୨୪)

୧୩ “ସୁପୁରାଦ୍ ହାର୍‌ଇସ୍ ସ୍ୱର୍ଗତାଗ୍ ଆଦ୍‌ଦାନ୍ ମାଇଦିଙ୍କ୍ ଆଲ୍‌ସାଡ଼
। ବାତେଙ୍କ୍ ଇଡ଼କେ ନର୍‌କତାଗ୍ ଆଦାନ୍ ହାର୍ ଅସାର୍ ନୁ ଆଦିନ୍ ମାର୍
ବେଡ଼ୟାଦ୍ । ନାର୍‌ଗେ ନାରୁଡ଼, ନର୍‌କ୍ ହାର୍ ଇସ୍ ଆଦ୍‌ଡ଼ ।

୧୪ ବାତେଙ୍କ୍ ଇଡ଼କେ ସାରେଦିନାଡ଼ ଜିଞ୍‌ହୁଡ଼ାକ୍ ଆଦାନ୍ ହାର୍ ଗାଟି
କଷ୍ଟ ନୁ ଆଦିନ୍ ମାର୍ ସପୁର ମେଣ୍ଟେ ଗାଟି ସୁପୁର୍ ନାରୁଡ଼, ଇଦ୍‌ହାର୍
ଇସ୍ ଆଦ୍‌ଡ଼ ।”

ମାଡ଼େ ନୁ ଆଦିନ୍ କାୟା (ଲୁକ ୬:୪୩-୪୪)

୧୫ “ବଣ୍ଟବାବବାଦିଡ଼, ସେଙ୍ଗେ ସାବ୍‌ଦାନ୍ ! ଅଡ଼, ବାୟିଦେ ମେଣ୍ଟା
ଚକାସିଲେ କେରତେ ଲେକାମ୍ ତଅନ୍‌ଦିତଡ଼, ବାତେଙ୍କ୍ ଇଡ଼କେ
ମୁନେଙ୍କ୍‌ତେ ଅଡ଼, ଅଣ୍‌ୟ୍ କୁକାଲ୍ ।”

୧୬ ଅଡ଼ାଦ୍ ପାଡ଼ୟି ଉଡ଼ି ମିଡ଼, ଅଡ଼କିଂଙ୍କ୍ ହେଞ୍ଜାଙ୍କ୍ ପାର୍‌ଦ୍‌ତିଡ଼ ।
କୟେ ମାଡ଼େତାଗ୍ ଅଙ୍ଗୁର୍ କାୟା ଆଦ୍ ବା ପାର୍‌ଞ୍ଜେଲି ମାଡ଼ତାଗ୍ ତୟା
ଆଦ୍ ।

୧୭ ସାୟେତ୍ ମାଡ଼େତାଗ୍ ସାୟେତ୍ କାୟା ଆଦ୍‌ଦିତଡ଼ । କାରାପ୍
ମାଡ଼େତାଗ୍ କାରାପ୍ କାୟା ଆଦ୍‌ଦିତଡ଼ ।

୧୮ ସାୟେତ୍ ମାଡ଼େତାଗ୍ କାରାପ୍ କାୟା ଆଦ୍ ବା କାରାପ୍
ମାଡ଼େତାଗ୍ ସାୟେତ୍ କାୟା ଆଦ୍ ।

୧୯ ☆ସାୟେତ୍ କାୟା ଆଦ୍‌କ୍ ମାଡ଼େତିଙ୍କ୍ ନାଡ଼କି କିସ୍‌ତାଗ୍ ଝାଟିତଡ଼,
।

୨୦ ✠ଆଦେ ପୁରୁଙ୍କ ବଣ୍ଟବାବବାଦି ନାରୁଡ଼ାଦ ପାଡ଼ିୟି ତାଗାଙ୍କ ଅଡ଼କିଙ୍କ ମିଡ଼ ହେଞ୍ଚ ପାରଦତିଡ଼ ।

ନାନ ମିକିଙ୍କ ପୁନନ୍
(ଲୁକ ୧୩:୨୫-୨୭)

୨୧ “ବେନଡ଼ ନାକିଙ୍କ ‘ପ୍ରବୁ, ପ୍ରବୁ’ ଇଞ୍ଜ କାରୁକୁତଡ଼, ଅଡ଼ ସାରେତଡ଼ ସ୍ୱର୍ଗରାଜ୍ୟତାଗ ଆଦାନଙ୍କ ପାରୁଡ଼ । ବେନଡ଼ ବାବାଲ୍ ଇଶ୍ୱର୍ ଲେକାମ୍ତେ ପାଡ଼ିୟି ମାଡ଼ିତଡ଼, ମାତର୍ ଅଡ଼ ସ୍ୱର୍ଗରାଜ୍ୟତାଗ ଆଦଦେ ପାରଦତିଡ଼ ।”

୨୨ ବେଡ଼ୟାଦ ବିଚାର ଦିନ୍ ହେଞ୍ଜୁକ୍ତେ ନାରଗେ ନାରୁଡ଼ ନାକିଙ୍କ କେତିତଡ଼, “ପ୍ରବୁ, ନି ପେଦେର୍ତେ ମାମ୍ତେ ଇଶ୍ୱର୍ତେ ଲେକେଡ଼ କବର୍ କେଡ଼ତମ୍, ପ୍ରବୁ, ନି ପେଦେର୍ତେ ବୁଡ଼ ଓଡ଼ସ୍ପୁତମ୍ ମେଣ୍ଡେ ନାରଗେ ବାକ୍ସା ପାଡ଼ିୟି ମାଡ଼ତମ୍ ।”

୨୩ ଆସୁଟେ ଅଡ଼କିଙ୍କ ନାନ କେତିତାନ, “ମିକିଙ୍କ ନାନ ପୁନନ୍ । ଆଦାମ୍ ନାରୁଡ଼ି, ନାୟାଗାକନ୍ତ ଜେକେ ଆନୁର୍ ।”

ରେଣ୍ଡ ଲକ୍ ଡିଆର୍ ମାଡ଼ାନଣ୍ଡ
(ଲୁକ ୬:୪୭-୪୯)

୨୪ “ବେନ ନା ଗଟ୍ କେଞ୍ଜି ପାଲନ୍ ମାଡ଼ିତନ୍, ଅଣ୍ଡ କାଲ୍‌କିନ୍ ପରର ଲୋନ୍ ତଅସ୍ ମାନ୍ଦାନ୍ ବୁଡ଼ତଣ୍ଡ ନାରୁଡ଼ ଲେକେମ୍ ।

୨୫ ଗାଟି ଖାନ୍‌ସାମ୍ ଖାଡ଼ତେ, ବେଡେମ୍‌ତାଦ୍ ଏର୍ ପେଟ୍ ନିଣ୍ଡି ମାୟିସ୍ ଆଡ଼ତେ ନୁ ଆଦ୍ ଲୋଡ଼ତେ ପରର ଗାଟି ଗାଲ୍ ଖାଡ଼ତେ, ବାଡେଙ୍କ ଇଡ଼କେ ଆଦ୍ ଲୋନ୍ ଉଡ଼ଙ୍ଗ । ବାଡେଙ୍କ ଇଡ଼କେ ଆଦ୍ କାଲ୍‌କିନ୍ ପରର ତିଆର୍ ଆସ୍ ମାଡ଼ତେ ।”

୨୬ “ବାଡେଙ୍କ ଇଡ଼କେ ବେନଡ଼ ନା ଗଟି କେଞ୍ଜି ପାଲନ୍ ମାଡ଼ିଡ଼, ଅଡ଼ ଉଡ଼କନେଲ୍ ପରର ଲୋନ୍ ତିଆର୍ ମାଡ଼ିମାନ୍ଦାନ୍ ମୁର୍ଜ ଲେକେମ୍ ।

୨୭ ଗାଟି ଖାନ୍‌ସାମ୍ ଖାଡ଼କେ, ବେଡେଡ଼ ଏର୍ ଆଞ୍ଚ ପରରକେ ଆଡ଼ତେ । ଗାଟି ଗାଲ୍ ଖାଡ଼ତେ ନୁ ଲୋନ୍ ଦସ୍ ଆଡ଼ତେ । ଅନାଦ୍ ଆଦାନାଦ୍ ଗାଟି ବୟଙ୍ଗାର୍ ଆଡ଼ତେ ।”

ଜିସୁନାଦ୍ ଅଦିକାର୍

୨୮ ☆ ଶେଷ ଆୟିନା ଜିସୁନାଦ୍ ଇସ୍ରାଏଲରେ ଶିକ୍ଷା କେଉଁ ନାରୁଡ୍ ଅନ୍ ଶିକ୍ଷାତାଗ୍ ବାକ୍ସା ଆଦତଡ୍ ।

୨୯ ଅଣ୍ ବାଗାଡ୍ ଦର୍ମଗୁରୁଡ୍, ଲେକେମ୍ ଶିକ୍ଷା ଇସ୍ରାଏଲ କ୍ୟମତାଶାଳୀ ନାରୁଡ୍ ଲେକେମ୍ ଶିକ୍ଷା ହିସମାଡ୍ତଣ୍ ।

୮

ଜିସୁ ଝେରଣ୍ କୁଷ୍ଟ ରୋଗିଙ୍କ୍ ସୁସ୍ଥ ମାଡ୍ତଣ୍
(ମାର୍କ ୧:୪୦-୪୫; ଲୁକ ୫:୧୨-୧୬)

୧ ଜିସୁ ମେଟେଡ୍ ପରରକ୍ଷ୍ ଡିଗି ଖାଡ୍ତେ ପେକେ ପିନାକେ ନାରୁଡ୍ ଅଂକିଙ୍କ୍ ଲେକେଡ୍ ମାଡ୍ତଣ୍ ।

୨ ଆସୁଟେ ଝେରଣ୍ କୁଷ୍ଟରଗୀ ଅନା ଖାସ୍ କେଡ୍ତଣ୍, “ପ୍ରବୁ, ନିମେ ଯଦି ଇଚ୍ଛା ମାଡିତି, ଆଲାକେ ନାକିଙ୍କ୍ ସୁସ୍ଥ ମାଡ୍ତେ ପାର୍ଦ୍ତିନ୍ ।”

୩ ଜିସୁ କାୟ୍ ଆସ୍ ଅଂକିଙ୍କ୍ ଇଟି କେଡ୍ତଣ୍, “ନାନ୍ ଇଚ୍ଛା ମାଡ୍ତୁନ୍, ନିମ୍ ଲେକେଡ୍ ହାଇମ୍ ।”

୪ ଜିସୁ ଅଂକିଙ୍କ୍ କେଡ୍ତଣ୍, “କେଞ୍ଜା, ନିମ୍ ବେଲା ଆସ୍ ଲେକେଡ୍ ଆଦ୍ତିନ୍, ବେନଙ୍କ୍ କେଲ୍ମା; ନିମ୍ ସିଦା ପୁରହିଡ୍ତା ଗାରରେ ହାଞ୍ଜି ନିଜେତିଙ୍କ୍ ପରିକ୍ଷାମାଡେ ମେଣ୍ଟେ ନିମ୍ ସୁସ୍ଥ ଆଦ୍ତିନ୍ ଇଞ୍ଜି ସାରେଡ୍ତକିଙ୍କ୍ କେଞ୍ଜିପାଙ୍କ୍ ସେକ୍ସେ ମୋଶାନ୍ ତଡ୍ ତିଆର୍ ଆଡ୍ତେ ଇଞ୍ଜି ଉସ୍ବର୍ଗ ମାଡା ।”

ଜିସୁ ଝେରନ୍ ରୋମିୟ ସେନାପତିନ୍ ଦାସଙ୍କ୍ ସୁସ୍ଥ ମାଡ୍ତଣ୍
(ଲୁକ ୭:୧-୧୦)

୫ ଜିସୁ କଫର୍ନାହୁମ୍ ସହରତାଗ୍ ହେଉଡ୍ତେ ସାକ୍ସେ ସାକ୍ସେ ଝେରନ୍ ରୋମିୟ ସେନାପତି ଅଂକିଙ୍କ୍ କାଇଲି ଅନୁରଦ୍ ମାଡି କେଡ୍ତଣ୍,

୬ “ପ୍ରବୁ, ନାଝଣ୍ ଝେରଣ୍ ଦାସ ରୋଗ୍ତେ ମିନ୍ଦେଣ୍ । ଅଣ୍ ମେଇଲାଙ୍କ୍ ପାର୍ଡିନ୍, ଗାଟି କଷ୍ଟ ଆଦୁଡନ୍ ।”

୭ ଜିସୁ ଅଂକିଙ୍କ୍ କେଡ୍ତଣ୍, “ନାନ୍ ଖାସ୍ ଅଂକିଙ୍କ୍ ସୁସ୍ଥ ମାଡିତାନ୍ ।”

☆ ୭:୨୮ ମାର୍କ ୧:୨୨; ଲୁକ ୪:୩୨.

୮ ସେନାପତି କେତତଶ୍ଚ, “ଇଲେ, ପ୍ରବୁ, ନିମ୍ ନା ଲନ୍ ଖାଦତିନ୍, ନାନ୍ ହିଦଲେକାମ୍ ଯୋଗ୍ୟ ନାରୁନ୍ ଆୟନ୍ । ନିମ୍ ମାତର୍ ଖେରଡ୍, ପଦ୍ କେସିମ୍, ନା ଦାସ ସୁସ୍ଥ ଆଦତନ୍ ।

୯ ନା ପରରଡ୍ ଦାସନ୍ ଗର୍ତ୍ତେ ନାନ୍ ପାଡ଼ିୟି ମାଡ଼କେ ମିକା ନା ଗର୍ତ୍ତେ ନାର୍ଗେ ସୈନିକିଡ୍ ମିନ୍ଦେଡ୍ । ଅଡ୍ ଲୋପେଙ୍କ୍ ଅରୁଟ୍ ଯଦି ନାନ୍ ‘ଆନ୍’ ଇଞ୍ଜ କେତିତାନ୍, ଅଣ୍ ଆଦତନ୍ । ମେଣ୍ଟେ ଅରୁଟ୍ ‘ଖାଡେ’ ଇଞ୍ଜ କେଡକେ, ଅଣ୍ ଖାଦତନ୍ । ନା ଦାସଙ୍କ୍ ‘ହିଦମାଡେ ହିଞ୍ଜ’ କେଡକେ ଅଣ୍ ଆଦ ମାଡିତନ୍ ।”

୧୦ ଜିସୁ ଆଦେକେଞ୍ଜି ବାକ୍‌ଖା ଆଡତନ୍ ନୁ ମେଣ୍ଟେ ଅନ୍ ପେକେ ଖାଦାନଡକ୍ କେଡତଶ୍ଚ, “ନାନ୍ ସଡ୍ କେଡୁତାନ୍, ଇଶ୍ରାୟେଲ୍‌ଡେ ବେନ୍ ନାରୁନ୍‌ନାଗ୍ ଇଣ୍ ନାରୁନ୍ ଲେକାମ୍ ବିଶ୍ୱାସ୍ ନାନ୍ ଉଡନ୍ ।

୧୧ ☆ଏକା ମାଡାଟ୍, ମୁନେଡ୍ ଦେଶ୍‌ତାଗାଙ୍କ୍ ନୁ ପଡ଼ଦଆଦାନ୍ ଦେଶ୍‌ତାଗାଙ୍କ୍ ନାର୍ଗେ ନାରୁଡ୍, ଖାସ୍ ସ୍ୱର୍ଗ ରାଜ୍ୟତାଗ୍ ଅବ୍ରାହାମ୍, ଇସ୍ରାକ୍ ନୁ ଯାକୁବ୍ ଅଣ୍ଟୟାଗେ କାର୍ଜି ତିନ୍ଦାନଙ୍କ୍ କୁଦିତଡ୍ ।

୧୨ ☆ବାଡେଙ୍କ୍ ଇଡକେ ବେନଡ୍, ଇ ରାଜ୍ୟତାଗ୍ ମାନ୍ଦାନ୍ ମାଡତେ ଅଡକିଙ୍କ୍ ବାଈଦେ ଇକାଡ୍‌ତାଗ୍ ଖାଟିଦତଡ୍ । ଆଗେ ଅଡ୍ କେଇକେଇ ପାଲ୍‌କ୍ କରକିତଡ୍ ।”

୧୩ ଜିସୁ ସେନାପତିଙ୍କ୍ କେଡତଶ୍ଚ, “ଲୋନ୍ ଆନ୍ । ନିମ୍ ବାଡେଏ ବିଶ୍ୱାସ୍ ମାଡୁଛି, ଆଦେକେ ଆଦତେ ।” ଟିକ୍ ଆଦ୍ ସମୟତେ ସେନାପତିନ୍ ଦାସ ସୁସ୍ଥ ଆଡତନ୍ ।

ଜିସୁ ନାର୍ଗେ ନାରୁଡକ୍ ସୁସ୍ଥ ମାଡତଶ୍ଚ

(ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ଜିସୁ ପିତର୍‌ଡେ ଲୋନ୍ ଆଞ୍ଜ ଉଡତନ୍, ପିତର୍‌ଡେ ପୟେଙ୍କ୍ ବୟଙ୍କାର୍ ହେଡକ୍ ଆସ୍‌ମାଡତେ ।

୧୫ ଜିସୁ ତାନ୍ କାଈଦିଙ୍କ୍ ହିଟ୍‌ଡେ ସାଙ୍ଗେ ସାଙ୍ଗେ ହେଡକ୍ ଖିଡ୍‌ସ୍‌ଡେ ନୁ ଆଦ୍ ତେଦି ମିକା ଜିସୁନାଦ୍ ସେବା ମାଡାଙ୍କ୍ ପସ୍ତଡେ ।

୧୭ ମୁଲ୍‌ପୁଟ୍ ଆଡ଼ତାଙ୍କ ନାରୁଡ଼୍ ନାରଗେ ବୁଡ଼ପଇତେ ନାରୁଡ଼୍‌କିଂଙ୍କ ଜିସୁନ୍ ଗାରରେ ତାଡ଼ତଡ଼୍ । ପଦେନ୍ ଗଟ୍‌ତେ ଅଣ୍ଟ ବୁଡ଼ଆମ୍‌କିଙ୍କ ତଲ୍‌ତନ୍ ନୁ ରଗି ନାରୁଡ଼୍‌କିଂଙ୍କ ସୁସ୍ତ ମାଡ଼ତଣ୍ ।

୧୮ ଆଦିନ୍ ସେଙ୍ଗେ ଆଦ୍ ବାବବାଦୀଡ଼୍ ଯିଶାୟିନ୍ ବବିଷ୍ୟତ୍ ବାଣିତିଙ୍କ ସାରେ ମାଡ଼ତଣ୍ । ଯିଶାୟ କେଡ଼ତଣ୍, “ଅଣ୍ଟ ମାଝାଦ୍ କଷ୍ଟତିଙ୍କ ଦୁରାମ୍ ମାଡ଼ତଣ୍ ନୁ ମାକିଂଙ୍କ ରୋଗତାଗାଙ୍କ ମୁକ୍ତି ମାଡ଼ତଣ୍ ।”

ଜିସୁନ୍ ଶିଷ୍ୟ ଆଦାନ୍ ଇଚ୍ଛା

(ଲୁକ ୯:୫୭-୬୨)

୧୯ ଅନ୍ ତିଡ଼ପାକା ନାରୁଡ଼୍ ଗଅଲି ହାଦାନାଦ୍ ଉଡ଼ି, ଜିସୁ ଶିଷ୍ୟନଡ଼୍‌କ୍ ଇଲ୍‌କେଡ଼ ଆପାକେ ଆଦାଙ୍କ କେଡ଼ତଣ୍ ।

୨୦ ଖେରନ୍ ଦର୍ମଗୁରୁ ଝାସ୍ ଜିସୁଙ୍କ କେଡ଼ତଣ୍, ହୋ “ଗୁରୁ, ନିମ୍ ବେଗେ ଆଦତିନ୍, ଆଗେ ନାନେନେ ମିକା ଆଦ୍‌ଦାଙ୍କ ତିୟାର୍ ମିନ୍ଦେନ୍ ।”

୨୧ ଜିସୁ ଅଂକିଙ୍କ କେଡ଼ତଣ୍, “କଙ୍ଗାନାକାନ୍ ଦୋରରା ମିନ୍ଦେ, ପିଟେଙ୍କ ତୁହୁକା ମିନ୍ଦେ । ବାତେଙ୍କ ଇଡ଼କେ ରମାନ୍ ସେଙ୍ଗେ ନାରୁଡ଼୍‌କ୍ ପଡ଼ିୟେ ଇଲେ ।”

୨୨ ଜିସୁଙ୍କ ମେଣ୍‌ଅରତୁନ୍ ଶିଷ୍ୟ କେଡ଼ତଣ୍, “ପ୍ରବୁ, ମୁନେନ୍ ଆଞ୍ଜି ନା ବାବାଙ୍କ ସମାଦି ହିଦାନ୍ ମାଇଦିଙ୍କ ଗଟ୍ ହିମ୍ ।”

୨୩ ଜିସୁ ଅଂକିଙ୍କ କେଡ଼ତନ୍ ନା ପେକେପେକେ ଝାଡ଼େ, ତଲ୍‌ତେନଡ଼୍‌କିଂଙ୍କ ସମାଦି ହିଦାଙ୍କ ତୋଲ୍‌ତଡ଼୍‌କ୍ ଖିଡ଼ିମ୍‌ପୁଟ୍ ।

ଜିସୁ ଗାଲ୍, ଝାର୍‌ସାତିଙ୍କ ଅଟ୍‌କା ମାଡ଼ତଣ୍

(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଅନ୍‌ଦିନେ ଜିସୁ ଶିଷ୍ୟଡ଼୍‌ତଡ଼୍‌ଓଡ଼େତେ ଆଞ୍ଜିମାଡ଼ତଣ୍ ।

୨୪ ହଟ୍‌ତ ସମୁଦ୍ରତାର୍ ଇଦ୍‌ଲେକାମ୍ ଗାଟି ଗାଲ୍‌ଝାର୍‌ସାମ୍ ଝାଡ଼େତେ ନୁ ଓଡ଼ ହେରଦାଗ୍ ମୁଡ଼ନ୍‌ଦାନ୍ ଲେକାମ୍ ଆଡ଼େତେ । ବାତେଙ୍କ ଇଡ଼କେ ଜିସୁ ଆସୁଟେ ଉଞ୍ଜି ମାଡ଼ତନ୍ ।

୨୫ ଶିଷ୍ୟନଡ଼୍‌ ଅଂକିଙ୍କ ତେସ୍ କେଡ଼ତଡ଼୍, “ପ୍ରବୁ, ମାକିଂଙ୍କ ରକ୍ଷା ମାଡ଼େ । ହିଲୁକ୍ ମାମ୍‌ମେ ମୁଡ଼ନ୍‌ ତଲିତମ୍ ।”

୨୭ ଜିସୁ ଉତ୍ତର କେତେକ, “ବାତୁତିଙ୍କ ହିସର ଖେରଦୁତିଡ଼ ? ମିଡ଼, ସାରେତଡ଼ି ବାତେଏ ସୁଦୁଟ୍ ବିଶ୍ୱାସିଡ଼ ?” ତାନ୍ ପେକେ ଅଣ୍ଟ ତେଦି ଗାଲ୍‌ତିଙ୍କ ନୁ ତଲ୍‌କଡ଼ିଙ୍କ କଟ ଆଦାଙ୍କ ଆଦେଗ୍ ହିଡ଼ତନ୍ । ସାଙ୍ଗେ ସାଙ୍ଗେ ସାରେ ଗାନ୍ତି ଆଡ଼ତେ ।

୨୭ ଆଗାଙ୍କ ସାରେତଡ଼ି ବାକ୍‌ସା ଆଡ଼ତଡ଼ି । ଅଡ଼, ନିଜେ ନିଜେ କେତାକେତି ଆଡ଼ତଡ଼ି, “ହିଣ୍ଟ ବେସଡ଼ ନାରୁନ୍ ? ଗାଲ୍ ନୁ ତଲ୍‌କଡ଼ି, ମିକା ଅନ୍ ଗଟ୍ କେଜୁତା ।”

ହିରଞ୍ଜୁଡ଼ି ବୁଡ଼ପୟତେ ନାରୁଡ଼ି ଜିସୁ ସୁସ୍ଥ ମାଡ଼ତଣ୍ଟ
(ମାର୍କ ୫:୧-୨୦; ଲୁକା ୮:୨୭-୩୯)

୨୮ ଜିସୁ ଇଲ୍‌କେଡ଼ ମେଣ୍ଟନ୍ ପାକେ ଗଦରିୟ ଯାଗାତାଗ୍ ଆସ୍‌ତେ ସାଙ୍ଗେ ସାଙ୍ଗେ ହିରଡ଼ି, ନାରୁଡ଼ି କାହିଲ୍‌ତଣ୍ଟ । ଅଡ଼, ସମାଦି ପାଡ଼ିକିନ୍ ଲୋପେ ମାଞ୍ଜିମାଡ଼ତଡ଼ି । ଅଡ଼, ବୁଡ଼ ପହିତେନଡ଼ି, ନୁ ଗାଟି ବୟଙ୍କାର ମାଡ଼ତଡ଼ି ଆଦ ଆର ଇସ୍ ଆଦଦା ଖାଦା ମାଡ଼ାଙ୍କ ବେନମିକା ସାହାସ୍ ମାଡ଼ାଙ୍କ ପାର୍‌ଖେ ମାଡ଼ତଡ଼ି ।

୨୯ ଅଡ଼, ଜିସୁଙ୍କ ଉଡ଼ତେ ସାଙ୍ଗେ ସାଙ୍ଗେ ଗାଟିଲେଙ୍କଦେ କେଡ଼ତଡ଼ି, “ହୋ ଇଶ୍‌ବରତେ ମାର୍ ! ମାୟାଗ୍ କଞ୍ଜି ନିମ୍ ବାଡ଼ଇଚ୍ଛା ହାଦୁତିନ୍ ? ମାଞ୍ଜାଦ ଦିନାମ୍ ହେଉଖାକେ ମାକିଂଙ୍କ ବାଡ଼ ଦଣ୍ଟ ହିଦାଙ୍କ ଖାଡ଼ତିନ୍ ?”

୩୦ ଆଗାଙ୍କ ସୁଦୁଟ୍ ଦୁରାମ୍ ପାଦ୍ ମାନ୍ଦେ ମେୟମାଡ଼ତା ।

୩୧ ଆ ନାରିଡ଼ି, ଲୋପେ ମାନ୍ଦାନ୍ ବୁଡ଼ି ଜିସୁଙ୍କ ଅନୁରଦ୍ ମାଡ଼ିକେଡ଼ତା, “ମାକିଙ୍କ ଯଦି ତଲାନଙ୍କ ଇଚ୍ଛା ମାଡ଼ୁତିନ୍ ଆଲାଭକ୍, ଆଉ ମାନ୍ଦେପାଦିନ୍ ଲୋପେ ରହସିମ୍ ।”

୩୨ ଜିସୁ କେଡ଼ତଣ୍ଟ “ଆନୁଟ୍ । ବୁଡ଼ି ସାଙ୍ଗେ ସାଙ୍ଗେ ନାରୁଙ୍କ ଓଡ଼ିସି ମାନ୍ଦେପାଦିନ୍ ଲୋପେ ହସଡ଼ା । ପାଦି ମିରିଆଞ୍ଜି ନୁ ମେଟେଡ଼ ଆଞ୍ଜି ମଦଲ୍ ଡିଗି ଇଲ୍‌କେତାଗ୍ ରାଲି ତଲ୍‌ତା ।”

୩୩ ପାଦି କେପାନ୍ ନାରୁଡ଼ି, ଗାରରେଡ଼ି ସହରତାଗ୍ ମିରିଆଞ୍ଜି ବୁଡ଼ପୟତେ ନଣ୍ଟ ସେଙ୍ଗେ ବାଡ଼ ଗଟେମଆଡ଼ତେ ନୁ ମେଣ୍ଟେ ବାଗାଡ଼ ସାରେ ଗଟି ଆଗେ କେସଡ଼ି ଉଡ଼ତଡ଼ି ।

୩୪ ଆସୁଟେ ଆଦ୍ ସହରତେ ସାରେତଡ଼ି ଜିସୁଙ୍କ କାଲ୍‌ଲାନ୍ ସେଙ୍ଗେ ପେଇତଡ଼ି ମେଣ୍ଟେ ଅଂକିଙ୍କ କାହିଲି ଆଦ୍ ପଡ଼ିୟେ ଓଡ଼ିସି ଆଦାନ୍ ସେଙ୍ଗେ ଅଂକିଙ୍କ ଅନୁରଦ୍ ମାଡ଼ତଡ଼ି ।



ଜିସୁ ଝେରନ୍ ପକ୍ୟାଗାଡ଼ ରୋଗିଙ୍କ ସୁସ୍ଥ ମାଡ଼ତଣ୍ଡ

(ମାର୍କ ୨:୧-୧୨; ଲୁକ ୫:୧୭-୨୬)

୧ ଜିସୁ ଓଡେତାଗ୍ କୁଦି ଇଲ୍ଲକେଡ଼ ମେଣ୍ଡନ୍ ପାକ୍ ମାୟାନ୍ ନିଜେଡ଼ ସହରତାଗ୍ ମାଲ୍ଲସ୍ ଆଡ଼ତନ୍ ।

୨ ଆଗେ ଝେରନ୍ ପକ୍ୟାଗାଡ଼ ରୋଗିଙ୍କ ନାରୁଡ଼, ଅନ୍ ଗାରରେ ତାଡ଼ତଡ଼ । ରୋଗି ତାନ୍ କେଡ଼ତାଗ୍ ପାର୍ଟିମାଡ଼ତନ୍ । ଜିସୁ ଅଡ଼ାଦ୍ ନାରୁଗେ ବିଶ୍ୱାସ୍ ଉଡ଼ି ପକ୍ୟାଗାଡ଼ ରୋଗିଙ୍କ କେଡ଼ତଣ୍ଡ, “ବାବୁ, ସାହାସ୍ ପୟିମ୍ । ନିୟାଦ୍ ପାପ୍ ସାରେ କ୍ଷମା ଆଡ଼ତେ ।”

୩ ବେସକ୍ତୁଡ଼, ଶାସ୍ତ୍ରାନାରୁଡ଼, ଇଦ୍ ଗର୍ କେଞ୍ଜି ହେର୍ଜା ମାଡ଼ତଡ଼, “ହିଣ୍ଡ ନାରୁନ୍ ଇଶ୍ୱରତିଙ୍କ ଲିନ୍ଦ୍ ମାଡ଼ତୁଣ୍ଡ ।”

୪ ଅଡ଼ାଦ୍ ମନ୍ତାଦ୍ ଗର୍ ପୁଞ୍ଜି ଜିସୁ କେଡ଼ତଣ୍ଡ, “ମିଡ଼, ବାତେଙ୍କ କାରାପ୍ ଶିନ୍ତେ ମାଡ଼ତୁଡ଼ ?

୫ ‘ମିୟାଦ୍ ପାପ୍ କ୍ଷମା ଆଡ଼ତେ ?’ ହିଦ୍ ଗର୍ କେତାନାଦ୍ ସହଜ୍ ନା ‘ତେଦି ଆନ୍’ କେତାନାଦ୍ ଅଦିକ୍ ସହଜ୍ ?

୬ ବାତେଙ୍କ ଇଡ଼କେ ପୂତିବିତେ ପାପ୍ କ୍ଷମା ମାଡ଼ନାଦ୍ ଗାଲା ମନୁଷ୍ୟପୁତ୍ରନ୍ ଅଦିକାର୍ ମିନ୍ଦେ, ଇଦ୍ ଗର୍ ମିଜ୍ ମୁନେ ପ୍ରମାନ୍ ମାଡ଼ିତାନ୍ ।” ତାନ୍ ପେର୍କେ ଜିସୁ ପକ୍ୟାଗାଡ଼ ରୋଗିଙ୍କ କେଡ଼ତଣ୍ଡ, “ତେଦା, କେଡ଼ ତେଇସ୍, ଲୋନ୍ ମାଲ୍ଲସ୍ ଆନ୍ ।”

୭ ଅନ୍ ମୁନେ ରୋଗି ତେଦିମେଣ୍ଡେ ଲୋନ୍ ଆଡ଼ତନ୍ ।

୮ ନାରୁଡ଼, ଆଦ୍ ଉଡ଼ି ବାକ୍ସା ଆଦ୍ତଡ଼ । ବାତେଙ୍କ ଇଡ଼କେ ନାରୁନ୍ପିଲେତିଙ୍କ୍ ହିଦ୍ଲେକାମ୍ ଅଦିକାର୍ ହିଡ଼ତାଙ୍କ୍ ଅଡ଼, ଇଶ୍ୱରତିଙ୍କ୍ ଦନ୍ୟବାଦ୍ ହିଡ଼ତଡ଼ ।

ଜିସୁ ମାତିଉଙ୍କ କାର୍ଜ୍ତଣ୍ଡ

(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଜିସୁ ଆଗାଙ୍କ୍ ଆଦାନ୍ ଝେଲେ ମାତିଉ ପେଦେରତଣ୍ଡ ଝେରଣ୍ଡ କରହାଦାୟ୍ ମାଡ଼ାନକିଙ୍କ୍ ଅପିସ୍ତାଗ୍ କୁଦିମାୟାନାଦ୍ ଉଡ଼ତନ୍ ନୁ ଅଂକିଙ୍କ୍ କାରୁଙ୍ଗି କେଡ଼ତଣ୍ଡ, “ନା ପେର୍କେପେର୍କେ ଝାଡ଼େ ।” ମାତିଉ ତେଦି ଅଂକିଙ୍କ୍ ଲେକେଡ଼ ମାଡ଼ତଣ୍ଡ ।

୧୦ ଜିସୁ ମାତିଉନ୍ ଲୋନ୍ ତିନ୍ଦାନ୍ ଖେଲେ ନାରଗେ କରଆଦାୟନଡ଼, ନୁ ଦୁଷ୍ଟ ନାରୁଡ଼, ନୁ ତାନ୍ ଶିଷ୍ୟଡ଼, ତଡ଼, ତିନ୍ଦାଙ୍କ କୁଦତଡ଼ ।

୧୧ ବେସକତୁଡ଼, ଦୁଷ୍ଟ ନାରୁଡ଼, ଉଡ଼ିମେଣ୍ଡେ ଶିଷ୍ୟଡ଼କିଂଙ୍କ ପାରିଷ୍ଟିତଡ଼, “ମିଇ ଗୁରୁ ହିଦରକମ୍ ନାରିଡ଼, ତଡ଼, ବାଡ଼ତିଙ୍କ ଅଣ୍ଡୟାଗେ କୁଦିନ୍ଦୁତଣ୍ଡ ?”

୧୨ ଜିସୁ ଅଂକିଙ୍କ ଉଉର ଇସ୍ କେଡ଼ତଣ୍ଡ, “ସୁସ୍ଥ ନାରୁଡ଼ତେ ସେଙ୍ଗେ ଡାକ୍ତର ଦରକାର ଆୟ୍‌ୟ । ମାତର ରୋଗି ନାରିଡ଼, ସେଙ୍ଗେ ଡାକ୍ତର ଦରକାର ।

୧୩ ଶାସ୍ତ୍ରତାଗ୍ ଲେକତାଦ୍ ମିନ୍ଦେ, ନାଝାଦ୍ ଇଚ୍ଛା ଦୟା, ବଲିଦାନ୍ ଆୟ୍‌ୟ, ଇ ଗର୍ତ୍ତେ ଇଡ଼କେ ବାତେଏ, ଆଞ୍ଜ ମେଣ୍ଡେ ବୁଜେମଆଦାନଙ୍କ ଆଲ୍‌ସି ମାଡେ । ନାନ୍ ଦାମ୍‌କ୍ ନାରିଡ଼କ୍ କାରଙ୍ଗାଙ୍କ ଖାଡ଼ନ୍; ଖାଡ଼ତାନ୍ ପାପିନାରିଡ଼, ସେଙ୍ଗେ ।”

ଉପବାସ ବିଷୟତେ ପଶ୍ଚ

(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ତାନ୍ ପେକେ ବାପ୍ତିସ୍ମ ଯୋହନ୍‌ତେ ଶିଷ୍ୟନଡ଼, ଜିସୁନ୍ ପାକେ ଖାସ୍ ପାତ୍ରାମାଡ଼ତଡ଼, “ମାମ୍‌ମେ ନୁ ପାରୁଣାଡ଼, ହିସଦାମ୍ ଉପବାସ୍ ମାଡ଼ତୁମ୍, ନି ଶିଷ୍ୟଡ଼, ବାଡ଼ତିଙ୍କ ବେସୁଙ୍କ ବା ଉପବାସ୍ ମାଡ଼ତଡ଼ ?”

୧୫ ଜିସୁ କେଡ଼ତଣ୍ଡ, ପେଣ୍ଡୁଲୁ ଆଦାନାଗ୍ ବର ମାନ୍ଦାନ୍ ଯାକ କୁବମାମ୍ ବାତେଏ ଦୁଃକାମ୍ ମାଡ଼ିତଡ଼ ? ବେସୁଙ୍କ ବା ଆୟ୍‌ୟ । ବାତେଙ୍କ ଇଡ଼କେ ଦିନାମ୍ ଖାଦତେ, ବେସୁଙ୍କ ବର ଆଦତନ୍; ଆସୁଟେ ଅଡ଼ ଉପବାସ୍ ମାଡ଼ିତଡ଼ ।

୧୬ “ବେନ ପାଃନ୍ତେ ସିଲେନାଗ୍ ପୁନାଲ୍ଲାଡ଼ କନାନ୍ ତାଲି ଖାଟଡ଼ । ବାତେଙ୍କ ଇଡ଼କେ ପୁନାଲ୍ଲାଡ଼ କନା ତାଲି ମୁଦାନାଡ଼ ଆସ୍ ଇଙ୍କ୍‌ତେ ପଡ଼ିୟେ ତାଗ୍ ଅଦିକ୍ ଇକିଡ଼ ।

୧୭ ବେନ ପାଃନ୍ତେ ତଲ୍‌କେ ଗିନେତାଗ୍ ପୁନାଦ୍ ଦ୍ରାକ୍ଷାରସ୍ ବର୍ତ୍ତ ମାଡ଼ତଡ଼ । ବାତେଙ୍କ ଇଡ଼କେ ଆଦିନ୍ ତଡ଼, ତଲ୍‌କେ ତାଲି ହିଙ୍ଗି ନଷ୍ଟ ଆଦତେ ନୁ ଦ୍ରାକ୍ଷାରସ୍ ଖାଙ୍ଗି ନେଲ୍ ରାଲ୍‌ତେ । ପୁନାଦ୍

ଦ୍ରାକ୍ଷାରସ୍ତତ୍ତ୍ୱଂ ପୁନେ ତତ୍ତ୍ୱକେ ଗିନେତାଗ୍ ଖାଟ୍ତକେ, ରେଣ୍ଡ଼ ଦ୍ରାକ୍ଷାରସ୍
ନୁ ତାଲି ସାୟେ ମାନ୍ତେ ।”

ବେତ୍ତୟେ ଦାସନ୍ ମାୟାତ୍, ଗେଲ୍‌ସ୍ତେତେ ନୁ ରୋଗ୍‌ତେ ମୁତ୍ତେ
ସୁସ୍ଥ ଆତ୍ତେ

(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଜିସୁ ଇଉ ସାରେ ଶିକ୍ଷା ହିଦାନ୍ ଝେଲେ ଝେରନ୍ ଇହୁଦୀ
ମୁକ୍ୟଦାସ ଅନ୍ ପାକେଝାସ୍ ମର୍ମିଣ୍ଡା ଉସ୍ କେତ୍‌ତଣ୍ଡ, “ହିଞ୍ଜେନେ ନା
ମାୟାତ୍, ତଲ୍‌ତେ । ବାତେଙ୍କ୍ ଇଡ୍‌କେ ନିମ୍ ଝାସ୍ ତାନ୍ ପର୍‌ର କାୟ୍
ଝାଟ୍‌କେ, ଆଦ୍ ନିଜାମ୍ ଜିହ୍‌ନ୍‌ଆଦ୍‌ତେ ।”

୧୯ ସାଙ୍ଗେ ସାଙ୍ଗେ ଜିସୁ ତେଦ୍‌ତନ୍ ନୁ ଅଣ୍ ନୁ ତାନ୍ ଶିଷ୍ୟନତ୍ ଅନ୍
ଶିଷ୍ୟ ପେକେ ଆଦ୍‌ତତ୍ ।

୨୦ ଜିସୁ ଆଦାନ୍ ଝେଲେ ଝେରତ୍ ନାଟାତ୍ ଅନ୍ ଗାରେ ଝାସ୍ ଅନ୍
ସିଲେତିଙ୍କ୍ ହିଟ୍‌ତେ । ଆଦ୍ ବାରହେଣ୍ଡ଼ ଯାକ ଗାଟି ନେତୁର୍ ପେଇତାନ୍
ରୋଗ୍‌ତେ କଷ୍ଟ ଆସମାତ୍‌ତେ ।

୨୧ ଆଦ୍ ଏକା ମାତ୍‌ତେ, “ମାତର୍ ଅନ୍ ସିଲେତିଙ୍କ୍ ଝେରତ୍‌ଦାମ୍
ହିଟ୍‌କେ, ନାନ୍ ସୁସ୍ଥ ଆଦ୍‌ତନ୍ ।”

୨୨ ଜିସୁ ତାଙ୍କ୍ ମାଲ୍‌ସ୍ ଉଡ୍‌ତନ୍ ନୁ ମେଣ୍ଡନ୍ ପାକ୍ ଇସ୍ କେତ୍‌ତାନ୍,
“ନନି, ସାହାସ୍ ପହିମ୍ । ନି ବିଶ୍ୱାସ୍ ନିକିଙ୍କ୍ ସୁସ୍ଥ ମାତ୍‌ତେ ।” ଆସୁଟେ
ଆ ମୁତ୍‌ତେ ସୁସ୍ଥ ଆତ୍‌ତେ ।

୨୩ ତାନ୍ ପେକେ ଜିସୁ ଇହୁଦୀ ଦାସନ୍ ଲୋନ୍ ହେଉତନ୍ ।
ଆଗେ କାର୍‌କି ମାନ୍ଦାନ୍ ବାଦ୍ୟକାର୍ ନୁ ମେଣ୍ଡବାଗାତ୍ ନାରୁଡ୍, ଗଲ୍‌କ୍
ମାତାନାଦ୍ ଉଡ୍,

୨୪ ଜିସୁ କେତ୍‌ତଣ୍ଡ, “ସାର୍‌ତଡ୍ ହିଗାଙ୍କ୍ ପେଇସ୍ ଆନୁଟ୍ । ପିକିର୍
ତଲ୍‌ଲ । ଆଦ୍ ଉଞ୍ଜିମିନ୍ଦେ ।” ଅନାସ୍ତ୍ର ଗଟି କେଞ୍ଜି ଅଡ୍ ପରିହାସ୍
ମାତ୍‌ତତ୍ ।

୨୫ ବାତେଙ୍କ୍ ଇଡ୍‌କେ ଅଡ୍ ପେଇସ୍ ଆତ୍‌ତେ ପେକେ ଜିସୁ ପିକ୍‌ତେ
ବାକ୍‌ତେତାଗ୍ ଆଞ୍ଜ୍ ତାନ୍ କାଜଦିଙ୍କ୍ ପଇସ୍ ତେହେତ୍‌ତଣ୍ଡ ନୁ ଆଦ୍
ସାଙ୍ଗେ ସାଙ୍ଗେ ତେଦି କୁଦ୍‌ତଣ୍ଡ ।

୨୬ ଇଦ୍ ଗଟନାତାଦ୍ କବର୍ ଆଦ୍ ପଡିୟେତାଗ୍ ସାରେପାକ୍ ଗଟ୍
ଆତ୍‌ତେ ।

ଜିସୁ ଇର୍ଝୁଡ଼ କାନାଲଡ଼କିଙ୍କ ଉଡ଼ାନ୍ ଶକ୍ତି ହିତତଣ୍ଡ

୨୭ ଜିସୁ ଆଗାଙ୍କ ଝାଦାନ୍ ଝେଲେ ଇର୍ଝୁଡ଼ କାନାଲଡ଼କି ଅଣ୍ ସୁସ୍ଥ ମାଡ଼ତଡ଼ । ଅଡ଼ ଗାଟି ଲେଙ୍ଗାଦେ କେଡ଼ତଡ଼, “ହୋ ଦାଉଦ୍ ବଂଶତଣ୍ଡ, ମାକିଂକ୍ ଦୟା ମାଡେ ।”

୨୮ ଅଡ଼ ଜିସୁନ୍ ପେକେପେକେ ଆଞ୍ ଅଣ୍ଡୟ ଲୋନ୍ ହସତଡ଼ । ଆଗେ ଜିସୁ ଅଡ଼କିଂକ୍ ପାତ୍ରାମାଡ଼ତଣ୍ଡ, “ନାନ୍ ମିକିଂକ୍ ସୁସ୍ଥ ମାଡ଼ିତାନ୍ ଇଞ୍ଜ ମିଡ଼ ବିଶ୍ୱାସ୍ ମାଡ଼ତୁଡ଼କି ?” ଅଡ଼ ଉତ୍ତର ହିତତଡ଼, “ହୋ ପ୍ରବୁ ।”

୨୯ ଆସୁଟେ ଜିସୁ ଅଡ଼ାସୁ କଣ୍ଡାଙ୍କ ଇଟି ମିକା କେଡ଼ତଣ୍ଡ, “ନିମ୍ ବେଲା ବିଶ୍ୱାସ୍ ମାଡ଼ତୁନ୍ ଆଦେରକମ୍ ଆୟି ।”

୩୦ ଆସୁଟେ ସାଙ୍ଗେ ସାଙ୍ଗେ ଅଡ଼ କଣ୍ଡା ଉଡ଼ତଡ଼ । ଜିସୁ ଅଡ଼କିଂକ୍ କଡ଼ା ଗର୍ ଇସ୍ କେଡ଼ତଣ୍ଡ, “ସାବ୍‌ଦାନ୍ ! ବେନମେଣ୍ଡ ଇଦ୍ ଗର୍ ପୁନ୍‌ମାକି ।”

୩୧ ବାତେଙ୍କ ଇଡ଼କେ ଅଡ଼ ଆଗାଙ୍କ ଆଞ୍ଜ ଜିସୁନ୍ ଗଟି ସାରେଏକାମ୍ ପ୍ରଚାର ମାଡ଼ତଡ଼ ।

ଜିସୁ ଝେରଣ୍ଡ କନ୍ଦାଙ୍କ ତିରିୟାନ୍ ଶକ୍ତି ହିତତଣ୍ଡ

୩୨ ଅଡ଼ ଆଦାନ୍ ଝେଲେ ବେସ୍‌କଡ଼ୁଡ଼ ନାରୁଡ଼ ଝେରଣ୍ଡ କନ୍ଦାଙ୍କ ଜିସୁନ୍ ଗାରରେ ତାଡ଼ତଡ଼ । ଅଂକିଂକ୍ ବୁଡ଼ ପଇସ୍ ମାଡ଼ତାଙ୍କ ଅଣ୍ଡ କନ୍ଦାଲ୍ ଆସ୍ ମାଡ଼ତଣ୍ଡ ।

୩୩ ଜିସୁ ଅନ୍ ମେନ୍ଦୁଲ୍‌ଡେ କନ୍‌ସ୍ ବୁଡ଼ତିଙ୍କ ପେସ୍‌ଡେ ସାଙ୍ଗେ ସାଙ୍ଗେ ଅଣ୍ ଗଟି ତିରିୟାଙ୍କ ପସ୍‌ପଡ଼ଣ୍ଡ । ସାରେତଡ଼ ବାକ୍‌ଝା ଆସ୍ କେଡ଼ତଡ଼, “ଇସ୍ରାଏଲ୍ ଦେଶ୍‌ତାଗ୍ ମାମ୍‌ମେ ଇଦ୍‌ରକମ୍ ପାଡ଼୍‌ୟି ବେସ୍‌ଙ୍କ ଉଡ଼ଝେ ମାଡ଼ତମ୍ ।”

୩୪ ☆ବାତେଙ୍କ ଇଡ଼କେ ପାରୁଶୀଡ଼ କେଡ଼ତଡ଼, “ଇଣ୍ଡ ନାରୁଡ଼ ବୁଡ଼ପତି ଶକ୍ତିତଡ଼ ବୁଡ଼କ୍ ଝିଡ଼୍‌ସ୍‌ପୁଡ଼ଣ୍ଡ ।”

ନାରୁଡ଼କିଂକ୍ ଜିସୁ ଦୟା ମାଡ଼ତଣ୍ଡ

୩୫ ☆ଜିସୁ ଉଡ଼ିଉଡ଼ି ନାରଗେ ସହର୍ ନୁ ନାରକିନାଗ୍ ଆଡ଼ତଣ୍ଡ । ସାରେ ପଡ଼ିୟେତାଗ୍ ଅଣ୍ ପ୍ରାର୍ତନା ଲୋକିନାଗ୍ ଶିକ୍ଷା ହିତତଣ୍ଡ,

☆ ୯:୩୪ ମାତିତ ୧୦:୨୫; ୧୨:୨୪; ମାର୍କ 3:୨୨; ଲୁକ ୧୧:୧୫. ☆ ୯:୩୫ ମାତିତ ୪:୨3; ମାର୍କ ୧:3୯; ଲୁକ ୪:୪୪.

ସ୍ୱର୍ଗରାଜ୍ୟରେ ସାଏଡ଼ କବର ପ୍ରଚାର ମାଡ଼ିଉଟି ନୁ ନାରଗେ ରଗ୍‌ରେ
ନୁ ରୋଗି ନାରୁଡ଼ିକ୍ ସୁସ୍ଥ ମାଡ଼ିଉଟି ।

୩୭ ☆ ନାରୁଡ଼ିକ୍‌ଙ୍କ ଉଡ଼ି ଅଣ୍ଟ ଦୟା ମାଡ଼ିଉଟି, ବାଡେଙ୍କ ଇଡ଼କେ
ମେୟିତାନଣ୍ଟ ଇଲ୍‌ଝେ ମେଣ୍ଟାନ୍ ରକମ୍ ଅଡ଼ ଗାଟିଦାୟେ ଆସ୍‌ସ
ମାଡ଼ିଉଟି ।

୩୮ ☆ ଆଦିଙ୍କ ଅଣ୍ଟ ଶିଷ୍ୟଡ଼ିକ୍‌ଙ୍କ କେଡ଼ିତଣ୍ଟ, “ପସଲ୍ ନାରଗେ
ଆସ୍‌ମିନ୍ତେ, ବାଡେଙ୍କ ଇଡ଼କେ ଆଞ୍ଜିଙ୍କ ଜତନ୍ ଅଦାନ୍ ସେଙ୍ଗେ କୁଲିକି
ସୁକୁକ୍ ମିୟେ ।

୩୯ ନାରଗେ କୁଲି ନାରୁଡ଼ିକ୍‌ଙ୍କ ରହସ୍ କେଡ଼ି କଇସ୍ ଆଦାନ୍
ମାଇଦିଙ୍କ ଝାୟେ ମାଲିକତିଙ୍କ ଅନୁରଦ୍ ମାଡ଼ି କେଲ୍‌ମୁଟ୍ ।”

୧୦

ବାରଜାନ୍ ଶିଷ୍ୟଡ଼ି

(ମାର୍କ ୩:୧୩-୧୯; ଲୁକ ୬:୧୨-୧୬)

୧ ଜିସୁ ତାନ୍ ବାରଜାନ୍ ଶିଷ୍ୟଡ଼ିକ୍‌ଙ୍କ କାର୍‌ଜି ବୁଡ଼ ଝିଡ଼ସ୍‌ପାନ୍
ସେଙ୍ଗେ ନୁ ସାରେ ଲେକାମ୍ ଦୁଃକାମ୍ କନ୍‌ସ୍ ସୁସ୍ଥ ମାଡ଼ାନ୍ ସେଙ୍ଗେ
ଗଲ୍‌ଇସ୍ ଅଡ଼ିକ୍‌ଙ୍କ ରହସ୍‌ଡ଼ିତଣ୍ଟ ।

୨ ଅଡ଼ ବାରଜାନ୍ ପ୍ରେରିଡ଼ ଶିଷ୍ୟଡ଼ି ପେଦେର୍ ଶିମୋନ୍ ନୁ ତାନ୍
ତାମୁଣ୍ଟ ଆୟିୟ; ଯେବଦିନ୍ ଇରଞ୍ଜୁଡ଼ି ମାରକ୍ ଯାକୁବ୍ ନୁ ଯୋହନ୍;

୩ ପିଲିପ୍, ବର୍ତ୍ତଲମି, ତୋମା ନୁ କରଆଦାୟକାରି ମାଡ଼ିଉ; ତଇୟ,
ଆଲ୍‌ଫିଡେ ମାର ଯାକୁବ୍;

୪ ଦେଶ୍‌ପ୍ରେମି ଶିମୋନ୍ ନୁ ଜିସୁଙ୍କ ବିଶ୍ୱାସଗାତକତା ମାଡ଼ିମାୟାନ୍
ଇଷ୍ଟାରିୟେତିୟ ଯିହୁଦା ।

ବାରଜାନ୍ ଶିଷ୍ୟଡ଼ିକ୍‌ଙ୍କ ଇସ୍‌ମାୟାନ୍ ପାଡ଼ିୟିତାଗ୍ ଦାୟିଡ଼ି

(ମାର୍କ ୬:୭-୧୩; ଲୁକ ୯:୧-୬)

୫ ଅଣ୍ଟ ଅଡ଼ିକ୍‌ଙ୍କ ରଡ଼ତାନ୍ ଝେଲେ ଆଦେଶ୍ ଇସ୍ କେଡ଼ିତନ୍ ମିଡ଼ି,
“ଅଣଇହୁଦାଡ଼ି ଦେଶ୍‌ତାଗ୍ ଆନ୍‌ମାଟ୍ । ବେନ୍ ଶିମିରୋନିୟ ସହର୍
ତା ମିକା ଆନ୍‌ମାଟ୍ ।”

୬ ମାଇ ମାୟାନ୍ ମେଣ୍ଟାନ୍‌ଲେକେ ଇଶ୍ରାୟିୟଡ଼ି ପାକେ ଆନୁଟ୍ ।

୭ ଅଡ଼ଲୋପେ ଆଞ୍ଜ ପ୍ରଚାର ମାଡ଼ି କେଲ୍‌ମୁଟ୍, “ସ୍ୱର୍ଗରାଜ୍ୟ ଆଦାନାଦ୍ !”

୮ ରୋଗି ନାରୁଡ଼କ୍ ସୁସ୍ଥ ମାଡ଼ାଟ୍, ଡଲ୍‌ଡେ ନାରିଡ଼କ୍ ମେଣ୍ଡେ ଜିଞ୍ଜେ ମାଡ଼ାଟ୍, କୁଷ୍ଠି ନଡ଼କ୍ ରୋଗ୍ ମୁକ୍ତ ମାଡ଼ାଟ୍, ବୁଡ଼ ଝିରସ୍‌ପାଟ୍ । ବାଡ଼ ଆସମ୍ ତାବ୍‌ଡେ ଦରକ୍‌ଡେ, ଆଦ୍ ବାଗାଡ଼ ନାରୁଡ଼କ୍ ଆସାମ୍ ପାଇସାନ୍‌ଦେ ଦାନ ମାଡ଼ାଟ୍ ।

୯ ଆକେ ସୁନା, ରୁପା ନୁ ତାବ୍‌କ୍ ଅୟ୍‌ମାଟ୍,

୧୦ ☆ ବିକ୍ ତାଲି ପଇସ୍ ଉଡ଼ମାଟ୍ । ଅଣ୍ଡୟ୍ ମିକା ସିଲେ ଅଦିକ୍ ଅୟ୍‌ମାଟ୍, ହେରପୁକ୍ ନୁ ଟେଙ୍ଗା ମିକା ଅୟ୍‌ମାଟ୍ । ପାଡ଼ିୟିମାଡ଼ାନଡ଼ ତାମାଦ୍ ମଜୁରି ଦରକାନ୍ ସେଙ୍ଗେ ହକ୍‌ଦାର୍ ।

୧୧ “ଅଣ୍ଡୟ୍ ସହର ବା ନାରଦାଗ୍ ହେଉଡେ ଝେଲେ ମିକିଂ‌ଙ୍କ ଆଗେ ବେନ ସେବା ମାଡ଼ିତନ୍, ଆଦ୍ ଗଟ୍ ବୁଜେମ୍ ଆସ୍ ମେଣ୍ଡନ୍ ପାକେ ଆଦାନ୍ ଯାକ ଆଦେ ଲୋନ୍ ମାନୁଟ୍ ।”

୧୨ ଅଣ୍ଡୟ୍ ଲୋନ୍ ଅସ୍‌ଡେ ଝେଲେ ଆଗେମାନ୍‌ଦାନ୍ ନାରୁଡ଼କିଂ‌ଙ୍କ ନମସ୍କାର ମାଡ଼ି କେଲାଟ୍, “ମିୟାଦ୍ ଗାନ୍ତି ଆୟି ।”

୧୩ ଅଡ଼୍‌ୟଦି ମିକିଂ‌ଙ୍କ କାଙ୍ଗ୍ ଡଡ଼, ଅଡ଼୍‌ସେଙ୍ଗେ ମିୟାଦ୍ ଆଶିର୍ବାଦ୍ ସାରେ ଆଦଡେ । ବାଡେଙ୍କ ଇଡ଼କେ ମିକିଂ‌ଙ୍କ ଯଦି କାଙ୍ଗ୍‌ଡ଼, ମିଡ଼୍‌ମିଇ ଆଶିର୍ବାଦ୍ ମାଲ୍‌ପି ଅୟ୍‌ମୁଟ୍ ।

୧୪ ☆ୟଦି ବେନ ମିକିଂ‌ଙ୍କ ଗ୍ରହନ୍ ମାଡ଼ଣ୍ ବା ମିୟାଦ୍ ଗଟ୍ କେଞ୍ଜଣ୍, ଆଦ୍ ଲୋନ୍ ବା ନାରତାଗାଙ୍କ୍ ପେୟ୍‌ସ୍ ଆଦାନ୍ ଝେଲେ ଡେକେଡ଼ ମାଣ୍ଡୁକୁ କାହିସିସ୍ ଆଦ୍‌ପଡ଼ିୟେ ଝିଡ଼ସିନ୍ ।

୧୫ ☆ନାନ୍ ନିକିଂ‌ଙ୍କ ନିଜାମ୍ କେଡୁଡନ୍, ବିଚାର୍ ଦିନାଡେ ହିଡ଼ାକଞ୍ଜ୍ ସଦୋମ୍ ନୁ ଗମୋରାଡେ ନାରୁଡ଼କିଂ‌ଙ୍କ ଇଶ୍‌ବର୍ ଅଦିକ୍ ଅନୁଗ୍ରହ ମାଡ଼ିତନ୍ ।

ଝାଦାନ୍ ଦିନାଡ଼ କଷ୍ଟ

(ମାର୍କ ୧୩:୯-୧୩; ଲୁକ ୨୧:୧୨-୧୭)

୧୭ ☆“କେଞ୍ଜାଟ୍, ମେଣ୍ଡାଙ୍କ୍ କୁକାଲ୍ ପାୟ୍‌ରତାଦ୍ ତୁରସିଡ଼ଡେ ଲେକାମ୍ ନାନ୍ ମିକିଂ‌ଙ୍କ ରତୁଡାନ୍ । ଆଦିଙ୍କ୍ ମିଡ଼୍ ତାଡ଼ାମ୍ ଲେକାମ୍

☆ ୧୦:୧୦ ୧ କରନ୍ତିୟ ୯:୧୪; ୧ ତାମତି ୫:୧୮.

☆ ୧୦:୧୪ ପ୍ରେରିତ ୧୩:୫୧.

☆ ୧୦:୧୫ ମାଡ଼ିଉ ୧୧:୨୪.

☆ ୧୦:୧୫ ଲୁକ ୧୦:୪-୧୨.

☆ ୧୦:୧୭ ଲୁକ ୧୦:୩.

ତିଆରତେ ମାନୁର୍, ବାତେଙ୍କ ଇଡକେ ମିଡ଼୍ ବଡେ ବେଲା ବେନଙ୍କ
ଇଂସା ମାଡ଼, ମିଡ଼୍ ଆଦଲେକାମ୍ ଆୟୁମୁର୍ ।”

୧୭ ✧ ତିଆରତେ ମାନୁର୍, ବାତେଙ୍କ ଇଡକେ ନାରୁଡ଼୍ ମିକିଂଙ୍କ ଗିରାପ
ମାଡ଼ି ବିଚାରଲଡ଼ତାଗ୍ ଅଦତଡ଼୍ । ପ୍ରାର୍ଥନା ଲୋକିନାଗ୍ ଅଡ଼୍ ମିକିଂଙ୍କ
ଚାବୁକ୍ ତଡ଼୍ ରେହେତିତଡ଼୍ ।

୧୮ “ନା ସେଙ୍ଗେ ମିଡ଼୍ ରାଜା ନୁ ଶାସନ୍ କର୍ତ୍ତାଲଡ଼୍ ମୁନେ ଅସ୍ ବିଚାର
ମାଡ଼ିତଡ଼୍ । ଇଦିନ୍ ତଡ଼୍ ଅଡ଼କିଂଙ୍କ ନୁ ବିଜାଡ଼ିଡ଼୍ ନାରୁଡ଼କିଂଙ୍କ ଚାୟେଡ଼
କବର୍ ଇଦାନ୍ ମାଈଦିଙ୍କ ସାକ୍ଷି ଆଦତିଡ଼୍ ।

୧୯ ମିକିଂଙ୍କ ବିଚାର ମାଡ଼ାନ୍ ଖେଲେ ବାଡ଼ କେତିତିଡ଼୍ ନୁ
ବେଲାକେତିତିଡ଼୍, ହିଦ୍ ବିଷୟତେ ଚିନ୍ତେ ମାଡ଼୍ମାର୍ । ଚିକ୍ ସମୟତେ
ଆଦ୍ ମିକିଂଙ୍କ କେସ୍ସିଦତଡ଼୍ ।

୨୦ ବାତେଙ୍କ ଇଡକେ ମିକିଂଙ୍କ ନିଜେ ବାଡ଼ମିକା କେତାଙ୍କ ଖେୟ୍
। ବାବାଲ୍ ଇଶ୍ବରତାଦ୍ ପବିତ୍ର ଆମ୍ ମିଇ ପାୟୁରତେ ଆଲାଈଡକେ
ଗଟକେଡ଼ିଡ଼୍ ।”

୨୧ ✧ “ନାରୁଡ଼୍ ନିଜେଡ଼ ତାମୁଣ୍ଡକିଡ଼କ୍ ତଲାନଦଣ୍ଡ୍ ହିଦାନ୍ ମାଈଦିଙ୍କ
ପସ୍ପିଦତଡ଼୍ । ବାବାଲ୍ ମିକା ନିଜେଡ଼ ପିଲାନ୍ ସେଙ୍ଗେ ଆଦଲେକାମ୍
ବେବ୍ୟହାର୍ ମାଡ଼ିତନ୍ । ପିଲା ତାମ୍ ଯାୟ୍ ବାବାନ୍ ବିରୁଦ୍ତେ ଆଞ୍ଜ,
ଅଡ଼କିଂଙ୍କ ଆଞ୍ଜକିତଡ଼୍ ।

୨୨ ✧ ନା ସେଙ୍ଗେ ସାରେତଡ଼୍ ମିକିଂଙ୍କ ପାସକି ତଡ଼୍; ବାତେଙ୍କ
ଇଡକେ ବେନହାୟି ପେର୍କେଆଇନା ଶକ୍ତିତଡ଼୍ ପଇସ୍ ମାନ୍ତଣ୍ଡ୍, ଅଣ୍ଡ୍
ମୁକ୍ତି ଆଦତନ୍ ।

୨୩ ଖେରଡ଼୍ ସହର୍ ତାଗ୍ ମିକିଂଙ୍କ କଷ୍ଟ ଆଡକେ ମେଣ୍ଡନ୍ ସହର୍
ତାଗ୍ ମିରାର୍ । ନାନ୍ ମିକିଂଙ୍କ ନିଜାମ୍ ଗଟ୍ ଇସ୍ କେଡୁତାନ୍, ମିଡ଼୍
ଇଶ୍ରାୟେଲ୍ ତେ ସାରେ ସହର୍ତାଗ୍ ପାଡ଼୍ୟି ତେରସ୍ତାନ୍ ମୁନେଙ୍କ
ନାରୁନ୍ପିଲେ ମାଲ୍ସ୍ ଖାଦତନ୍ ।”

୨୪ ✧ “ଶିଷ୍ୟଡ଼୍ ଗୁରୁନାଗା କଞ୍ଜ୍ ବେଡ଼ିୟନ୍ ଆୟୁୟଣ୍ । ମାଲିକ୍
ତାଗାଙ୍କ ଚାକର୍ ବେଡ଼ିୟନ୍ ଆୟୁୟଣ୍ ।

✧ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧, ୧୨; ୨୧:୧୨-୧୫. ✧ ୧୦:୨୧ ମାର୍କ ୧୩:୧୨;

ଲୁକ ୨୧:୧୭. ✧ ୧୦:୨୨ ମାତିଉ ୨୪:୯; ମାର୍କ ୧୩:୧୩; ଲୁକ ୨୧:୧୭; ମାତିଉ ୨୪:୧୩;

ମାର୍କ ୧୩:୧୩. ✧ ୧୦:୨୪ ଲୁକ ୨:୪୦; ଯୋହନ୍ ୧୩:୧୭; ୧୫:୨୦.

୨୫ ☆ଆଦିଙ୍କ ଶିଷ୍ୟ ଗୁରୁନଲେକେମ୍ ନୁ ଚାକର ମାଲିକ୍ ଲେକାମ୍ ଆଦପାକେ ଅଡ୍ ଆସରତେ ଶାନ୍ତି ଆଦାନ୍ ଦରକାର । ଝେରଡ୍, ଲୋଡ୍ତେ ମୁକିୟାଙ୍କ ନାରୁଡ୍, ଯଦି ବାଲ୍‌ଜିବୁଲ୍ ହିଞ୍ଜ କେତିତଡ୍, ଲୋଡ୍ତେ ମେଣ୍ଡେ ବାଗାଡଡ୍‌କିଙ୍କ୍ ବେସର୍ ଅଦିକ୍ କେଲଡ୍?”

ବେନଙ୍କ୍ ଝେରଡ୍‌ତିଡ୍,
(ଲୁକ ୧୨:୨-୭)

୨୬ ☆“ଆଦିନ୍ ସେଙ୍ଗେ ନାରୁଡ୍‌କିଙ୍କ୍ ଝେରମାର୍ । ବାଡ୍ ଇଞ୍ଜେ ମୁସିଆଡ୍‌ତେ, ଆଦ୍ ତେରସ୍‌ଆଡ୍‌ତେ ମେଣ୍ଡେ ସାରେ ମିଞ୍ଜିମାନ୍ଦାନ୍ ଗଟି ପେଇତିଡ୍ ।”

୨୭ ନାନ୍ ମିକିଙ୍କ୍ ବାଡ୍ ଇକାଡ୍‌ତାଗ୍ କେସମିନ୍ଦେନ୍, ଆଦ୍ ଝେଇସ୍‌ତାଗ୍ କେଡ୍‌ଝେଇତିଡ୍ ମେଣ୍ଡେ ବାଡ୍ ମିଞ୍ଜିମାଞ୍ଜ୍ କେଞ୍ଜିତିଡ୍, ଆଦ୍ ଲୋଡ୍‌ତେ ମୁସ୍ ନାଗାଙ୍କ୍ କେଲ୍‌ମୁର୍ ।

୨୮ ବେନଡ୍, ମାଡର୍ ମେନ୍ଦୁଲ୍‌ତିଙ୍କ୍ ନଷ୍ଟ ମାଡିତଡ୍, ବାତେଙ୍କ୍ ଇଡ୍‌କେ ଆମ୍ବାତିଙ୍କ୍ ବାଡ୍ କ୍ଷତି ମାଡେ ପାର୍‌ଝଡ୍, ଅଡ୍‌କିଙ୍କ୍ ଝେରମାର୍ । ବେଲାନ୍ ବେନ୍ ଇଶ୍‌ବର୍ ମିଇ ମେନ୍ଦୁଲ୍ ନୁ ଆମ୍ବାତିଙ୍କ୍ ରେଣ୍ଡିଙ୍କ୍ ନରକତାଗ୍ ଦସ୍ ମାଡ୍‌ପାର୍‌ଦ୍‌ତଣ୍ଡ, ଅକିଙ୍କ୍ ଝେରମୁର୍ ।

୨୯ ଅଣ୍ଡୟ ପାଇସା ଇସ୍ ରେଣ୍ଡି ଆନାପିଟେ ଆସ୍ ପାର୍‌ଦ୍‌ତିନ୍, ବାତେଙ୍କ୍ ଇଡ୍‌କେ ବାବାଲ୍ ଇଶ୍‌ବର୍‌ତେ ବିନା ଅନୁମତିତେ ଅଣ୍ଡୟ ଆନାପିଟେ ନେଲ୍ ରାୟ୍‌ୟ ।

୩୦ ହେର୍ବା ମାଡାର୍, ମିଇ ତାଲେଡ୍ କେଲ୍‌କ୍ ମିକା ଲେକାଆସ୍ ମିନ୍ଦେ ।

୩୧ ଝେରମାର୍, ପିନା ଆନାପିଟେ ନାଗାଙ୍କ୍ ମିୟାଦ୍ ମୁଲ୍ୟ ଗାଟିନାଗେ ।

ଜିସୁ କ୍ରିଷ୍ଟଙ୍କ୍ ସ୍ବାକାର୍ ନୁ ଅସ୍ବାକାର୍ ମାଡାନଡି
(ଲୁକ ୧୨:୮-୯)

୩୨ “ବେନଆଇ ଗଟ୍‌ତେ ନାକିଙ୍କ୍ ପ୍ରବୁ ଇଞ୍ଜ ସ୍ବାକାର୍ ମାଡିତନ୍, ନା ସ୍ବର୍ଗତଣ୍ଡ ବାବାନ୍ ମୁନ୍‌ନେ ନାନ୍ ଅକିଙ୍କ୍ ନା ଶିଷ୍ୟ ଇଞ୍ଜ ସ୍ବାକାର୍ ମାଡିତାନ୍ ।

☆ ୧୦:୨୫ ମାଡିଉ ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫. ☆ ୧୦:୨୭ ମାର୍କ ୪:୨୨; ଲୁକ ୮:୧୭.

୩୩ ☆ବାତେଙ୍କ ଇଡ଼କେ ବେନଆଇ ଗଟ୍‌ତେ ନାକିଂଙ୍କ ଅସ୍‌ସୀକାର୍ ମାଡ଼ିତନ୍, ଅଂକିଙ୍କ ନାନ୍ ମିକା ନା ବାବାନ୍ ମୁନ୍‌ନେ ଅସ୍‌ସୀକାର୍ ମାଡ଼ିତାନ୍ ।”

ଶାନ୍ତି ବାଦୁଲ୍‌ତେ ତାଲ୍‌ୱାର୍
(ଲୁକ ୧୨:୫୧-୫୩; ୧୪:୨୬-୨୭)

୩୪ “ନାନ୍ ଜଗତ୍‌ତାଗ୍ ଶାନ୍ତି ମାଡ଼ାଙ୍କ୍ ଖାଡ଼ତାନ୍ ଇଞ୍ଜି ଏକା ମାଡ଼ମାର୍ । ଇଲେ, ନାନ୍ ଶାନ୍ତି ପଇସ୍ ଖାଡ଼ନ୍, ତାଲ୍‌ୱାର୍ ପଇସ୍ ଖାଡ଼ତାନ୍ ।

୩୫ ନା ମାଇଦିଙ୍କ୍ ମାର୍ ବାବାନ୍ ବିରଙ୍କ୍ ମାଡ଼ିତନ୍, ମାୟାଡ଼୍‌ୟାୟାନ୍ ବିରୁଡ୍ ମାଡ଼ିଡ଼ ମେଣ୍ଡେ ପୟେନ୍ ବିରୁଡ୍‌ତେ କଡ଼୍‌ୟାଡ଼୍‌ତେଦିଡ଼ ।

୩୬ ନିଜେଡ଼ ପରିବାର୍‌ତେ ନାରୁଡ଼୍‌, ୱେରଙ୍କ୍ ସାରେଡ଼ିଙ୍କ୍ ବେଡ଼୍‌ୟେ ଶତୁଡ଼୍‌ଆଦତଡ଼୍‌ ।”

୩୭ “ବେନଆଇ ନିଜେଡ଼ ବାବାଙ୍କ୍ ବା ଯାୟାଙ୍କ୍ ନାକିଂଙ୍କ୍ ଡ଼ିଡ଼ିସି ଅଦିକ୍ ପ୍ରେମ ମାଡ଼ିତନ୍, ଅଣ୍ଡ୍ ନା ଶିଷ୍ୟ ଆଦାନଙ୍କ୍ ଯୋଗ୍ୟ ଆୟ୍‌ୟଣ୍ଡ୍ । ବେନଆଇ ନିଜେଡ଼ ମାର୍ ବା ମାୟାଡ଼୍‌ତିଙ୍କ୍ ଅଦିକ୍ ପ୍ରେମ ମାଡ଼ିତନ୍, ଅଣ୍ଡ୍ ନା ଶିଷ୍ୟ ଆଦାନଙ୍କ୍ ଯୋଗ୍ୟ ଆୟ୍‌ୟଣ୍ଡ୍ ।

୩୮ ☆ବେନଆଇ ନିଜେଡ଼ କୁଗ କାଞ୍ଜି ନାକିଂଙ୍କ୍ ଲେକାମ୍ ମାଡ଼ଣ୍ଡ୍, ଅଣ୍ଡ୍ ନା ଶିଷ୍ୟ ଆଦାନଙ୍କ୍ ଯୋଗ୍ୟ ଆୟ୍‌ୟଣ୍ଡ୍ ।

୩୯ ☆ବେନଆଇ ନିଜେଡ଼ ଜିଝୁନ୍ ରକ୍ଷା ମାଡ଼ାନଙ୍କ୍ ଆଲ୍‌ସି ମାଡ଼ତନ୍, ଅଣ୍ଡ୍ ଆଦ ଆରା ମାଡ଼ିତନ୍; ବେଲାନ ବେନ ନା ମାଇଦିଙ୍କ୍ ନିଜେଡ଼ ଜିଝୁଣ୍ଡ୍ ହିଦତଣ୍ଡ୍, ଅଣ୍ଡ୍ ମୁନେଙ୍କ୍‌ତେ ଆଦ ରକ୍ଷା ମାଡ଼ିତନ୍ ।”

ପୁରସ୍କାର୍
(ମାର୍କ ୯:୪୧)

୪୦ ☆“ବେନ ମିକିଂଙ୍କ୍ କାଙ୍ଗ୍‌ତଣ୍ଡ୍, ଅଣ୍ଡ୍ ନା ସେଙ୍ଗେ ଆଦ ମାଡ଼ିତନ୍ ମେଣ୍ଡେ ବେନ ନାକିଂଙ୍କ୍ କାଙ୍ଗ୍‌ତଣ୍ଡ୍, ଅଣ୍ଡ୍ ନା ଖାଦାନଡ଼୍‌ସେଙ୍ଗେ ଆଦ ମାଡ଼ିତନ୍ ।

☆ ୧୦:୩୩ ୨ ତାମତି ୨:୧୨. ☆ ୧୦:୩୮ ମାଡ଼ିଉ ୧୭:୨୪; ମାର୍କ ୮:୩୪; ଲୁକ ୯:୨୩. ☆ ୧୦:୩୯ ମାଡ଼ିଉ ୧୭:୨୫; ମାର୍କ ୮:୩୫; ଲୁକ ୯:୨୪; ୧୭:୩୩; ଯୋହନ୍ ୧୨:୨୫.

☆ ୧୦:୪୦ ଲୁକ ୧୦:୧୭; ଯୋହନ୍ ୧୩:୨୦; ମାର୍କ ୯:୩୭; ଲୁକ ୯:୪୮.

୪୧ ବେନଆଇ ଝେରଣ୍ଡ ବାବବାଦିଙ୍କ ଇଶ୍ବରତେ ଦୂତ ଲେକାମ୍ କାଙ୍ଗିତଣ୍ଡ, ଅଣ୍ଡ ଆଦ ବାବବାଦୀନ୍ ପୁରସ୍କାରତାଗ୍ ତଡ଼ ଆଦତନ୍; ମେଣ୍ଡେ ବେନଆଇ ଝେରଣ୍ଡ ଦାମିଙ୍କ ନାରୁଙ୍କ ଅନ୍ଧାଦ୍ ସାଦୁତା ସେଙ୍ଗେ ସମ୍ବଦନ୍ ମାଡ଼ିତନ୍, ଆଦ ନାରୁନ୍ ପୁରସ୍କାରତାଗ୍ ଅଣ୍ଡ ବାଗିଦାର୍ ଆଦତନ୍ ।

୪୨ ବେନଆଇ ନାରୁଣ୍ଡ ଝେରଣ୍ଡ ସାରେତିଙ୍କ ସୁଦୁନଣ୍ଡ ଶିଷ୍ୟଙ୍କ ଗିନେନ୍ କିଡ଼ଙ୍ଗତେ ଏର ହିଦତଣ୍ଡ, ନାନ୍ ମିକିଙ୍କ ସଡ଼ କେତୁତାନ୍, ଅଣ୍ଡ ନିଜାମ୍ ପୁରସ୍କାର ପାଏମ୍ ଆଦତନ୍ ।”

୧୧

ବାପ୍ତିସ୍ମ ଯୋହନ୍ତେ ଇଚ୍ଛା

(ଲୁକ ୭:୧୮-୩୫)

୧ ଜିସୁ ତାନ୍ ବାରଜାନ୍ ଶିଷ୍ୟତ୍ବକିଙ୍କ ସାରେ ଆଦେଶକେସ୍ ତେରସ୍ତାନ୍ ଆଦ୍ ସପେତେ ସହର୍ତାଗ୍ ଆଞ୍ଜ ଶିକ୍ଷା ଇଡ଼ତନ୍ ।

୨ ଆସୁଙ୍କ ବାପ୍ତିସ୍ମ ଯୋହନ୍ ଜଇଲ୍ତାଗ୍ ମାଡ଼ତନ୍ । କ୍ରିଷ୍ଟ ବେନସାରେ ମାଡ଼ମାଡ଼ତନ୍, ଆଦିନାଦ୍ କବର୍ ପୁଞ୍ଜ ଅଣ୍ଡ ନିଜେଡ଼ ଇଡ଼ଝୁଡ଼ ଶିଷ୍ୟତ୍ବକିଙ୍କ ଜିସୁନ୍ ଗାରରେ ରହତନ୍ ।

୩ ଅଡ଼ ଆଞ୍ଜ ଜିସୁଙ୍କ ପାରିଷ୍ଟତଡ଼, “ବେନ୍ ନାରୁଡ଼ ଝାଦତନ୍ ଇଞ୍ଜ ଯୋହନ୍ କେସ୍ମାଡ଼ତନ୍, ନିମ୍ ଅଣ୍ଡେ କି ? ନା, ମାମ୍ମେ ମେଣ୍ଡଅରିତିଙ୍କ କେପିତମ୍ ?”

୪ ଜିସୁ ଉତ୍ତର ହିଡ଼ତଣ୍ଡ, “ମିଡ଼ ମାଲ୍ସ୍ ଆନୁର୍ ବାଡ଼ସାରେ ଉଡ଼ଡ଼ିଡ଼, ନୁ କେଞ୍ଜୁଡ଼ିଡ଼, ଆଦ୍ ଯୋହନ୍ ତିଙ୍କ କେଲାଟ୍ ।

୫ କାନାଲଡ଼ କଣ୍ଡା ଉଡ଼ତଡ଼, କୁଟାଲଡ଼, ତାକୁତଡ଼, କୁଷ୍ଟିରଗିଡ଼, ସୁସ୍ଥଆଦୁତଡ଼, ବାଇରା ଲଡ଼ କେଞ୍ଜୁଡ଼ିଡ଼, ତଲ୍ଲତେ ନଡ଼ ମେଣ୍ଡନ୍ ଦାମ୍ ଜିଞ୍ଜୁନ୍ ଆଦୁତଡ଼ ନୁ ଦରିଦ୍ର ନାରିଡ଼ାଗ୍ ସୁସମାଚାର ପ୍ରଚାର ମାଡ଼ତୁଡ଼ ।

୬ ମେଣ୍ଡେ ବେନେ ନାରୁଣ୍ଡ ନାକିଙ୍କ ବାଦା ଆୟଣ୍ଡ, ଅଣ୍ଡ ଦନ୍ୟ ।”

୭ ଯୋହନ୍ତେ ଶିଷ୍ୟତ୍ବ ମାଲ୍ସ୍ ଆଦାନ୍ ଝେଲେ ଜିସୁ ନାରିଡ଼କିଙ୍କ ଯୋହନ୍ ବିଷୟତେ କେଡ଼ତନ୍, “ମିଡ଼ ଯୋହନ୍ତିଙ୍କ ଉଡ଼ାନଙ୍କ ବେସୁଙ୍କ ଉଡ଼କ ଲେକେଦାଗ୍ ଆଞ୍ଜମାଡ଼ିଡ଼, ବାଡ଼ ଉଡ଼ାଙ୍କ ଆଗେମାଡ଼ି ମାଡ଼ିଡ଼ିଡ଼ ? ଗାଲ୍ତଡ଼ ଉଞ୍ଜାନ୍ ଗାଡ଼ିତିଙ୍କ ?”

୮ ବେନଙ୍କ ଉତାଙ୍କ ଆଖି ମାଡ଼ିତୁ ? ସୁନ୍ଦରତାଉ ଚକାସିଲେ କେରସ୍ ମାନ୍ଦାନ ଝେରନ୍ ନାରୁଙ୍କ ? ଆଦଲେକାମ୍ ଚକାସିଲେ କେରସ୍ ମାନ୍ଦାନତ୍ ରାଜ୍ ପ୍ରସାଦ୍‌ତାର୍ ମାନତତ୍ ।

୯ ନାକିଂଙ୍କ କେଲାର୍, ବାଡ଼ ଉତାଙ୍କ ଆଖି ମାଡ଼ିତୁ । ଝେରନ୍ ବାବବାଦୀଙ୍କ କି ? ଆଦତ ନିଜାମ୍, ବାତେଙ୍କ ଇଡ଼କେ ବାବବାଦି ନାଗାଙ୍କ ଝେରନ୍ ଅଦିକ୍ ମହାନ୍ ନାରୁଙ୍କ ଉଡ଼ିତୁ ।

୧୦ ବେନନ୍ ବିଷୟ ଇଦ୍ ଶାସ୍ତ୍ରତାର୍ ଲେକାମିନ୍ଦେ, “ଇଶ୍ବର୍ କେତତାନ୍ ମିଇ ସେଙ୍ଗେ ଆର୍ ତିଆର୍ ମାଡ଼ାଙ୍କ ନାନ୍ ମୁନେନ୍ ନା ଦୃତକିଙ୍କ ରହତିତାନ୍ ।”

୧୧ ନାନେ ମିକିଂଙ୍କ ସଡ଼ କେତୁତାନ୍, ମୁନେନ୍ କଞ୍ଜ ନେଣ୍ଡ ଆଇନା ଇଦ୍ ଜଗଡ଼ ତାର୍ ବେସ୍‌ତୁଡ଼ ଜନିମ୍ ଆଦତଡ଼, ଅଡ଼ ସାରତଡ଼ା କଞ୍ଜ ଯୋହନ୍ ମହାନ୍ ବା ଲେକେଡ଼ । ବାତେଙ୍କ ଇଡ଼କେ ସ୍ବର୍ଗରାଜ୍ୟତାର୍ ବେନ ସାରତିଙ୍କ ସୁଦୁନନ୍, ଅଣ୍ଡ ଯୋହନ୍ ତାଗାଙ୍କ ମହାନ୍ ।

୧୨ ✧ ଯୋହନ୍ ତାନ୍ ଗର୍ ପ୍ରଚାର ମାଡ଼ାନ୍ ଦିନ୍ କଞ୍ଜ ନେଣ୍ଡ ଆଇନା ସ୍ବର୍ଗରାଜ୍ୟଡ଼ ପରୁ ନାଗେ ଆକ୍ରମଣ ମାଡ଼ି ଖାଦୁତଡ଼ । ଚିଟିରମନ୍ ମାଡ଼ାନତ୍ ଆଗେ ଶକ୍ତି ମାଡ଼ି ଅସାନଙ୍କ ଆଲ୍‌ସି ମାଡ଼ୁତୁ ।

୧୩ ଯୋହନ୍ ଖାଦାନ୍ ଦିନାୟାକ ମୋଶାନ୍ ବେବସ୍ତା ନୁ ବାବବାଦୀଡ଼ାଦ୍ ଗର୍ ଆଦ ରାଜ୍ୟ ବିଷୟତେ କେସମାଡ଼ତଡ଼ ।

୧୪ ✧ ଯଦି ଅଡ଼ାଦ୍ ଗର୍ ବିଶ୍ବାସ୍ ମାଡ଼ିତୁ, ଆଲେକେ ଯୋହନ୍ ଆଦୁତନ୍ ଏଲିୟ, ବେନ ମୁନେ ଖାଦାନାଦ୍ ମାଡ଼ତେ ।

୧୫ ବେନନାଦ୍ କେଝୁ ମିନ୍ଦେ, ଅଣ୍ଡ କେଞ୍ଜାର୍ ।

୧୬ “ହିଦ୍ ଯୁଗତେ ନାରୁଡ଼କ୍ ବେନନ୍ ତଡ଼ ସାମାନ୍ ମାଡ଼ିତାନ୍ ? ଅଡ଼ ହାଟିନ୍ ନାଡ଼ମେ କୁଦି କାର୍‌ସାନ୍ ପିଲାନ୍ ଲେକେ । ଝେରଡ଼ ମାନ୍ଦେଡ଼ ପେକଡ଼ ମେଣ୍ଡନ୍ ଦଲ୍‌ଦିଙ୍କ କେଡିତଡ଼,”

୧୭ “ମାମ୍‌ମେ ପେଣ୍ଡୁଲୁ ଡ଼ଓଲା ପେଞ୍ଜତମ୍, ଇଡ଼କେ ମିଡ଼ ହେନ୍‌ଡ଼ିଡ଼ । ମାମ୍‌ମେ ଦୁଃକାମ୍ ପାଟ୍ ପାରତମ୍, ବାତେଙ୍କ ଇଡ଼କେ ମିଡ଼ କେନ୍‌ଡ଼ିଡ଼ ।”

୧୮ ଯୋହନ୍ ଖାସ୍ ଉପବାସ୍ ମାଡ଼ତଣ୍ଡ ନୁ ଅଣ୍ଡ କାଲ୍‌ଉନ୍‌ଝେ ମାଡ଼ତଣ୍ଡ । ସାରେତଡ଼ କେଡ଼ତଡ଼, “ଅଂକିଙ୍କ ବୁଡ଼ ପୟିଡ଼ତେ ।”

୧୯ ବେସୁଟ ନାରୁନପିଲେ ୱାସ୍ କାଦି ତିନ୍ଦାନଙ୍କ ମନା ମାଡ଼ଣ୍ଡି, ସାରେତଡ଼, କେଡ଼ତଡ଼, “ଇଣ୍ଡ ନାରୁଙ୍କ ଉଡ଼ାର । ଅଣ୍ଡ ଖେରଣ୍ଡ ପେଟୁ ନୁ ମାଡ଼ଝାରୀ, କରଆଦାୟ ନଡ଼ ନୁ ସମାଜରୁପତ ନାରୁଡ଼ତେ ସାଙ୍ଗ । ଅଣ୍ଡ ବାଡ଼ଆଇ, ଇଶ୍ବରତେ ବିଚାର ମାଡ଼ତେଖେଲେ, ଆଦ ପୁନ୍ଦାଙ୍କ ଆଦତେ ।”

ବିଶ୍ବାସ୍ ଇଲ୍‌ଖେ ସହରତେ ନାରୁଡ଼,
(ଲୁକ ୧୦:୧୩-୧୫)

୨୦ ବେନ୍ ସହରକିନାଗ୍ ଜିସୁ ଅନ୍‌ଝାଦ୍ ନାରଗେ ବାକ୍‌ଝା ପାଡ଼ୟି ମାଡ଼ି ମାଡ଼ତଣ୍ଡି, ଆଦ ପଡ଼ିୟେଡ଼ ନାରୁଡ଼ ଅଡ଼ାଦ୍ ପାପ୍ ସେଙ୍ଗେ ହେକେ ମାଡ଼ଝାଦ୍ ଉଡ଼ି, ଜିସୁ ଆଦ ଶହରକିଙ୍କ ପରିହାସ୍ ମାଡ଼ି କେଡ଼ତଣ୍ଡି,

୨୧ “ହୋ କୋରାଜିନ୍, ମିଡ଼ ଦସଂ ଆଦତିଡ଼ ! ବେଡ଼ସାଇଦା ମିଡ଼, ମିକା ଦସଂ ଆଦତିଡ଼ । ମିଇ ଲୋପେ ବେନ୍ ସାରେ ଆଶର୍ଯ୍ୟ ପାଡ଼ୟି ମାଡ଼ତଡ଼, ଆଞ୍ଜୁସାରେ ଯଦି ସିଦୋନ୍ ନୁ ସୋରତାଗ୍ ମାଡ଼ିମାନେଡ଼, ଆଗେଡ଼ ନାରୁଡ଼, ମେନ୍ଦୁଲତାଗ୍ ନିର୍ ଆକି ବାସ୍ତା କେରସ୍ ଅନୁତାପ୍ ମାଡ଼େଡ଼ ।”

୨୨ “ନାନ୍ ନିଜାମ୍‌ତେ କେଡୁତାନ୍, ଇଶ୍ବର ବିଚାର ମାଡ଼ାନ୍ ଦିନାତେ ମିକିଂଙ୍କ ଅନ୍ ସୋର ନୁ ସିଦନ୍ ନାରୁଡ଼କିଂଙ୍କ ଅଦିକ୍ ଅନୁଗ୍ରହ ତଅତିତଣ୍ଡି ।”

୨୩ “କପର୍ନାହୁମ୍ ! ନିୟାଦ୍ ବାଡ଼ ଦଷ୍ ଆଦତେ ! ନିମ୍ ବାଡ଼ ନିଜେତିଙ୍କ୍ ସ୍ବର୍ଗତାଗ୍ ଆଦାନ୍ ମାଇଦିଙ୍କ୍ ଆଲ୍‌ସି ମାଡ଼ତୁ ? ନିମ୍ ନର୍କତାଗ୍ ରାଲିତି । ମିଇ ଲୋପେ ବେନ୍ ଆଶର୍ଯ୍ୟ ପାଡ଼ୟି ମାଡ଼ତଡ଼, ଆଦ ଯଦି ସଦୋମ୍‌ତାଗ୍ ମାଡ଼ିମାନେଡ଼, ଆଦ ନାର ନେଣ୍ଡ ଅନ୍‌ପାକେ ସାୟେ ମାନ୍‌ନେଡ଼ ।”

୨୪ ✠ନାନ୍ ମିକିଂଙ୍କ୍ ସଡ଼ କେଡୁତାନ୍, “ଇଶ୍ବର ବିଚାର ମାଡ଼ାନ୍ ଦିନାତେ ମିୟାଗ୍ କନ୍‌ସ୍ ସଦୋମ୍‌ତିଙ୍କ୍ ଅଦିକ୍ ଦୟା ମାଡ଼ିତନ୍ ।”

ନା ଗାରରେ ୱାସ୍ ରମାଟ୍
(ଲୁକ ୧୦:୨୧-୨୨)

୨୫ ଆସୁଟେ ଜିସୁ ପ୍ରାର୍ଥନା ମାଡ଼ି କେତୁତଣ୍ଡ, “ହଁ ବାବା, ସ୍ବର୍ଗ ନୁ ପୃତିବିତ୍ ପ୍ରବୁ, ଇଦ୍ ସାରେ ଗର୍ ବୁଦ୍ଧିମାନ ନୁ ଶିକିତ୍ ନାରୁଡ୍, ମିଞ୍ଜିସ୍ତିମାଞ୍ଜି କାର୍ତ୍ତ୍ବେ ନାରୁଡ଼ାର୍ କେସ୍ମାନ୍ନାନ୍ ମାଇଦିଙ୍କ୍ ନାନ୍ ନିକିଂଙ୍କ୍ ଦନ୍ୟବାଦ୍ ଇଦୁତାନ୍ ।

୨୬ ହଁ ବାବା, ନିୟାଦ୍ ଇଚ୍ଛା ଲେକାମ୍ ଇଦ୍ ସାରେ ଗଟେମ୍ ଆଦୁଡ୍ତେ ।”

୨୭ ☆“ମା ବାବାଲ୍ ନାକିଂଙ୍କ୍ ସାରେ ଇସ୍ ମିନ୍ଦେଣ୍ଡ । ବାବାଙ୍କ୍ ଝିଡ୍ସକେ ମାର୍ରିଙ୍କ୍ ମେଣ୍ଡେ ବେନ ପୁନଣ୍ଡ ମେଣ୍ଡେ ମାର୍ରିଙ୍କ୍ ଝିଡ୍ସକେ ବାବାଙ୍କ୍ ମେଣ୍ଡେ ବେନ ପୁନଣ୍ଡ । ମାର୍ ବେନ ଗାର୍ରେ ବାବାନ୍ ଗଟି କେତିତଣ୍ଡ, ମାତର୍ ଅଡ୍ ବାବାଙ୍କ୍ ପୁନଡ୍ତ ।”

୨୮ “ଗୁରୁ ଦାୟିତ୍ବ କାଞ୍ଜି ଆୟିତ୍ବେ ନାରୁଡ୍, ନା ଗାର୍ରେ ଖାଡ଼ାର୍, ନାନ୍ ମିକିଂଙ୍କ୍ ରମାଙ୍କ୍ ହିଦ୍ତାନ୍ ।

୨୯ ନାଝାଦ୍ ଜୁଝାଡ୍ କାଞ୍ଜି ନାୟାଗାଙ୍କ୍ ଶିକ୍ଷା ଆୟମୁର୍ । ବାତେଙ୍କ୍ ଇଡ୍କେ ନାନ୍ ନିଜେ ନମ୍ ନୁ ସରଲ୍ ଆସ୍ମାନ୍ନାଙ୍କ୍ ମିଡ୍, ନା ଗାର୍ରେ ରମିତିଡ୍ ।

୩୦ ନାନ୍ ମିକିଂଙ୍କ୍ ବେନ୍ ଜୁଝାଡ୍ ହିଦ୍ତାନ୍ ଆଦ୍ କାଞ୍ଜାନଙ୍କ୍ ସହଜ୍ । ମେଣ୍ଡେ ବେନ୍ ଦାୟିତ୍ବ ହିଦ୍ତାନ୍ ଆଦ୍ ମିକା ଗାଟି ହାଲ୍କା ।”

୧୨

ବିଶ୍ବାମ୍ବଦିନେ ପାଲନ୍

(ମାର୍କ ୨:୨୩-୨୮; ଲୁକ ୬:୧-୫)

୧ ଇଦିନ୍ ବେସକ୍ ଦିନାଡ୍ ପେକେଁ ଝେରଡ୍, ବିଶ୍ବାମ୍ବଦିନ୍ ଜିସୁ ଝିତି ମାନ୍ନାନ୍ ଖାୟେତାଲ୍ଲାନ ଆଞ୍ଜମାଡ୍ତଣ୍ଡ । ତାନ୍ ଶିଷ୍ୟନଡ୍ କାର୍ପୟିତାଙ୍କ୍ ଅଡ୍ ଝିଡ୍ତାଗାଙ୍କ୍ କେଡ୍, ଦେହେସ୍ ତିନ୍ନାଙ୍କ୍ ପସ୍ପଡ୍ତଣ୍ଡ ।

୨ ପାରୁଶୀନଡ୍ ଆଦ୍ ଉଡି ନାରୁଡ୍ କେଡ୍ତଣ୍ଡ, “ଉଡ଼ାର୍, ବିଶ୍ବାମ୍ବଦିନ୍ ମିଲ୍ ଶିଷ୍ୟନଡ୍, ବେଦ୍ଲେକାମ୍ ଶାସ୍ତ୍ର ବିରୁଦ୍ଧେ ପାଡ୍ଡି ମାଡ୍ଡୁଡ୍?”

୩ ଜିସୁ ଅତ୍କିଂଙ୍କ ଉତ୍ତର କେତେଦିନ, “ଅନ୍ ଦିନ୍ ଦାଉଦ୍ ନୁ ତାନ୍ ଶିଷ୍ୟନତ୍ କାର୍ତ୍ତିନ୍ ମାୟାନ୍ ଝେଲେ ଦାଉଦ୍ ବାତ୍ ବାତ୍ ମାତି ମାତ୍ତଣ୍, ମିଡ୍ ଶାସ୍ତ୍ରତାଗ୍ କାର୍ତ୍ତିଡ୍ ?

୪ ଅଡ୍ ବେଲାନ୍ ଇଶ୍ବରତେ ମନ୍ଦିର୍ ତେ ଲୋପେ ଆଞ୍ଜ୍ ଇଶ୍ବରତିଙ୍କ୍ ଇଡ୍ତେ ଚୁଟି ତିଡ୍ତଡ୍ । ଶାସ୍ତ୍ର ଲେକାମ୍ ପୁରହିଡ୍ତିଙ୍କ୍ ଝିଡ୍ସି ଆଉ ରୋଟି ତିନ୍ଦାନ୍ ସେଙ୍ଗେ ବେନନାଦ୍ ମେଣ୍ଟେ ଅଦିକାର୍ ଇଲ୍ଲେ ମାତ୍ତେ ।

୫ ମିଡ୍ ବାତେଏ କାର୍ତ୍ତିଡ୍ ? ମୋଶାନ୍ ବେବସ୍ତା ଲେକାମ୍ ପୁରହିଡ୍ତନତ୍ ବିଶ୍ବାମ୍ ବାର୍ତେ ମନ୍ଦିର୍ ଲୋପେ ପୁରୋହିତ ନତ୍ ବିଶ୍ବାମ୍ଦିନ୍ ନିୟମ୍ ବିରୁଦ୍ ମାତ୍ତମାତ୍ତକେ ମିକା ଆଦିନ୍ ସେଙ୍ଗେ ଅଡ୍ ଦଷ୍ ପୁନ୍ଦାଙ୍କ୍ ଆୟ୍ଯଡ୍ ?

୬ ନାନ୍ ମିକିଂଙ୍କ୍ କେତୁତାନ୍, ମନ୍ଦିର୍ତାଦ୍ ମହତ୍ ବିଷୟ ନେଣ୍ ଇଗେମିନ୍ଦେ ।

୭ ଶାସ୍ତ୍ର କେତିଡ୍, ‘ନାନ୍ ଦୟା, ବଲିଦାନ୍ ଆୟ୍ଯ,’ ଇଦ୍ ଗଟ୍ ତେ ଇଡ୍ତକେ ଯଦି ବ୍ରଜେମ୍ ଆଦ୍ତିଡ୍, ଇଡ୍ ଆଦେଶ୍ତେ ନାରୁଡ୍ ମିଡ୍ ଦଷ୍ ମାତ୍ତଡ୍ ଆୟ୍ଯେଡ୍ ।

୮ ପୁଞ୍ଜ ମାନୁର୍, ନାରୁନ୍ ପିଲେ ସ୍ବୟଂ ବିଶ୍ବାମ୍ ବାର୍ତେ ପ୍ରଭୁ ।”

ୱାସ୍ତେ କାୟ୍ ନାରୁନ୍ ସୁସ୍ଥତା

(ମାର୍କ ୩:୧-୬; ଲୁକ ୬:୬-୧୧)

୯ ଜିସୁ ଆଦ୍ ପଡିନ୍ଦେ ତାଗାଙ୍କ୍ ଆଞ୍ଜ୍ ପ୍ରାର୍ଥନା ଲୋନ୍ ଅସ୍ତନ୍ ।

୧୦ ଝେରନ୍ ୱାସ୍ତେ କାଈତେନଣ୍ ଆଗେ ମାତ୍ତଣ୍ । ଜିସୁନ୍ ଦଷ୍ ପୟିତାନ୍ ସେଙ୍ଗେ ମାନ୍ଦେ ନାରୁଡ୍ ଆଗେ କେପିମାତ୍ତଡ୍ । ଅଡ୍ ଜିସୁଙ୍କ୍ କେଡ୍ତଡ୍, ବିଶ୍ବାମ୍ ଦିନ୍ ସୁସ୍ଥ ମାତ୍ତାନାଦ୍ ଶାସ୍ତ୍ର ବିରୁଦ୍ ଆୟ୍ଯ କି ?

୧୧ ଜିସୁ ଉତ୍ତର ଇସ୍ କେଡ୍ତଣ୍, “ବିଶ୍ବାମ୍ଦିନ୍ ଯଦି ମିନ୍ଦାଦ୍ ମେଣ୍ଟା ଝେରଡ୍ ଗୁଲନ୍ଦେତାଗ୍ ରାଲିଡ୍, ମିଡ୍ ଆଦିଙ୍କ୍ ତେସ୍ ତାତ୍ତଡ୍ତିକି ?

୧୨ ଝେରନ୍ ନାରୁନ୍ ମୂଲ୍ୟ ଝେରଡ୍ ମେଣ୍ଟେଡ୍ ମୂଲ୍ୟଡ୍ ଝିଡ୍ସି ଗାଟି ଅଦିକ୍ । ଆଲେକେ ବିଶ୍ବାମ୍ଦିନ୍ ମେଣ୍ଟଅଡ୍ତିଙ୍କ୍ ସାହାଯ୍ୟ ମାତ୍ତାନାଦ୍ ମାୟାଦ୍ ଶାସ୍ତ୍ରତାଗ୍ ପାଡ୍ଡି ।”

୧୩ ଆଦ କେସ୍ ଅଣ୍ଟ କାୟ୍ ଖାତିମାନ୍ ନାରୁଙ୍କ କେତବଣ୍ଟ, “କାୟ୍ ତିନାଙ୍କ ମାତେ ।” ନାରୁନ୍ କାୟ୍ ତିନାଙ୍କ ମାତାନ୍ ସାଙ୍ଗେ ସାଙ୍ଗେ ଆଦ କାୟ୍ ମେଣ୍ଟନ୍ କାୟ୍ ଜନା ସୁସ୍ଥ ଆଡ଼ତେ ।

୧୪ ତାନ୍‌ପେକେ ପାରୁଣୀଡ଼୍ ଆଦ ପଡ଼ିୟେତାଗାଙ୍କ ପେଇସ୍ ଆଞ୍ଜ୍ ଜିସୁଙ୍କ ଆଞ୍ଜୁକାନ୍ ସେଙ୍ଗେ ଷଡ଼ଯନ୍ତ୍ର ମାଡ଼ତଡ଼୍ ।

ଇଶ୍ବର ହେଉଁମାନ୍ ଦାସ

୧୫ ତାନ୍ ବିରୁଦ୍ଧତେ ଆସମାନ୍ ଷଡ଼ଯନ୍ତ୍ର ଗର୍ କେଞ୍ଜି ଜିସୁ ଆଦ ଗାଉନ୍ ଓଡ଼ିସି ମେଣ୍ଟନ୍ ପାକେ ଆଡ଼ତନ୍ । ଇଡ଼କେ ନାର୍‌ଗେ ନାରୁଡ଼୍ ଅନ୍ ପେକେ ଆଡ଼ତଡ଼୍ ।

୧୬ ଜିସୁ ରୋଗି ନାରୁଡ଼୍ ସୁସ୍ଥ ମାଡ଼ମାଡ଼ତନ୍, ବାତେଙ୍କ ଇଡ଼କେ ତାନ୍ ବିଷୟତେ ବାଗାତଡ଼୍‌କିଙ୍କ ବାତେଏ କେଲ୍‌ମାଟ୍ ଇଞ୍ଜ ଗର୍ ହିସମାଡ଼ତନ୍ ।

୧୭ ହିଦିନ୍ ତଡ଼୍ ବାବବାଦୀ ଯିଶାୟତେ ତଡ଼୍ ଇଶ୍ବର ବେନ୍‌ଗର୍ କେଞ୍ଜିମାଡ଼ତନ୍, ଆଦ ସାରେ ଆଡ଼ତେ;

୧୮ “ହିଣ୍ଟ ନା ପ୍ରିୟ ଦାସ,

ଅଂକିଙ୍କ ନାନ୍ ପ୍ରେମ ମାଡ଼ତୁନ୍, ଅନ୍ ସେଙ୍ଗେ ନାନ୍ ଶାନ୍ତି ।

ନାଞ୍ଜାଦ ଆମ୍ବା ଅନ୍ ପରୁ ତିରିଡ଼ତେ;

ସାରେ ବିଜାତିନ୍ ଗାରରେ ଅନ୍ ନା ନ୍ୟାୟ ବିଚାର ଗଣନା ମାଡ଼ିତନ୍ ।

୧୯ ଅଣ୍ଟ ରାମ୍‌କ୍ ଆୟନ୍ କି ମରରେ ଆୟନ୍,

ରୋଟ୍ ନାଡ଼ମେ ନିସ୍ ଗାଟିଲେଙ୍କଦେ ଗଟି କେଲ୍‌ଲନ୍ ।

୨୦ ଦୁର୍ବଲ୍‌ମାନ୍‌ନଡ଼୍ ସେଙ୍ଗେ ଅଣ୍ଟ କମଲ୍ ବ୍ୟବହାର ମାଡ଼ିତନ୍ ନୁ

ରୋଗତେ ମାନ୍‌ନଡ଼୍ ଦୟା ମାଡ଼ିତନ୍ ।

ନ୍ୟାୟ ଶାନ୍ତି ଆଦାନ୍ ଯାକ ଅଣ୍ଟ ଅନ୍ ସାଦନାକଞ୍ଜ୍ ତଡ଼୍ ଆୟନ୍ ।

୨୧ ଅନ୍ ପରରେ ସାରେ ଜାତିନ୍ ନାରୁଡ଼୍ ଆଗେ ଖାଟିତଡ଼୍ ।”

ଜିସୁ ନୁ ବାଆଲ୍‌ଜିବୁଲ୍

(ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ତାନ୍ ପେକେ ଅନ୍ ଦିନ୍ ନାରିଡ଼୍ ଝେରଙ୍କ କାନାଙ୍କ ନୁ କନ୍ଦାଙ୍କ ତାଡ଼ତଡ଼୍ । ଅଙ୍କ ବୁଡ଼ ପୟତାଙ୍କ ଗଟି ତିର୍ଯ୍ୟାକ୍ ପାର୍ଶ୍ବମାଡ଼ତନ୍

। ଜିସୁ ଅଂକିଙ୍କ ସୁସ୍ଥ ମାଡ଼ିଉଣ୍ଡ । ଅଣ୍ଡ ଉଡେପାର୍ଡନ୍ ନୁ ତିରୟାଙ୍କ ପାର୍ଡନ୍ ।

୨୩ ଜିସୁନ୍ ଆଦ ପାଡ଼ିଉ ଉଡି ନାରୁଡ଼୍ ବାକ୍ସା ଆସ୍ ଅଂକିଙ୍କ କେଡ଼ତଡ଼୍, “ଇଣ୍ଡ ବାଡେଏ ଆ ଦାଉଦ୍ ତେ ବଂଶତଣ୍ଡ ?”

୨୪ ☆ପାରୁଣୀଡ଼୍ ଆଦେକେଞ୍ଜି କେଡ଼ତଡ଼୍, “ଅଣ୍ଡ ପ୍ରେତପତି ବାଆଲ୍‌ଜିବୁଲ୍ ତାଗାଙ୍କ ଶକ୍ତି ଦରସ୍‌କି ବୁଡ଼ ଝିରସ୍‌ପୁଡନ୍ ।”

୨୫ ଅଡ଼୍ ବାଡେଚିନ୍ତା ମାଡ଼ିଉଡ଼୍ ଜିସୁ ପୁଞ୍ଜି କେଡ଼ତନ୍, “ଝେରଡ଼୍ ଦେଶ୍‌ତେ ନାରୁଡ଼୍ ଝେରେ ମାନ୍ଦେତାଗ୍ ଝିରି ତାମ୍‌ତାମ୍ ଲୋପେ ଲଡେମ୍ ଆଡ଼କେ, ଆଦ୍ ଦେଶ୍ ଗାଟି ଦିନ୍ ସାୟେ ମାନ୍ଦେପାରୁଝ । ବେନିଆଇ ଟାଉନତାଗ୍ ବା ପରିବାର ଲୋପେ ଝେରେ ମାନ୍ଦେ ଆସ୍ ରାମାଙ୍କ ଆଡ଼କେ, ଅଡ଼୍ ଯାପେ ଦଂସ୍ ଆଦତଡ଼୍ ।”

୨୬ ଆଲେକେ, ଶୟତାନ୍ ରାଜ୍ୟତାଗ୍ ଯଦି ଝେରଡ଼୍ ମାନ୍ଦେ ମେଣ୍ଡନ୍ ମାନ୍ଦେଡ଼ ବିରୁଦ୍ଧତେ ଲଡେମ୍ ଆଦତେ, ପୁନ୍ୟାଙ୍କ ଆଦତେ ଯେ ଆଦ୍ ଦୁଡ଼ା ବିକଣ୍ଡ ଆସ୍ ସାରେଦିନାମ୍ ସେଙ୍ଗେ ଦଂସ୍ ଆଦତେ ।

୨୭ ମିଡ଼୍ କେଡୁତିଡ଼୍, ନାନ୍ ବାଆଲ୍‌ଜିବୁଲ୍ ଶକ୍ତିତେ ପ୍ରେତାମ୍‌କିଂଙ୍କ ଝିରସ୍‌ପୁଡାନ୍ । ଆଲେକେ ଆଞ୍ଜିଙ୍କ ତଲାନ୍ ସେଙ୍ଗେ ମିଇ ଶିଷ୍ୟନଡ଼୍, ଇଦ୍ ପାଡ଼ିୟ୍‌ଦେନଡ଼୍ ମିଇ ଅବିୟଗ୍ ବୁସାଇଞ୍ଜ ପ୍ରମାନ୍ ଆଦୁଡ଼ତେ ।

୨୮ ବୁଡ଼ ଝିରସ୍‌ପାନ୍ ଶକ୍ତି ନାନ୍ ବାଆଲ୍‌ଜିବୁଲ୍ ତାଗାଙ୍କ୍ ଦରସ୍‌କନ୍ । ଇଶ୍‌ବରତେ ଆମ୍ ତାଗାଙ୍କ୍ ଆଦ୍ ନାନ୍ ଦରସ୍‌କ୍ତାନ୍ । ହିଦିନ୍ ତଡ଼୍ ମେଣ୍ଡେ ଝେରଡ଼୍ ପ୍ରମାନ୍ ଆଦୁଡ଼୍, ସ୍ୱର୍ଗରାଜ୍ୟ ମିଇ ପାକେ ଝାସ୍‌ମିନ୍ଦେ ।

୨୯ “ଝେରନ୍ ଶକ୍ତିମାନ୍ଦାନ୍ ନାରିଙ୍କ୍ ମୁନେଙ୍କ୍ ତଝେମାଡ଼କେ, ବେନି ତାନ୍ ଲୋତାଗାଙ୍କ୍ ଜବରଦସ୍ତ ନେଙ୍ଗି ତାନ୍ ସମ୍ପତି ଝିରସ୍‌ପି ଅଦେପାରୁଝନ୍ ।”

୩୦ ☆“ବେନି ନା ତଡ଼୍ ଇଲାଣ୍ଡ୍, ଅଣ୍ଡ ସାରେଡିଙ୍କ୍ ନା ବିରୁଦ୍ଧତେ ମିନ୍ଦେନ୍ । ବେନି ନା ତଡ଼୍ କାହିଲି ଗୁଡ଼୍‌ପନ୍, ଅଣ୍ଡ ବାସ୍ତବିକି ନା ବିରୁଦ୍ ମାଡ଼ିଉଣ୍ଡ ।”

୩୧ ଆଲେକେ ନାନ୍ ମିକିଂଙ୍କ କେଡୁଡାନ୍, ନାରୁଡ଼୍ ଯେ ବାଡ଼ିଆଇ ପାପ୍ ମାଡ଼ିତନ୍ ବା ସାରେ ଗାଟି କେଲିନ୍ ଆଦିନ୍ ସେଙ୍ଗେ ଅଂକିଙ୍କ୍

କ୍ଷମା ଇଦାଙ୍କ ଆଦତେ । ବାତେଙ୍କ ଇଡକେ ଯଦି ବେନ୍ ପବିତ୍ରଆମ୍ବା
ବିରୁଦ୍ଧତେ ବାତେଏ କେତିତନ୍, ଅନାଦ୍ କ୍ଷମା ଇଲେ ।

୩୭ ☆ବେନ୍ ନାରୁନ୍‌ପିଲେ ବିରୁଦ୍ଧତେ ବାତେଏ ପାପ୍ ମାଡକେ
ବା କେଡକେ, ଅଂକିଙ୍କ କ୍ଷମା ଦରକିଡ୍ । ବାତେଙ୍କ ଇଡକେ ଯେ
ବେନ୍ ପବିତ୍ରଆମ୍ବା ବିରୁଦ୍ଧତେ ବାଡ୍ କେତିତନ୍, ଅଂକିଙ୍କ ଇଞ୍ଜେ ବା
ବବିଷ୍ୟତ୍‌ତେ ବେସୁଙ୍କ ବା କ୍ଷମା ଦରକ ।

ମାଡେ ନୁ ତାନ କାୟା

(ଲୁକ ୬:୪୩-୪୫)

୩୩ ☆“ଲେକେଡ୍ କାୟା ଆଦାନ୍ ସେଙ୍ଗେ ମାଡେ ଲେକାମ୍ ଆଦାନ୍
ଦରକାର । ପିନ୍‌ଲାର ମାଡେତାଗ୍ ପିନ୍‌ଲାର କାୟା ଆଦଦିଡ୍‌ତା ।
ମାଡେ ବେଦଲେକାମ୍, ତାନ୍ କାୟାନ୍ ତଡ୍ ପୁନ୍‌ଦାଙ୍କ ଆଦତେ ।”

୩୪ ☆ଆରେ ତାଡାମ୍ ବଂଶତ୍ କପାଡ୍ ନାରୁଡ୍ ! ନିଜେ କପାମ୍ ଆସ୍
ମିଡ୍ ବାତେଏ ସାୟେ ଗଟ୍ କେଡ୍‌ପାରତିଡ୍? ହୁଦୟ୍‌ତେ ହେର୍ଜା ମକମ୍
ଇସ୍ ପେହିତିଡ୍ ।

୩୫ ଝେରନ୍ ଲେକେଡ୍ ନାରୁନ୍ ଲେକାମ୍ ବର୍ତ୍ ଆସ୍‌ମାନ୍‌ତାନ୍ ତାନ୍
ସାୟେଡ୍ ବଣ୍ଡାର୍ ତାଗାଙ୍କ ସାୟେଡ୍ ଜିନିଷ୍ ପେସ୍‌ପିତଣ୍ । ଝେରନ୍
କାରାପ୍ ନାରୁନ୍ ତାନାଦ୍ କାରାପ୍ ଜିନିଷ୍‌ତେ ବର୍ତ୍ ଆସ୍‌ମାନ୍‌ତାନ୍
କାରାପ୍ ବଣ୍ଡାର୍‌ତାଗାଙ୍କ କାରାପ୍ ଜିନିଷ୍ ପେସ୍‌ପିତନ୍ ।

୩୬ “ମିଡ୍ କେସ୍‌ମାନ୍‌ତାନ୍ ସାରେ ମୁଲ୍ୟ ଇଲ୍‌ଝେ ଗଟ୍ ସେଙ୍ଗେ ବିଚାର୍
ଦିନେତେ ମିକିଂଙ୍କ ସାକ୍ଷି ହିଦାଙ୍କ ଆଦତେ ।

୩୭ ମିଇ ଗଟ୍‌ତେ ସେଙ୍ଗେ ମିଡ୍ ବିଚାରିତ ଆସ୍ ନିର୍ଦୋଷ୍ ବା ଦକ୍ଷି
ଶାବ୍ୟସ୍ ଆଦତିଡ୍ ।”

ବାକ୍‌ଝା ପାଡ୍‌ୟିଦେ ସେଙ୍ଗେ ଦାବି

(ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ ☆ଅନ୍‌ଦିନେ ବେସ୍‌ତୁଡ୍ ପାରୁଶାଡ୍ ନୁ ଦର୍ମଗୁରୁଡ୍ ଜିସୁଙ୍କ
କେଡ୍‌ତଡ୍, “ଗୁରୁ, ନିୟାଦ୍ ଝେରଡ୍ ଆଶର୍ଯ୍ୟ ପାଡ୍‌ୟି ଉଡାନଙ୍କ ଇଚ୍ଛା
ମାଡ୍‌ତୁମ୍ ।”

☆ ୧୭:୩୭ ଲୁକ ୧୭:୧୦. ☆ ୧୭:୩୩ ମାତିଉ ୭:୨୦; ଲୁକ ୬:୪୪. ☆ ୧୭:୩୪ ମାତିଉ
୩:୭; ୨୩:୩୩; ଲୁକ ୩:୭; ମାତିଉ ୧୫:୧୮; ଲୁକ ୬:୪୫. ☆ ୧୭:୩୮ ମାତିଉ ୧୭:୧; ମାର୍କ
୮:୧୧; ଲୁକ ୧୧:୧୭.

୩୯ ☆ଜିସୁ ଆଶୀର୍ଯ୍ୟ ଲେକାମ୍ ମାଡ଼ି କେତେନ୍, ଇ ଯୁଗ୍ତେ ନାରୁଡ଼, ବେସର୍ ଦୁଷ୍ଟ ନୁ ଇଶ୍ବର ବିଶ୍ବାସ୍ ଆୟନ୍ । ମିଡ଼ ନାକିଂଙ୍କୁ ଝେରଡ଼, ବାକ୍ସା ପାଡ଼୍ଯି ତଖାଙ୍କୁ କେତୁଡ଼ିଡ଼? ମାତର୍ ବାବବାଦୀ ଯୁନସ୍ତେ ଜିହ୍ନଡ଼େ ଗଟେମ୍ ଆସ୍ମାନ୍ ବାକ୍ସା ପାଡ଼୍ଯି କେ ମିକିଂଙ୍କୁ ତହସ୍ବିଦ୍ ଝେହିଡ଼ିଡ଼ ।

୪୦ ଯୁନସ୍ ବେଦ୍ ଲେକାମ୍ କିକେଡ଼ ଡ଼ଙ୍କେଡାଗ୍ ମୁଣ୍ଡଦିନା ନୁ ମୁଣ୍ଡନାରକା ମାଡ଼ିଡ଼, ଆଦେ ଲେକାମ୍ ନାରୁନ୍ ପିଲେ ମିକା ବୁମ୍ତେ ଲୋପେ ମୁଣ୍ଡଦିନା ନୁ ମୁଣ୍ଡନାରକା ମାନଡ଼ନ୍ ।

୪୧ ବିଚାର ଦିନ୍ ନିନିବୀଡ଼େ ନାରୁଡ଼, ମିଇ ବିରୁଦ୍ଧଡ଼େ ଅବିଯଗ୍ ମାଡ଼ାଙ୍କୁ ନିଲ୍ଦତଡ଼, ବାଡେଙ୍କୁ ଇଡ଼କେ ଯୁନସ୍ତେ ପ୍ରଚାର କେଞ୍ଜି ଅଡ଼ ପାପ୍ ଆର୍ଦାଗା ମାଲ୍ସ୍ ଝାଡ଼ତଡ଼ । ନାନ୍ ମିକିଂଙ୍କୁ କେତୁଡ଼ାନ୍, ଯୁନସ୍ତାଗାଙ୍କୁ ବେଡ଼ୟ୍ସ୍ ଝେରନ୍ ହିଗେ ମିନ୍ଦେନ୍ ।

୪୨ ବିଚାର ଦିନେଡ଼େ ଶିବାର ନାଟାଡ଼, ମିୟାଦ୍ ଦଷ୍ଟ ତଅଡ଼ାନ୍ ସେଙ୍ଗେ ନିଡ଼ିଡ଼େ, ବାଡେଙ୍କୁ ଇଡ଼କେ ନାରୁଡ଼ ବୁଡ଼ଡ଼େ ଗଟ୍ କେଞ୍ଜାନ୍ ସେଙ୍ଗେ ପୃତିବିଡ଼େ ସାରେଏକାମ୍ତେ ଝାଡ଼ତଡ଼; ବାଡେଙ୍କୁ ଇଡ଼କେ ନାନ୍ ମିକିଂଙ୍କୁ ନିଜାମ୍ ତେ କେତୁଡ଼ାନ୍, ଶଲୋମାନ୍ ତାଗାଙ୍କୁ ମହୀୟାନ୍ ଝେରନ୍ ଇଗେ ମିନ୍ଦେନ୍ ।

ପ୍ରେତାମ୍ବାଡ଼େ ମାଲ୍ସ୍ ଝାଡ଼ଡ଼େ (ଲୁକ ୧୧:୨୪-୨୬)

୪୩ “ନାରୁନ୍ ମେନ୍ଦୁଲ୍ ତାଗାଙ୍କୁ ପେଇସ୍ ଆଡ଼ଡ଼େ ପେକେଁ ଝେରଡ଼, ପ୍ରେଡ଼ ଆମ୍ବା ଉସ୍ ନାର୍ତାଗେ ବିଚରନ୍ ମାଡ଼ି ମେଣ୍ଡୁନ୍ ପଡ଼ିୟେ ନେଲ୍ ମେହେକିଡ଼ ।

୪୪ ଆଦ୍ ଦରକ୍ତେ ମାଡ଼କେ, ତାନ୍ ମୁନେଡ଼ ଲୋଡ଼ତା ମାଲ୍ସ୍ ଆଦାଙ୍କୁ ଇଛାମାଡ଼ିଡ଼ । ଯଦି ମାଲ୍ସ୍ ଆଞ୍ଜି ଉଡ଼ିଡ଼, ଆଦ୍ ଲୋନ୍ ଲେକେଡ଼ ସପାୟୁତରା ଆସ୍ ଆସାମେ ମିନ୍ଦେ,

୪୫ ଅନାଗ୍, ମେଣ୍ଡେ ଦୁଷ୍ଟ ସାଡ଼ଟାନ୍ ପ୍ରେତତିଙ୍କୁ ନିମନ୍ତ୍ରଣ ମାଡ଼ିତାଡ଼ିଡ଼ ନୁ ଆଞ୍ଜି ସାରେ ଆଦ୍ ଲୋନ୍ ମାନଡ଼ା । ଇଦିନ୍ତଡ଼, ଆଦ୍ ବୁଡ଼ ପୟିଡ଼ଡ଼େ ନାରୁନ୍ ଶେଷ୍ ଦଷ୍ଟ ମୁନେଡ଼ ଦଷ୍ଟତାଗାଙ୍କୁ ଗାଟି

ଗଡ଼ବଡ଼ ଆଦତେ । ହିଦ୍ ଯୁଗ୍‌ରେ ଦୁଷ୍ଟ ନାରୁଡ଼, ହିଦ୍‌ଲେକାମ୍ ଗାଟି
ତିପାଲ୍ ଆଦତଡ଼ ।”

ଜିସୁନ୍ ଯାୟ ନୁ ଦାଦାଲଡ଼

(ମାର୍କ ୩:୩୧-୩୫; ଲୁକ ୮:୧୯-୨୧)

୪୭ ଜିସୁ ନାରୁଡ଼ ତଡ଼ ଗଟିଆଦାନ୍ ଖେଲେ ତାନ୍ ଯାୟ ନୁ ଦାଦାଲଡ଼,
ଆଦ ପଡ଼ିୟେତାଗ୍ ହେଉସ୍ ଅଂକିଙ୍କ କେତାନଙ୍କ ବାଇଦେ କେପି
ଅଂକିଙ୍କ କାରଙ୍ଗତଡ଼ ।

୪୮ ଖେରନ୍ ନାରୁନ୍ ଖାସ୍ ଜିସୁଙ୍କ କେଡ଼ତଣ୍ଟ, “ଉଡେ, ନି ଯାୟ ନୁ
ଦାଦାଲଡ଼ ନି ସେଙ୍ଗେ ବାଇଦେ କେପଡ଼ ।”

୪୮ ଜିସୁ ଉତ୍ତର କେଡ଼ତଣ୍ଟ, “ବେନ ନା ଯାୟ ନୁ ବେନ ନା ଦାଦାଲ୍
?”

୪୯ ଶିଷ୍ୟନଡ଼ ପାକେ କାୟ ତଅସ୍ କେଡ଼ତଣ୍ଟ, “ହିଡ଼ ଆଦୁତଡ଼ ନା
ଯାୟ ନୁ ନା ଦାଦାଲଡ଼ ।

୫୦ ବେନ ଆୟି ନା ସ୍ପର୍ଗତେ ବାବାନ୍ ଇଚ୍ଛା ଲେକାମ୍ ମାଡ଼ିତନ୍, ଅଣ୍ଟ
ନା ଦାଦାଲ୍, ନା ଏଲାଡ଼ ନୁ ନା ଯାୟ ।”

୧୩

ଝିଜ୍ ଝିତାନନାଦ୍ ଖେଷଡ଼ ଗଟ୍

(ମାର୍କ ୪:୧-୯; ଲୁକ ୮:୪-୮)

୧ ଆଦ ଦିନ୍ ଜିସୁ ପେଇସ୍ ହିଲ୍‌କେ ଆଞ୍ଚିନା ଆଡ଼ତନ୍ । ଆଗେ ଅଣ୍ଟ
ଶିକ୍ଷା ହିଦାନ୍ ସେଙ୍ଗେ କୁଦତନ୍ ।

୨ ☆ଅନ୍ ତିଡ଼ପାକେ ହିସର୍ ନାରୁଡ଼ କୁଦତଡ଼ ଯେ ଅଣ୍ଟ ଖେରଡ଼,
ଓଡେତାଗ୍ ଆଞ୍ଚି କୁଦତନ୍ । ନାରୁଡ଼ ହିଲ୍‌କେ ଆଞ୍ଚିନା ନିସ୍‌ମିକା ଅନ୍
ଗଟି କେଞ୍ଜତଡ଼ ।

୩ ଅଣ୍ଟ ଖେଷଡ଼ ହିନା ଅଡ଼କିଂଙ୍କ ନାରଗେ ଗଟି ଶିକ୍ଷା ହିଡ଼ତନ୍ । ଅଣ୍ଟ
କେଡ଼ତାନ୍, “ଅନ୍‌ଦାମ୍ ଖେରନ୍ ନାରୁନ୍ ଝିଜ୍ ଝିତାନଙ୍କ ପେହିଡ଼ତନ୍ ।

୪ ଅଣ୍ଟ ଖାୟେତାଗ୍ ଝିଜ୍ ଝିତାନ୍ ଖେଲେ ବେସକ୍ ପେଡେକ୍
ଆରଦାଗ୍ ଲାହିନ୍ ରାଲ୍‌ତାଙ୍କ ପିଟେ ଖାସ୍ ଆଞ୍ଚିଙ୍କ ତିଞ୍ଜିଜିତା ।

☆ ୧୩:୨ ଲୁକ ୫:୧-୩.

୫ ମେଣ୍ଡେ ବେସକ୍ ପେଡ଼େକ୍ ଗାଟି ସୁଦୁର୍ ମାଣ୍ଡୁଲ୍ ମାନ୍ଦାନାନ୍ ରାଲ୍ତା ସୁଦୁର୍ ପନ୍ଦି ମାନ୍ନାଙ୍କୁ ଖାଞ୍ଜି ଯାପେ ମଡ଼ତା ।

୬ ବାତେଙ୍କୁ ଇଡ଼କେ ଆସ୍ତୁ ମାଡ଼ା ଲୋପେ ଆନ୍‌ଖାଙ୍କୁ ପଡ଼ଦ୍ ହେଦ୍‌ଡ଼େ ଆଉ ଖାସିଆଡ଼ତା ।

୭ ବେସକ୍ ଝିନ୍ କୟେନାନ୍ ରାଲ୍ତା । ଆଉ କୟେମାଡ଼ାକ୍ ସାରେ ପେଡ଼େକିଙ୍କୁ ଆଦ୍‌ପ୍ତା ମାଡ଼ତେ ।

୮ ବାତେଙ୍କୁ ଇଡ଼କେ ମେଣ୍ଡେ ବେସକ୍ ଝିନ୍ ଲେକେଡ଼ ବୁମ୍‌ତାଗା ରାଲି ମାଡ଼େ ଆସ୍ କାୟା ଆଦ୍‌ତେ । ବେସକ୍ ଶହେଗୁନ୍, ବେସକ୍ ଷାଟିଏ ଗୁନ୍ ନୁ ବେସକ୍ ତିରିଶ୍ ଗୁନ୍ ଆଦ୍‌ତେ ।”

୯ ଜିସୁ ଖେଷଡ଼୍, ତେରସ୍‌ପି କେଡ଼ତାନ୍, “କେଞ୍ଜାନଙ୍କୁ କେଉ ମାଡ଼କେ କେଞ୍ଜାଟ୍ ।”

ଖେଷଡ଼ତେ ଲେକାମ୍

(ମାର୍କ ୪:୧୦-୧୨; ଲୁକ ୮:୯-୧୦)

୧୦ ତାନ୍ ପେକେ ଶିଷ୍ୟନଡ଼୍, ଜିସୁନ୍ ଗାରରେ ଖାସ୍ କେଡ଼ତଡ଼୍, ନାରୁଡ଼୍ ଶିକ୍ଷା ହିଦାନ୍ ଖେଲେ ନିମ୍ ବାଡ଼ତିଙ୍କୁ ଖେଷଡ଼୍, ହିନା କେଡୁତିନ୍ ?

୧୧ ଜିସୁ ଉତ୍ତର ଇଡ଼ତନ୍, “ସ୍ବର୍ଗରାଜ୍ୟତେ ରହସ୍ୟ ବୁଜେମ୍ ଆଡ଼ତାଙ୍କୁ ମିଡ଼୍, ବୁଦ୍‌ତେ ଦର୍ସକି ମିନ୍ଦେଡ଼ି, ଅଡ଼୍ ଦର୍ସକଡ଼୍ ।”

୧୨ ☆ବେନନାଦ୍ ମିନ୍ଦେ, ଅଂକିଙ୍କୁ ଅଦିକ୍ ହିଦ୍‌ତଡ଼୍ ନୁ ଆଗାଙ୍କୁ ଅଣ୍ ନାରଗେ ଲାବ୍ ମାଡ଼ିତନ୍ । ବାତେଙ୍କୁ ଇଡ଼କେ ବେନନାଦ୍ ଇଲେ, ହୋ ନାଦ୍ ବାଡ଼ମିନ୍ଦେ, ଆଦ୍‌ମିକା ଟେଣ୍ଟି ଆଦ୍‌ତଡ଼୍ ।

୧୩ ଆଦିନ୍ ସେଜେ, ଅଡ଼୍ ଉଡ଼ଡ଼୍ ମାନ୍‌ତଡ଼୍ ଇଡ଼କେ ବାତେଏ ଉଡ଼େ ପାର୍‌ଖଡ଼୍ । ସାରେ ଗଟି କେଞ୍ଜିମାନ୍ତଡ଼୍, ବାତେଙ୍କୁ ଇଡ଼କେ ବାତେଏ ବୁଜେମ୍ ଆୟ୍‌ୟଡ଼୍; ଅଡ଼୍ ଯଦି ପ୍ରକୃତେ ଉଡ଼େଡ଼୍ ନୁ ବୁଜେମ୍ ଆୟ୍‌ୟଡ଼୍ ।

୧୪ ବାବବାଦି ଯିଶାୟନ୍ ବବିଷ୍ୟଦ୍ ବାଣି ଅଡ଼୍ ସେଜେ ପ୍ରୟୁଦ୍‌ୟ ।
ହି ନାରୁଡ଼୍ କେଞ୍ଜିକେଞ୍ଜି ବାତେଏ ବୁଜେମ୍ ଆୟ୍‌ୟଡ଼୍ ।

ଉଡ଼ି ମାନ୍‌ତଡ଼୍ ବାତେଙ୍କୁ ଇଡ଼କେ ଉଡ଼ାଙ୍କୁ ପାର୍‌ଖଡ଼୍ ।

☆ ୧୩:୧୨ ମାତ୍ରିକ ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭.

୧୫ କିନ୍ତୁ ଅଡ଼, ସୁଲୁ ବୁଦିଡ଼ ।

ଅଡ଼, କେନ୍ଦୁକ୍ ବନ୍ଦ ମାଡ଼ିଡ଼ତଡ଼, ନୁ
କୋଣ୍ଡା ପିଇସ୍ ମିନ୍ଦେ ।

ଆଲା ଆୟ୍‌କେ ମାଡ଼କେ ଅଡ଼ ଉଡାଙ୍କ ପାର୍‌କେଡ଼,
ଅଡ଼ାସୁ କେନ୍ଦୁକ୍ କେଞ୍ଜାଙ୍କ ପାର୍‌କେଡ଼,
ନୁ ଅଡ଼, ବୁଜେମ୍ ଆଦାଙ୍କ ପାର୍‌କେଡ଼,

ଅଡ଼, ନା ଗାରରେ ମାଲ୍‌ସ୍ ଆନେଡ଼, ନୁ ଅଡ଼କ୍ ନାନ୍ ସୁସ୍ଥ ମାଡ଼ିକେନ୍
ହିଦ୍ ଗର୍ ଇଶ୍‌ର କେଡ଼ତଶ୍ ।

୧୬ ☆ “ମିଡ଼, ବେସର୍ ବାଗ୍ୟବାନ୍ ! ମିଡ଼, ଉଡେ ପାର୍‌ବୁଡିଡ଼, ନୁ କେଞ୍ଜ
ପାର୍‌ବୁଡିଡ଼ ।

୧୭ ହିଦ୍ ଗର୍ ନିଜାମତେ ନାନ୍ ମିକିଂଙ୍କ କେତୁତାନ୍, ନାର୍‌ଗେ
ବାବବାଦୀ ନୁ ଦାମିଂକ୍ ନାରୁଡ଼, ମିଡ଼, ବାତେଏ ଉଡ଼ିଡ଼ିଡ଼; ଆଦ୍
ଉଡାନଙ୍କ; ନୁ ବାଡ଼ କେଞ୍ଜିଡ଼ିଡ଼, ଆଦ୍ କେଞ୍ଜାନ୍ ସେଙ୍ଗେ ଇଞ୍ଜା ମାଡ଼
ମାଡ଼ତଡ଼, ବାତେଙ୍କ ଇଡ଼କେ ପାର୍‌କେଡ଼ ।”

ଓଜେଓଜାନଶ୍ ଖେଷଡ଼ତେ ତାପୂର୍ଯ୍ୟ

(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ “ଆଲେକେ ଓଜେଓଜାନ ଖେଷଡ଼, କେଞ୍ଜାର୍ କେତୁତାନ୍,
ବୁଜେମ୍ ଆଡ଼ତାଙ୍କ ଆଲ୍‌ସି ମାଡ଼ାର୍ ।

୧୯ ବେନଡ଼, ସ୍‌ଗର୍‌ରାଜ୍ୟତେ ଗର୍ କେଞ୍ଜିଡ଼ିଡ଼, ଅଡ଼, ହୁଦୟତାଗାଙ୍କ
ଶୟତାନ୍ ଆଦ୍ ଟେଣ୍ଡି ଆଦ୍‌ତେ । ଆର୍‌ଦାଗ୍ ରାଲିମାନ୍‌ଦାନ୍ ଓଜ୍
ଆଡ଼ତେ ଇଦିନ୍ ତାପୂର୍ଯ୍ୟ ।

୨୦ ବେନଡ଼, ଗର୍ କେଞ୍ଜାନ୍ ସାଙ୍ଗେ ସାଙ୍ଗେ ଆଗ୍ରହତେ
ଗ୍ରହନ୍ ମାଡ଼ିଡ଼ିଡ଼, ଆଦ୍ ପଡୁରିଆ ପଡ଼ିୟେତାଗ୍ ରାଲିମାନ୍‌ଦାନ୍
ଓଜେଲେକାମ୍,

୨୧ ଅଡ଼, ମାନ୍‌ଦେ ଲୋପେ ଆଞ୍ଜ୍ ମାନ୍‌ଖାଙ୍କ ଅଡ଼, ଆଦିଙ୍କ
ନାର୍‌ଗେସମୟ୍ ପଇସ୍ ନେହେତେ ପାର୍‌କେଡ଼ । ହିଦ୍ ଗର୍ ସେଙ୍ଗେ
ବେସୁଙ୍କ କଷ୍ଟ ନୁ ତାଡ଼ନା ଖାଦ୍‌ତେ, ଅଡ଼, ଆଦିଙ୍କ ଯାପେ ଓଡ଼ସିଡ଼ ତଡ଼,
।

୨୨ କୟେ ମାଡ଼ାକ୍ ବେଦଲେକାମ୍ ବେସକିଙ୍କ୍ ଓଜେତିଙ୍କ୍ ଆଦପ୍ତା ମାଡ଼ିଦତେ, ଆଦେଲେକାମ୍ ହିଦ୍ ଜଗତ୍ତେ ଜଞ୍ଜାଲ ନୁ ଦନ୍ ସମ୍ପତିତ୍ତେ ଆଶେ ବେସକ୍ ନାରୁଡ଼ାଗ୍ ହେଉସ୍ ମାୟାନ୍ ଗଟିତିଙ୍କ୍ ନଷ୍ଟ ମାଡ଼ିଦତେ ନୁ ଅଡ୍ ବାତେଏ ସୁପଲ୍ ଦରସକେ ପାର୍ବତ୍ତ ।

୨୩ ବେନଡ୍ ଗଟ୍ କେଞ୍ଜି ବୁଜେମ୍ ଆଦତଡ୍, ଲେକେଡ୍ ଖାୟେତାଗ୍ ରାଲିମାୟାନ୍ ଓଜ୍ ଲେକାମ୍ ଆଦିନ୍ ଲେକାମ୍ ସୁପଲ୍ ଲାବ୍ ମାଡ଼ିତଡ୍ । ବେନଙ୍କ୍ ଦରକିଡ୍ ଶହେ ଗୁନ୍, ବେନ ଷାଟିଏ ଗୁନ୍ ନୁ ବେନ୍ ତିରିଶ୍ ଗୁନ୍ ।”

ଓଜେତାଗ୍ ମାୟାନ୍ ତଗ୍ ଖେଷଡ୍ତେ ଗଟ୍

୨୪ ଜିସୁ ମେଣ୍ଡନ୍ ଖେଷଡ୍ ଗଟ୍ କେଡ୍ତାନ୍, “ସ୍ୱର୍ଗରାଜ୍ୟ ହିଦ୍ଲେକାମ୍, ଖେରନ୍ ନାରୁନ୍ ଅନ୍ ଖାୟେତାଗ୍ ଲେକାମ୍ ଗହମ୍ ଓଜ୍ ଓଡ୍ତନ୍ ।

୨୫ ଅନ୍ଦିନେ ହିକାଡ୍ତେ ଅଡ୍ ଉଞ୍ଜି ମାୟାନ୍ ଖେଲେ ଖେରନ୍ ଶତ୍ରୁଡ୍ ଖାସ୍ ଆଦ୍ ଖାୟେତାଗ୍ ନାରଗେ ବାଲୁଙ୍ଗା ପେଡେକ୍ ଓଡ୍ତିସ୍ ଆଡ୍ତନ୍ ।

୨୬ ବେସୁଙ୍କ୍ ମାଡ଼ାକ୍ସାରେ ପେରସି କେଡ୍ ପେହିତା, ନାଡ୍ମେ ନାଡ୍ମେ ବାଲୁଙ୍ଗା ତଅନ୍ଦତା ।

୨୭ ଆଦ୍ ନାରିନ୍ ଚାକରିଡ୍ ଖାସ୍ କେଡ୍ତଡ୍, ଗଟ୍, ନିମ୍ ତ ଖାୟାନାଗ୍ ସାୟେଡ୍ ପେଡେକ୍ ଓଡିମାଡ୍ତିନ୍, ବାଲୁଙ୍ଗା ସାରେ ବେକାଙ୍କ୍ ଖାଡ୍ତା ?

୨୮ ଖାୟେଡ୍ ମାଲିକ୍ କେଡ୍ତାନ୍, ‘ଖେରନ୍ ଶତ୍ରୁଡ୍ ଇଲାମାଡ୍ତନ୍ ।’ ମେଣ୍ଡେ ଦାସଡ୍ କେଡ୍ତଡ୍, ‘ଆଲେକେ ମାମ୍ମେ ଆଞ୍ଜ୍ ଆଞ୍ଜିକ୍ ତାହାକିଦ୍ତମ୍ ?’

୨୯ ମାଲିକ୍ କେଡ୍ତାନ୍, ‘ଇଲା, ବାଲୁଙ୍ଗା ତାହାକାନ୍ ଖେଲେ ଆଲେତ ଗହମ୍ ପଦ୍ଲେ ହେଲିଡ୍ ।

୩୦ ବେଡିଇ ହାଇନା ଗହମ୍ ନୁ ବାଲୁଙ୍ଗା ଖେରଡ୍ ତାଗ୍ ପେରସି । ଆସୁଙ୍କ୍ କଇଦାନଡ୍ କେତିକା, ଅଡ୍ ମୁନେ ବାଲୁଙ୍ଗା କଇସ୍, ମୁଟା ତହସ୍ ପୋଡ୍ସିଦ୍ତଡ୍ । ତାନ୍ ପେକେ ଗହମ୍ ପାଣ୍ଡସି ମିକା ଆଟୁତାଗ୍ ଖାଟିତଡ୍ ।”

ସୋରିଷ ପେଡ଼େମ୍ ତେ ଖେଷଡ଼୍
(ମାର୍କ ୪:୩୦-୩୨; ଲୁକ ୧୩:୧୮-୧୯)

୩୧ ଜିସୁ ଖେରଡ଼୍ ଖେଷଡ଼୍ ଇସ୍ କେଡ଼ତାନ, “ଖେରନ୍ ନାରୁନ୍ ଅନ୍
ଝାୟେତାଗ୍ ସୋରିଷ ପେଡ଼େମ୍ ଲେକାମ୍ ଖେରଡ଼୍ ପେଡ଼େମ୍ ମିଡ଼ତନ୍
।

୩୨ ଆଦ୍ ପେଡ଼େମ୍ ସାରରେ ତାଗାଙ୍କ୍ ଇସୁର ଆଡ଼ତେ ମିକା ଆଗାଙ୍କ୍
ବେନ୍ ମାଡେ ଆଡ଼ତେ, ଝାୟେତାଗ୍ ବାଗାତାଉ ସାରେ ମାଡାକ୍ ଝିଡ଼ସି
ଗାଟି ତେଙ୍ଗ୍ ନୁ ମାନ୍ଦେଆଡ଼ ନୁ ତାନ୍ ପରର ପିଟେ ତୁଉକା ତାଡ଼ତା ।
ସ୍ବର୍ଗରାଜ୍ୟତେ ପେରସାନାଦ୍ ଇଦ୍ଲେକାମ୍ ।”

କମିରତେ ଖେଷଡ଼୍
(ଲୁକ ୧୩:୨୦-୨୧)

୩୩ ମେଣ୍ଡୁନ୍ ଦାମ୍ ଜିସୁ ଉଦାରନ୍ ଇସ୍ କେଡ଼ତାନ, “ଖେରଡ଼୍
ନାଟାଡ଼୍ ସୁଦୁଟ୍ କମିର ଆସ୍ ଦୁଡ଼ବାସ୍ତା ନିଇସ୍ ମହିଦାତାଗ୍
କାଲ୍ଲପତନ୍ । ଟିକ୍ ସମୟତେ ସାରେ ମହିଦା ତାଲିତାଗ୍ କାହିଲି
ତୟତେ । ସ୍ବର୍ଗରାଜ୍ୟ ହିଦ୍ଲେକାମ୍ ନାଗେ ଆଦତେ ।”

ଖେଷଡ଼୍ ସାହାଯ୍ୟତେ ଶିକ୍ଷା

(ମାର୍କ ୪:୩୩-୩୪)

୩୪ ଜିସୁ ଇଦ୍ଲେକାମ୍ ଖେଷଡ଼୍ ଇସ୍ ଶିକ୍ଷା ହିସମାଡ଼ତନ୍ । ଖେଷଡ଼୍
ହିଞ୍ଜକଟ୍ ଅଣ୍ଟ ବେନେମିକା ଶିକ୍ଷା ହିଞ୍ଜେମାଡ଼ତନ୍ ।

୩୫ ଇଦିନ୍ ତଡ଼୍ ବାବବାଦାନଡ଼୍ ହିଦ୍ ବବିଷ୍ୟତବାଣି ସାରେ
ଆଡ଼ତେ ।

“ନାନ୍ ଖେଷଡ଼୍ ଲେକାମ୍ ଅଡ଼ତଡ଼୍ ଗଟି ତିରଂତାନ ।

ତିଆର ମୁନେଙ୍କ୍ ପୁନ୍ଝେମାନ୍ଦାନ୍ ସାରେ ଗଟି ହିଦ୍ଲେକାମ୍ ନାନ୍
ଅଡ଼କ୍ ବୁଜାମାଡ଼ିତାନ ।”

ଜିସୁ ବାଲୁଙ୍ଗା ଖେଷଡ଼୍ ତେ ତାପୂର୍ଯ୍ୟ ବୁଜାମାଡ଼ତନ୍

୩୬ ନାରୁଡ଼୍ ଗଓଲିତାଗାଙ୍କ୍ ପେଇସ୍ ଝାସ୍ ଜିସୁ ବେସୁଙ୍କ୍ ଲୋନ୍
ଲୋପେ ଆଡ଼ତନ୍, ତାନ୍ ଶିଷ୍ୟନଡ଼୍ ଝାସ୍ ପଚାରମାଡ଼ତଡ଼୍, “ବାଲୁଙ୍ଗା
ଖେଷଡ଼୍ ଇଡ଼କେ ମାକିଂଙ୍କ୍ ବୁଜାମାଡ଼ିମ୍ ।”

୩୭ ଜିସୁ ଉତ୍ତର ହିତତନ୍, “ବେନ୍ ନାରୁନ୍ ଲେକେଡ୍ ଝିଜ୍ ଝିତତନ୍, ଅଣ୍ଟ ନାରୁନ୍ ପିଲେ ।”

୩୮ ହିଦ୍ ଜଗଡ୍ ଆଦୁଡ୍‌ତେ ଝାୟେ । ବେନଡ୍, ସ୍ୱର୍ଗରାଜ୍ୟ ଆଦିବାସିଡ୍, ଅଡ୍‌ଲେକେଡ୍ ଝିଜ୍ । ବାଲୁଙ୍ଗା ଆଦ୍‌ତେ ଶୟତାନତାଦ୍ ଉଡ୍‌ନାଦ୍ ।

୩୯ ବେନ୍ ଶତ୍ରୁଡ୍, ବାଲୁଙ୍ଗା ଝିତତନ୍, ଅଣ୍ଟ ଶୟତାନ । ପାଣ୍ଡାନ୍ ଦିନାମ୍ ଆଦୁଡ୍‌ତେ ତେରାନ୍ ଦିନ୍ । ଶସ୍ୟକହିଦାନଡ୍, ଆଦୁଡ୍‌ତେ ଦୂତ ।

୪୦ ବାଲୁଙ୍ଗା ବେଦ୍‌ଲେକାମ୍ କଇସ୍ କାର୍‌ଝିମାନ୍ତା, ଯୁଗାନ୍ତ କାଲ୍ ଆଦେଲେକାମ୍ ଆଦ୍‌ତେ ।

୪୧ ନାରୁନ୍ ପିଲେ ତାନ୍ ରାଜ୍ୟତାଗାଙ୍କ୍ ସାରେ ଅପରାଦ୍ ପାଡ଼ିୟିଦେ ନଡ୍‌କ୍ ନୁ ବେନଡ୍, ବାଗାତଡ୍‌କ୍ ପାପ୍ ମାଡାଙ୍କ୍ କେତିତଡ୍, ଅଡ୍‌କ୍ ଅଣ୍ଟୟାଗେ ମାଡାନ୍ ସେଙ୍ଗେ ଦୂତକିଙ୍କ୍ ରହତିତଡ୍ ।

୪୨ ଅଡ୍‌ହି ସାରେତଡ୍‌କ୍ ନିଡ୍‌ତାନାଦ୍ କିସ୍‌ତାଗ୍ ହେସିତଡ୍ । ଆଗେ ଇ ନାରୁଡ୍, କେଇତଡ୍, ନୁ ତିପାଲ୍‌ତେ ଆଗେ ପାଲ୍‌କ୍ କିଟୁମ୍ କାଟୁମ୍ ମାଡିତଡ୍ ।

୪୩ ଆଦ୍ ସମୟତେ ଦାମ୍‌କ୍ ନାରୁଡ୍, ସ୍ୱର୍ଗରାଜ୍ୟତାଗ୍ ପଡ୍‌ଦ୍‌ଲେକାମ୍ ଝେଇସ୍ ଆଦ୍‌ତଡ୍ । କେଞ୍ଜାନଙ୍କ୍ ଇଚ୍ଛା ମାଡ୍‌କେ କେଞ୍ଜୁଇସ୍ କେଞ୍ଜାଟ୍ ।

ମିଶିତାଦ୍ ଦନ୍ ତେ ଝେଷଡ୍

୪୪ “ଅନ୍ ଦିନ୍ ଝେରନ୍ ନାରୁନ୍ ଝାୟେତାଗ୍ ତେଝ୍ ତେଝ୍ ମିଶିମାୟାନ୍ ଦନ୍ ଦରକ୍‌ତେ । ଆଦିଙ୍କ୍ ଅଣ୍ଟ ମୁଟିଝାଟ୍‌ତଣ୍ । ମେଣ୍ଟେ ଝେଡ୍‌କେତେ ନିଜେଡ୍ ସାରେ ସମ୍ପତି ଝାମି ମିକା ଆଦ୍ ଝାୟେତିଙ୍କ୍ ଆଶ୍‌ତନ୍ । ସ୍ୱର୍ଗରାଜ୍ୟ ହିଦ୍ ମିଶିତାଦ୍ ଦନ୍ ଲେକାମ୍ ।”

ମୁକ୍ତାତେ ଝେଷଡ୍

୪୫ “ଝେରନ୍ ବେପାରି ସାୟେଡ୍ ମୁକ୍ତାତିଙ୍କ୍ ମେହେକ ମାଡ୍‌ତନ୍ ।

୪୬ ଝେରଡ୍, ଗାଟି ମୁଲ୍ୟତାଦ୍ ମୁକ୍ତାତାଦ୍ ସନ୍ଦାନ ଦରସ୍‌କି ଅଣ୍ଟ ହୋନାଉ ସାରେ ସମ୍ପତି ଝାମିମିକା ଆଦିଙ୍କ୍ ଆଶ୍‌ତନ୍ । ସ୍ୱର୍ଗରାଜ୍ୟ ଆଦ୍ ମୁକ୍ତା ଲେକାମ୍ ।”

କିକେପହିତାନ୍ ଝାଲେଡ୍ ଝେଷଡ୍

୪୭ “ସ୍ୱର୍ଗରାଜ୍ୟ ଖେରଡ଼ କିକେପହିତାନ୍ ତଲକେ ଲେକାମ୍ । କିକେ ପୟତାନଡ଼ ଇଲକେତାଗ୍ ଖାଲାଖାଟି ବାଡ଼ ବାଡ଼ କିକେ ପହିଦତଡ଼ ।

୪୮ ଖାଲେ ନିଶ୍ଚକେ ଆଞ୍ଜିନା ଲାଗିତାସ୍ ଲେକେ ଲେକାମ୍ କିକେ ହେଞ୍ଜି ଜୁଡ଼ିନାଗ୍ ଖାଟିତଡ଼ ନୁ ଅଜାତିଆ କିକେ ହେସ୍ପିଦତଡ଼ ।

୪୯ ଯୁଗାନ୍ତ ସମୟତେ ହିଦଲେକାମ୍ ଆଦତେ । ଦୂତକି ଦାମ୍ କି ନାରୁଡ଼ାଗାଙ୍କ ପାପିନଡ଼କ୍ ଖେରେ ମାଡ଼ି ଅଡ଼କିଂଙ୍କ ନିଡ଼ତାନାଦ୍ କିସ୍ତାଗ୍ ହେସ୍ପିଦତଡ଼ ।

୫୦ ଆଗେ ଅଡ଼କେୟାନ୍ ଲେକାମ୍ ଆସ୍ ତିପାଲ୍ତେ ପାଲକ୍ କିଟୁମ୍ କାଟୁମ୍ ମାଡ଼ିତଡ଼ ।”

ପାଠନତାଦ୍ ନୁ ପୁନାଦ୍ ଶିକ୍ଷା

୫୧ ଜିସୁ ଶିଷ୍ୟନଡ଼କ୍ ପାତ୍ରାମାଡ଼ତଣ୍ଟ, “ହିଉସାରେ ବିଷୟ ବୁଜେମ୍ ଆଦୁତିଡ଼?” ଅଡ଼ ଉତ୍ତର ହିଡ଼ତଡ଼, “ହୋ ପ୍ରବୁ ।”

୫୨ ଜିସୁ ଅଡ଼କ୍ କେଡ଼ତାନ୍, “ବେଦଲେକାମ୍ ଖେରନ୍ ଲନ୍ ମାଲିକ୍ ତାନାଦ୍ ବଣ୍ଟାର୍ ଲୋନ୍ତାଗାଙ୍କ ବାଡ଼ତେ ଇଲଖେ ଲେକାମ୍ ପୁନେଲାଝି ନୁ ପାହାନ୍ତାଲାଝି ନିୟ ପେସ୍ପିତଣ୍ଟ, ସ୍ୱର୍ଗରାଜ୍ୟ ସେଙ୍ଗେ ତାଲିମ୍ ଆସ୍ ମାନ୍ଦାନ୍ ଖେରନ୍ ଦର୍ମଗୁରୁ ଟିକ୍ ଆଦେଲେକାମ୍ ମାଡ଼ିତନ୍ ।”

ଜିସୁ ନାଜରିତୟ ତାଗ୍ ଉପେକ୍ଷିତ

(ମାର୍କ ୭:୧-୬; ଲୁକ ୪:୧୭-୩୦)

୫୩ ହିଉସାରେ ଖେଷଡ଼ କେସ୍ ତେରସ୍ତାନ୍ ପେରକେ ଜିସୁ ନିଜେ ମାନ୍ଦାନ୍ ଲୋନ୍ ମାଲ୍ସ୍ ଆଡ଼ତନ୍ ।

୫୪ ଆଗେତ୍ ପ୍ରାର୍ଥନାଲୋନ୍ ଅନ୍ ଶିକ୍ଷା କେଞ୍ଜି ନାରୁଡ଼ ବାକ୍‌ଖା ଆସ୍ କେଡ଼ତଡ଼, “ହିସର ବୁଦତେ ଅଣ୍ଟ ବେଗେ ଦରସ୍ତନ୍ ? ହିଉସାରେ ବାକ୍‌ଖା ପାଡ଼ୟି ମାଡ଼ାନଙ୍କ ଅଂକିଙ୍କ ବେନ ଶକ୍ତି ହିଡ଼ତନ୍ ?

୫୫ ହିଦ୍ ବାତେଏ ଅଣ୍ଟ ବଡେଇ ତେ ମାର୍ ଆୟନ୍ ? ମରାୟମ୍ ବାଡ଼ ତାମ୍ ଯାୟ ଆୟୟ ? ଯାକୁବ୍, ଯୋସେଫ୍, ଶିମୋନ୍ ନୁ ଯିହୁଦା ବାତେଏ ତାନ୍ ତାମୁଣ୍ଟ ଆୟନ୍ ?

୫୬ ତାନ୍ ଏଲାଡ଼ ବାତେଏ ଇଗେ ଇଲା ? ହିଉସାରେ ଶକ୍ତି ଅଂକିଙ୍କ ବେଗେ ଦରକତେ ?”

୫୭ ☆ହିଦ୍ କେସ୍ ଜିସୁଙ୍କ କେପତଡ଼ । ଜିସୁ ଅଡ଼କ୍ କେଡ଼ତାନ, “ଝେରନ୍ ବାବବାଦୀ ନିଜେଡ଼ ପରିବାର ନୁ ନାର୍ ଝିଡ଼ସି ମେଣ୍ଡେ ସାରେତାର୍ ତନ୍ତିତନ୍ ।”

୫୮ ଅଡ଼ ଅଂକିଙ୍କ ଅବିଶ୍ୱାସୀ ଆଇନାଙ୍କ ଅଣ୍ଟା ଆଗେ ଅନାହୁ ବାକ୍‌ଝା ପାଡ଼ିୟି ମେଣ୍ଡେ ଅଦିକ୍ ମାଡ଼ନ୍ ।

୧୪

ବାପ୍ତିଜିକ ଯୋହନ୍ ତେ ଡଲ୍‌ତାଦ୍

(ମାର୍କ ୭:୧୪-୨୯; ଲୁକ ୯:୭-୯)

୧ ଆଦ୍ ସମୟତେ ଗାଲିଲୀତେ ଶାସକ ହେରଦ୍ ଜିସୁନ୍ ବିଷୟତେ କେଞ୍ଜିତନ୍ ।

୨ ଅଣ୍ଟା ତାନ୍ ଚାକରିଡ଼କ୍ କେଡ଼ତାନ, “ହିଣ୍ଟ ନିଜାମ୍ ବାପ୍ତିସ୍ମ ଯୋହନ୍, ମେଣ୍ଡନ୍‌ନ୍ୟାମ୍ ଜନମ୍ ଆସ୍ ମାଲ୍‌ସ୍ ଝାଡ଼ତନ୍ । ଅଦିନ୍ ସେଙ୍ଗେ ଅଂକିଙ୍କ ବାକ୍‌ଝା ପାଡ଼ିୟି ମାଡ଼ାନଙ୍କ ଶକ୍ତି ମିନ୍ଦେ ।”

୩ ☆ଇଦିନ୍ ମୁନେଙ୍କ ହେରଦ୍ ଯୋହନ୍‌ତିଙ୍କ ଗିରାଫ୍ ମାଡ଼ାନ୍ ସେଙ୍ଗେ କେସ୍‌ମାଡ଼ତନ୍ ନୁ ଅଂକିଙ୍କ ହିକ୍‌ଲେଡ଼ଡ଼ ତହସ୍ ତାନାତାର୍ ନେହେସ୍ ମାଡ଼ତନ୍ । ତାନ୍ ତାମୁଣ୍ଟି ପିଲିପ୍ ତେ ମୁଡ଼ତେ ହେରଦିଆଡ଼ ସେଙ୍ଗେ ଅଣ୍ଟା ହିଦ୍‌ଲେକାମ୍ ମାଡ଼ିମାଡ଼ତନ୍ ।

୪ ବାପ୍ତିଜିକ ଯୋହନ୍ ଅଂକିଙ୍କ କେସ୍‌ମାଡ଼ତନ୍, “ହେରଦିଆଡ଼ିଙ୍କ ପେଣ୍ଡୁଲୁ ମାଡ଼ତାଦ୍ ନିୟାଦ୍ ଟିକ୍ ନିୟମ୍ ଆୟ୍‌ୟ ।”

୫ ଆଦିନ୍ ସେଙ୍ଗେ ହେରଦ୍ ଯୋହନ୍‌ତିଙ୍କ ହାଉକାନ୍ ସେଙ୍ଗେ ଆଲ୍‌ସି ମାଡ଼ତନ୍, ବାତେଙ୍କ ଇଡ଼କେ ଇହୁଦୀ ନାରୁଡ଼କ୍ ଅଣ୍ଟା ଝେରସ୍ ମାଡ଼ତନ୍ । ବାତେଙ୍କ ଇଡ଼କେ ଅଡ଼ ଯୋହନ୍ ଝେରନ୍ ବାବବାଦୀ ଇଞ୍ଜ୍ ହେକ୍ ମାଡ଼ିମାଡ଼ତଡ଼ ।

୬ ହେରୋଦ୍‌ତେ ଜନମ୍‌ଦିନେ ହେରୋଦିଆତେ ମାୟାଡ଼ ଅତିଡ଼ିଡ଼ ମୁନେ ଏକ୍‌ସନ୍ ମାଡ଼ିମାଡ଼ତେ ।

୭ ଆଦିନ୍ ପରର ପ୍ରୀତ ଆସ୍ ହେରୋଦ୍ ପ୍ରତିଜ୍ଞା ମାଡ଼ି କେଡ଼ତାନ, “ନାନ୍ ଶପତ୍ ମାଡ଼ିକେଡ଼ତାନ, ନିମ୍ ବାଡ଼ ତାଲ୍‌କିତିନ୍, ନାନେନିକ୍ ଇଡ଼ତାନ ।”

୮ ତାନ୍ ଯାୟାନ୍ ମନ୍ତ୍ରନା ଲେକାମ୍ ପିକିଡ଼୍ କେଡ଼ତେ, “ବାପ୍ରିଜିକ ଯୋହନ୍ ତେ ତାଲ୍ଲେ ହିଞ୍ଜେ ଝେରଡ଼୍ ତାଲିତାଗ୍ ଖାଟି ନାକିଞ୍ଜ୍ ଇମ୍ବୁର୍ ।”

୯ ଆଦେକେଞ୍ଜି ରାଜାଲ୍ ଦୁଃକାମ୍ ଆଡ଼ତନ୍ । ବାତେଞ୍ଜ୍ ଇଡ଼କେ ସାରେତଡ଼୍ ମୁନେ ପ୍ରତିଞ୍ଜା ମାଡ଼ିମାନ୍ନାଞ୍ଜ୍ ପିକ୍ତେ ଗର୍ ସାରେ ମାଡ଼ାନ୍ ସେଙ୍ଗେ ଗର୍ ହିଡ଼ତେ ।

୧୦ ଆଦିଞ୍ଜ୍ ତାନାତାଗ୍ ଯୋହନ୍ ତେ ତାଲେତିଞ୍ଜ୍ କୟିତଡ଼୍ ନୁ

୧୧ ତାଲିତାଗ୍ ଅନ୍ ତାଲ୍ଲେ ଖାଟି ଆଦ୍ ପିକ୍ତିଞ୍ଜ୍ ଇଡ଼ତଡ଼୍ । ଆଦ୍ ଆସ୍ ତାନ୍ ଯାୟାଞ୍ଜ୍ ଇଡ଼ତେ ।

୧୨ ତାନ୍ ପେକେ ଯୋହନ୍ତେ ଶିଷ୍ୟନଡ଼୍ ଝାସ୍ କବର୍ ହିଦାଞ୍ଜ୍ ଅନାଦ୍ ଡଲ୍ତେ ମେନ୍ତୁଲ୍ତିଞ୍ଜ୍ ଆଡ଼ତଡ଼୍ । ଅଡ଼୍ ଆଞ୍ଜ୍ ଜିସୁଞ୍ଜ୍ ଇଦୁଃକାମ୍ କାରୁର୍ କେଡ଼ତଡ଼୍ ।

ଜିସୁ ଏଇଞ୍ଜ୍ ହଜାର୍ ନାରୁଡ଼୍ଜ୍ ତିନ୍ଦାଞ୍ଜ୍ ହିଡ଼ତନ୍

(ମାର୍କ ୬:୩୦-୪୪; ଲୁକ ୯:୧୦-୧୭; ଯୋହନ୍ ୬:୧-୧୪)

୧୩ ଯୋହନ୍ତେ କବର୍ କେଞ୍ଜ୍ତେ ଝେଲେ ଓଡ଼ତାରି ଝେରଡ଼୍ ସିମ୍ବାମ୍ ପଡ଼ିୟେତାଗ୍ ଆଡ଼ତନ୍ । ଜିସୁ ଆଗେ ଆଦାନାଦ୍ ପୁଞ୍ଜିମିକା ଗାର୍ରେମାୟାନ୍ ସହର୍ନାଗାଞ୍ଜ୍ ନାର୍ଗେ ନାରୁଡ଼୍ ଆଞ୍ଜ୍ ଆଞ୍ଜ୍ ଆଞ୍ଜ୍ ଜିସୁନ୍ ପେକେ ଆଡ଼ତଡ଼୍ ।

୧୪ ଜିସୁ ବେସୁଞ୍ଜ୍ ଓଡ଼ତାଗାଞ୍ଜ୍ ଡିଗ୍ତନ୍ ହିଦ୍ ବେଡ଼ିୟାଦ୍ ମାନ୍ଦେ ଉଡ଼ତନ୍, ଅନ୍ ହୁଦୟ୍ ଦୟାତେ ବିଗଲିତ ଆଡ଼ତେ । ନାର୍ଗେ ରୋଗିଡ଼୍ ଅଣ୍ ସୁସ୍ଥ ମାଡ଼ତଣ୍ ।

୧୫ ଆଦ୍ ଦିନ୍ ମୁଲ୍ପୁର୍ ଶିଷ୍ୟନଡ଼୍ ଝାସ୍ କେଡ଼ତଡ଼୍, “ଗାଟି ଡେରିଆଡୁଡ଼୍, ମେଣ୍ଟେ ହିଦ୍ ପଡ଼ିୟେ ନିଗାଟିଆ, ନାରୁଡ଼୍ଜ୍ ଆଡ଼ତାଞ୍ଜ୍ କେଲେମ୍ । ଅଡ଼୍ ନାକିନାଗ୍ ଆଞ୍ଜ୍ କାଦି ଜାଗାଡ଼୍ ମାଡ଼ିତଡ଼୍ ।”

୧୬ ଜିସୁ ଅଡ଼୍ କେଡ଼ତନ୍, “ଅଡ଼୍ ହିଗାଞ୍ ଆଦାନ୍ ଦର୍କାଡ଼୍ ଆୟୟ । ମିଡ଼୍ ଅଡ଼୍ଜ୍ ବାଡ଼୍ ସୁଦୁର୍ ତିନ୍ଦାଞ୍ଜ୍ ହିମ୍ବୁର୍ ।”

୧୭ ଶିଷ୍ୟନଡ଼୍ ଉତ୍ତର୍ କେଡ଼ତଡ଼୍, “ହିଗେ ମାହାପାକେ ମାଡ଼ର୍ ହେଇଞ୍ଜ୍ ରୁଟି ନୁ ରେଣ୍ କିକେ ମିନ୍ଦେ ।”

୧୮ ଜିସୁ କେଡ଼ତାନ୍, “ଆସ୍ କ୍ ନା ପାକେ ତାଡ଼ାଟ୍ ।”

୧୯ ନାରୁଡ଼କ୍ ଗାଡ଼ ପରର କୁଦାଙ୍କ କେସ୍ ଜିସୁ ଆଉ ହେଇଙ୍କ ରୁଟି
ନୁ ରେଣ୍ଡେ କିକେଙ୍କ ଆଡ଼ତନ୍ ନୁ ସ୍ୱର୍ଗତ୍ ପାକେ ଉଡ଼ି ଇଶ୍ୱରତଙ୍କ
ଦନ୍ୟବାଦ୍ ହିଡ଼ତନ୍ । ମେଣ୍ଡେ ଆଉ ରୁଟିଙ୍କ ଦୁଡ଼ା ଦୁଡ଼ା ମାଡ଼ି ଶିଷ୍ୟତ୍,
କାଇଦାଗ୍ ହିଡ଼ତନ୍ । ଶିଷ୍ୟତ୍ ଆଉହାସ୍ ନାରୁଡ଼କିଂଙ୍କ ତୁଉସିଡ଼ତଡ଼ ।

୨୦ ସାରେତଡ଼ ତିଞ୍ଜ ପର୍ ନିଇଡ଼ତଡ଼ । ତାନ୍ ପେକେ ଶିଷ୍ୟତ୍,
ମିଶ୍ୱାମାନ୍ଦାନ୍ ରୁଟି ନୁ କିକେ ଦୁଡ଼ାକିଂଙ୍କ ପେହେକି ଖାଟ୍ଟାନ୍ ଜୁଡ଼ିନାଗ୍
ନିହିଡ଼ତଡ଼ ।

୨୧ ନାଟାଙ୍କ ନୁ ପିଲାଙ୍କ ଓଡ଼ସି ଏଇଙ୍କ ହଜାର୍ ନାରୁଡ଼ ଆଦ୍ କାଦି
ଡ଼ିଡ଼ତଡ଼ ।

ଜିସୁ ଏରଦେ ପରର ତାକତନ୍

(ମାର୍କ ୬:୪୫-୫୨; ଯୋହନ୍ ୬:୧୫-୨୧)

୨୨ ତାନ୍ ପେରକେ ଜିସୁ ଶିଷ୍ୟତ୍କିଂଙ୍କ ଓଡେଡେ ସମୁଦ୍ର ଆପାକେ
ଆଡ଼ତାଙ୍କ କେଡ଼ତାନ୍ । ମେଣ୍ଡେ ଅଣ୍ ନିଜେ ପେକେ ମାଞ୍ଜ ନାରୁଡ଼କ୍
ଆଡ଼ତାଙ୍କ କେଡ଼ତଣ୍ ।

୨୩ ଅଣ୍ ଝେରନ୍ ପ୍ରାର୍ଥନା ମାଡ଼ାନ୍ସେଙ୍ଗେ ମେଟେଡ଼ ପରର
ଆଡ଼ତନ୍ ।

୨୪ ମୁଲ୍ପୁର୍ ଆଦାନ୍ ଝେଲେ ଜିସୁ ଆଗେ ଝେରଣ୍ ମାଡ଼ତନ୍ । ଆଦ୍
ଦିନାମ୍ ତେ ଜିସୁ ଉଡ଼ତନ୍ ଯେ ଅଡ଼ ବୁମ୍ତାଗାଙ୍କ ପିନା ଜେକାଆଞ୍ଜ୍
ମାଡ଼ତେ ନୁ ଗାଟି ଗାଲ୍ ଖାସମାନାଙ୍କ ଗାଙ୍କୁଡ଼ତେ ଓଡ଼ ଉଙ୍ଗମାଡ଼ତେ
।

୨୫ ନାରକେଡ଼ ଓୟଦାନ୍ ଝେଲେ ଜିସୁ ହେରଦେ ପରର ତାଆକି
ଶିଷ୍ୟତ୍ ଗାରରେ ଖାଡ଼ତନ୍ ।

୨୬ ଶିଷ୍ୟ ଅଂକିଙ୍କ ଉଡ଼ି ଝେରସ୍ ମାଡ଼ତଡ଼, “ବୁଡ଼ ବୁଡ଼” ଇଞ୍ଜ
ମରପହିଡ଼ତଡ଼ ।

୨୭ ସାଙ୍ଗେ ସାଙ୍ଗେ ଜିସୁ ଅଡ଼କିଂଙ୍କ ସାହାସ୍ ଇସ୍ କେଡ଼ତାନ୍, “ନାନ୍
ବାନେ ! ଝେରମାର୍ ।”

୨୮ ଆଦ୍ କେଞ୍ଜି ପିତର୍ କେଡ଼ତାନ୍, “ପ୍ରବୁ, ଯଦି ନିମ୍ ସଡ଼ ଆସ୍
ମାନ୍ତିଡ଼, ହେରଦେ ପରର ତାଆକି ନିୟ୍ ଗାରରେ ଆଦାନଙ୍କ ଗର୍
ହିମ୍ ।”

୨୯ ଜିସୁ କେତ୍ତାନ, “ତାଆକି ଖାଡ଼ା ।” ପିତର ଓତେତାଗଙ୍ଗା ଡିଗି ଜିସୁନ୍ ପାକେ ଏର୍ଦେ ପରର ତାକାନଙ୍କ ପସ୍ତତନ୍ ।

୩୦ ବାତେଙ୍କ ଇଡ଼କେ ଗାଲ୍‌ପିନା ଖାଦାନାଦ୍ ଉଡ଼ି ଖେରତନ୍ ନୁ ହେର୍ଦାଗ୍ ମୁଡ଼ଦାନଙ୍କ ପସ୍ତତନ୍ । ଆସୁଙ୍କ ଅଣ୍ ମରରେତେ କାରଙ୍ଗତନ୍, “ପ୍ରବୁ ନାକିଂଙ୍କ ରକ୍ଷା ମାଡେ ।”

୩୧ ହଟାଡ୍ ଜିସୁ କାୟ୍ ଆସ୍ ପିତରତିଙ୍କ ପଇସ୍ କେତ୍ତାନ, “ବେସଡ୍ ବିଶ୍ୱାସ୍ ଇଲ୍‌ଖେନନୀ ନିମ୍ ! ଏକା ମାଡ଼ିନ୍ ବାଡ଼ତିଙ୍କ ?”

୩୨ ଅଡ୍ ଇର୍‌ହୁଡ଼କ୍ ଓତେଡ୍ ପରର ତାରତଡ୍ ନୁ ଆସୁଟେ ସାଙ୍ଗେ ସାଙ୍ଗେ ଗାଲ୍ ମାଡ଼ିତେ ।

୩୩ ଶିଷ୍ୟଡ୍ ଜିସୁଙ୍କ ଆରାଦାନା ମାଡ଼ି କେଡ଼ତଡ୍, “ନିମ୍ ନିଜାମ୍ ଇଶ୍ୱରତେ ମାର୍ ।”

ଗିନେସରତାଗ୍ ଜିସୁ ରୋଗିଡ଼କିଙ୍କ ସୁସ୍ଥ ମାଡ଼ିତଣ୍

(ମାର୍କ ୬:୫୩-୫୬)

୩୪ ଅଡ୍ ସମୁଦ୍ରତିଙ୍କ ଖେଇସ୍ ଗିନେସର ବୁମତାଗା ହେଡ଼ତଡ୍ ।

୩୫ ଆଗେ ନାରୁଡ୍ ଜିସୁଙ୍କ ପୁଞ୍ଜମେଣ୍ଟେ ଗାରେ ନାରଦେ ମାନ୍ଦାନ୍ ରୋଗିଡ଼କିଙ୍କ ଜିସୁନ୍ ଗାରରେ କାରଙ୍ଗି ତାଡ଼ତଡ୍ ।

୩୬ ପିଡ଼ିଡ୍ ନାରୁଡ଼କିଙ୍କ ସୁଦୁର୍ ଅନାଦ୍ ସିଲେଡ୍ କଙ୍ଗିଙ୍କ ଇଟାନଙ୍କ ଗର୍ ହିଞ୍ଜାଣ୍ ଇଞ୍ଜ, ଅଡ୍ ଜିସୁଙ୍କ ଅନୁରଦ୍ ମାଡ଼ିତଡ୍ । ବେନଡ୍ ଆଦ୍ ମାଡ଼ିତଡ୍, ଅଡ୍ ସୁସ୍ଥ ଆଦତଡ୍ ।

୧୫

ମୁନେଡ୍ ନାରୁଡ଼ାଦ୍ ଶିକ୍ଷା

(ମାର୍କ ୭:୧-୧୩)

୧ ଆଦ୍ ସମୟତେ ଯିରୁଶାଲେମ୍ ତାଗାଙ୍କ ପାରୁଶୀଡ୍ ନୁ ଶାସ୍ତିନଡ୍, ଜିସୁନ୍ ପାକେ ଖାସ୍ କେଡ଼ତଡ୍,

୨ “ମାମମେ ମୁନେଡନାରୁମ୍ ବେନ୍‌ସାରେ ଶିକ୍ଷା ଇସ୍ ଆଡ଼ତମ୍, ନି ଶିଷ୍ୟନଡ୍ ବାଡ଼ତିଙ୍କ ପାଲନ୍ ମାଡ଼ିତ ? ତିନ୍ଦାନ୍ ମୁନେଙ୍କ ଅଡ୍ ବାଡ଼ତିଙ୍କ କାୟ୍ ନରୁଡ଼ି ।”

୩ ଜିସୁ ଅଡ଼କିଙ୍କ ଉତ୍ତର ଇଡ଼ତନ୍, “ମିଡ୍ ଆନ୍‌ତେ ମିଇ ଇଶ୍ୱରତେ ପାଡ଼ିୟି ପାଲନ୍ ମାଡ଼କର୍ ନିଜେଡ୍ ଶିକ୍ଷା ଲେକାମ୍ ପାଡ଼ିୟି ମାଡ଼ିତୁଡ୍ ?”

୪ ଇଶ୍ବର କେତେଦନ୍, “ୟାୟ ବାବାଙ୍କ ସନ୍ମାନ ମାଡ଼ାଟ୍,” ମେଣ୍ଡେ
ବେନଆଇ ବାବାଙ୍କ କି ଯାୟାଙ୍କ ଅବିଶାସ ଇଦତନ୍, ଅଣ୍ଡ ନିଜାମ୍
ଡଲ୍ଲାୟଣ୍ଡ ତିପାଲ୍ଲାଆଦାଙ୍କ ।

୫ “ବାତେଙ୍କ ଇଡକେ ମିଡ୍ ଶିକ୍ଷା ଇଦୁଡିଡ୍ ବେନ୍ ଝେରନ୍ ନାରୁଙ୍କ
ବେନ୍ ସେଜେଡ୍ ମାଇଦିଙ୍କ ନିଜେଡ୍ ଯାୟ ବାବାଙ୍କ ସାହାଯ୍ୟ ମାଡ଼ାଙ୍କ
ପାର୍ବେଣ୍ଡ, ଅନ୍ ଇଶ୍ବରତିଙ୍କ ଦାନ ମାଡ଼ିଡନ୍ ଇଞ୍ଜ କେଡତାନ,

୬ ଅଣ୍ଡ ମେଣ୍ଡେ ତାନ୍ ଯାୟ ବାବାଙ୍କ ଉଡାନଙ୍କ ଅନାଦ୍ ଆଗେ
ଇଲ୍ଲେ । ମିଡ୍ ଆଦଲେକାମ୍ ଇଶ୍ବରତେ ଗଟି କେଞ୍ଜକର୍ ନିଜେଡ୍
ଶିକ୍ଷା ଲେକାମ୍ ଆଦତିଡ୍ ।

୭ ରେ ଦୁଷ୍ଟଡି, ଯିଶାଇୟ ମିଇ ବିଷୟତେ ସାୟେଡ୍ ବାବବାନି
କେସ୍ମିୟେନ୍,

୮ ଇଶ୍ବର କେଡିଡ୍, ଇ ନାରୁଡ୍ ମାଡର୍ ଗଟ୍ତେ ନାକିଙ୍କ ସନ୍ମାନ
ଇଦତଡ୍,
ବାତେଙ୍କ ଇଡକେ ଅଡ୍ ହୁଦୟ ନାୟାଗାଙ୍କ ନାରଗେ ଦୁରାମ୍ ।

୯ ନାକିଙ୍କ ଅଡ୍ ଆରାଦାନା ମାଡ଼ାଙ୍କ ଦରକାର ଇଲେ,
ବାତେଙ୍କ ଇଡକେ ଅଡ୍ ମାନେଇ ମାଡ଼ତାଦ୍ ନିୟମତିଙ୍କ ନାୟାଦ୍
ଗଟ୍ ଇଞ୍ଜ କେଡୁଡଡ୍ ।”

ନାରୁଡ୍ ଅପବିତ୍ର ମାଡ଼ାନ୍ ବିଷୟ

(ମାର୍କ ୭:୧୪-୨୩)

୧୦ ତାନ୍ପେକେ ଜିସୁ ନାରୁଡ୍କିଙ୍କ ଗାରରେ କାରଙ୍ଗି ଅଡ୍କିଙ୍କ
କେଡତାନ୍, “କେଞ୍ଜାଟ୍ ନୁ ବୁଜେମ୍ଆଦାଙ୍କ ଆଲ୍ଲସି ମାଡ଼ାଟ୍ ।

୧୧ ନାରୁନ୍ ପାୟୁର୍ ତାଲାନ୍ ବାତେଏ ଆଦତେ ଆଦ୍ ଲୋପେ
ଆଦତେ, ଆଦ୍ ଅକିଙ୍କ ଅପବିତ୍ର ମାଡ଼; ମେଣ୍ଡେ ବାତେଏ ଅନ୍
ପାୟୁର୍ତାଲାନ୍ ପେଇଡିଡ୍, ଆଦ୍ ଅକିଙ୍କ ଅପବିତ୍ର ମାଡ଼ିଡ୍ ।”

୧୨ ଆୟୁଙ୍କ ଶିଷ୍ୟନଡ୍ ଅନ୍ ଗାରରେ ଆଞ୍ଜ କେଡତଡ୍, “ପାରୁଗୀଡ୍
ଆଦ୍ ଗଟ୍ କେଞ୍ଜି ବିରକ୍ତ ଆସ୍ ମିୟେ, ନିମେବାତେ ଇଦ୍ ପୁଡଡିନ୍ ?”

୧୩ ବାତେଙ୍କ ଇଡକେ ଜିସୁ ଉତ୍ତର କେଡତାନ୍, “ନା ସ୍ବର୍ଗ ବାବାଲ୍
ବେନ୍ ସାରେ ମାଡ଼ାକ୍ ଉର୍ସ୍ସନ୍, ହାଉସାରେ ଗାଜ୍ଜେ ଆଦତା ।”

୧୪ ☆“ଅତ୍ତ ବିଷୟତେ ଦାନ୍ତେ ଆୟମାଟ୍ । ଅତ୍ତ କାନାଙ୍କ ଆର୍ ତତାନଣ୍ । ଝେରଣ୍ କାନାଙ୍କ ମେଣ୍ଟେ ଝେରଣ୍ କାନାଙ୍କ ଆର୍ ତତ୍ତକେ ଇର୍ଝୁଡ୍ ଆୟସ ଗୁଇନ୍ଦେତାଗ୍ ରାଲିତଡ୍ ।”

୧୫ ଆଗାଙ୍କ ପିତର୍ ଅକିଙ୍କ କେଡ୍ତାନ, “ଆଦ୍ ଗର୍ ମାକିଂଙ୍କ ବୁଜା ମାଡ଼ିମ୍ ।”

୧୬ ଜିସୁ କେଡ୍ତାନ, “ମିଡ୍ ଆନ୍ତେ ବାଡ୍ ଇଞ୍ଜେ କଞ୍ଜ ବୁଜେମ୍ ଆୟଡିନ୍ ।

୧୭ ବାଡ୍ଆଇ ପାୟୁର୍ ତାଲାନ ନେଙ୍କତେ, ଆଦ୍ ଲୋପେ ଆଞ୍ଜ ମେଣ୍ଟେ ମେନ୍ତୁଲ୍ ତାଲାନ ପେଇସ୍ ଆଦ୍ତେ । ଇଦ୍ ବାତେଏ ବୁଜେମ୍ ଆୟଡିଡ୍ ?

୧୮ ☆ବାତେଙ୍କ ଇଡ୍ତକେ ପାୟୁର୍ତାଲାନ ବାତେଏ ପେୟଡିଡ୍, ଆଦ୍ ହୁଦୟତାଗାଙ୍କ ପେୟଡିଡ୍ ନୁ ଆଦ୍ ଇ ନାରୁଙ୍କ ଅପବିତ୍ର ମାଡ଼ିତେ ।

୧୯ ବାତେଙ୍କ ଇଡ୍ତକେ ହୁଦୟତାଗ୍ କାରାପ୍ ଚିନ୍ତେ, ଆଞ୍ଜକାନାଦ୍, ବ୍ୟାବିଚାର୍, ଲାଞ୍ଜେକାମ୍, ଚୋର୍ସ୍, ମିର୍ କେତାନାଦ୍ ନୁ ନିନ୍ଦ୍ ପେଇଡିଡ୍;

୨୦ ଇଞ୍ଜୁ ସାରେ ପାଡ଼ୟି ନାରୁଙ୍କ ଅପବିତ୍ର ମାଡ଼ିଡ୍ । ବାତେଙ୍କ ଇଡ୍ତକେ ଅତ୍ତ କେଡ୍ତାନ ଲେକାମ୍ କାୟ୍ ନର୍ଝକର୍ ତିଡ୍ତକେ ବେନ ଅପବିତ୍ର ଆୟନ୍ ।”

ଝେରଡ୍ ନାଗାଡ୍ତେ ବିଶ୍ବାସ୍

(ମାର୍କ ୭:୨୪-୩୦)

୨୧ ଜିସୁ ଆଦ୍ ପଡ଼ିୟେ ଝିଡ୍ସି ସୋର୍ ନୁ ସୀଦନ୍ ନାର୍ ଆଡ୍ତନ୍ ।

୨୨ ଆଗେ ମାୟାନ ଝେରଡ୍ କିନାନିୟ ନାଗାଡ୍ ଝାସ୍ ଗାଟିଲେଙ୍କ ଦେ କେତାଙ୍କ ପସ୍ତେ, “ହୋ ପ୍ରବୁ, ଦାଉଦ୍ତେ ମାର୍, ନାକିଂଙ୍କ ଦୟାମାଡେ, ନା ପିକ୍ତିଙ୍କ ବୟଙ୍କାର୍ ବୁଡ୍ ପଇତେ ।”

୨୩ ବାତେଙ୍କ ଇଡ୍ତକେ ଜିସୁ ଆଦିଙ୍କ ଅଣ୍ ପଦ୍ମିକା ଉତ୍ତର୍ ହିଝଣ୍ । ଶିଷ୍ୟନଡ୍ ଅନ୍ ଗାର୍ରେ ଝାସ୍ ଅନୁରଦ୍ ମାଡ୍ତଡ୍, “ଆଦିଙ୍କ ଯାପେ ଆଡ୍ତାଙ୍କ କେଲ୍ମୁର୍ । ଉଡ୍ତା ଆଦ୍ ବେଦ୍ଲେକାମ୍ ମର୍ପଇସ୍ ମାନ୍ ପେକେ ଝାଡୁଡ୍ ।”

୨୪ ବାତେଙ୍କ ଇଡ଼କେ ଜିସୁ ଉତ୍ତର ହିଡ଼ତନ୍, ନାନନେ ଇସ୍ରାଏଲ୍ ବଂଶତେ “ମାହିମାୟାନ୍ ମେଣ୍ଟାନ୍ ସେଙ୍ଗେ ମେଣ୍ଟେ ବେନ ପାକେ ଖାଡ଼ନେ ।”

୨୫ ବାତେଙ୍କ ଇଡ଼କେ ଆଦ୍ ନାଟାଡ଼୍, ଖାସ୍ ଅଂକିଙ୍କ୍ ମଡ଼କ୍ କି କେତାଙ୍କ୍ ପସ୍ତେତେ, “ହୋ ପ୍ରବୁ, ନାକିଂଙ୍କ୍ ସାହାୟ୍ୟ ମାଡ଼େ ।”

୨୬ ମାଡ଼ର ଜିସୁ କେଡ଼ତାନ୍, “ପିଲାନ୍ ଚାକୁର୍ ଅସ୍ ନେୟକିନାଗ୍ ଖାଟାନାଦ୍ ଆୟ୍ଯୟ ।”

୨୭ ନାଟାଡ଼୍ କେଡ଼ତେ, “ଆଦ୍ ସଡ଼ ପ୍ରବୁ, ବାତେଙ୍କ୍ ଇଡ଼କେ ନେୟକ୍ ମିକା ମେଜଡ଼ମଦଲ୍ ମୁନିବର୍ ହେଙ୍ଗୁଲ୍ ତିୟାଙ୍କ୍ ଦରକିଡ଼ ।”

୨୮ ଆଗାଙ୍କ୍ ଅଣ୍ଟୁ ଆଦିଙ୍କ୍ କେଡ଼ତାନ୍, “ହୋ ନାଟାତନି, ନିୟାଦ୍ ବେଡ଼ିଇ ବିଶ୍ୱାସ୍,” ନି ଇଚ୍ଛାତେ ନି ଲେକାମ୍ ଆୟ୍ଯି । ଆଦ୍ ଦଣ୍ଡତାଗାଙ୍କ୍ ତାନ୍ ମାୟାଡ଼୍ ସୁସ୍ଥ ଆଡ଼ତେ ।

ଜିସୁ ନାରଗେ ନାରୁଡ଼କ୍ ସୁସ୍ଥ ମାଡ଼ତଣ୍

୨୯ ଆଗାଙ୍କ୍ ପେଇସ୍ ଜିସୁ ଗାଲିଲୀ ସମୁଦ୍ର ଆଞ୍ଚି ଆଞ୍ଚି ଆଞ୍ଚି ଖେରଡ଼୍, ମେଟେଡ଼ ପରର କୁଦତନ୍ ।

୩୦ ନାରଗେ ନାରୁଡ଼୍ ଅନ୍‌ଗାରେ ଖାସ୍ ନିଡ଼ତଡ଼୍ । ଅଡ଼୍ କୁଟାଲଡ଼୍, କାନାଲଡ଼୍, କନ୍ୟାଲଡ଼୍, ନୁ ବାଡ଼ ବାଡ଼ା ନାରଗେ ରୋଗିଡ଼କ୍ ଅନ୍ ମୁନେ ନିଲ୍‌ସ୍ଥିଡ଼ ତଡ଼୍ ନୁ ଅଡ଼୍‌କିଂଙ୍କ୍ ଅନ୍ ତେକାନ୍ ମୋଦଲ୍ ଖାଟିଡ଼ତଡ଼୍, ମେଣ୍ଟେ ଅଣ୍ଟୁ ଅଡ଼୍‌କିଂଙ୍କ୍ ସୁସ୍ଥ ମାଡ଼ତଣ୍ ।

୩୧ ଆଦେଲେକାମ୍ କନ୍ୟାଲଡ଼୍ ଗଟି କେଡ଼ତଡ଼୍, କୁଟାଲଡ଼୍ ତାକୁଡ଼ତଡ଼୍, ନୁ କାନାଲଡ଼୍, ଉଡ଼ତୁଡ଼୍, ଇସ୍ରାଏଲ୍‌ତେ ଇଶ୍ୱରତିଙ୍କ୍ ପ୍ରସଂଶା କିର୍ତ୍ତନ୍ ମାଡ଼ତଡ଼୍ ।

ଜିସୁ ନାଲୁ ହଜାର ନାରୁଡ଼କ୍ ତିର୍ଯ୍ୟିତଣ୍

(ମାର୍କ ୮:୧-୧୦)

୩୨ ଜିସୁ ଶିଷ୍ୟନଡ଼କ୍ କାର୍‌ଜି କେଡ଼ତାନ୍, “ଇ ନାରୁଡ଼୍ ସେଙ୍ଗେ ନାକିଂଙ୍କ୍ ଦୁଃକାମ୍ ପଇତେ, ବାତେଙ୍କ୍ ଇଡ଼କେ ହି ନାରୁଡ଼୍ ନା ତଡ଼୍ ମୁଣ୍ଟି ଦିନା ମିୟେ ନୁ ଇଞ୍ଜେ ଅଡ଼ାଗ୍ ବାତେଇଲେ । ଅଡ଼୍ ତିନକଟ୍ ଆନ୍‌ମାକି, ଇ ଗଟ୍ କେଡ଼ତାନ୍; ବାତେଙ୍କ୍ ଇଡ଼କେ ଆଦାନ୍ ଖେଲେ ଆର୍‌ଦାଗ୍ ଆଇଦ୍ ତଡ଼୍ ।”

୩୩ ଶିଷ୍ୟମନ୍ତ୍ର ଅଂକିଙ୍କ କେତେତରୁ, ଇସର ନାରୁଡ଼କ୍ ପର୍ ନିଇତାଙ୍କ ମାନାଡ଼, “ଇ ଉତ୍ତକ ଲେକେଦାଗ୍ ଆସର୍ କାଦି ବେଗେ ଦରକିଡ଼ ?”

୩୪ ଜିସୁ କେତେତନ୍, “ମିୟାଗ୍ ବେସକ୍ ରୁଟି ମିୟେ ?” ଅଡ଼, କେତେତଡ଼, “ସାଡ଼ଟାନ୍ ରୋଟି ନୁ ସୁକୁକ୍ ସୁଦୁ କିକେ ।”

୩୫ ଆଗାଙ୍କ ଅଣ୍ଟ ନାରୁଡ଼କିଂଙ୍କ ନେଲ୍ କୁଦାଙ୍କ କେତେତାନ୍,

୩୬ ମେଣ୍ଟେ ଅଣ୍ଟ ଆଉ ସାଡ଼ଟାନ୍ ରୁଟି ନୁ କିକେଙ୍କ ଅସ୍ ଦନ୍ୟବାଦ୍ ଇସ୍ ଆଉସାରେ ଶିଷ୍ୟତ୍ତ୍ ଇତେତନ୍, ଅଡ଼, ନାରୁଡ଼କିଂଙ୍କ ଇତେତଡ଼ ।

୩୭ ମେଣ୍ଟେ, ସାରେତଡ଼ ତିଞ୍ଜି ପର୍ନିତଡ଼ ନୁ ଉତ୍ତଙ୍କେତେ ରୁଟି ନାଗାଙ୍କ ବେସକ୍ ମିଗିଲ୍ ତାଉ, ଆଉ ଅଡ଼ ପେହେକି ସାଡ଼ଟାନ୍ ଜୁଡ଼ିନାଗ୍ ନିହିତଡ଼ ।

୩୮ ତିଡ଼େତେ ନାରୁଡ଼, ନାଟାଙ୍କ ନୁ ପିଲାଙ୍କ ଝିଡ଼ସି ନାଲୁ ହଜାର ନାରୁଡ଼, ମାଡ଼ତଡ଼ ।

୩୯ ତାନ୍ ପେକେ ଜିସୁ ନାରୁଡ଼କ୍ ଆଡ଼ତାଙ୍କ କେସ୍ ଓଡ଼େତାରି ମଗଦାଲାନ୍ ନାର୍ ଆଡ଼ତଡ଼ ।

୧୭

ବାକ୍ସା ପାଡ଼୍ଲି ପ୍ରଦର୍ଶନ ସେଙ୍ଗେ ଦାବା

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ ✧ ପାରୁଗୀଡ଼ ନୁ ସାଜୁକିଡ଼ ଅନ୍ ଗାରରେ ଖାସ୍ ଅଂକିଙ୍କ ପରିକ୍ଷା ମାଡ଼ାନ୍ ଅବିୟଗ୍ରେତେ ଅଂକିଙ୍କ ମାବ୍ତାଗ୍ ଝେରଡ଼, ଚିହ୍ନେ ତତାଙ୍କ ଅନୁରଦ୍ ମାଡ଼ତଡ଼ ।

୨ ବାତେଙ୍କ ଇଡ଼କେ ଜିସୁ ଅଡ଼କିଂଙ୍କ ଉତ୍ତର ଇଡ଼ତଣ୍ଟ, “ମୁଲ୍ପୁର୍ ମିଡ଼ କେସ୍ମାନୁର୍, ଲେକେଡ଼ ପାଗ୍ ଆଡ଼ତେ, ବାତେଙ୍କ ଇଡ଼କେ ମାବ୍‌ଏର୍ ଆସ୍ମିୟେ,

୩ ସାରେଦିନା କେସ୍ମାନୁର୍, ନେଣ୍ଟି ଖାର୍‌ସାମ୍ ଆଡ଼ତେ, ବାତେଙ୍କ ଇଡ଼କେ ମାବ୍‌ଏର୍ ଆସ୍ ମିୟେ ମାବ୍‌ପଇସ୍ ମିୟେ । ମିଡ଼, ମାବ୍ ଉଡ଼ିକେ କେତା କେତି ଆସ୍ ପୁନ୍ନୁତିଡ଼, ବାତେଙ୍କଈକେ ଦିନାକିଙ୍କ ଉଡ଼ାନାଦ୍ ସାରେ ବୁଜେମ୍ ଆୟ୍‌ଝିଡ଼ ?

✧ ୧୭:୧ ମାତିଉ ୧୨:୩୮; ଲୁକ ୧୧:୧୭.

୪ ☆ ଇ ଯୁଗ୍ମରେ ନାରୁଡ଼, ବେସର ଦୁଷ୍ଟ ନୁ ଇଶ୍ବରରେ ଅବିଶ୍ବାସ । ମିଡ଼, ଝେରଡ଼, ଆଶର୍ଯ୍ୟ କାମ୍ ମାଡ଼ାଙ୍କ କେତୁଡ଼ିଡ଼ ? ବାତେଙ୍କ ଇଡ଼କେ ଯୁନସ୍ବରେ ଜିଝୁନରେ ଗଟେମ୍ ଆସ୍ମାନ୍ ବାକ୍‌ଝାକାମ୍ ଝିଡ଼ସି ବାତେମିକା ବାକ୍‌ଝାକାମ୍ ମିଡ଼, ନାୟାଗେ ଉଡ଼ିଡ଼ି ।” ଆଦ୍ କେସ୍ ଜିସୁ ଅଡ଼କ୍ ଝିଡ଼ସି ଆଡ଼ତନ୍ ।

ପାରୁଶୀଡ଼, ନୁ ସାଦୁକିଡ଼, ଶିକ୍ଷା
(ମାର୍କ ୮:୧୪-୨୧)

୫ ଶିଷ୍ୟନଡ଼, ସମୁଦ୍ର ମେଣ୍ଡେନ୍ ପାକେ ହେଉସ୍ ଉଡ଼ିଡ଼ି, ଯେ, ଅଡ଼, ରୁଟି ଅଦାଙ୍କ ମାରଙ୍କଡ଼ି ।

୬ ☆ ଜିସୁ ଅଡ଼କିଂଙ୍କ କେଡ଼ତନ୍, “ସର୍ତ୍ତକ ଆୟ୍‌ମୁଟ୍, ପାରୁଶୀଡ଼, ନୁ ସାଦୁକିଡ଼, କମାରତାଗାଙ୍କ ସାବ୍‌ଦାନ୍ ଆସ୍ମାନ୍‌ର ।”

୭ ଆଗାଙ୍କ ଅଡ଼, ତାମ୍‌ତାମ୍ କେତାକେତି ଆଡ଼ିଡ଼ି, “ମାନାଡ଼, ରୁଟି ତାଡ଼ିଡ଼ି, ଇଞ୍ଜ ଅଣ୍ଡି ଆଦ୍ କେଡ଼ତନ୍ ।”

୮ ବାତେଙ୍କ ଇଡ଼କେ ଜିସୁଆଦ୍ ପୁଞ୍ଜ କେଡ଼ତାନ୍, ହୋ ସୁଦୁଟ୍ ବିଶ୍ବାସିନଡ଼ି, “ମିଇ ଯାଗ୍ ରୁଟି ଇଲାଈଞ୍ଜ ବାଡ଼ିଙ୍କ ନିଜେ ନିଜେ ରାମ୍‌କ୍ ଆଦୁଡ଼ିଡ଼ି ?

୯ ☆ ମିଡ଼ବାତେ ଇଞ୍ଜ ବା ବୁଜେମ୍ ଆୟ୍‌ଝିଡ଼ି ? ଏଇଙ୍କ ହଜାର୍ ନାରୁଡ଼, ଆଗାଙ୍କ ରୋଟି ମେଣ୍ଡେ ବେସ୍‌କ୍ ଜୁଡ଼ିନାଗ୍ ପେହେକ୍‌ତିଡ଼ି,

୧୦ ☆ ଆଦ୍ ନାଲୁହଜାର୍ ନାରୁଡ଼, ସାଡ଼ଟାନ୍ ରୁଟି ମେଣ୍ଡେ ବେସ୍‌କ୍ ଜୁଡ଼ିନାଗ୍ ପେହେକ୍‌ତିଡ଼ି, ଆଉସାରେ ମିକିଂଙ୍କ ଏକା ଇଲେ ?”

୧୧ “ନାନ୍ ମିକିଂଙ୍କ ରୋଟି ବିଷୟରେ କେଲନ୍, ଇଦ୍ ବେଲା ବୁଜେମ୍ ଆୟ୍‌ଝିଡ଼ି ? ବାତେଙ୍କ ଇଡ଼କେ ପାରୁଶୀଡ଼, ନୁ ସାଦୁକିଡ଼, କମାର ବିଷୟରେ ସାବ୍‌ଦାନ୍ ଆସ୍ମାନ୍‌ର ।”

୧୨ ଜିସୁ ଯେ ରୋଟିରେ କମାରତାଗାଙ୍କ ସାବ୍‌ଦାନ୍ ଆଶେ ମାନ୍ଦାନ୍ ମାଇଦିଙ୍କ କେଲକଟ ଫାରୁଶି ନୁ ସାଦୁକିଡ଼, ଶିକ୍ଷାରେ ସାବ୍‌ଦାନ୍ ଆଶେ ମାନ୍ଦାନ୍ ମାଇଦିଙ୍କ ଅଡ଼କିଂଙ୍କ କେସ୍‌ମାଡ଼ିଡ଼ି, ଇଦ୍ ଅଡ଼, ଆସୁଟେ ବୁଜେମ୍ ଆଡ଼ିଡ଼ି ।

☆ ୧୭:୪ ମାତିଉ ୧୭:୩୯; ଲୁକ ୧୧:୨୯. ☆ ୧୭:୭ ଲୁକ ୧୭:୧. ☆ ୧୭:୯ ମାତିଉ ୧୪:୧୭-୨୧. ☆ ୧୭:୧୦ ମାତିଉ ୧୫:୩୪-୩୮.

ଜିସୁନ୍ ସମ୍ପର୍କରେ ପିତର କେତାନାଦ୍

(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ ତାନ୍ ପେକେ ଜିସୁ କାଇସରୀୟା ପିଲିପ୍ ନାରଦେ ପାକେ ଖାସ୍
ତାନ୍ ଶିଷ୍ୟନଡ଼କ୍ କେତାଙ୍କ୍ ପସ୍ତତନ୍, “ନାରୁନ୍‌ପିଲେ ବେନ୍ ଇଞ୍ଜି
ନାରୁଡ଼୍‌କେତୁତଡ଼୍?”

୧୪ ☆ଆଗାଙ୍କ୍ ଅଡ଼୍‌କେତୁତଡ଼୍, “ବେନ କେତିତଡ଼୍, ବାପ୍ତିସ୍ମ ଯୋହନ୍,
ବେନ ଏଲିୟ, ମେଣ୍ଟେ ବେନ ଜିରିମୀୟ ବା ବାବବାଦୀନଡ଼୍ ଆଗାଙ୍କ୍
ଖେରନ୍ ।”

୧୫ ଜିସୁ ଅଡ଼୍‌କିଂଙ୍କ୍ କେତୁତାନ୍, ବାତେଙ୍କ୍ ଇଡ଼୍‌କେ “ନାନ୍ ବେନ ଇଞ୍ଜି
ମିଡ଼୍‌କେତୁତିଡ଼୍?”

୧୬ ☆ଶିମୋନ୍ ନୁ ପିତର କେତୁତଡ଼୍, “ନିମ୍ କ୍ରିଷ୍ଟ, ଜିଝୁତେ ଇଶ୍ବର
ତେ ମାର୍ ।”

୧୭ ଆଗାଙ୍କ୍ ଅଣ୍ଟ କେତୁତାନ୍, “ହୋ ଯୁନସ୍‌ତେ ମାର୍ ଶିମୋନ୍, ନିମ୍
ଦନ୍‌, ବାତେଙ୍କ୍ ଇଡ଼୍‌କେ ନାରୁଡ଼୍‌ପାକେ ଆଝୁଙ୍କ୍ ନୁ ନେତୁର୍ କେଲନ୍,
ବେଲାନ ନା ସ୍ବର୍ଗତେ ବାବାଲ୍ କେସ୍‌ମିହେନ୍ ।”

୧୮ “ମେଣ୍ଟେ, ନାନ୍ ମିକା ନିକିଂଙ୍କ୍ କେତୁତାନ୍, ନିମ୍ ପିତର, ମେଣ୍ଟେ
ଇ କାଲ୍‌ଦେ ପରର ନାନ୍ ନିଜେଡ଼୍ ମୋଣ୍ଟୁଲି ମାଡ଼ିତାନ୍, ମେଣ୍ଟେ
ନର୍କତେ ଶକ୍ତି ଆଦିଙ୍କ୍ ଆରେମ୍ ମାଡ଼ ।

୧୯ ☆ନାନ୍ ନିକିଂଙ୍କ୍ ସ୍ବର୍ଗରାଜ୍ୟତେ କୁଟକାଇ ଇଡ଼୍‌ତାନ୍, ମେଣ୍ଟେ
ନିମ୍ ପୃତିବି ତାଗ୍ ବାତେଏ ସାରେ ବନ୍ଦ୍‌ମାଡ଼ିତିନ୍, ସ୍ବର୍ଗତାଗ୍ ଆଦ୍
ବନ୍ଦ୍‌ମାନ୍‌ତେ, ମେଣ୍ଟେ ପୃତିବିତାଗ୍ ବାଡ଼ଆଇ ମୁକ୍ତ ମାଡ଼ିତିନ୍,
ସ୍ବର୍ଗତାଗ୍ ଆଦ୍ ମୁକ୍ତ ମାନ୍‌ତେ ।”

୨୦ ଆସୁଙ୍କ୍ ଅଣ୍ଟ ଯେ କ୍ରିଷ୍ଟ ଆଦ୍‌ତନ୍, ଇଡ଼୍ ବେନଙ୍କ୍ ବା କେଲ୍‌ମାର୍
ହିଞ୍ଜି ଅଣ୍ଟ ଶିଷ୍ୟଡ଼କ୍ ଦୃଡ଼ ଗର୍ ଇଡ଼୍‌ତନ୍ ।

ଜିସୁ ନିଜର୍ କଷ୍ଟ ନୁ ଡ଼ଲାନ ବିଷୟ ତେ ଗର୍ ହିଡ଼୍‌ତନ୍

(ମାର୍କ ୮:୩୧-୯:୧; ଲୁକ ୯:୨୨-୨୭)

☆ ୧୭:୧୪ ମାଡ଼ିଉ ୧୪:୧୨; ମାର୍କ ୬:୧୪,୧୫; ଲୁକ ୯:୭,୮.

☆ ୧୭:୧୭ ଯୋହନ୍

୬:୬୮,୬୯. ☆ ୧୭:୧୯ ମାଡ଼ିଉ ୧୮:୧୮; ଯୋହନ୍ ୨୦:୨୩.

୨୧ ଆଦ ସମୟତାଗାଙ୍କ ଜିସୁ କ୍ରିଷ୍ଟ ତାନ୍ ଶିଷ୍ୟନଡ଼କ୍ ବୁଜାମାଡ଼ାଙ୍କ ପସ୍ତତନ୍ ଯେ, “ନାନ୍, ଯିରୁଶାଲେମ୍ ତା ଆଞ୍ଜି ଦର୍ମଯାଜକ୍, ଦର୍ମଗୁରୁ ନୁ ଦର୍ମନେତାନଡ଼୍ ତଡ଼୍ ନିର୍ଯ୍ୟାତିତ ଆସ୍ ଗାଟି କଷ୍ଟ ଆଦତଣ୍ । ଅଦିକ୍ ଡଲିତାନ୍, ବାତେଙ୍କ ଇଡ଼କେ ମୁଣ୍ଡଦିନା ପେକେ ମେଣ୍ଡେଜିଖେ ଆସ୍ ତେଦିତନ୍ ।”

୨୨ ପିତର୍ ଜିସୁଙ୍କ ଖେରଙ୍କ କାରୁଙ୍କି ଅସ୍ ମଜା ମାଡ଼ି କେଡ଼ତାନ୍, “ଇଶ୍ବର ମାଡ଼ମାକିଣ୍ଡ, ପ୍ରବୁ, ନି ସେଙ୍ଗେ ଇଲା ବେସୁଙ୍କ ଆୟମାକି ।”

୨୩ ଜିସୁ ମେଣ୍ଡେ ମାଲସ୍ କେଡ଼ତନ୍, “ନା ମୁନେଙ୍କ ଜେକ୍ ଅନ୍ ଶୟତାନ୍, ନା ସେଙ୍ଗେ ପ୍ରତିବନ୍ଧକ ଆୟମା । ବାତେଙ୍କ ଇଡ଼କେ ନିୟାଦ୍ ଇ ଚିନ୍ତେ ମାତର୍ ମାନବିକ, ସମ୍ପତି ଆୟୟ ।”

୨୪ ☆ତାନ୍ପେକେ ଜିସୁ ତାନ୍ ଶିଷ୍ୟଡ଼କ୍ କେଡ଼ତନ୍, “ବେନ ବେସୁଙ୍କ ନା ପେକେ ଝାଦାଙ୍କ ଇଛା ମାଡ଼ତୁଣ୍, ଆଲେକେ ଅଣ୍ ନିଜେତିଙ୍କ୍ ଅସ୍ବାକାର୍ ମାଡ଼ିଣ୍, ମେଣ୍ଡେ ନିଜେ କୁଶକାଞ୍ଜି ନା ପେକେ ତାକିଣ୍ ।

୨୫ ☆ବାତେଙ୍କ ଇଡ଼କେ ବେନ ଆୟି ନିଜେଡ଼ ଜିହ୍ବନ୍ ରକ୍ଷା ମାଡ଼ାଙ୍କ ଇଛା ମାଡ଼ିତନ୍, ଆଦ ଅଣ୍ ଆରାମ୍ ମାଡ଼ିତନ୍, ବାତେଙ୍କ ଇଡ଼କେ ବେନ ନିଜେଡ଼ ଜିହ୍ବଣ୍ଡିଙ୍କ୍ ଉତ୍ସର୍ଗ ମାଡ଼ିତନ୍ ଅଣ୍ ଆଦ ପ୍ରାପ୍ତ ଆଦତନ୍ ।

୨୬ ନାରୁନ୍ ବେସୁଙ୍କ ସାରେ ଜଗଡ଼ ଲାବ୍ ମାଡ଼ି ନିଜେଡ଼ ଜିହ୍ବନ୍ ହିଦତନ୍, ଆଲେକେ ଅନାଦ୍ ବାଡ଼ ଲାବ୍ ଆଦତେ ?

୨୭ ☆ମେଣ୍ଡେ ନାରୁଡ଼୍ ପିଲେ ନିଜେଡ଼ ବାବଙ୍କ ମାଈମାତେ ଗୌରବ୍ ପାଏମ୍ ଆସ୍ ନିଜେ ଦୂତତଡ଼୍ ଝାଦତଣ୍ ନୁ ଆସୁଙ୍କ ଅଣ୍ ସାରେନାରୁଡ଼୍, ଅନ୍ ପାଡ଼ୟି ଲେକାମ୍ କାୟେ ହିଦତନ୍ ।

୨୮ ନାନ୍ ମିକିଂଙ୍କ୍ ସଡ଼ କେଡ଼ତାନ୍, ନାରୁନ୍ ପିଲେ ନିଜେଡ଼ ରାଜ୍ୟତାଗ୍ ଝାଦାନାଦ୍ ଉଡ଼ଖେ ଯାକ ଇଗେ ନିସ୍ ମାୟାନ୍ ନାରୁଡ଼୍, ଡାଗାଙ୍କ୍ ବେସକ୍ ବେଦ୍ଲେକାମ୍ ଡଲ୍ଡାଗାଙ୍କ୍ ଆସ୍ବାଦ ପାଏମ୍ ଆୟନ୍ ।”

୧୭

☆ ୧୭:୨୪ ମାଡ଼ିଉ ୧୦:୩୮; ଲୁକ ୧୪:୨୭. ☆ ୧୭:୨୫ ମାଡ଼ିଉ ୧୦:୩୯; ଲୁକ ୧୭:୩୩; ଯୋହନ୍ ୧୭:୨୫. ☆ ୧୭:୨୭ ମାଡ଼ିଉ ୨୫:୩୧; ରୋମାୟ ୨:୭.

ଜିସୁନ୍ ଦିବ୍ୟ ରୂପାନ୍ତର

(ମାର୍କ ୯:୨-୧୩; ଲୁକ ୯:୨୮-୩୭)

୧ ଜିସୁ ହିନ୍ଦିନ୍ ଆରୁଦିନା ପେକେ ପିତରୁ ନୁ ଯାକୁବ୍ ଯୋହନ୍ ତେ
ଇରୁଡ୍ଡୁ, ତାମୁଣ୍ଡକିଡ୍ଡୁ ଆସ୍ ଝେରଡ୍ଡୁ, ତେଙ୍ଗ୍ ମେଟେତାଗ୍ ଆଦ୍‌ତଡ୍ଡୁ,
ଆଗେ ବେନ ହିଲ୍‌ଝେ ମାଡ୍‌ତଡ୍ଡୁ ।

୨ ଶିଷ୍ୟଡ୍ଡୁ ଉଡ୍‌ନା ଜିସୁନ୍ ମୁନେଡ୍ଡୁ ଲେକାମ୍ ମିଡ୍‌ନଡ୍‌ଣ୍ଡୁ । ଅନ୍
ମକମ୍ ପଡ୍‌ବ୍ ଲେକାମ୍ ଝେସ୍ ଆଡ୍‌ତେ ନୁ ଅନ୍ ଚକା ଝେସ୍‌ଇନା
ସାୟେ ତନ୍ତେ ।

୩ ମଗାଲ୍ ନୁ ଏଲିୟ ଜିସୁନ୍ ତଡ୍, ଗଟି ତିରୟାନାଦ୍ ଶିଷ୍ୟଡ୍ଡୁ,
ଉଡ୍‌ତଡ୍ଡୁ ।

୪ ପିତର ଜିସୁଙ୍କ କେଡ୍‌ତାନ୍, “ବେସର୍ ସୁକାମ୍‌ତେ ଗଟ୍, ନେଣ୍ଡୁ
ମାମମେ ଇଗେ ମିନ୍‌ଦେମ୍ । ନିମ୍ ଯଦି ଇଚ୍ଛା ମାଡ୍‌ତୁନ୍, ଇଗେ ନାନ୍
ମୁଣ୍ଡୁ ଗୁଡ୍‌ସ୍ତା ମାଡ୍‌ତାନ୍ । ଝେରଡ୍‌ନି ମାଇଦିଙ୍କ୍, ମେଣ୍ଡେ ରେଣ୍ଡୁ ମଗାଲ୍
ନୁ ଏଲିୟନ୍ ମାଇଦିଙ୍କ୍ ।”

୫ ☆☆ପିତର ଆଦ୍ କେଡ୍‌ତାନ୍ ଝେଲେ ଝେରଡ୍ଡୁ ଝେସ୍‌ତେ ମାବ୍
ଅଡ୍‌କିଙ୍କ୍ ତାଲେଡ୍ ପରର ଖାଡ୍‌ତେ ନୁ ଆଗାଙ୍କ୍ କେଞ୍ଜିତଡ୍, “ହୋ ନା
ପ୍ରିୟ ମାର୍, ଇନାଗେ ନାନ୍ ପେକେ ସାର୍‌ଦେ । ଅନ୍ ଗଟ୍ ମନ୍‌ଇସ୍
କେଞ୍ଜାର୍ ।”

୬ ଶିଷ୍ୟନଡ୍ଡୁ ଆଦ୍‌ଲେଙ୍ଗ୍ କେଞ୍ଜି ଦାଦ୍‌ରେଲି ନେଲ୍ କାପ୍‌ମୁଡ୍‌ଡି
ରାଲ୍‌ତଡ୍ଡୁ ।

୭ ଜିସୁ ଅଡ୍‌ଗାର୍‌ରେ ଖାସ୍ ଅଡ୍‌କ୍ ହିଟିମିକା କେଡ୍‌ତାନ୍ “ତେଦାର୍
ଝେରମାର୍ ।”

୮ ଆସୁର୍ ଶିଷ୍ୟଡ୍ଡୁ ସାରେ ପାକା ସିଟ୍‌ପାର୍ ଉଡି ମାଡ୍‌ର ଜିସୁନ୍ ଝିଡ୍‌ସି
ଆଗେ ଝେର୍ ବେନଙ୍କ୍ ଉଡ୍‌ତଡ୍ ।

୯ ଅଡ୍ ମେଟେତାଗାଙ୍କ୍ ତିଗି ଖାଦାନ୍ ଝେଲେ ଜିସୁ ଅଡ୍‌କିଙ୍କ୍
ଆଦେଶ୍ ଇସ୍ କେଡ୍‌ତାନ୍, “ନାରୁନ୍‌ପିଲେ ତଲ୍‌ତାଗାଙ୍କ୍ ତେଦ୍‌ନା ଯାକ
ଇଦ୍ ଉଡ୍‌ତାଦ୍ ଗଟ୍ ମିଡ୍‌ବେନଙ୍କ୍ କେଲ୍‌ମାର୍ ।”

୧୦ ଶିଷ୍ୟଡ୍ଡୁ ଜିସୁଙ୍କ କେଡ୍‌ତଡ୍, “ଏଲିୟ ମୁନେ ଖାଦ୍‌ତନ୍ ଇଞ୍ଜ ମା
ଦର୍ମଗୁରୁଡ୍‌କ୍ ବାଡ୍‌ତିଙ୍କ୍ କେଡ୍‌ତମ୍ ?”

୧୧ ଜିସୁ କେତ୍ତାନ “ହୋ ଏଲିୟ ମୁନେ ଖାସ୍ ସାରେ ବିଷୟ ତିଆର୍ ମାଡ଼ି ନେହେତାନ ଗର୍;”

୧୨ ✧ବାତେଙ୍କ୍ ଇକ୍ତେ ନାନ ମିକିଂଙ୍କ୍ କେତ୍ତାନ, “ଏଲିୟ ଖାସ୍ ତେରୁତନ୍ ନୁ ଅଂକିଙ୍କ୍ ହେଞ୍ଜକର୍ ନାରୁଡ୍ ଅନ୍ସାଙ୍ଗେ ବାଡ଼ଇଚ୍ଛା, ଆଦ୍ ମାଡ଼ିତଡ୍ । ନାରୁନ୍ ପିଲେଡ୍ ସେଙ୍ଗେ ମିକା ଅଡ୍ ଆଦେଲେକାମ୍ କାରାପ୍ କାମ୍ ମାଡ଼ିତଡ୍ ।”

୧୩ ଆସୁଙ୍କ୍ ଶିଷ୍ୟନଡ୍ ବୁଜେମ୍ ଆଦତଡ୍, ଯେ, ଜିସୁ ବାପ୍ତିସ୍ମ ଯୋହନ୍ ତେ ବିଷୟତେ କେତ୍ତନ୍ ।

ଜିସୁ ବୁଡ଼ପଇତେ ପେକାଙ୍କ୍ ସୁସ୍ଥ ମାଡ଼ିତଡ୍

(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ଜିସୁ ନୁ ତାନ ଶିଷ୍ୟନଡ୍ ନାରୁଡ୍ ଗଠିଲି ଲୋପେଙ୍କ୍ ମାଲ୍ସ ଖାଦାନ ଖେଲେ ଖେରନ୍ ନାରୁଡ୍ ଗାରରେଖାସ୍ ମର୍ମିଣ୍ଡା ଉସ୍ କେତ୍ତାନ,

୧୫ “ପ୍ରବୁ, ନା ମାରିଙ୍କ୍ ଦୟା ମାଡେ । କୁହେଲ୍ ରଗ୍ ଲେକାମ୍ ଅଣ୍ ନାରଗେ ଦାମ୍ କିସ୍ ବା ଏରଦାଗ୍ ରାଲ୍ତନ୍ ।

୧୬ ଅଂକିଙ୍କ୍ ନାନ ନି ଶିଷ୍ୟତା ତାସ୍ମାଡ଼ତାନ; ବାତେଙ୍କ୍ ଇଡ଼କେ ଅଡ୍ ଅଂକିଙ୍କ୍ ସୁସ୍ଥମାଡ଼ାଙ୍କ୍ ପାର୍ଡ଼ିଆଦତଡ୍ ।”

୧୭ ଜିସୁ କେତ୍ତାନ “ମିଡ୍ ବିଶ୍ୱାସ୍ ଆୟ୍ଡ଼ିଡ୍ ନୁ ନଷ୍ଟ; ମିଇ ତଡ୍ ନାନ ବେସ୍କ୍ ଦିନାମାନନ୍ଦାନ ? ମେଣ୍ଡେ ବେସ୍କ୍ ଖାଡ଼ିଆ ମିୟାଦ୍ ବ୍ୟବହାର୍ ସାରେ ମାଡ଼ିତାନ ? ଆଦ୍ ପେକାଙ୍କ୍ ନା ପାକେ ତାଡ଼ାଟ୍ ।”

୧୮ ପେକାନ୍ ଲୋପେ ବୁଡ଼ିଙ୍କ୍ ଜିସୁ ଦମକ୍ ଇଡ଼ତନ୍ । ବୁଡ୍ ଅଂକିଙ୍କ୍ ଡିଡ଼ସି ଆଡ଼ତେ ନୁ ଆସୁଙ୍କ୍ ପେକାଙ୍କ୍ ସୁସ୍ଥ ଆଡ଼ତନ୍ ।

୧୯ ତାନପେକେ ଶିଷ୍ୟତ୍ ଜିସୁଙ୍କ୍ ସାରେତଡ୍ କାଇଲି କେଡ଼ତଡ୍, “ମାମ୍ମେ ବାଡ଼ିଙ୍କ୍ ଆଦ୍ ବୁଡ଼ିଙ୍କ୍ ଡିରସ୍ପେ ପାର୍ଡ଼ିମ୍ ?”

୨୦ ✧ଜିସୁ କେତ୍ତାନ “ମିୟାଦ୍ ବିଶ୍ୱାସ୍ ଗାଟି ଦୁର୍ବଲ୍ । ନାନ ମିକିଂଙ୍କ୍ ସଡ୍ କେତ୍ତାନ, ଯଦି ଖେରଡ୍ ସୋରିଷ୍ ପେଡ଼େମ୍ ଲେକାମ୍ ମିୟାଦ୍ ବିଶ୍ୱାସ୍ ମାନତେ, ଇଦ୍ ମେଟେଡ଼ିଙ୍କ୍ ଇଗାଙ୍କ୍ ଆଗେ ଗୁସ୍ପାଙ୍କ୍

କେତକେ, ଆଦ ଗୁସିଆଦତେ । ବିଶ୍ୱାସ ଶକ୍ତିତେ ସାରେ ମାଡ଼ ପାରୁଡ଼ି ।”

୨୧ ବାତେଙ୍କ ଇଡ଼କେ ପ୍ରାର୍ଥନା ନୁ ଉପବାସ ଓଡ଼ିସି ମେଣ୍ଡେ ବେନ୍ ଉପାୟତେ ଇଦ୍‌ଲେକାମ୍ ବୁଡ଼ ପେଇସ୍ ଅନ୍ ।

ଜିସୁ ତଲାନ୍ ବିଷୟତେ ମେଣ୍ଡନ୍ ଦାମ୍ କେଡ଼ତାନ୍

(ମାର୍କ ୯:୩୦-୩୨; ଲୁକ ୯:୪୩-୪୫)

୨୨ ଶିଷ୍ୟନଡ଼ ସାରେତଡ଼ ଗାଲିଲୀତାଗ୍ ଝେରଡ଼ ତାଗ୍ ଆଦାନ୍ ପେକେ ଜିସୁ ଅଡ଼କ୍ କେଡ଼ତାନ୍,

୨୩ “ବେନ୍ ନାରୁଡ଼ ମାନେଇ ପିଲେତିଙ୍କ ହାଉକିତଡ଼, ଅଡ଼ କାଇଦେ ସମର୍ପିତ ଆଡ଼ତାଙ୍କ ଅଣ୍ଟ ଇଞ୍ଜେ ଆଦୁତନ୍, ବାତେଙ୍କ ଇଡ଼କେ ମୁଣ୍ଡୁଦିନା ପେକେ ଅଣ୍ଟ ମେଣ୍ଡେ ତେଦିତନ୍ ।”

ଜିସୁ ମନ୍ଦିରତେ ସିସୁ ଲୁଡ଼ତନ୍

୨୪ ଜିସୁ ନୁ ଶିଷ୍ୟନଡ଼ କପର୍ନାହୁମତା ଝାଦାନ୍ ପେକେ ମନ୍ଦିରତେ ସିସୁ ଆଦାୟକାରୀଡ଼ ପିତରତିଙ୍କ କେଡ଼ତଡ଼, “ମିଇ ଗୁରୁ ମନ୍ଦିରତେ ସିସୁ ଲୁଡ଼ତନ୍ କି ?”

୨୫ ପିତର କେଡ଼ତାନ୍ “ନିଜାମ୍ ।” ପିତର ଲୋନ୍ ଲୋପେ ନେଙ୍ଗାନ୍ ଝେଲେ ଜିସୁ ଅଂକିଙ୍କ କେଡ଼ତାନ୍, “ଶିମୋନ୍, ନିମ୍ ବାତେଏ ଆଲ୍‌ସୁତିନ୍ ? ଇ ଜଗତତେ ରାଜାନଡ଼କ୍ ବେନ୍ ସିସୁ ଲୁଡ଼ତନ୍ ଅଡ଼ ରାଜ୍ୟତେ ଶନ୍ୟନଡ଼ ନା ବିଦେଶୀ ନଡ଼ ?”

୨୬ ପିତର କେଡ଼ତାନ୍ “ବିଦେଶୀଡ଼ ।” ଜିସୁ କେଡ଼ତାନ୍, “ଆଲେକେ ରାଜ୍ୟତେ ନାରୁଡ଼ କର ହିଦାନାଗାଙ୍କ ଗେଲ୍‌ସିଡ଼ତେ ?

୨୭ ବାତେଙ୍କ ଇଡ଼କେ ମାମ୍‌ମେ ଇଞ୍ଜେ ଅଡ଼କ୍ ଅପ୍‌ମାନ୍ ମାଡ଼ାଙ୍କ ଇଛା ଆୟମ୍ । ମିଡ଼ ସମୁଦ୍ର ଆଞ୍ଚିନା ଆଞ୍ଜ ଗାଲାଙ୍କ ଝାଟାଟ୍ । ମୁନେଙ୍କ ବେନ୍ କିକେ ଆରଦ୍‌ତେ, ତାନ୍ ପାୟୁଡ଼ତାଗାଙ୍କ ଝେରଡ଼ ମୁଦ୍ରା ଦରକିଡ଼ । ଆଦ ଆସ୍ ନା ସେଙ୍ଗେ ନୁ ମିଇ ସେଙ୍ଗେ ମନ୍ଦିର ସିସୁ ଲୁମ୍‌ଟ୍ ।”

୧୮

ସ୍ୱର୍ଗ ରାଜ୍ୟତାର୍ଗ ସାରେଡ଼ିଙ୍କ ବେଡ଼ିୟନ୍ ବେନ

(ମାର୍କ ୯:୩୩-୩୭; ଲୁକ ୯:୪୭-୪୮)

୧ ✧ ଅନ୍ଦିନେ ଶିଷ୍ୟନଡ଼ ଜିସୁଙ୍କ କେଡ଼ତଡ଼, “ସ୍ୱର୍ଗ ରାଜ୍ୟତାର୍ଗ ସାରେଡ଼ିଙ୍କ ବେଡ଼ିୟନ୍ ବେନ?”

୨ ଜିସୁ ଝେରଡ଼ ପିଲେଡ଼ିଙ୍କ ଅଡ଼ ମୁନେ ନିଲ୍ପି କେଡ଼ତନ୍,

୩ ✧ ନାନ୍ ମିକିଙ୍କ ନିଜାମ୍ ହେକେଡ଼େ କେଡ଼ତାନ୍, “ମିଝାଦ୍ ମନ୍ ପିରିବଡ଼ି ତ ଆସ୍ ପିଲେ ଲେକାମ୍ ଆୟ୍ଯ କଟମାଡ଼କେ ସ୍ୱର୍ଗ ରାଜ୍ୟତାର୍ଗ ବେସୁଙ୍କବା ଆଦେ ପାରୁଡ଼ି ।

୪ ବେନ ନିଜେଡ଼ିଙ୍କ ନମ୍ ମାଡ଼ି ଇ ପିଲେ ଲେକାମ୍ ଆଦତନ୍, ଅଣ୍ ସ୍ୱର୍ଗ ରାଜ୍ୟତାର୍ଗ ସାରେଡ଼ିଙ୍କ ବେଡ଼ିୟନ୍,

୫ ବେନଆଇ ନା ପେଦେରଡ଼େ ଇଦ୍ଲେକାମ୍ ଝେରଡ଼ ସୁଦୁ ପିଲେଡ଼ିଙ୍କ ଗ୍ରହନ୍ ମାଡ଼ିତନ୍, ଅଣ୍ ନାକିଙ୍କ ମିକା ଗ୍ରହନ୍ ମାଡ଼ିତନ୍ ।”

ବିଶ୍ୱାସ୍ତେ କଷ୍ଟ ହିଦାନାଦ୍

(ମାର୍କ ୯:୪୭-୪୮; ଲୁକ ୧୭:୧-୨)

୬ “ନାରଗେ ବିଶ୍ୱାସ୍ ମାଡ଼ିମାନ୍ଦାନ୍ ଇ ପିଲାନାଗାଙ୍କ ଝେରନ୍ ବିଶ୍ୱାସ୍ତେ ବେନ ବା ବେଡ଼ିୟ ମାଡ଼ିତନ୍, ଅନ୍ ଗୁଡ଼ୁକ୍ଳାତାର୍ଗ ଝେରଡ଼ ଜାଡ଼ତେକାଲ୍ ତଅସ୍ ଅଂକିଙ୍କ ସମୁଦ୍ ତାର୍ ହେସାନାଦ୍ ସାୟେ ।

୭ ନାରୁଡ଼ାଦ୍ ବିଶ୍ୱାସ୍ତାର୍ଗ କଷ୍ଟ ହିଦାନ୍ ସେଙ୍ଗେ ନାରଗେ ବିଷୟ ମିୟେ । ଆଦିନ୍ ସେଙ୍ଗେ ଇ ଜଗଡ଼ତେ ଅବସ୍ଥାତେ ଇସର୍ ବୟଙ୍କାର୍ । ସାରେଦାମ୍ ଇଲ୍ଲେ ବେଡ଼ିୟ ଆଦତେ, ବାତେଙ୍କ ଇଡ଼କେ ବେନ୍ ବେଡ଼ିୟ ମାଡ଼ିତନ୍, ଅନ୍ ପରିନତି ବେସର୍ ଶତନିୟ ।”

୮ ✧ “ଯଦି ମିୟାଦ୍ କାୟ୍ ବା ତେକେଡ଼ ସେଡ଼୍ଟେ ନିମ୍ ବିଶ୍ୱାସ୍ ଆରାମ୍ ମାଡ଼ିତନ୍ ଆଲେକେ ଆଦିଙ୍କ କଇସ୍ ହେସ୍ସିମୁର୍ । ରେଣ୍ଡେ କାକକ୍ ନୁ ରେଣ୍ଡେ ତେକା ମାଞ୍ଜି ଗାଟି ନିଡ଼ତାନାଦ୍ କିସ୍ତାର୍ ଆଦାନ୍ ବେଲାନ୍ ସଟାନ୍ ଲେକାମ୍ ଆସ୍ ସାରେଦିନାଡ଼ ଜିଝୁନ୍ତେ ଆଦାନାଦ୍ ସାୟେ ।”

✧ ୧୮:୧ ଲୁକ ୨୨:୨୪.

✧ ୧୮:୩ ମାର୍କ ୧୦:୧୫; ଲୁକ ୧୮:୧୭.

✧ ୧୮:୮ ମାଡ଼ିଉ

୯ ☆ “ନି କଣ୍ଡାତ୍ ସେଙ୍ଗେ ଯଦି ମିୟାଦ୍ ବିପଦ୍‌ତେ ବାତେଙ୍କ୍‌
 ଇକ୍‌କେ ଆୟେଡ୍‌; ଆଦିଙ୍କ୍‌ ଟେଣ୍ଡି ହେସିତିନ୍ । ରେଣ୍ଡ୍‌ କଣ୍ଡାମାଞ୍ଜି
 ନରକତା ଆଦାନ୍ ଡିଡ୍‌ସି ଝେରଡ୍‌ କଣ୍ଡା ଆସ୍‌ ସାରେଦିନାଡ୍‌ ଜିଝୁନ୍‌ତେ
 ଆଦାନାଦ୍‌ ସାୟେ ।”

ମାଇତେ ମେଣ୍ଡେଡ୍‌ ଝେଷଡ୍‌

(ଲୁକ ୧୫:୩-୭)

୧୦ ☆ “ଇ ନଗନ୍ୟଡ଼ଗାଙ୍କ୍‌ ଝେରଙ୍କ୍‌ ଆଲେ ତୁଛ୍‌ ମନେମାଡ଼କେ ନାନ୍
 ମିକିଙ୍କ୍‌ କେତୁତାନ୍, ଇଡାଦ୍‌ ଯନ୍‌ ଆସମାନ୍‌ ସ୍‌ର୍ଗତୁତକି ସାରେଦିନା
 ବାବାଲ୍‌ ଇଶ୍‌ବରତେ ପାକେ ମିନ୍‌ହେନ୍ ।”

୧୧ “ବାତେଙ୍କ୍‌ ଇକ୍‌କେ ହାର୍‌ପୁନ୍‌ଝେ ନାରୁଙ୍କ୍‌ ରକ୍ଷା ମାଡ଼ାଙ୍କ୍‌ ନାରୁନ୍‌
 ପିଲେ ଝାସ୍‌ମିନ୍‌ହେନ୍ ।”

୧୨ “ନିମ୍‌ ବାତେଏ ଏକା ମାଡ଼ୁଡିନ୍, ଯଦି ଝେରନ୍‌ ନାରୁନ୍‌ ଶହେ
 ମେଣ୍ଡାମାଗାଙ୍କ୍‌ ନୁ ଝେରଡ୍‌ ମେଣ୍ଡା ମାଇତେ, ଆଲେକେ ଅଣ୍ଡ୍‌ ବାତେଏ
 ମାଡ଼ିତନ୍‌ ? ନବେ ନଟାନ୍‌ ମେଣ୍ଡାଙ୍କ୍‌ ମେଟେତାଗ୍‌ ଡିଡ୍‌ସି ଆଦ୍‌
 ମାଇମାନ୍‌ ମେଣ୍ଡାତିଙ୍କ୍‌ ମେହେକାଙ୍କ୍‌ ଆଦତନ୍ ।

୧୩ ବେସୁଙ୍କ୍‌ ଅଣ୍ଡ୍‌ ଆଦିଙ୍କ୍‌ ଦସ୍‌ ଡିଡ୍‌, ମାଇଝେ ମାନ୍‌ ନବ୍‌ବେ
 ନହଟାନ୍‌ ମେଣ୍ଡାନ୍‌ ସେଙ୍ଗେ ନିଜାମ୍‌ ଅନ୍‌ ବେସର୍‌ ଝେଡ଼କିତନ୍‌, ଇ
 ଝେଡ଼କ୍‌ ମେଣ୍ଡେଡ୍‌ ସେଙ୍ଗେ ତାନ୍‌ ସେଙ୍ଗେ ଅଦିକ୍‌ ଝେଡ଼କିତନ୍ ।

୧୪ ଟିକ୍‌ ଆଦେଲେକାମ୍‌, ଇ ନଗନ୍ୟ ନାରୁଡ଼ାଗାଙ୍କ୍‌ ଝେରଣ୍ଡ୍‌ ମିକା
 ହାର୍‌ବୁଲ୍‌କା ଆଇନା ଇଦ୍‌ ମିଇ ସ୍‌ର୍ଗସ୍ତ ବାବାଲ୍‌ ଇଶ୍‌ବର ଇଚ୍ଛା ଆଡ଼କେ
 ଆୟନ୍ ।”

ନି ବିରୁଦ୍‌ତେ ବେନ ଦକ୍ଷ ମାଡ଼ିତନ୍‌

୧୫ ☆ “ଝେରଣ୍ଡ୍‌ ତାମୁଣ୍ଡ୍‌ ଯଦି ନି ବିରୁଦ୍‌ତେ ବାତେଏ ଦକ୍ଷମାଡ଼ିତନ୍‌,
 ଅନ୍‌ ଗାରରେ ଆଞ୍ଜକେ ଦକ୍ଷ ଅଂକିଙ୍କ୍‌ ତଶ୍‌ସିମ୍‌ବର୍ । ବାତେଙ୍କ୍‌ ଇଡ଼କେ
 ନିମ୍‌ ଇରଝୁଡ୍‌ ଝେରଡ୍‌ ତାଗ୍‌ ମାନ୍‌ ଝେଲେ ଇଦ୍‌ ମିଞ୍ଜିପାଟ୍ । ଯଦି
 ଅଣ୍ଡ୍‌ ନି ଗଟ୍‌ କେଞ୍ଜିତଣ୍ଡ୍‌, ନି ତାମୁଙ୍କ୍‌ ମେଣ୍ଡେ ଦରସକେ ପାର୍‌ଦତିନ୍ ।”

୧୬ ଯଦି ଅଣ୍ଡ୍‌ କେଞ୍ଜିଣ୍ଡ୍‌, “ଝେରଙ୍କ୍‌ ବା ଇରଝୁଡ୍‌ ନାରୁଙ୍କ୍‌ ଆସ୍‌ ଅନ୍‌
 ଗାରରେ ଆନୁଟ୍ । ମାନ୍‌ ଶାସ୍ତ୍ରତେ ବ୍ୟବସ୍ତାତେ ଝେରଣ୍ଡ୍‌ ବା ଇରଝୁଡ୍‌,
 ସାକ୍ଷିନ୍‌ ମକତାଗ୍‌ ନି ଅବିଯଗ୍‌ ସଡ଼ ଇଞ୍ଜ ପ୍ରମାନିଡ୍‌ ଆୟି ।”

୧୭ ଆଲେକେ ମିକା ଯଦି ଅଣ୍ଟା ନି ଗଟିଙ୍କ କେଞ୍ଜଣ୍ଡ, ଇ ବିଷୟ ଉପବାସ୍ତେ ମଣ୍ଡଲିତିଙ୍କ କେଞ୍ଜପିତମ୍, ଆଗେକ୍ ବା ଅଣ୍ଟା ଯଦି ମଣ୍ଡଲିଡ଼ ଗଟ୍ କେଞ୍ଜଣ୍ଡ, ଆଲେକେ ଅଂକିଙ୍କ ଝେରନ୍ କରଆଦାୟକାରି ବା ବିଜାତିୟ ଇଞ୍ଜ ଅନ୍ ତଡ଼୍ ସମ୍ପର୍କ ଝିଡ଼ସିମ୍ ।

ମନା ମାଡ଼ାନାଦ୍ ବା ଗଟ୍ ହିଦାନାଦ୍

୧୮ ☆ “ମିକ୍ ଇଦ୍ଗଟ୍ କେସ୍ ନେହେତୁତାନ୍, ମିଡ଼୍ ଇ ପୃତିବିତାଗ୍ ବାଡ଼ ନିଶେଦ ମାଡ଼ିଡ଼ିଡ଼୍ ସ୍ୱର୍ଗତାଗ୍ ମିକା ଆଦ୍ ନିଜାମ୍ ଆଦ୍ତେ ନୁ ବେନ୍ ସେଙ୍ଗେ ନିମ୍ ପୃତିବିତାଗ୍ ଗଟ୍ ଇଦ୍ତି, ସ୍ୱର୍ଗତାଗ୍ ମିକା ଆଦ୍ ଆନୁମଦିତ ଆଦ୍ତେ ।”

୧୯ “ମାତର୍ ଆସ୍ତର ଆୟ୍ଯୟ, ପୃତିବିତାଗାଙ୍କ୍ ବେସୁଙ୍କ୍ ମିୟାଗାଙ୍କ୍ ଇର୍ଝୁଡ଼୍ ଯେ ବାତେଆଇ ବିଷୟତେ ଝେରଡ଼୍ ମାନ୍ ଆସ୍ ଆଦିନ୍ ସେଙ୍ଗେ ପ୍ରାର୍ଥନା ମାଡ଼ିଡ଼ିଡ଼୍ ନା ସ୍ୱର୍ଗତେ ବାବାଲ୍ ନିୟାଦ୍ ଆଦେ ଇଞ୍ଜା ସାରେ ସଡ଼ ମାଡ଼ିଡ଼ନ୍ ।”

୨୦ “ବାତେଙ୍କ୍ ଇଡ଼କେ ବେଗେ ଇର୍ଝୁଡ଼୍ ବା ନାରଗେ ନାରୁଡ଼୍ ନା ପେଦେର୍ତେ ଅଣ୍ଟାୟତାଗ୍ ଆଦ୍ତଡ଼୍, ନାନ୍ ଆଗେ ମାନ୍ତାନ୍ ।”

କ୍ଷମା ଇଞ୍ଜେ ମାନ୍ଦାନ୍ ପାଡ଼୍ଯି ମାଡ଼୍ତେନନ୍ ଗଟ୍

୨୧ ☆ ଅନ୍ ଦିନ୍ ପିତର୍ ଝାସ୍ ଜିସୁଙ୍କ୍ କେଡ଼ତାନ୍, “ପ୍ରବୁ ଝେରଣ୍ଡ ନା ତାମୁଣ୍ଡ ନା ବିରୁଦ୍ତେ ସେନେମାନ୍ ଦଷ୍ଟ ମାଡ଼ମାଡ଼କେ, ଅଂକିଙ୍କ୍ ନାନ୍ ବେସ୍ଦାମ୍ କ୍ଷମା ମାଡ଼ିତାନ୍ ? ବାତେଏ ସାଡ଼ଦାମ୍ ?”

୨୨ ଜିସୁ କେଡ଼ତାନ୍, “ଇଲ୍ଲେ ସାଡ଼ଦାମ୍ ଆୟ୍ଯୟ । ସାଡ଼ଦାମ୍ ସତୁରି ଗୁଣ୍ ।

୨୩ ସ୍ୱର୍ଗରାଜ୍ୟତେ ମେଣ୍ଡେ ଝେରଡ଼୍ ଗଟ୍ କେଞ୍ଜା । ଅଣ୍ଟା ଦିନ୍ ରାଜାଲ୍ ଦାସତକିଙ୍କ୍ ହିସାବ୍ତେ ଇସାୟ୍ ମାଡ଼ାଙ୍କ୍ ଏକା ମାଡ଼ତଣ୍ଡ ।

୨୪ ଅଣ୍ଟା ଇ ପାଡ଼୍ଯି ଆରାମ୍ ମାଡ଼ତେ ଝେଲେ ଝେରଙ୍କ୍ ସାକରତିଙ୍କ୍ ପୟସ୍ ଅନ୍ପାକେ ତାଡ଼ତଡ଼୍ । ଅଣ୍ଟା ତାନାଗାଙ୍କ୍ ଲକ୍ଷ ଲକ୍ଷ ତାବକ୍ ଉଦାର୍ ଆସ୍ ମାଡ଼ତନ୍ ।

୨୫ ଉଦାର ଦେହେତାଙ୍କୁ ସେଙ୍ଗେ ଆ ନାରୁନାହୁ ଆସର ସମ୍ପତି
ଇଲ୍ଲେ ମାଡ଼ିତେ । ଆଦିଙ୍କୁ ଅନ୍ ମୁତେଙ୍କୁ ନୁ ପିଲାଙ୍କୁ ଖାମି ମିକା
ଇଦାଙ୍କୁ ରାଜାଲ୍ ଅଂକିଙ୍କୁ କେଡ଼ତାନ ।”

୨୬ ଆଦ୍ ତାକର୍ ରାଜାନ୍ ତେକାନ୍ ମଦଲ୍ ରାଲି ଅନୁରଦ୍ ମାଡ଼ି
କେଡ଼ତାନ, “ମେଣ୍ଡେ ସୁଦୁର୍ ଶକ୍ତିତେ ମାନ୍ ମଣିମା ନାନ୍ ନିୟାଦ୍
ସାରେ ଉଦାର ଦେହେସିଦ୍ତାନ ।”

୨୭ ରାଜାନ୍ ମନ୍ଦାଗ୍ ଦୟା ଆଡ଼ତେ, ଆଦିଙ୍କୁ ଉଦାରତାଗାଙ୍କୁ କ୍ଷମା
ଇସ୍ ଅଣ୍ ଦାସଙ୍କୁ ଝିଡ଼ସିଡ଼ତନ୍ ।

୨୮ “ଆ ନାରୁଡ଼୍ ଆଦାନ୍ ଖେଲେ ଅନାଗାଙ୍କୁ ସୁଦୁର୍ ଉଦାର
ଆସ୍ମାନ୍ ମେଣ୍ଡେ ଖେରନ୍ ସେବକ୍ ତଡ଼୍ କାଜଲ୍ତଣ୍ । ଅଣ୍ ଅନ୍
ବଣ୍ଡକତିଙ୍କୁ ପଇସ୍ କେଡ଼ତାନ, ‘ନାୟାଗ୍ କଞ୍ଜ ଆସ୍ମାନ୍ ଉଦାର
ଡାବ୍ କଇମ୍ ।’ ”

୨୯ ଦ୍ଵିତିୟ ସେବକ୍ ଅନ୍ ତେକାଙ୍କୁ ପଇସ୍ କେଡ଼ତାନ, “ବେସକ୍
ଦିନା ମାନ୍, ନିୟାଉ ସାରେ ଡାବ୍ ହିଡ଼ତାନ ।”

୩୦ “ବାତେଙ୍କୁ ଇଡ଼କେ ମୁନ୍ତନାଦ୍ ପ୍ରାର୍ଥନା କେଞ୍ଜଣ୍, ବାତେଙ୍କୁ
ଇଡ଼କେ ଉଦାର ଦେହେନା ଯାକ ଅଂକିଙ୍କୁ ଜେଲ୍ତାଗ୍ ଖାଟିଡ଼ତନ୍ ।

୩୧ ଇଦ୍ ଗର୍ନା ଉଡ଼ି ବାଗାତଡ଼୍ ସେବକିଡ଼୍ ଗାଟି ଦାନ୍ଦେଆସ୍ ଆଞ୍ଜ
ବାଡ଼ ଗଟେମ୍ ଆଡ଼ତେ ଆଦ୍ ରାଜାଙ୍କୁ କେସିଡ଼ତଡ଼୍ ।

୩୨ ରାଜାଲ୍ ମୁନେଙ୍କୁ ପାଡ଼ିୟି ମାଡ଼ିତେନଙ୍କୁ କାର୍ଜି କେଡ଼ତାନ,
ଆର୍ ଅଯୋଗ୍ୟ ଦାସନି, ନିମ୍ ପ୍ରାର୍ଥନା ମାଡ଼ିନାଙ୍କୁ ନାନ୍ ନିୟାଉ ସାରେ
ଉଦାର ଝିଡ଼ସିଡ଼ତାନ ।

୩୩ ନାନ୍ ବାଲାନ୍ ନି ସେଙ୍ଗେ ଦୟା ତଅତାନ, ନି ସେବକିଙ୍କୁ ମିକା
ଆଦେଲେକାମ୍ ଦୟା ମାଡ଼ାନାଦ୍ ନିୟାଦ୍ ମାଡ଼ତେ ।”

୩୪ “ରାଜାଲ୍ ଗାଟି କପାମ୍ ଆସ୍ ସାରେ ଉଦାର ଦେହେ ଯାକ ଦଣ୍ଡ
ଆଡ଼ତାଙ୍କୁ ଅଂକିଙ୍କୁ ବନ୍ଦିଲନ୍ ରହସିଡ଼ତନ୍ ।”

୩୫ ଜିସୁ କେତାନାଦ୍ ତେରସ୍ତାନ କେଡ଼ତାନ, “ମିଇ ବିରୁଦ୍ତେ
ଦଷ୍ଟ ମାଡ଼ିମାନ୍ ତାମୁଣ୍ଡିଙ୍କୁ ଜିହୁତେ କ୍ଷମା ହିମୁର୍, ଆଲେକେ
ନା ସ୍ଵର୍ଗତେ ବାବାଲ୍ ମିକା ମିଇ ସେଙ୍ଗେ ଇଦ୍ଲେକାମ୍ ବ୍ୟବହାର୍
ମାଡ଼ିତନ୍ ।”

୧୯

ଓଡ଼ିଆନ୍ ସମ୍ପର୍କରେ ଜିସୁନ୍ ଶିକ୍ଷା

(ମାର୍କ ୧୦:୧-୧୨)

୧ ଜିସୁ ଆସୁସାରେ ଗଟି କେସ୍ ତେରତେ ପେକେ ଗାଲିଲୀ ଓଡ଼ିସି ଯର୍ଦ୍ଦନ୍ ଚାଉଡ଼େଡ଼ ମେଣ୍ଟନ୍ ପାକେ ଯିହୁଦା ନାର୍ ଆଡ଼ତନ୍ ।

୨ ନାରଗେ ନାରୁଡ଼, ଅନ୍ ପେକେ ଖାଡ଼ତଡ଼, ନୁ ଅନ୍ ନାରଗେ ରଗିଡ଼କ୍ ସୁସ୍ଥ ମାଡ଼ତଣ୍ ।

୩ ବେସ୍‌କଡ଼ୁଡ଼, ପାରୁଗୀଡ଼, ଅନ୍‌ଗାରେ ଖାସ୍ ଅଂକିଙ୍କ୍ ଉଡ଼ାଇଦାଗ୍ ଖାଟାଙ୍କ୍ ଆଲ୍‌ସି ମାଡ଼ତଡ଼ । ଅଡ଼, ଅଂକିଙ୍କ୍ କେଡ଼ତଡ଼, “ମା ଦର୍ମତେ ନିୟମ୍ ଲେକାମ୍ ଖେରନ୍ ଯେ ବାଡ଼ଆଇ କାରନ୍ ସେଙ୍ଗେ ତାନ୍ ମୁତେଙ୍କ୍ ଓଡ଼ିସିଡ଼ତନ୍ କି ?”

୪ ଜିସୁ କେଡ଼ତନ୍, “ଶାସ୍ତ୍ରତାଗ୍ କାରଓଡ଼ିଡ଼, କି, ମୁନେଙ୍କ୍ ସୃଷ୍ଟି କର୍ତ୍ତାଲ୍ ମାନେଇ ନୁ ନାଟାଡ଼ିତିଙ୍କ୍ ତିଆର୍ ମାଡ଼ତଣ୍ ?

୫ ଆସୁଙ୍କ୍ ଜିସୁ କେଡ଼ତନ୍, ‘ଇଦିନ୍ ସେଙ୍ଗେ ମାନେଇ ତାନ୍’ ଯାୟ୍ ବାବାଙ୍କ୍ ଓଡ଼ିସି ତାନ୍ ମୁଦ୍‌ପାନ୍ ତଡ଼, କାଇଲିମାଣ୍ଡେ ନୁ ଅଡ଼, ଇର୍‌ଝୁଡ଼, ଖେରନ୍ ଇନା ମାନ୍‌ତଡ଼ ।

୬ ଅଡ଼, ମେଣ୍ଡେ ଇର୍‌ଝୁଡ଼, ଆୟ୍‌ୟଡ଼, ଅଡ଼, ମେଣ୍ଡେ ଖେରନ୍ ଇନା ମାନ୍‌ତଡ଼ । ବେନଡ଼କ୍ ଇର୍‌ଗୁର୍ କାଲ୍‌ପି ମିନ୍‌ୟେଣ୍ଡ, ନାରୁଡ଼, ଅଡ଼କିଙ୍କ୍ ଖେରେ ଖେରେ ମାଡ଼ାନାଦ୍ ଟିକ୍ ଆୟ୍‌ୟ ।”

୭ ☆ପାରୁଗୀଡ଼, ମେଣ୍ଡେ କେଡ଼ତଡ଼, “ଆଲେକେ ନାଟାଡ଼, ତିଙ୍କ୍ ଓଡ଼ିସିଦାଙ୍କ୍ ସେଙ୍ଗେ ମଶାଲ୍ ବାଡ଼ତିଙ୍କ୍ କାଇଦେ ଏର୍ ବ୍ୟବସ୍ଥା ମାଡ଼ତଣ୍ ।”

୮ ଜିସୁ କେଡ଼ତନ୍, “ମିଇ ହୁଦୟ୍‌ତେ କଷ୍ଟ ସେଙ୍ଗେ ମଶାଲ୍ ଆଦ୍ ଲେକାମ୍ ମାଡ଼ି ମାଡ଼ତନ୍ । ବାଡ଼େଙ୍କ୍ ଇକ୍ ମୁନେଙ୍କ୍ ତିଆର୍ ଖେଲେ ଇଦ୍‌ଲେକାମ୍ ବ୍ୟବସ୍ଥା ଇଲ୍‌ଖେ ମାଡ଼ତେ ।

୯ ☆ମାଡ଼ର୍ ନାନ୍ ମିକିଙ୍କ୍ କେଡ଼ୁତାନ୍ ଯେ, ବେନ ଅନ୍ ମୁତେଙ୍କ୍ ବ୍ୟବିଚାର୍ କାରାପ୍ ଓଡ଼ିସି ମେଣ୍ଡେ ବାଡ଼ତାୟି ଆଂକାର୍ ତିଙ୍କ୍ ଓଡ଼ିସି ମେଣ୍ଡେଅନ୍ ମୁତେଙ୍କ୍ ପେଣ୍ଡୁଲ୍ ଆଡ଼କେ, ଅଣ୍ ନିଜେ ବ୍ୟବିଚାର୍ ଆଡ଼ତନ୍ ।”

^{୧୦} ଜିସୁନ୍ ଶିଷ୍ୟନଡ଼୍ କେଡ଼ତଡ଼, “ମୁତେନ୍ ତଡ଼୍ ମାନେଇତାଦ୍ ଇଦ୍ ଲେକାମ୍ ସମ୍ପର୍କ ମାଡ଼କେ, ଆଲେକେ ପେଣ୍ଡୁଲୁ ଆଦାନାଦ୍ ସାୟେ ଆୟ୍ଯ ।”

^{୧୧} ଜିସୁ କେଡ଼ତାନ୍, “ଇ ଶିକ୍ଷା ସାରେତଡ଼୍ ସେଙ୍ଗେ ଉଦ୍ଦିଷ୍ଟ ଆୟ୍ଯ । ଇଶ୍ବରତେ ତଡ଼୍ ବେନଡ଼କ୍ ଇଦ୍ କେସ୍ମିନେନ୍ ଆସ୍ମିନେ, ମାତର୍ ଅଡ଼୍ ଇଦ୍ ଗ୍ରହନ୍ ମାଡ଼େ ପାର୍ବଡ଼ ।

^{୧୨} ନାରଗେ ବାତେଙ୍କ୍ ଇଡ଼କେ ମାଇଦିଙ୍କ୍ ନାରୁଡ଼୍ ପେଣ୍ଡୁଲୁ ଆସ୍ ମାନ୍ତଡ଼ । ବେସ୍କ୍ ତଡ଼୍ ଜନମ୍ତାଗାଙ୍କ୍ ପେଣ୍ଡୁଲୁ ସେଙ୍ଗେ ଅନୁପୟୁକ୍ତ, ବେସ୍କ୍ତଡ଼କିଙ୍କ୍ ନାରୁଡ଼୍ ଆଦେଲେକାମ୍ ମାଡ଼ତଡ଼, ମେଣ୍ଡେ ବେସ୍କ୍ତୁଡ଼୍ ସ୍ବର୍ଗରାଜ୍ୟ ସେଙ୍ଗେ ପାଡ଼୍ଯି ମାଡ଼ାଙ୍କ୍ ପେଣ୍ଡୁଲୁ ଆୟ୍ଯକଟ ମାଡ଼ତନ୍ । ବେନଆଇ ଶିକ୍ଷାତେ ଅର୍ଡ ବୁଜେମ୍ ଆଦୁଡ଼ତେ, ଅଡ଼୍ ଆଦ୍ ଗ୍ରହନ୍ ମାଡ଼ିଡ଼ ।”

ଜିସୁ ପିଲାକିଙ୍କ୍ ଆଗି ବାଦ୍ ମାଡ଼ତଣ୍ଡ୍

(ମାର୍କ ୧୦:୧୩-୧୬; ଲୁକ ୧୮:୧୫-୧୭)

^{୧୩} ପିଲାନ୍ ପରର କାୟ୍ ଝାଟି ପ୍ରାର୍ଥନା ମାଡ଼ାଙ୍କ୍ ସେଙ୍ଗେ ବେସ୍କ୍ ତଡ଼୍ ନାରୁଡ଼୍ ପିଲାଙ୍କ୍ ଜିସୁନ୍ ପାକେ ତାତାଙ୍କ୍ ପସ୍ତଡ଼ତଡ଼ । ଆଦ୍ ନାରୁଡ଼କ୍ ଶିଷ୍ୟନଡ଼୍ ଦମକ୍ ଇଡ଼ତଡ଼ ।

^{୧୪} ବାତେଙ୍କ୍ ଇଡ଼କେ ଜିସୁ କେଡ଼ତାନ୍, “ପିଲାଙ୍କ୍ ନାୟା ଝାଦାଙ୍କ୍ ଇମ୍ବୁର୍ । ଅଡ଼କ୍ ମନା ମାଡ଼୍ମାର୍ । ବାତେଙ୍କ୍ ଇଡ଼କେ ଇଡ଼୍ ସ୍ବର୍ଗରାଜ୍ୟ ତେ ଅଦିକାରିଡ଼ ।”

^{୧୫} ଅଡ଼୍ପରୁ କାଇଝାଟି ଆଗି ବାଦ୍ ମାଡ଼ତେ ପେକେ ଅଡ଼୍ ଆଗାଙ୍କ୍ ଆଡ଼ତଡ଼ ।

ଝେରଣ୍ଡ୍ ସାଉକାର୍ ପେକାଲ୍

(ମାର୍କ ୧୦:୧୭-୩୧; ଲୁକ ୧୮:୧୮-୩୦)

^{୧୭} ଅଣ୍ଡ ଦିନ୍ ଝେରଣ୍ଡ୍ ପେକାଲ୍ ଜିସୁନ୍ ପାକେ ଝାସ୍ କେଡ଼ତନ୍, “ଗୁରୁ ସାରେଦିନାଡ଼ ଜିଝୁନ୍ ଲାବ୍ ମାଡ଼ାଙ୍କ୍ ସେଙ୍ଗେ ବାଡ଼ ଲେକେଡ଼ ମାଡ଼େ ଝେଇଡ଼ିଡ଼ ?”

୧୭ ଜିସୁ ଅକିଂଙ୍କ କେତୁତନ୍, “ସତ୍‌କାମ୍ ବିଷୟରେ ନାକିଂଙ୍କ ବାଡ଼ିକିଙ୍କ କେତୁତିନ୍ ? ଇଶ୍‌ବର କେ ସତ୍ । ଅନ୍ ଗର୍ ପାଲନ୍ ମାଡ଼ିକେ, ସାରେ ଦିନା ଲେକେଡ଼ମାନ୍ ପାର୍ତିନ୍ ।”

୧୮ ଅଣ୍ କେତୁତାନ୍, “ବେନ୍ ସାରେ ଗର୍ ?” ଜିସୁ କେତୁତାନ୍, “ଆଞ୍ଜୁକାନାଦ୍ ମାଡ଼ିମାଟ୍, ବ୍ୟବିତାର୍ ମାଡ଼ିମାଟ୍ । ଡଙ୍ଗାମାଟ୍, ବେନନ୍ ବିରୁଦ୍ଧେ ଅବିଯଗ୍ ମାଡ଼ିମାଟ୍ ।

୧୯ ଯାୟ ବାବାଙ୍କ ସନ୍ମାନ ମାଡ଼ିମାଟ୍ ନୁ ମିଲ ଗାରରେତଡ଼କ୍ ଆମ୍ବାତେ ପ୍ରେମ ମାଡ଼ିମାଟ୍ ।”

୨୦ ପେକାଲ୍ କେତୁତନ୍, “ଇଉସାରେ ଗର୍ ପାଲନ୍ ମାଡ଼ିତାନ୍ । ନାକିଂଙ୍କ ମେଣ୍ଟେ ବାତେଏ ମାଡ଼ିନାଦ୍ ଦରକାର୍ ?”

୨୧ ଜିସୁଅଙ୍କ ଉତ୍ତର କେତୁତାନ୍, “ଯଦି ନିମ୍ ସାରେଦିନାଡ଼ ଜିଞ୍ଜୁନ୍ ଦରକାନଙ୍କ ଇଚ୍ଛା, ଅନ୍ ମିୟାଦ୍ ସାରେ ସମ୍ପତି ଖାମିମିକା ତାବ୍‌କ୍ ଗରିବ୍ ନାରୁଡ଼କ୍ ଦାନ ମାଡ଼େ । ଆଲା ମାଡ଼ିକେ ନିମ୍ ସ୍ୱର୍ଗତାଗ୍ ସମ୍ପତି ଦରକିଡ଼ ହାଉସାରେ ମାଡ଼ିମେଣ୍ଟେ ନା ପେକେ ପେକେ ଖାଡ଼ା ।”

୨୨ ଆଦ୍ ପେକାଲ୍ କେଞ୍ଜି ମୁର୍ମୁରା ଆସ୍ ଆଡ଼ିତନ୍, ବାତେଙ୍କ ଇକ୍ଟେ ଅଣ୍ଟ ବେଡ଼ିଲ ସାଉକାର୍ ମାଡ଼ିତଣ୍ଟ ।

୨୩ ଜିସୁ ଶିଷ୍ୟତ୍‌କ୍ କେତୁତନ୍, “ନାନ୍ ମିକିଂଙ୍କ ସତ୍ କେତୁତାନ୍, ସାଉକାର୍ ନାରୁଡ଼ ସେଙ୍ଗେ ସ୍ୱର୍ଗତାଗ୍ ଆଦ୍‌ଦାଙ୍କ ଗାଟି ତିପାଲ୍‌ତେ ବିଷୟ ।

୨୪ ମେଣ୍ଟନ୍‌ଦାମ୍ କେସ୍‌ମିନ୍‌ଦେନ୍, ସୁଜ୍‌ବସ୍ ଇସ୍ ଉର୍ ଆଦାନ୍ ଶ୍ରିଡ଼ସି ସାଉକାର୍ ନାରୁଡ଼ ସ୍ୱର୍ଗରାଜ୍ୟତା ଆଡ଼ିତାଙ୍କ ଅଦିକ୍ କଷ୍ଟ ।”

୨୫ ଶିଷ୍ୟତ୍‌କ୍ ଇଦ୍ କେଞ୍ଜି ବାକ୍‌ଖା ଆସ୍ କେତୁତଡ଼, “ବେନ୍ ଆଲେକେ ମୁକ୍ତି ପାଏମ୍ ଆଡ଼ିତନ୍ ?”

୨୬ ଜିସୁ ଅଡ଼ିପାକେ ଉଡ଼ି କେତୁତନ୍, “ନାରୁଡ଼ ମୁନେ ଇଦ୍ ସତ୍ ଆଦେପାର୍‌ଖି, ବାତେଙ୍କ ଇଡ଼କେ ଇଶ୍‌ବରତେ ମୁନେ ସାରେ ମିକା ସତ୍ ।”

୨୭ ଆଦ୍ କେଞ୍ଜି ପିତର୍ କେତୁତନ୍, “ଉଡ଼େ, ମାମ୍‌ମେ ସାରେ ଶ୍ରିଡ଼ସି ନି ପେକେ ଖାଡ଼ିତମ୍ । ମାକିଂଙ୍କ ବାତେଏ ଦରକିଡ଼ ?”

୨୮ ☆ ଜିସୁ ଉତ୍ତର କେତେକ, “ଇଦ୍ ଗର୍ ସତ୍ ଇଞ୍ଜି ଆଲ୍‌ସି ତିଡ୍, ପୁଃନେ ଯୁଗ୍‌ତେ ବେସୁଙ୍କ ନାରୁଡ଼ିପିଲେ ଅନ୍ ଗୌରବ୍ ସିଂହାସନତାଗ୍ କୁଦିତିତନ୍, ଆସୁଙ୍କ ନାୟାଦ୍ ଇ ବାରଜାନ୍ ଶିଷ୍ୟମିକା ବାରଟାନ୍ ସିଂହାସନତାଗ୍ କୁଦି ଇଶ୍ରାଏଲ୍‌ତେ ବାରଟାନ୍ ନାରକିନ୍ ପରର ରାଜତ୍ ମାଡ଼ିତତ୍ ।

୨୯ ବେନତ୍ ନା ସେଙ୍ଗେ ନିଜେତ୍ ଲୋନ୍, ତାମୁଣ୍ଡ୍ ଏଲ୍‌ୟା, ଯାୟବାବାଲ୍, ପିଲାଜିଲା ନୁ ବୁମ୍‌ନେଲ୍ ଝିଡ଼ସିତତ୍, ଅଡ୍ ଆସୁ ଗହେଗୁନ୍ ଦରକିଡ୍; ମେଣ୍ଡେ ସାରେଦିନାଡ୍ ଜିଞ୍ଜୁନ୍ ମିକା ଦରକିଡ୍ ।”

୩୦ ☆ “ଇଞ୍ଜେ ବେନତ୍ ମୁନେ ମିନ୍ଦେ, ଅଡ୍ ଆଗାଙ୍କ୍ ନାରଗେ ପେକେ ଝାଦତଣ୍ଡ୍ ନୁ ବେନତ୍ ମୁନେ ମିନ୍ଦେ, ଅଡ୍ ତାଗାଙ୍କ୍ ନାରଗେ ମୁନେ ଆଦତତ୍ ।”

୨୦

ଅଙ୍ଗୁର୍ ଝାୟେଡ୍ କୁଲିକି

୧ “ସ୍ବର୍ଗରାଜ୍ୟ ବେଲାନ୍, ହିଦିନାଦ୍ ଝେରଡ୍ ଝେଷଡ୍ କେଞ୍ଜାର୍ । ଝେରଣ୍ଡ୍ ନାରୁନ୍ ଅନ୍‌ଦିନେ ନାରକୁକ୍ ତାନ୍ ଅଙ୍ଗୁର୍ ଝାୟେଡା ପାଡ଼୍‌ୟି ମାଡାନ୍ ସେଙ୍ଗେ କୁଲିକିଙ୍କ୍ ତାତାଙ୍କ୍ ଆଡତନ୍ ।

୨ ବେନତ୍‌କ୍ ଦର୍ପକ୍‌ତନ୍, ସାରେତଡ଼ିକିଂଙ୍କ୍ ଦୈନିକ ଝେରଲାକା ରୁପାତାବ୍‌କ୍ ହିଦାଙ୍କ୍ ରୁକ୍ତି ମାଡ଼ି ଅଡ଼ିକିଂଙ୍କ୍ ଅନ୍ ଝାୟେଡା ରହସିଡତନ୍ ।

୩ ତାନ୍ ମେଣ୍ଡୁନ୍ ଦିନ୍ ନଅଟାତିଙ୍କ୍ ହାଟିନା ଆଞ୍ଜି ଉଡ଼ତନ୍, ମାନ୍ଦେନାରୁଡ଼ି ପାଡ଼୍‌ୟି ମାଡ଼ିଝେ କନ୍‌ସ୍ ନିସ୍‌ମିନ୍ଦେଡ୍ ।”

୪ ଅଡ଼ିକ୍ ଅଣ୍ଡ୍ କେଡତାନ୍, ମିଡ଼ିଆନ୍‌ଡେ ନା ଝାୟେଡା ଆଞ୍ଜି ପାଡ଼୍‌ୟି ମାଡାଡ୍, ମିକିଂଙ୍କ୍ ଟିକ୍ ମଜୁରି ହିଦତାନ୍ ।

୫ ଅଡ଼ି ଆଞ୍ଜି ପାଡ଼୍‌ୟି ମାଡାଙ୍କ୍ ପସ୍‌ପଡତତ୍ । ଅଣ୍ଡ୍ ଦିନ୍ ବାରଟା ନୁ ତିନ୍‌ଟାତିଙ୍କ୍ ଟିକ୍ ଆଦେଲେକାମ୍ ମେଣ୍ଡେ ବେସ୍‌କ୍ କୁଲିଙ୍କ୍ ତାସ୍ ପାଡ଼୍‌ୟିଦାଗ୍ କାଲ୍‌ପତନ୍ ।

୬ ପାୟାଲ୍ ଅଲ୍ ପାଞ୍ଚଟା ତିଙ୍କ୍ ମେଣ୍ଡୁନ୍ ଦାମ୍ ହାଟିନା ଆଞ୍ଜି ଉଡ଼ତନ୍, ମେଣ୍ଡେ ବେସ୍‌କ୍‌ତୁଡ୍ ନିସ୍‌ମିନ୍ଦେଡ୍ । ଅଡ଼ିକ୍ କେଡତାନ୍, ପାୟାଲ୍

ପଡ଼ିବିନ ପାଡ଼ିବି ମାଡ଼କର୍ ବାଡ଼ିବି ଇଗେ ଦିନାମ୍ ନଷ୍ଟ ମାଡ଼ିବିଡ଼ି ?

୭ ଅଡ଼ କେଡ଼ତଡ଼, ବେନ ତ ମାକିଂଙ୍କ ପାଡ଼ିବିଡ଼ିଙ୍କ କାରଙ୍ଗଟ୍ । ଅଣ୍ଟ ଅଡ଼କିଂଙ୍କ କେଡ଼ତାନ, “ଆଲେକେ, ମିଡ଼ ସାରେତଡ଼ି ନା ଖାୟେତାଗ୍ ଆଞ୍ଜ ପାଡ଼ିବି ମାଡ଼ାଟ୍ ।”

୮ “ଆଦଦିନେ ମୁଲ୍‌ପୁର୍ ଖାୟେତାଗ୍ ମାଲିକ୍ ଗୁମାସ୍ତାଲ୍ କେଡ଼ତାନ, ‘କୁଲିକିଙ୍କ କାରଙ୍ଗାଟ୍ । ବେନଡ଼ ସାରେତାଗାଙ୍କ ପେକେ ପାଡ଼ିବି ଦାଗ୍ ଖାଡ଼ତଡ଼, ମୁନେ ଅଡ଼ାସ୍ତୁ ଡାବକ୍ ଇମୁର୍ ।

୯ ବେନଡ଼ ସାରେତିଙ୍କ ମୁନେ ପାଡ଼ିବିମାଡ଼ାଙ୍କ ଖାୟେତାଗ୍ ଖାଡ଼ତଡ଼, ଅଡ଼ାସ୍ତୁ ଡାବକ୍ ପେକେ ଇମୁର୍ । ପରରଡ଼ ଅଲ୍ ପାଞ୍ଚଟା ଡିଙ୍କ ବେନଡ଼ ପାଡ଼ିବି ତାଗ୍ କାଇଲ୍‌ତଡ଼, ଅଡ଼କିଂଙ୍କ ସାରେତଡ଼ ଝେରର ଲାକା ରୁପା ମୁଦ୍ରା ହିମୁର୍ ।

୧୦ ବେନଡ଼ ମୁନେଙ୍କ କଞ୍ଜ ପାଡ଼ିବି ମାଡ଼ାନଡ଼କ୍, ଅଡ଼ ଆଲ୍‌ସ୍‌ତଡ଼, ଅଡ଼କିଂଙ୍କ ଅଦିକ୍ ଡାବକ୍ ଦରକିଡ଼ । ବାଡେଙ୍କ ଇଡ଼କେ ଅଡ଼କ୍ ଆନିଡେ ଝେରକେ ରୁପାଡ଼ାବକ୍ ଦରକିଡ଼ା ।

୧୧ ବାଡେଙ୍କ ଇଡ଼କେ ଅଡ଼ ସାରେତଡ଼ ଆଞ୍ଜ ମାଲିକ୍ ବିରୁଦ୍ଧତେ ଗଟି କେଡାନଙ୍କ ପସ୍‌ପଡ଼ତଡ଼,

୧୨ ପରଡ଼ଅଲ୍ ପାଞ୍ଚଟା ଡିଙ୍କ ପାଡ଼ିବି ଆରାମ୍ ମାଡ଼ିମାନ୍‌ନ କୁଲିକିଙ୍କ ମାଡ଼ର୍ ଝେରଡ଼ ଗାଣ୍ଟା ପାଡ଼ିବି ମାଡ଼ତଡ଼ । ମାମ୍‌ମେ ବେସର୍ ଏଦତେ ଦିନ୍‌ଯାକ କଷ୍ଟ ଆଡ଼ତମ୍, ମଜୁରି ହିଦାନ୍ ଝେଲେ ଅଡ଼କିଂଙ୍କ ମା ସାମାନ୍ ହିଡ଼ିବି ।’

୧୩ ମାଲିକ୍ ଅଡ଼ ତାଗାଙ୍କ ଝେରଙ୍କ କେଡ଼ତାନ, ନାନ୍ ମିକିଂଙ୍କ ବୁସାମାଡ଼ନ୍ । ଅଣ୍ଟ ଦିନ୍ ଯାକ ପାଡ଼ିବି ମାଡ଼କେ ଝେରଡ଼ ଡାବ୍ ଆସ୍ ପାଡ଼ିବିମାଡ଼ାଙ୍କ ମିଡ଼ ସାରେତଡ଼ି ତ ରାଜି ଆସ୍ ଖାଡ଼ିବି ।

୧୪ ମିଡ଼ ଆଉ ଡାବକ୍ ଆସ୍ ଲନ୍‌ଆନୁର୍ । ମିକିଂଙ୍କ ବାଡ଼ ହିଡ଼ତାନ, ଅନ୍ ଗାଣ୍ଟା ପାଡ଼ିବି ମାଡ଼ତେ ନାରିଙ୍କ ଆସର୍ ହିଦାଙ୍କ ନାୟାଦ୍ ଇଛା ।

୧୫ ନିଜେଡ଼ ସମ୍ପତିଡିଙ୍କ ନିଜେଡ଼ ଇଛାତେ ଲେକେଡ଼ ମାଡ଼ାଙ୍କ ବାଡେଏ ନାୟାଦ୍ ଅଦିକାର ଲଲ୍‌ଲେ ? ଇଲା ନାନ୍ ସୁଦୁର୍ ଦୟା ମାଡ଼ତୁନ୍ ଇଞ୍ଜ ମିଡ଼ ଆଂକାର ଆଦୁଡିଡ଼ ?”

୧୭ ☆ଆଦ୍ ଖେଷଡ୍ ତେରସ୍‌ପି ଜିସୁ କେଡ୍‌ତାନ, “ବେନଡ୍ ଇଞ୍ଜେ ପେକେ ମିନ୍ଦେ ଅଡ୍ ମୁନେ ଖାଦତଣ୍ଟୁ ନୁ ବେନଡ୍ ମୁନେ ମିନ୍ଦେ, ଅଡ୍ ପେକେ ଆଦତଡ୍ ।”

ଜିସୁ ତାନ ତଲାନ ବିଷୟତେ ତୃତୀୟ ଦାମ୍ କେଡ୍‌ତାନ

(ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ଜିସୁ ଜିରୁଶାଲମ୍‌ତା ଆଦାନ ଆରଦାଗ୍ ବାରଜାନ ଶିଷ୍ୟତ୍‌କ୍ ଅଣ୍ଟୟାଗେ କାର୍‌ଜି ଅସ୍ ଖେରଡ୍ ଦାମ୍ କେଡ୍‌ତନ୍,

୧୮ “କେଞ୍ଜାର୍ ମାନାଡ୍ ଯିରୁଶାଲେମ୍ ତା ଆଦୁତାଡ୍ । ଆଗେ ମୁକ୍ୟ ଯାଜକ୍ ନୁ ଦମ୍‌ଗୁରୁନଡ୍ ଅଂକିଙ୍କ୍ ତଲାନ ଦଣ୍ଟ ହିଦତଡ୍ ।

୧୯ ଅଡ୍ ନାକିଂଙ୍କ୍ ତଲାନ ଦଣ୍ଟ ହିଦତଡ୍ ନୁ ବିଜାତିୟ ଅଗାୟିହୁଦିଡ୍ କାଇଦେ ଝିଡ୍‌ସିଦତଡ୍ । ବିଜାତିଡ୍ ଅଂକିଙ୍କ୍ ପରିହାସ୍ ମାଡିତଡ୍, କରଡାତଡ୍ ରେହେତିତଡ୍ ନୁ କୁଶତାଗ୍ ତାପିତଡ୍ । ବାତେଙ୍କ୍ ଇଡ୍‌କେ ମୁଣ୍ଟିନାନ ପେକେ ପେକେ ମେଣ୍ଟେ ଜିଞ୍ଜେ ଆଦତନ୍ ।”

ଖେରଡ୍ ଯାୟାନ ଅନୁରଦ୍

(ମାର୍କ ୧୦:୩୫-୪୫)

୨୦ ଆଦ୍ ସମୟତେ ଜେବଦିନ୍ ମୁଡ୍‌ତେ ତାନ ରେଣ୍ଟେ ପିଲାନ ତଡ୍ ଜିସୁନ୍ ପାକେ ଖାଡ୍‌ତେ । ଜିସୁଙ୍କ୍ ପ୍ରଣାମ୍ ମାଡି ଅଂକିଙ୍କ୍ ଅନୁଗ୍ରହ୍ ତାଲିକ୍‌ତେ ।

୨୧ ଜିସୁ ତାଙ୍କ୍ କେଡ୍‌ତାନ, “ବାତେଏ ଇଚ୍ଛା ମାଡ୍‌ତୁନ୍ ?” ଆଦ୍ କେଲ୍‌ଲା, “ନିମ୍ ବେସୁଙ୍କ୍ ରାଜାନି ଆଦତିଡ୍, ନା ଇ ରେଣ୍ଟେ ପିଲାଙ୍କ୍ ନି ତେବେ ପାକେ ନୁ ତିନ୍ଦେ ପାକେ କୁସ୍‌ପାଙ୍କ୍ ନିମ୍ ନାକ୍ ଗଟ୍‌ଇମ୍ ।”

୨୨ ଜିସୁ ଜେବଦିନ୍ ପିଲାଙ୍କ୍ ଉତ୍ତର ଇସ୍ ତାଙ୍କ୍ କେଡ୍‌ତାନ, “ନିମ୍ ବାତେଏ ତାଲ୍‌କୁତିନ୍, ନାନ ବୁଜେମ୍ ଆୟନ୍ । ନାନ ବେନ୍ ଦୁଃକାମ୍ ତେ ପାନପାତ୍ର ଉନ୍ଦାଙ୍କ୍ ଆଦୁତାନ, ମିଡ୍ ବାତେଏ ଆଦିଙ୍କ୍ ଉନ୍ଦେ ପାରତିଡ୍ ?” ଅଡ୍ କେଡ୍‌ତଡ୍, “ହୋ ପାରତମ୍ ।”

୨୩ ଜିସୁ ଅଡ୍‌କିଂଙ୍କ୍ କେଡ୍‌ତାନ, “ବାସ୍ତବିକ ମିଡ୍ ନାୟାଦ୍ ଆଦ୍ ପାନପାତ୍ର ତାଗାଙ୍କ୍ ଉନ୍ଦତିଡ୍ । ବାତେଙ୍କ୍ ଇଡ୍‌କେ ତିନ୍ଦେପାକେ ବା ତେବେପାକେ କୁଦାନ୍ ସେଙ୍ଗେ ବେନଙ୍କ୍ ହେଞ୍ଚି ମାଡ୍‌ମାୟାନ୍ ଅଦିକାର୍

ନାୟାଦ୍ ଇଲ୍ଲେ । ବେନଡ୍ ସେଙ୍ଗେ ନା ବାବାଲ୍ ଆଦ୍ ପଡ଼ିୟେ
ତିଆର୍ ମାଡ଼ତଣ୍ଡ, ଆଦ୍ ମାଡ଼ର୍ ଅଡ୍ ସେଙ୍ଗେ ।”

୨୪ ବେସୁଙ୍କ ବାଗାତଡ୍ ଶିଷ୍ୟଡ୍ ଇଦ୍ ଗର୍ କେଞ୍ଜତଡ୍, ଅଡ୍ ତାମୁଣ୍ଡ
ଇର୍ବୁଡ୍ ପର୍ବର କପାମ୍ ଆଡ଼ତଡ୍ ।

୨୫ ଜିସୁ ଶିଷ୍ୟଡ୍ଙ୍କ ଅଣ୍ଡୟାଗେ ମାଡ଼ି କେଡ଼ତନ୍, “ମିଡ୍ ପୁଡ଼ତିଡ୍,
ଇ ଜଗଡ଼ତେ ରାଜାନଡ୍ ବିଜାତିଡ୍ ପର୍ବର ପ୍ରବୁନ୍ଲେକାମ୍ ବିଚାର୍
ମାଡ଼ମାନଡ଼, ନୁ ବେଡ଼ିଇ ନେଡ଼ତାନଡ୍ ମିକା ବାଗାତଡ୍ ପର୍ବର
ଶାସନ୍ ମାଡ଼ିତଡ୍ ।

୨୬ ମିଇ ଲୋପେ ଆଦ୍ଲେକାମ୍ ଆୟ୍ୟ, ବାତେଙ୍କ୍ ଇଡ଼କେ ମିଇ
ଲୋପେ ବେନ ବେଡ଼ିୟନ୍ ଆଡ଼ତାଙ୍କ୍ ଇଛା ମାଡ଼ତୁଣ୍ଡ, ଅଣ୍ଡ ମିଇ ଦାସ
ଲେକାମ୍ ଆୟିନ୍ ।

୨୭ ମିୟାଗାଙ୍କ୍ ଝେରନ୍ ବେଡ଼ିୟନ୍ ଆଡ଼ତାଙ୍କ୍ ଆଲ୍ସକେ, ଅଣ୍ଡ
ବାଗାତଡ୍ ଦାସ ଆଦତନ୍ । ମିୟାଗାଙ୍କ୍ ବେନ ମହାନ୍ ଆଡ଼ତାଙ୍କ୍
ଆଲ୍ସିତନ୍, ଅଣ୍ଡ ମିଇ ଦାସ ଆୟ୍ୟଣ୍ଡ,

୨୮ ବେଦ୍ଲେକାମ୍ ନାରିନ୍ ପିଲେ ସେବା ଆଦାନ୍ ସେଙ୍ଗେ ଖାଡ଼ଣ୍ଡ
ସେବାମାଡ଼ି ବାଗାତଡ଼ାଉ ମୁକ୍ତି ସେଙ୍ଗେ ନିଜେଡ଼ ଜିସୁନ୍ ହିଦାଙ୍କ୍
ଖାଡ଼ତନ୍ ।”

ଜିସୁ ଇର୍ବୁଡ୍ କାନାଲଡ୍ କଣ୍ଡାଙ୍କ୍ ସୁସ୍ତ ମାଡ଼ତଣ୍ଡ

(ମାର୍କ ୧୦:୪୭-୫୨; ଲୁକ ୧୮:୩୫-୪୩)

୨୯ ଅନ୍ ଦିନ୍ ଜିସୁ ଶିଷ୍ୟଡ଼ତଡ୍ ଯିରୀୟ ସହର୍ବତିଙ୍କ୍ ଓଡ଼ିସି ଆଦାନ୍
ଝେଲେ ନାର୍ଗେ ନାରୁଡ୍ ଅନ୍ ପର୍କେ ପେର୍କେ ଆଦତଡ୍ ।

୩୦ ରର୍ ଆଞ୍ଜିନା କୁଦିମାନ୍ ଇର୍ବୁଡ୍ କାନାଲଡ୍, ଜିସୁ ଆଦ୍ଆର୍
ଖାଡ଼ତନ୍ ଇଞ୍ଜ କାନାଲଡ୍ କେଞ୍ଜି ଗାଟି ଲେଙ୍ଗ୍ଦେ କାର୍ଙ୍କୁତଡ୍ “ହୋ
ପ୍ରବୁ, ଦାଉଦ୍ ତେ ମାର୍; ମାକିଂଙ୍କ୍ ଦୟା ମାଡ଼େ ।”

୩୧ ନାରୁଡ୍ ଅଡ଼କ୍ ଦମକ୍ ଇସ୍ କଟ୍ ଆଡ଼ତାଙ୍କ୍ କେଡ଼ତଡ୍ । ବାତେଙ୍କ୍
ଇଡ଼କେ ଅଡ୍ ମେଣ୍ଡେ ଗାଟି ଲେଙ୍ଗ୍ଦେ କାର୍ଙ୍କ୍ ତଡ୍, “ଦାଉଦ୍ତେ
ମାର୍; ମାକିଂଙ୍କ୍ ଦୟାମାଡ଼େ ।”

୩୨ ଜିସୁ ଆଗେନିସ୍ ଅଡ଼କିଂଙ୍କ କାରୁକୀ କେଡ଼ତାନ, “ନାନ୍ ମିଇ ସେଙ୍ଗେ ବାତେଏ ମାଡ଼ିତାନ ଇଞ୍ଜି ଆଲ୍‌ସୁତିଡ଼?”

୩୩ ଅଡ଼ କେଡ଼ତଡ଼, “ପ୍ରବୁ ମାକିଂଙ୍କ ଉଡ଼ାନ୍ ଶକ୍ତି ଇମ୍ ।”

୩୪ ଜିସୁ ଦୟାତେ ବିଗଳିତ ଆସ୍ ଅଡ଼ କଣ୍ଡାଙ୍କ ଇଡ଼ତଣ୍ଡ । ସାଙ୍ଗେ ସାଙ୍ଗେ ଅଡ଼ ଉଡ଼ତଡ଼ ନୁ ଜିସୁନ୍ ପେକେ ପେକେ ଆଦତଡ଼ ।

୨୧

ଯିରୁଶାଲେମ୍‌ତାଗ୍ ଜିସୁ ଗୌରବ୍‌ତେ ହସାନାଦ୍

(ମାର୍କ ୧୧:୧-୧୧; ଲୁକ ୧୯:୨୮-୪୦; ଯୋହନ୍ ୧୨:୧୨-୧୯)

୧ ଜିସୁ ନୁ ତାନ୍ ଶିଷ୍ୟଡ଼ ଯିରୁଶାଲେମ୍ ତେ ଗାରରେହେଉସ୍ ବେଡ଼ପାଗୀ ସହର୍ ସୁଦୁର୍ ଯେକା ମାନ୍‌ନ୍ ଜୀତ ମେଟେତାଗ୍ ହେଉଡ଼ ।

୨ ଇଡ଼ଝୁଡ଼ ଶିଷ୍ୟଡ଼ ଆଦେଶ୍ ଇସ୍ ଜିସୁ କେଡ଼ତାନ, “ମୁନେ ମାନ୍‌ନ୍ ଆଦ୍ ନାର୍ ଆନୁର୍ । ଆଗେ ହେଉଦାନ୍ ଝେଲେ ଉଡ଼ିତିଡ଼, ଝେରଡ଼ ଗଦ ତହସ୍ ମାନ୍‌ତଡ଼ ନୁ ତାନ୍ ଗାରରେ ତାନ୍ ପିଲେ ମିନ୍ଦେ । ଆଦିଙ୍କ ଲେସ୍ ନା ପାକେ ତାଡ଼ାଟ୍ ।

୩ ବେନ ବାତେଏ କେଡ଼କେ, କେଡ଼ିତିଡ଼ ଇଦ୍ ଗୁରୁଙ୍କ ଦରକାର୍ ମିନ୍ଦେ । ଆସୁଙ୍କ ସାଙ୍ଗେ ସାଙ୍ଗେ ଅଣ୍ଡ ଅଡ଼କିଂଙ୍କ ରସିଡ଼ତନ୍ ।”

୪ ହି ଗର୍‌ନା ତଡ଼ ବାବବାଦୀଡ଼ ମଦଲ୍ କେଡ଼ତାଦ୍ ବାଣି ସାରେ ହାଡ଼ତେ ।

୫ “ସିୟନ୍‌ତେ କନ୍‌ୟାୟାତିଙ୍କ କେଲ୍‌ମୁର୍ ।

ଉଡ଼ାଟ୍, ମିଇ ରାଜାଲ୍ ମିଇ ପାକେ ଝାଦୁତନ୍,
ଅଣ୍ଡ ବେସର୍ ନମ୍ ଗଦପିଲେଡ଼ ପରୁକୁଦି ଝାଦୁତନ୍;

ଉଡ଼ାଟ୍, ଅଣ୍ଡ ଗଦପରୁ କୁଦି ଝାଦୁତନ୍ ।”

୬ ଶିଷ୍ୟଡ଼ ଆଞ୍ଜ୍ ଜିସୁ କେଡ଼ତେ ଲେକାମ୍ ମାଡ଼ତଡ଼ ।

୭ ଗଦ ନୁ ତାନ୍ ପିଲେତିଙ୍କ ତାସ୍ ନିଜେ ନିଜେତାଉ ସିଲେ ଗଦଡ଼ ପରୁ ଝାଟି ଜିସୁଙ୍କ କୁସ୍‌ପଡ଼ ।

୮ ଆଗେ ମାନ୍‌ନ୍ ନାରୁଡ଼ ଜିସୁ ଆଦାନ୍ ଆର୍‌ଦାଗ୍ ନିଜେ ନିଜେଡ଼ତାଉ ସିଲେ ତାରତଡ଼ ନୁ ବେସକ୍ ତଡ଼ ହେତେଲ୍ ମାଡ଼େଡ଼ ମେଟା ନାଡ଼କି ତାସ୍ ଆଦାନ୍ ଆର୍‌ଦାଗ୍ ଝାଟ୍‌ଟଡ଼ ।

^୯ ଜିସୁନ୍ ମୁନେ ନୁ ପେକେ ଆଞ୍ଜମାନ୍ ନାରୁଡ଼୍ ଗାଟି ଲେଙ୍ଗଦେ କେଡ଼ତଡ଼, “ଦାଉଦତେ ମାରିଙ୍କ ପ୍ରସଂଶା ହାଇ, ବେନ ପ୍ରବୁନ୍ ପେଦେରତେ ଖାଦୁତନ୍, ଇଶ୍ବର ଅଂକିଙ୍କ ଆଗର୍ ବାଦ ମାଡ଼ିଣ୍ । ଇଶ୍ବରତେ ପ୍ରସଂଶା ମାଡ଼ାଟ୍ ।”

^{୧୦} ଜିସୁ ଯିରୁଶାଲେମ୍ ହେଉଦାନ୍ ଖେଲେ ଆଗେ ଅଂକିଙ୍କ ଉଡାଙ୍କ ନାରୁଡ଼୍ ଗୁଡ଼ତଡ଼ ।

^{୧୧} ନାରୁଡ଼୍ କେଡ଼ତଡ଼, ଅଣ୍ ବେନ ? ବାଗାତଡ଼ କେଡ଼ତଡ଼, “ଅଣ୍ ଆଦୁତନ୍, ଗାଲିଲୀତେ ନାଜରିତ୍ରିୟ ବାବବାଦୀ ଜିସୁ ।”

ଜିସୁ ମନ୍ଦିରତା ଆଡ଼ତନ୍

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଯୋହନ୍ ୭:୧୩-୨୨)

^{୧୨} ଜିସୁ ମନ୍ଦିର ଲୋପେ ଆଞ୍ଜ ଆଗେ ଆସାନ୍ ଖାମାନ୍ ମାଡ଼ମାନ୍ଦାନ୍ ସାରେତଡ଼କିଂଙ୍କ ବାଇଦେ ପେସ୍ତିତନ୍ । ତାବ୍ କ ବ୍ୟବସାହୀଡ଼ ବେଦି ନୁ ବତେ ଖାମାନ୍ତଡ଼ ମେଜତିଙ୍କ ଉଲ୍ଗା ମାଡ଼ିଡ଼ତନ୍ ।

^{୧୩} ଅଡ଼କ୍ ଅନ୍ କେଡ଼ତାନ୍, “ଦର୍ମଶାସ୍ତ୍ରତାଗ୍ ଲେକାମିନ୍ଦେ, ‘ନା ମନ୍ଦିର ପ୍ରାର୍ଥନା ଲୋନ୍ ଇଞ୍ଜ କ୍ୟାତ ଆଦତେ,’ ବାତେଙ୍କ ଇଡ଼କେ ମିଡ଼, ଆଦିଙ୍କ ଦସ୍ତୁଡ଼ ଲୋନ୍ ଲେକାମ୍ ମାଡ଼ତିଡ଼ ।”

^{୧୪} ଜିସୁ ମନ୍ଦିରତାଗ୍ ମାନ୍ଦାନ୍ ଖେଲେ କାନାଲଡ଼୍ ନୁ କୁଟାଲଡ଼କ୍ ଅନ୍ ପାକେ ଖାଡ଼ତଡ଼ ନୁ ଜିସୁ ଅଡ଼କ୍ ସୁସ୍ଥ ମାଡ଼ତଣ୍ ।

^{୧୫} ବେଡ଼ିଇ ଯାଜକ୍ ନୁ ଦର୍ମଗୁରୁଡ଼୍ ଅନ୍ ବାକ୍ ଖା ପାଡ଼ିୟି ସାରେ ଉଡ଼ି ନୁ ପିଲାକି ଦାଉଦତେ ମାରିଙ୍କ ପ୍ରସଂଶା ଇଞ୍ଜ କେସମାନ୍ଦାନ୍ କେଞ୍ଜି କିପାମ୍ ଆଦତଡ଼ ।

^{୧୬} ଅଡ଼ ଜିସୁଙ୍କ କେଡ଼ତଡ଼, “ଇଡ଼୍ ବାତେଏ କେସମିନ୍ଦେଡ଼, ନିମ୍ କେଞ୍ଜୁତିନ୍ ?” ଜିସୁ କେଡ଼ତାନ୍, “ନିଜାମ୍ କେଞ୍ଜୁତାନ୍ । ଦର୍ମଶାସ୍ତ୍ରତାଗ୍ ଇଦ୍ ଗଟ୍ ବାତେଏ କାର୍ଡିଡ଼ ? ନିମ୍ ପିଲା ନୁ ସୁଦୁ ପିଲାଙ୍କ ସାୟେଲେକାମ୍ ପ୍ରସଂଶା ମାଡ଼ାନ୍ ଶିକ୍ଷା ହିଡ଼ତିନ୍ ।”

^{୧୭} ଇଦ୍ କେସ୍ ଜିସୁ ଅଡ଼କ୍ ଡିଡ଼ସି ଯିରୁଶାଲେମ୍ ତାଗାଙ୍କ ବେତନିୟାତାଗ୍ ଆଡ଼ତଣ୍ । ଆଗେ ଅଣ୍ ନାର୍ବକା ତିଙ୍କ ମାଡ଼ତନ୍ ।

ଜିସୁ ତୟାମାଡ଼ାତିଙ୍କ ଅବିଶାସ୍ ହିଡ଼ତନ୍

(ମାର୍କ ୧୧:୧୨-୧୪, ୨୦-୨୪)

୧୮ ତାନ୍ ମେଣ୍ଡନ୍ ଦିନ୍ ନାବ୍‌କୁକ୍ ଜିସୁ ଯିରୁଶାଲେମ୍ ତା ଆଦାନ୍
ଝେଲେ ଗାଟି କାର୍‌ପୟିତେ ।

୧୯ ଆର୍ ଗାରରେ ଝେରଡ଼୍ ତୟାମାଡ଼ା ମାଡ଼ତେ । ଜିସୁ ମାଡ଼େଡ଼୍
ଗାରରେ ଆଞ୍ଜ୍ ଆଗେ ଅଂକିଙ୍କ୍ ଓଡ଼ିସି ମେଣ୍ଡେ ବାଡେଏ ଉଡ଼ନ୍ ।
ଆଦିଙ୍କ୍ ଅଣ୍ଟ ମାଡ଼େଡ଼ିଙ୍କ୍ କେଡ଼ତାନ୍, “ନିମ୍ ମେଣ୍ଡେ ବେସୁଙ୍କ୍‌ବା କାୟା
ଆଦ଼ିନ୍ ।” ଆସୁଙ୍କ୍ ସାଙ୍ଗେ ସାଙ୍ଗେ ତୟା ମାଡ଼ା ଖାସିଆଡ଼ତେ ।

୨୦ ଶିଷ୍ୟଡ଼୍ ଆଦ଼ଉଡ଼ି ବାକ୍‌ଝା ଆସ୍ କେଡ଼ତଡ଼୍, “ତୟା ମାଡ଼େ
ହିସର୍ ଯାପେ ବେଲା ଖାସତେ ?”

୨୧ ଈଜିସୁ ଉଉର୍ କେଡ଼ତାନ୍ “ନାନ୍ ନିକିଂଙ୍କ୍ ନିଜାମ୍ କେଡ଼ୁତାନ୍,
ମନ୍‌ତାଗ୍ ଇସୁର୍‌ମିକା ଏକା ମାଡ଼କର୍ ସାରେ ବିଶ୍ୱାସ୍ ମାଡ଼ାଟ୍, ନାନ୍
ଇ ତୟା ମାଡ଼େଡ଼୍ ସେଙ୍ଗେ ବାଡ଼ମାଡ଼ତାନ୍, ମିଡ଼୍ ମିକା ଆଲା ମାଡ଼େ
ପାର୍‌ଦତିଡ଼୍ । ମାତର୍ ଆସର ଆୟ୍‌ୟ, ଇ ମେଟେ ଡେଦିମିକା ସମୁଦ୍ର
ତାଗ୍ ରାଲ୍ ଇଞ୍ଜ କେଡ଼କେ, ଆଦ଼ମିକା ଆଦ଼ତେ ।

୨୨ ବିଶ୍ୱାସ୍‌ତେ ପ୍ରାର୍‌ଥନାତାଗ୍ ବାଡ଼ ତାଲ୍‌କିତିଡ଼୍ ଆଦ଼ ଦରକିଡ଼୍ ।”

ଜିସୁନ୍ ଅଦିକାର ବିଷୟତେ ପ୍ରଶ୍ନ

(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ଜିସୁ ମନ୍ଦିର୍ ତା ମାଲ୍‌ସ୍ ଖାସ୍ ଆଗେ ଶିକ୍ଷା ହିଦାନ୍ ଝେଲେ
ବେଡ଼ିଇ ଯାଜକ୍ ନୁ ଯିହୁଦିନେତାନଡ଼୍ ଅଂକିଙ୍କ୍ କେଡ଼ତଡ଼୍, “ବେନ୍
ଅଦିକାର୍‌ତେ ନିମ୍ ହିଉସାରେ ପାଡ଼ିୟି ମାଡ଼ୁଡ଼ିନ୍ ? ନିକିଂଙ୍କ୍ ଇ
ଅଦିକାର୍ ବେନ ହିଡ଼ତନ୍ ?”

୨୪ ଜିସୁ କେଡ଼ତାନ୍, “ନାନ୍ ମିକିଂଙ୍କ୍ ମାତର୍ ଝେରଡ଼୍ ପ୍ରଶ୍ନ
କେଡ଼ିତାନ୍ । ତାନ୍ ଉଉର୍ ଇଡ଼କେ, ନାନ୍ ବେନ୍ ଅଦିକାର୍‌ତେ
ହିଉସାରେ ପାଡ଼ିୟି ମାଡ଼ୁଡ଼ିନ୍, ମିକିଂଙ୍କ୍ କେଡ଼ିତାନ୍ ।

୨୫ ବାପ୍ତିସ୍ମ ଇଦାନ୍ ଯୋହନ୍ ବେନନାଗାଙ୍କ୍ ଶକ୍ତି ପାଏମ୍‌ଆଡ଼ତନ୍
ଇଶ୍ୱର୍‌ତାଗାଙ୍କ୍ ନା ନାରୁଡ଼ାଗାଙ୍କ୍ ?” ଅଡ଼୍ ତାମ୍ ତାମ୍ ଲୋପେ ହେର୍କା
ମାଡ଼ତଡ଼୍, “ଇ ବିଷୟତେ ବାଡେଏ କେଡ଼ିକାଡ଼୍ ? ଯଦି କେଡ଼ିକା
ଇଶ୍ୱର୍‌ ତାଗାଙ୍କ୍, ଆଲେକେ ଯୋହନ୍ ତିଙ୍କ୍ ବାଡ଼ତିଙ୍କ୍ ବିଶ୍ୱାସ୍ ମାଡ଼଼ିଡ଼୍,
ଇଞ୍ଜ୍ ଅଣ୍ଟ ମାନ୍ କେଡ଼ିତଣ୍ଟ ।

୨୭ ନାରୁନାଗାଙ୍କ ଇଞ୍ଜ ଯଦି କେଡିତାଡ଼, ଆଲେକେ ନାରୁଡ଼କ୍ ମାନାଙ୍କ କାଲୁକିନ୍ ତଡ଼୍ ରେହେତିତଡ଼, ବାତେଙ୍କ ଇଡ଼କେ ଯୋହନ୍ ଝେରନ୍ ବାବବାଦୀ ଇଞ୍ଜ ଅଡ଼୍ ବିଶ୍ୱାସ ମାଡ଼ତୁଡ଼୍ ।”

୨୮ ଆଦ୍ ଏକା ମାଡ଼ି ଜିସୁଙ୍କ କେଡ଼ତଡ଼, ମାମ୍ମେ ପୁନମ୍ । ଜିସୁ ଅଡ଼୍ କେଡ଼ତାନ୍, “ବେନ୍ ଅଦିକାର୍ତେ ହିଞ୍ଜୁସାରେ ମାଡ଼ତୁଆନ୍, ନାନ୍ ମିକା ମିକିଙ୍କ କେଲନ୍ ।”

ଇରୁଝୁଡ଼୍ ପେକଡ଼୍ ତେ ଝେଷଡ଼୍

୨୮ “ଆଲେକେ ଇ ବିଷୟତେ ମିଡ଼୍ ବାତେଏ ଆଲୁସୁତିଡ଼୍ କେଲମୁର୍ । ଝେରନ୍ ନାରୁନ୍, ଇରୁଝୁଡ଼୍ ମାରୁକ୍ ମାଡ଼ତଡ଼୍ । ଅନ୍ଦିନେ ବେଡ଼ିଲ ପେକାଙ୍କ କେଡ଼ତାନ୍, ବାରୁ ନେଣ୍ଡ ମାନ୍ ଅଙ୍ଗୁର୍ ଝାୟେତାଗ୍ ଆଞ୍ଜ ପାଡ଼ିୟି ମାଡ଼େ ।

୨୯ ଇଲା ନାନ୍ ମାଡ଼ନ୍, ଇଞ୍ଜ ବେଡ଼ିଲ ପେକାଲ୍ କେଡ଼ତାନ୍ । ବାତେଙ୍କ ଇଡ଼କେ ତାନ୍ ପେକେ ମନ୍ଦାଗ୍ ଏକା ମାଡ଼ି ପାଡ଼ିୟି ମାଡ଼ାଙ୍କ ଆଡ଼ତନ୍ ।

୩୦ ଆଦ୍ ନାରୁନ୍ ସୁଦୁନ୍ ପେକାଙ୍କ ଆଦ୍ ପାଡ଼ିୟି ମାଡ଼ାଙ୍କ କେଡ଼ତାନ୍ । ଆଲେ ବାବା, ଆଦତନ୍ ଇଞ୍ଜ ସୁଦୁନ୍ ପେକାଲ୍ କେଡ଼ତାନ୍ । ବାତେଙ୍କ ଇଡ଼କେ ଅଣ୍ଡ ପାଡ଼ିୟିଦାଗ୍ ମିକା ଆନନ୍ ।”

୩୧ କେଲମୁର୍ ଇରୁଝୁଡ଼୍ ପେକଡ଼ାଗାଙ୍କ ବେନ ତାମ୍ ବାବାନ୍ ଗର୍ କେଞ୍ଜତନ୍ । ଅଡ଼୍ କେଡ଼ତଡ଼୍ ବେଡ଼ିଲ ପେକାଲ୍ । ଜିସୁ ଅଡ଼୍କିଙ୍କ କେଡ଼ତାନ୍, “ନାନ୍ କେଡ଼ତାନ୍ କର ଆଦାୟ୍ ମାଡ଼ାନଡ଼ି ନୁ କଜାନଡ଼୍, ମିୟାଗାଙ୍କ ମୁନେଙ୍କ ଇଶ୍ୱରତେ ରାଜ୍ୟତାଗ୍ ଆଦତଡ଼୍ ।”

୩୨ ☆ବାପ୍ତିଜିକ ଯୋହନ୍ ମିଇ ପାକେ ଝାସ୍ ସାୟେଡ଼୍ ଆର୍ ତଅସିସ୍ ମାଡ଼ତନ୍, ବାତେଙ୍କ ଇଡ଼କେ ମିଡ଼୍ ଅଂକିଙ୍କ ବିଶ୍ୱାସ ମାଡ଼ଝିଡ଼୍ । ଆଗେକ୍ ବା କର ଆଦାୟ୍ ମାଡ଼ାନଡ଼ି ନୁ କଜାନଡ଼୍, ଅନ୍ ଗର୍ତେ ବିଶ୍ୱାସ ମାଡ଼ତଡ଼୍, ଆଦ୍ ଉଡ଼ିମିକା ମିଡ଼୍ ମନ୍ ବାଦ୍ଲାମାଡ଼ି ଅଂକିଙ୍କ ବିଶ୍ୱାସ ମାଡ଼ାଟ୍ ।

ଅଙ୍ଗୁର୍ ଝାୟେତାଗ୍ ବାଗ୍ ଚାଷୀନଡ଼୍ ଝେଷଡ଼୍
(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ ଜିସୁ କେତ୍‌ତାନ, “ମେଣ୍ଟନ୍ ଖେଷଡ଼୍ କେଞ୍ଜାର୍ ।” ଖେରନ୍ ଖାୟେଡ଼ ମାଲିକ୍ ତାନ୍ ଖାୟାନାଗ୍ ଅଙ୍ଗୁର୍ ଚାଷ୍ ମାଡ଼ତଣ୍ । ଖେଲ୍‌ମ୍ କୁରତନ୍ ନୁ ମାୟାନ୍ ସେଙ୍ଗେ ଖେରଡ଼୍ ଗୁଡ଼ସ୍ତା ମିକା ତିଆର୍ ମାଡ଼ତଣ୍ । ତାନ୍ ପେକେ ଖାୟାନାଗାଙ୍କ୍ ଚାଷିନଡ଼କିଙ୍କ୍ ଦୁଡେ ଝିଡ଼ସିସ୍ ଅଣ୍ଟ ବିଦେଶ୍ ଆଡ଼ତନ୍ ।

୩୪ ଖାୟେତାଗ୍ ପସଲ୍ ମାଡ଼ାନ୍ ଖେଲେ ଅଣ୍ଟ ଚାଷୀଡ଼୍ ଆଗାଙ୍କ୍ ନିଜେଡ଼ ଦୁଡେ ଆଦାୟ୍ ମାଡ଼ାନ୍ ସେଙ୍ଗେ ନିଜେଡ଼ ଦାସଡ଼କ୍ ରହତନ୍ ।

୩୫ ଚାଷୀଡ଼୍ ଆଦ୍ ଦାସଙ୍କ୍ ଖେରଙ୍କ୍ ପିଞ୍ଜପଡ଼ତ୍, ଖେରଙ୍କ୍ ହାଉକିତାଡ଼୍ ନୁ ହେସିଡ଼ତଡ଼, ମେଣ୍ଟିଆରଡ଼ୁଙ୍କ୍ ପରର କାଲିକ୍ ହେସଡ଼ତଡ଼ ।

୩୬ ଆଦିଙ୍କ୍ ଖାୟେଡ଼ ମାଲିକ୍ ନାରଗେ ମାୟେ ବାଗାଡ଼ ଚାକରିଡ଼କ୍ ମେଣ୍ଟନ୍ ଦାମ୍ ରହତନ୍ । ଅଡ଼କ୍ ମିକା ଚାଷୀନଡ଼କ୍ ଆଦେଲେକାମ୍ କାରାପ୍ ବ୍ୟବହାର୍ ମାଡ଼ତଡ଼ ।

୩୭ ବାଡେଙ୍କ୍ ଇଡ଼କେ ନା ମାରିଙ୍କ୍ ଅଡ଼୍ ମାନେମ୍ ଆଦତଡ଼, ଆଦ୍ ଆଲ୍‌ସି ଅଣ୍ଟ ତାନ୍ ମାରିଙ୍କ୍ ଅଡ଼ପାକେ ରହତନ୍ ।

୩୮ ମାଡ଼ର୍ ଆଦ୍ ଚାଷୀଡ଼୍ ପେକାଙ୍କ୍ ଉଡ଼ି ତାମ୍ ତାମ୍ କେଡ଼ତଡ଼, ଇଣ୍ଟ ତ ମାଲିକ୍‌ତେ ମାର୍; ଖାଡ଼ାର୍ ଇଙ୍କ୍ ହାଉକିକାଡ଼୍ ମିକା ଇଣ୍ଟ ଅଦିକାର୍ ମାନ୍ କାଇଦେ ମାଡ଼ିକାଡ଼ ।

୩୯ ଆଦ୍ କେସ୍ ଅଂକିଙ୍କ୍ ଖାୟେତାଗାଙ୍କ୍ ପେସ୍‌ପି ମିକା ବାଇଦେ ହାଞ୍ଜୁକିତାଡ଼ ।

୪୦ “କେଲ୍‌ମୁର୍ ତ, ଖାୟେଡ଼ ମାଲିକ୍ ବେସୁଙ୍କ୍ ଖାଦତନ୍, ଅଣ୍ଟ ଚାଷୀନଡ଼କ୍ ବାଡେଏ ମାଡ଼ିତନ୍ ?”

୪୧ ଅଡ଼୍ କେଡ଼ତଡ଼, “ଆଦ୍ ଦୁଷ୍ଟନଡ଼କ୍ ଅଣ୍ଟ ନିଜାମ୍ ରେହେଡିତନ୍ ନୁ ବେନ୍ ଚାଷୀନଡ଼୍ ଟିକ୍ ସମୟ୍‌ତେ ଅନ୍ ବାଗ୍ ଇଦତଡ଼, ଖାୟାଙ୍କ୍ ଅଡ଼୍ କାଇଦେ ଝିଡ଼ସିଦତନ୍ ।”

୪୨ ଜିସୁ ଅଡ଼କିଂଙ୍କ୍ କେତ୍‌ତାନ, “ଇଦ୍ ଶାସ୍ତ୍ରତେ ଗଟି ବାଡେଏ କାର୍‌ଝିଡ଼ ?

ଲକ୍ ମାଡ଼ାନଡ଼ି ବେନ୍ କାଲ୍‌ଦିଙ୍କ୍ ପାସକି ମାଡ଼ତଡ଼,

ଆଦ୍ ମୁଲେ ବେଡ଼ୟାଦ୍ ପ୍ରସ୍ତର୍ ଆଡ଼ତେ;

ପ୍ରବୁନାଗଙ୍କ୍ ଇଦ୍ ଆଡ଼ତେ,

ମେଣ୍ଟେ ଆଦ ମାନ କଣ୍ଟେତେ ବେସର ବାକ୍ସା ପାଡ଼ନ୍ତି ?”

୪୩ ଜିସୁ ମେଣ୍ଟେ କେଡ଼ତାନ, “ଆଦିଙ୍କ କେଡ଼ତାନ, ଇଶ୍ବରତେ ରାଜ୍ୟତା ଆଡ଼ତାଙ୍କ ଅଦିକାର ମିୟାଗାଙ୍କ ଟେଣ୍ଟି ଆଦତଡ଼ ନୁ ବେନ ନାର ଇ ରାଜ୍ୟତେ ସାରେ ତଅଡ଼ତେ ପାରଦତଡ଼, ଅଡ଼କ୍ ଆଦ ହିଦତଡ଼ ।”

୪୪ ମେଣ୍ଟେ ବେନ ଇ କାଲଦାର୍ ପରର ରାଲିତଣ୍, ଅଣ୍ ଦୁଡ଼ା ଦୁଡ଼ା ଆଦତନ୍, ମେଣ୍ଟେ ଇଦ କାଲ୍ ବେନ ପରର ରାଲିଡ଼, ଅଂକିଙ୍କ ଆଦ ଗୁଣ୍ଟାଲ୍ ମାଡ଼ିଡ଼ ।

୪୫ ବେଡ଼ିଇ ପୁରହିଡ଼ ନୁ ପାରୁଣୀଡ଼ ଆଦ ଖେଷଡ଼ ଗର୍ କେଞ୍ଜି ଜିସୁ ଅଡ଼କିଙ୍କ ଉଡ଼ତନ୍ ଇଞ୍ଜ ପୁଡ଼ତଡ଼ ।

୪୬ ଆଦିଙ୍କ ଅଡ଼ ଅଂକିଙ୍କ ପଇଦାନ ସେଙ୍ଗେ ଆଲ୍‌ସି ମାଡ଼ତଡ଼, ବାତେଙ୍କ ଇଡ଼କେ ନାରୁଡ଼କ୍ ଖେରଙ୍ଗିଙ୍କ ଅଡ଼ ଆଦ ମାଡ଼ ପାରୁଡ଼, ବାତେଙ୍କ ଇଡ଼କେ ନାରୁଡ଼ ଜିସୁଙ୍କ ଖେରଣ୍ ବାବବାଦୀ ଇଞ୍ଜ ଏକା ମାଡ଼ମାଡ଼ତଡ଼ ।

୨୨

ପେଣ୍ଟଲୁ ବଜିତାଦ୍ ଖେଷଡ଼ ଗର୍
(ଲୁକ ୧୪:୧୫-୨୪)

୧ ଜିସୁ ମେଣ୍ଟନ୍‌ଦାମ୍ ଖେଷଡ଼ ତଡ଼ ନାରୁଡ଼କିଙ୍କ ଶିକ୍ଷା ଇଡ଼ତଣ୍,

୨ “ଇଶ୍ବରତେ ରାଜ୍ୟ ବେଦ୍‌ପୁରୁଙ୍କ, ତାନାଦ୍ ମେଣ୍ଟେ ଖେରଡ଼ ଖେଷଡ଼ କେଞ୍ଜାଟ୍ । ଖେରଡ଼ ଦିନ୍ ଖେରନ୍ ରାଜାଲ୍ ରାଜକୁମାରତେ ପେଣ୍ଟଲୁତେ ବଜି ମିଟିଙ୍କ ମାଡ଼ତଡ଼ ।”

୩ କାରଙ୍ଗି ମାନ୍‌ଦାନ ନାରୁଡ଼କିଙ୍କ ବଜିତାଗେ କାରଙ୍ଗି ତାତାନ ମାଇଦିଙ୍କ ଅଣ୍ ଚାକରିଡ଼କ୍ ରହତଣ୍ । ବାତେଙ୍କ ଇଡ଼କେ ଆଦ ନାରୁଡ଼ ଖାଦାଙ୍କ ଇଞ୍ଜା ମାଡ଼ଡ଼ ।

୪ ରାଜାଲ୍ ମେଣ୍ଟନ୍‌ଦାମ୍ ଖେରେ ଚାକରିଡ଼ ତଡ଼ ହି କବର୍ ରହତଣ୍, ପେଣ୍ଟଲୁ ବଜି ତିଆର୍ ଆଡ଼ତେ, ଲେକେଡ଼ ମେନ୍‌ଲୁତେ କଅନ୍‌ଦା ନୁ ପେନ୍‌ଡ଼ିଙ୍କ ହେଣ୍ଟି ସାରେ ମିଟିଙ୍କ ଆସ୍‌ମିନ୍ଦେ, ବଜିତାଗେ ସିର୍‌ପାର୍ ଖାଡ଼ାଟ୍ ।

୫ ବାତେଙ୍କ ଇକ୍ତେ କାର୍ତ୍ତିମାନ୍ନ ନାରୁଡ଼, ହି ଗର୍ ତିଙ୍କ ମନ୍ ହିଞ୍ଜକର୍ ନିଜେଡ଼ ନିଜେଡ଼ ପାଡ଼ିୟି ମାଡ଼ାଙ୍କ ପସ୍ପତ୍ତତଡ଼, ଝେରଣ୍ଡ ତାନ୍ ଖାୟାନା ଆଡ଼ତଣ୍ଡ, ମେଣ୍ଡେ ଝେରଣ୍ଡ ଦୁକାନ୍ତା ଆଡ଼ତଣ୍ଡ ନୁ

୬ ମେଣ୍ଡେ ବାଗାତଡ଼ ରାଜାନ୍ ଚାକରିଡ଼କ୍ ପୟସ୍ ରେହେସ୍ ଆଞ୍ଜିଡ଼ତଡ଼ ।

୭ ରାଜାଲ୍ କପାମ୍ ଆଣେ ସୌନ୍ୟଡ଼କିଙ୍କ ରହତଣ୍ଡ । ଅଡ଼, ଆଦ୍ ନରହନ୍ତାଲଡ଼କ୍ ହାଞ୍ଜି ଅଡ଼ ଶହରଡ଼ିଙ୍କ କିସ୍ ପସ୍ପିଡ଼ତଡ଼ ।

୮ ତାନ୍ ପେକେ ରାଜାଲ୍ ଚାକରିଡ଼କ୍ କାର୍ତ୍ତି କେଡ଼ତଣ୍ଡ, “ପେଣ୍ଡୁଲୁତେ ବଜି ତିଆର୍ ଆଡ଼ତେ, ବାତେଙ୍କ ଇଡ଼କେ କାଙ୍ଗ୍ ମାନ୍ନ ନାରୁଡ଼, ଖାଡ଼ତଡ଼ ।”

୯ ଇଞ୍ଜ ବେଡ଼ୟା ସାହିକିନାଗ୍ ଆଞ୍ଜ ବେସର୍ ନାରୁଡ଼କିଙ୍କ ଦରସ୍ତିଡ଼ିଡ଼, ସାରେଡ଼ଡ଼କିଙ୍କ ମାନ୍ ବଜିତାଗେ କାର୍ତ୍ତି ତାଡ଼ାଟ୍ ।

୧୦ ଆଦିଙ୍କ ଚାକରିଡ଼, ସାହି ସାହିକିଙ୍କ ଉଡ଼ି ଲେକେଡ଼ଆଇ କି, କାରାପ୍ ଆୟି, ବେସର୍ ନାରୁଡ଼କ୍ ଦରସ୍ତିଡ଼ିଡ଼, ସାରେଡ଼ଡ଼କ୍ କାଙ୍ଗ୍ ତାଡ଼ତଡ଼ ନୁ ପେଣ୍ଡୁଲୁ ଲନ୍ ବଞ୍ଚି ଆଡ଼ତେ ।

୧୧ “ରାଜାଲ୍ କୁର୍ମାମ୍ ଉଡ଼ାନ୍ ମାଇଦିଙ୍କ ଖାଡ଼ତଣ୍ଡ । ଅଣ୍ଡ ଉଡ଼ତଣ୍ଡ, ଅଡ଼ ଲୋପେଙ୍କ ଝେରଣ୍ଡ ପେଣ୍ଡୁଲୁତେ ଚକାସିଲେ କେରଞ୍ଜଣ୍ଡ ।

୧୨ ରାଜାଲ୍ ଅଂକିଙ୍କ ପାଟ୍‌ରାମାଡ଼ତଣ୍ଡ, ‘ସାଙ୍ଗ, ପେଣ୍ଡୁଲୁ ଚକାସିଲେ କେରଞ୍ଜକଟ୍ ହିଗେ ବେଲା ଖାଡ଼ତିନ୍ ?’ ନାରୁଡ଼ ଉଡ଼ର୍ ହିଞ୍ଜକର୍ କଟ୍ ମାଡ଼ତଣ୍ଡ ।

୧୩ ☆ରାଜାଲ୍ ଚାକରିଡ଼କ୍ କେଡ଼ତଣ୍ଡ, ‘ଅନ୍ କାୟ୍‌କ୍ ତେକା ତହସ୍ ବାୟିଦେ ଖାଟିମୁର୍ । ଆଗେ ଅଣ୍ଡ କେୟି ପାଲ୍‌କ୍ କରକିତଣ୍ଡ ।’ ”

୧୪ ଝେଷଡ଼ ତେରସ୍‌ପି ଜିସୁ କେଡ଼ତଣ୍ଡ, “ନାର୍‌ଗେମାୟେ ଖାଦୁଡ଼ତଡ଼, ବାତେଙ୍କ ଇଡ଼କେ ସୁକୁକ୍ ମାୟି ବେସ୍‌କ୍ ତଡ଼ ହେଞ୍ଜ୍‌ତେନଡ଼ ।”

କର ହିଦାନ୍ ସମସ୍ୟା

(ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ ବେସକତୁଡ଼, ପାରୁଣୀଡ଼, ଜିସୁଙ୍କ ପ୍ରଶ୍ନ ପାତ୍ରାମାତି ଅଂକିଙ୍କ ଉଡ଼ୟଦାଗ ଆରସ୍ତାନ ମାଇଦିଙ୍କ ଉପାୟ ଆଲ୍‌ସତଡ଼ ।

୧୬ ଅଡ଼, ନିଜେଡ଼ ବେସକତୁଡ଼, ଶିଷ୍ୟଡ଼କିଂଙ୍କ ନୁ ହେରଦ୍ ପାକେ ବେସ୍‌ତଡ଼, ନାରୁଡ଼କିଂଙ୍କ ଜିସୁନ୍ ଗାରରେ ରହତଡ଼ । ଇଡ଼, ଖାସ୍ ଜିସୁଙ୍କ ପାତ୍ରାମାଡ଼ତଡ଼, “ଗୁରୁ, ମାମ୍ ପୁଡ଼ତମ୍, ନିମ୍ ସଡ଼ ଶିକ୍ଷା ହିଡୁତିନ୍ । ନିମ୍ ନାରୁନ୍ ପଦ ମର୍ଯ୍ୟାଦାତିଙ୍କ କାତିର୍ ମାଡ଼ଝାଙ୍କ ନାରୁଡ଼ ବାତେଏ ଆଲ୍‌ସିତିଡ଼, ଚିନ୍ତେ ମାଡ଼କଟ୍ ନାରୁଡ଼, ମାଇଦିଙ୍କ ଇଶ୍ବରତେ ସଂକଳ୍ପ ନାରୁଗେ ବୁଜାମାଡ଼ ପାରଦତଣ୍ଡ ।

୧୭ ଆଲାଇଡ଼କେ କେଲ୍‌ମ୍, ଇ ବିଷୟତେ ନିୟାଦ୍ ମତ ବାତେଏ ? ରୋମ୍ ସମ୍ରାଟ୍‌ତିଙ୍କ କର ଇଦାନ୍ ମାଇଦିଙ୍କ ଦର୍ମଶାସ୍ତ୍ର ନିୟମ୍ ଲେକାମ୍‌ତେ ଟିକ୍ କି ଇଲ୍‌ଲେ ?”

୧୮ ବାତେଙ୍କ ଇଡ଼କେ ଜିସୁ ଅଡ଼ାଦ୍ କୁଟ୍ ଲେକାମ୍ ପୁଞ୍ଜ ମାଡ଼ତଣ୍ଡ । ପେକେ ଅଣ୍ଡ କେଡ଼ତଣ୍ଡ, “ଆୟେ ମୁର୍କଡ଼, ନାକିଂଙ୍କ ଉଡ଼ୟଦାଗ ଆରସ୍ତାଙ୍କ ବାତେଙ୍କ ଆଲ୍‌ସି ମାଡ଼ଡୁଡ଼ ?

୧୯ ବେନ ମୁଦ୍ରାତେ କର ହିଡୁତିଡ଼, ଆଗାଙ୍କ ଝେରଡ଼, ମୁଦ୍ରା ତାସ୍ ନାକିଂଙ୍କ ତମ୍ବୁର୍ । ଅଡ଼ ଝେରଡ଼, ମୁଦ୍ରା ତାସ୍ ଅଂକିଙ୍କ ହିଡ଼ତଡ଼ ।

୨୦ ଅଣ୍ଡ ଅଡ଼କିଂଙ୍କ ପାଟ୍‌ରାମାଡ଼ତଣ୍ଡ, ହି ମୁଦ୍ରେତେ ପରର ବେନନାଦ୍ ପେଦେର୍ ନୁ ଆଦରକମ୍ ଲେକ୍‌ତାଦ୍ ଆସ୍‌ମିୟେ ?”

୨୧ ଅଡ଼, ଉତ୍ତର୍ ହିଡ଼ତଡ଼, “ସମ୍ରାଟ୍‌ତାଦ୍ ।” ଜିସୁ ଅଡ଼କିଂଙ୍କ କେଡ଼ତଣ୍ଡ, “ଆଲାଇଡ଼କେ ବେଦ୍ ସମ୍ରାଟ୍‌ତାଦ୍, ଆଦ୍ ସମ୍ରାଟ୍‌ତିଙ୍କ ହିମ୍ବୁର୍ ନୁ ବେଦ୍ ଇଶ୍ବରତାଦ୍, ଆଦ୍ ଇଶ୍ବରତିଙ୍କ ହିମ୍ବୁର୍ ।”

୨୨ ହାଦ୍ କେଞ୍ଜି ଅଡ଼, ସୁୟମୁୟ ଆଗେ ଆଦତଡ଼ ।

ପୁନରୁଡ଼ତାନ ବିଷୟତେ ପ୍ରଶ୍ନ

(ମାର୍କ ୧୨:୧୮-୨୭; ଲୁକ ୨୦:୨୭-୪୦)

୨୩ ✠ଆଦିନ୍ ସାଦୁକିଡ଼, ମାୟେତେ ବେସକତୁଡ଼, ଜିସୁନ୍ ଗାରରେ ଝାଡ଼ତଡ଼ । ସାଦୁକିଡ଼, ବିଶ୍ବାସ୍ ମାଡ଼ମାଡ଼ତଡ଼, ଯେ, ମେଣ୍ଡେ ପୁନରୁଡ଼ତାନ ଇଲା ।

୨୪ ଅଡ଼, ଜିସୁଙ୍କ ପାତ୍ରାମାଡ଼ତଡ଼, “ଗୁରୁ, ମଗାଲ୍ ବ୍ୟବସ୍ଥା ମାଡ଼ିସ୍ ମିୟେଣ୍ଡ ଯେ, ଯଦି ଝେରଣ୍ଡ ନାରୁଡ଼, ପିଲାଜିଲା ଆୟ୍‌ୟକଟ୍

ତଲିଆଦତଣ୍ଡ, ଆଲାଇଡକେ ଅନ୍ ତାମୁଣ୍ଡ ଅନ୍ ରାଣ୍ଡି ମୁତେଙ୍କ୍ ପେଣ୍ଡୁଲୁ ଆଦତନ୍ ନୁ ଅଡ୍ ପିଲାକି ଆଦ ତଲିମାନ୍ଦାନ୍ ନାରୁନ୍ ପିଲାନ୍ ଲେକାମ୍ ଆଲେ ଆଦତେ ।

୨୫ ୱେରଡ୍ ଗର୍ କେଞ୍ଜାର୍ । ଇଗେ ମା ସାଡ଼ଟାନ୍ ଦାଦାଲଡ୍ ମାଡତଡ୍ । ବେଡ଼ୟ୍ ଦାଦାଲ୍ ପିଲାଜିଲା ଇଲକର୍ ତଲ୍ତାଙ୍କ୍ ଅନ୍ ଦ୍ଵିତିୟ୍ ତାମୁଣ୍ଡ ତାନ୍ ଦାଦାନ୍ ମୁତେଙ୍କ୍ ପେଣ୍ଡୁଲୁ ମାଡତଡ୍ ।

୨୬ ବାତେଙ୍କ୍ ଇଡକେ ଇ ଦ୍ଵିତିୟ୍, ତୃତୀୟ୍ ନୁ ସାରେ ଶେଷତେ ସାଡଜାନ୍ ଦାଦାନାଦ୍ ମିକା ଆଦେରକମ୍ ଗଟେମ୍ ଆଦତେ ।

୨୭ ଶେଷତେ ଆଦ୍ ମୁଡତେ ଆନ୍ତେ ତଲିଆଡତେ ।

୨୮ ବେନ୍ ଦିନ୍ ତଲିମାନ୍ଦାନ୍ ନାରୁଡାଦ୍ ମେଣ୍ଡୁନ୍ଦାମ୍ ଆଦତେ, ହି ମୁଡତେ ବେନନ୍ ମୁଡତେ ଇଞ୍ଜ ପୁନ୍ଦାଙ୍କ୍ ଆଦତେ ? ସାରେତଡ୍ ତ ତାଙ୍କ୍ ପେଣ୍ଡୁଲୁ ଆସ୍ ମାଡତଡ୍ ।”

୨୯ ଜିସୁ ଉତ୍ତର ହିଡତଣ୍ଡ, “ମିଡ୍ ବେସର୍ ନଷ୍ଟ ! ଶାସ୍ତ୍ର ବା ଇଶ୍ଵରତେ ଶକ୍ତି ବିଷୟତେ ମିକିଙ୍କ୍ ଟିକ୍ ଏକା ହିଲ୍ଡାଙ୍କ୍ ହି ଗର୍ ପାଡ଼ରାମାଡ଼ୁଡ୍ ।

୩୦ ପୁନରୁଡତାନ୍ ପେର୍କେ ତଲ୍ତେ ନାରୁଡ୍ ଦୂତତେ ଲେକାମ୍ ଆଦତଡ୍ । ଅଡ୍ ପେଣ୍ଡୁଲୁ ମାଡତଡ୍ ।

୩୧ ତଲ୍ତେ ନାରୁଡ୍ ମେଣ୍ଡୁନ୍ଦାମ୍ ଆଦଦାନ୍ ବିଷୟତେ ଇଶ୍ଵର ବାତେଏ କେସ୍ମିନ୍ଦେଣ୍ଡ, ମିଡ୍ ବାତେଏ ଶାସ୍ତ୍ରତାଗ୍ ବେସୁଙ୍କ୍ କାର୍ଡିଡ୍ ?

୩୨ ଇଶ୍ଵର କେଡତଣ୍ଡ, ମାମ୍ମେ ଅବ୍ରାହାମ୍, ଇସହାକ୍ ନୁ ଯାକୁବ୍ତେ ଇଶ୍ଵର । ଇଶ୍ଵର ତ ଜିସୁନ୍ ମାନ୍ଦାନଡ୍ ଇଶ୍ଵର ତଲି ମାନ୍ଦାନ୍ନଡ୍ତେ ଇଶ୍ଵର ଆୟ୍ଯକଟ୍ ମାନ୍ତଣ୍ଡ ।”

୩୩ ନାରୁଡ୍ ଜିସୁନ୍ ଶିକ୍ଷା କେଞ୍ଜି ବକୁଞ୍ଜା ଆଡତଡ୍ ।

ବେଡ଼ୟାଦ୍ ଗର୍

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ବେସୁଙ୍କ୍ ପାରୁଶୀଡ୍ କେଞ୍ଜତଡ୍ ଯେ, ଜିସୁ ସାଦୁକିଡ୍ ଉତ୍ତର ହିଞ୍ଜଲେକାମ୍ ମାଡିସ୍ ମିନ୍ଦେଣ୍ଡ, ଅଡ୍ ଅଣ୍ଡୟ୍ ଆଶ୍ ଜିସୁନ୍ ଗାର୍ରେ ଝାଡତଡ୍ ।

୩୫ ଅଡ୍ ଲୋପେଙ୍କ୍ ୱେରଣ୍ଡ ଜିସୁଙ୍କ୍ ଉଡ଼ୟଦାଗ୍ ରାପାନ୍ ମାଇଦିଙ୍କ୍ ୱେରଡ୍ ପ୍ରଣ୍ଡ ପାଡ଼ରାମାଡ଼ୁଡ୍,

୩୭ “ଗୁରୁ, ମାନ୍ ଦର୍ମଶାସ୍ତ୍ରରେ ବ୍ୟବସ୍ଥାତାର ବେନ ଗର୍ ସାରେତିଙ୍କ ବେଡ଼ିୟାଦି ?”

୩୮ ଜିସୁ କେଡ଼ତଣ୍ଡ, “ମିଇ ପ୍ରବୁ ଇଶ୍ବରତିଙ୍କ ସାରେ ହୁଦୟ୍, ସାରେ ଆମ୍ବା ନୁ ସାରେ ମନ୍ ଇସ୍ ପ୍ରେମ ମାଡ଼ାର୍ ।

୩୯ ହିଦ୍ ଆଦୁଡ଼ ସାରରେ ବେଡ଼ିୟାଦ୍ ନୁ ଲେକେଡ଼ ଗର୍ ।

୪୦ ଦ୍ବିତିୟ ଲେକେଡ଼ ଗର୍ ଆଦୁଡ଼, ମିଇ ଗାରରେତଡ଼କିଙ୍କ ଆମ୍ବାଡ଼ିପ୍ରେମ ମାଡ଼ାର୍ ।

୪୦ ☆ହି ରେଣ୍ଡ ଗର୍ ମୋଶାନ୍ ସାରେ ବ୍ୟବସ୍ଥାରେ ନୁ ବାବବାଦୀଡ଼ ଶିକ୍ଷାରେ ଗର୍ ।”

ମସିହଙ୍କ ସଂକ୍ରାନ୍ତିୟରେ ପ୍ରଶ୍ନ

(ମାର୍ଚ୍ଚ ୧୨:୩୫-୩୭; ଲୁକ ୨୦:୪୧-୪୪)

୪୧ ବେସକ୍ ତଡ଼ ପାରୁଶୀଡ଼ ଜିସୁନ୍ ଗାରରେ ମାନ୍ଦାନ୍ଝେୟ୍ ଜିସୁ ଅଡ଼କିଙ୍କ ପାରାମାଡ଼ତଣ୍ଡ,

୪୨ “ମସିହନ୍ ବିଷୟରେ ମିଡ଼ ବାଡ଼ ଆଲ୍‌ସୁତିଡ଼ ? ଅଣ୍ଡ ବେନନ୍ ବଂଶତଣ୍ଡ ?” ଅଡ଼ ଉଉର୍ ଇଡ଼ତଡ଼, “ଅଣ୍ଡ ଦାଉଦ୍‌ରେ ବଂଶତଣ୍ଡ ।”

୪୩ ଜିସୁ ପାରାମାଡ଼ତଣ୍ଡ, “ଆଲାଈଡ଼କେ ଦାଉଦ୍ ମସିହଙ୍କ ‘ନା ପ୍ରବୁ’ ଇଞ୍ଜ ବାତେଙ୍କ କେସ୍‌ମିନ୍‌ରେଣ୍ଡ ? ପରମାଆମ୍ବାରେ ପ୍ରେରନାରେ ଅଣ୍ଡ ଲେକିମିନ୍‌ରେଣ୍ଡ,”

୪୪ “ଇଶ୍ବର ନା ପ୍ରବୁଙ୍କ କେଡ଼ତଣ୍ଡ,

ମାମ୍ ନି ଶତ୍ରୁଡ଼କ୍ ନି ତେକେଡ଼ ମଦଲ୍ ମାଡ଼ନା ଯାକ

ନିମ୍ ମା ତିନ୍‌ରେ ପାକେ କୁଦା ।”

୪୫ “ଯଦି ଦାଉଦ୍ ମସିହଙ୍କ ପ୍ରବୁ ଇଞ୍ଜ ସମ୍ବଦନ ମାଡ଼ିମିନ୍‌ରେଣ୍ଡ, ଆଲାଈଡ଼କେ ମସିହ ବେଦ୍‌ପୁରୁଙ୍କ ତାମ୍ ବଂଶତଣ୍ଡ ଆଦ୍ ପାର୍‌ଦତଣ୍ଡ ?”

୪୬ ଜିସୁଙ୍କ ବେନ ହିଦିନ୍ ଉଉର୍ ହିଦ୍‌ପାର୍‌ଝଡ଼ । ଆଦ୍ ଦିନକଞ୍ଚ ଅଂକିଙ୍କ ମେଣ୍ଡେ ବାତେମେଣ୍ଡେ ପ୍ରଶ୍ନ ପାତ୍ରାମାଡ଼ାଙ୍କ ବେନ ବା ସାହାସ୍ ମାଡ଼ଡ଼ ।

୨୩

ଦର୍ମଗୁରୁ ନୁ ପାରୁଣୀତ୍ ବିରୁଦ୍ଧେ ଜିସୁନ୍ ସତର୍କ ବାଣି

(ମାର୍କ ୧୨:୩୮-୩୯; ଲୁକ ୧୧:୪୩-୪୬; ୨୦:୪୫-୪୬)

୧ ଜିସୁ ଶିଷ୍ୟତ୍ବିକିନ୍ ନୁ ଗୁଡ଼ିମାନ୍ଦାନ୍ ନାରୁଡ଼ିକିନ୍ କେଡ଼ତଣ୍ଡ,

୨ “ଦର୍ମଗୁରୁ ନୁ ପାରୁଣୀତ୍ ମୋଶାନ୍ ବ୍ୟବସ୍ଥାତାଗ୍ କ୍ୟମତା ପାହେମଆଡ଼ତେ ବାକ୍ୟାକାରିଡ଼,”

୩ ଆଦିଙ୍କି ଅଡ଼ ବାତେଏ ମାଡ଼ାଙ୍କି କେଡୁତଡ଼, ଆଦ୍ ମାଡ଼ାଟ୍ ।
ବାତେଙ୍କି ଇଡ଼କେ ଅଡ଼ ପାଡ଼ିୟିଦିଙ୍କି ଏକା ମାଡ଼ମାଟ୍ । ବାଡ଼ତେଙ୍କି
ଇଡ଼କେ ଅଡ଼ ନିଜେ ହିସମାନ୍ଦାନ୍ ଶିକ୍ଷା ଲେକାମ୍ତେ ପାଡ଼ିୟି ମାଡ଼ଡ଼ ।

୪ ଅଡ଼ ନାରୁଡ଼ ମେନ୍ଦୁଲ୍ଲତେ ପରର ଦୁର୍ବହ ବଜ୍ କାଞ୍ଜାନ୍ ମାଲଦିଙ୍କି
ନିଜେଡ଼ ଝାଡ଼ଞ୍ଜକିନଡ଼ତ୍ ସ୍ବଦୁର୍ ଆନତେ ସାହାଯ୍ୟ ମାଡ଼ଡ଼ ।

୫ ☆ଅଡ଼ ନାରୁଡ଼କ୍ ତଅତାନ୍ ମାଲଦିଙ୍କି ନିଜେଡ଼ ନିଜେତାଦ୍ ସାରେ
ପାଡ଼ିୟି ମାଡ଼ିତଡ଼, ବାଡ଼ତେଙ୍କି ଇଡ଼କେ ଅଡ଼ ନିଜେଡ଼ ନିଜେଡ଼ କବତ
ଆସର୍ ମାଡ଼ିତଡ଼ ନୁ ଚକେତାଦ୍ ଜୁମୁକା ବେଡ଼ୟ୍ ମାଡ଼ିତଡ଼ ।

୬ ମେଣ୍ଡେ ବଜିତାଗେ ବେଡ଼ୟ୍ ପଡ଼ିୟି ନୁ ପ୍ରାର୍ଥନା ଲଡ଼ତାଗେ
ବେଡ଼ୟାଦ୍ ମିଡ଼ିଙ୍କିତାଗେ,

୭ ମେଣ୍ଡେ ହାଟିନାଗେ ନମସ୍କାର ପାହେମଆଦାଙ୍କି ନୁ ନାରୁଡ଼ତଡ଼,
ଗୁରୁ ଇଞ୍ଜ ସମ୍ବେଦିତ ଆଡ଼ତାଙ୍କି ଅଡ଼ ଇଚ୍ଛା ଆଦତଡ଼ ଆଦୁତଡ଼ ।

୮ ବାତେଙ୍କି ଇଡ଼କେ ମିଡ଼ ଗୁରୁ ଇଞ୍ଜ ସମ୍ବେଦିତ ଆୟମାଟ୍, ବାଡ଼ତେଙ୍କି
ଇଡ଼କେ ମିଇ “ଗୁରୁ,” ଝେରଣ୍ଡେ ମେଣ୍ଡେ ମିଡ଼ ସାରେ ତାମୁଣ୍ଡ ।

୯ ମେଣ୍ଡେ, ପୁଡ଼ିବିତାଗେ ବେନଙ୍କି ମେଣ୍ଡେ ବାବା ଇଞ୍ଜ ସମ୍ବେଦନ
ମାଡ଼ମାଟ୍, ବାତେଙ୍କି ଇଡ଼କେ ମିଇ ବାବାଲ୍ ଝେରଣ୍ଡେ, ସ୍ବର୍ଗତାଗ୍
ମିନ୍ଦେଣ୍ଡ ।

୧୦ ମେଣ୍ଡେ, ମିଡ଼ ନେତା ଇଞ୍ଜ ସମ୍ବେଦିତ ଆୟମାଟ୍, ବାତେଙ୍କି
ଇଡ଼କେ ମିଇ ନେତାଲ୍ ଝେରଣ୍ଡେ, ଅଣ୍ଡ ମସାହ ।

୧୧ ☆ମିଇ ଲୋପେ ଯେ ସାରେତଡ଼କ୍ ବାଡ଼ୟ୍, ଅଣ୍ଡ ମିଇ ସେବା
ମାଡ଼ିଣ୍ଡ ।

☆ ୨୩:୫ ମାଡ଼ିଉ ୬:୧. ☆ ୨୩:୧୧ ମାଡ଼ିଉ ୨୦:୨୬,୨୭; ମାର୍କ ୯:୩୫; ୧୦:୪୩,୪୪; ଲୁକ ୨୨:୨୬.

୧୨ ☆ମେଣ୍ଟେ, ବେନ ନିଜ୍ଜିଙ୍କ ଉନ୍ନତ ଇଞ୍ଜ ତହ୍ତିତଣ୍ଟ, ଅଂକିଙ୍କ ଆଞ୍ଜେକେ ମାଡ଼ଞ୍ଜେୟ୍ତିଡ଼, ମେଣ୍ଟେ ବେନ ନିଜ୍ଜିଙ୍କ ମାଡ଼ିତନ୍, ଅଂକିଙ୍କ ଉନ୍ନତ ମାଡ଼ଞ୍ଜେୟ୍ତିଡ଼ ।

ଚଲ ଦାମ୍ ନଡ଼୍ ଜିସୁ ବରସା ମାଡ଼ତଣ୍ଟ

(ମାର୍କ ୧୨:୪୦; ଲୁକ ୧୧:୩୯-୪୨, ୪୪, ୫୨; ୨୦:୪୭)

୧୩ ଆୟେ ଦର୍ମଗୁରୁ ନୁ ପାରୁଣୀଡ଼, ମିୟାଦ୍ ଦଶା ବେସର୍ ବୟଙ୍କାର୍, ଆର୍ ଚଲ ଦାମ୍ କ୍ମାୟେ, ସର୍ଗରାଜ୍ୟତେ ଆସାନ୍ ଆର୍ଦିଙ୍କ ବୟ ମାଡ଼ି ନେହେସ୍ ମିୟେଡ଼ି । ନିଜେ ଆଦିନାଗେ ନେଙ୍ଗ୍ଝିଡ଼, ନୁ ବେନଡ଼, ନେଙ୍ଗାଙ୍କ ଆଲ୍‌ସି ମାଡ଼ତୁଡ଼, ଅଡ଼ିକ୍‌ଙ୍କ ଆର୍ ଝିଡ଼ସିଝିଡ଼ ।

୧୪ ହାୟ, ଦଣ୍ଡତେ ନାରୁଡ଼, ମୁର୍କ୍ ଦର୍ମଗୁରୁ ନୁ ପାରୁଣୀଡ଼, ଦଣ୍ଡ ସଶନିୟ୍*, ବାଡ଼ତେଙ୍କ ଇଡ଼କେ ମିଡ଼, ଚଲତେ ନାଗେଜେଲ୍ ପ୍ରାର୍ତନା ମାଡ଼ାନ୍ ସାଙ୍ଗେ ସାଙ୍ଗେ ରାଣ୍ଡିକିନ୍ ଲକ୍‌ସାରେ ନଷ୍ଟ ମାଡ଼ତୁଡ଼; ଆଦିଙ୍କ ମିଡ଼ ଗୁରୁଦତେ ଦଣ୍ଡ ଦରକିଡ଼ ।

୧୫ ଆୟୟ, ଦଣ୍ଡତେ ନାରୁଡ଼, ମୁର୍କ୍ ଦର୍ମଗୁରୁ ନୁ ପାରୁଣୀଡ଼, ବାଡ଼ତେଙ୍କ ଇଡ଼କେ ମିଡ଼, ଅରଡୁଙ୍କ ମିଲ୍ ଦର୍ମଲେଟ୍ ମାଡ଼ାନ୍ ମାଲ୍‌ଦିଙ୍କ ଏରଦେ ଗାରରେ ଉଡ଼ ମାନ୍ତିଡ଼, ମେଣ୍ଟେ ବେସୁଙ୍କ ଅଣ୍ଡ ଆଦତନ୍, ଆସୁଟେ ଅଂକିଙ୍କ ମିଲ୍ ଝିଡ଼ସି ରେଣ୍ଡ ଗୁଣ୍ ନରକ ପଡ଼ିୟେ ମାଡ଼ତୁଡ଼ ।

୧୬ “ଆର୍ କାନାଙ୍କ ଆର୍ ତଅତାନଡ଼ି, ମିୟାଦ୍ ଦଶା ବେସର୍ ବୟଙ୍କାର୍ ଆଦତେ । ମିଡ଼, କେସମାନୁଟ୍ ଶିକ୍ଷା ହିସମାନ୍ତଡ଼ିଡ଼, ବେନ ମନ୍ଦିର୍ତାଗ୍ ମାୟାନାଦ୍ ସୁବର୍ଣ୍ଣ ପେଦେରତେ ବେନ ପ୍ରତିଜ୍ଞା ମାଡ଼ିତନ୍, ଅଂକିଙ୍କ ଆଦ୍ ପାଲନ୍ ମାଡ଼ଞ୍ଜେୟ୍ତିଡ଼ ।”

୧୭ ଆର୍ କାନାଲ୍ ମଣ୍ଡିଡ଼ି, ଆଗେ ବେଡ଼ୟାଦ୍ ନା ଆଗେତିଙ୍କ ପବିତ୍ର ମାଡ଼ମାୟାନ୍ ମନ୍ଦିର୍ ବେଡ଼ୟାଦ୍ ?

୧୮ ମିଡ଼, ଶିକ୍ଷା ଇସମାନ୍ତଡ଼ିଡ଼, ଯେ, ମିଡ଼ଆନ୍ତେ ଝେରନ୍ ନାରୁଡ଼, ବେଦି ପେଦେରତେ ଶପଡ଼ ମାଡ଼କେ, ଅଣ୍ଡ ଆଦ୍ ପାଲନ୍ ମାଡ଼ାଙ୍କ ବାଦ୍ୟ ଆୟୟଣ୍ଡ । ବାଡ଼ତେଙ୍କ ଇଡ଼କେ ବେଦିତେ ପରର

☆ ୨୩:୧୨ ଲୁକ ୧୪:୧୧; ୧୮:୧୪.
ଇଲେ

* ୨୩:୧୪ ହିଦ୍ ପଦ ବେସ୍‌କ୍ ପାଠନେ ପାଣ୍ଡୁଲିପିତାଗ୍

ନେହସମାନ୍ୟାନ ନୈବେଦ୍ୟ ପେଦେରତେ ପ୍ରତିଜ୍ଞା ମାଡ଼କେ, ଆଦ୍
ଆଲଙ୍ଗନୀୟ ।

୧୯ ବେସର କାନାନି ନିମ୍ । ବେଗେ ବେଡ଼ୟାଦ୍ ନୈବେଦ୍ୟ ନା
ନୈବେଦ୍ୟତିଙ୍କ ପବିତ୍ର ମାଡ଼ାନାଦ୍ ବେଦି ?

୨୦ ଇଡ଼କେ ବେନ ବେଦି ପେଦେରତେ ଶପଡ଼ ମାଡ଼କେ, ଅଣ୍
ବେଦି ନୁ ଆଦିନ୍ ପରର ମାନ୍ୟାନ ସୁଦୁର୍ ନୈବେଦ୍ୟ ସାମଗ୍ରି
ପେଦେରତେ ଶପଡ଼ ମାଡ଼େଣ୍ ।

୨୧ ବେନ ମନ୍ଦିର୍ ପେଦେରତେ ଶପଡ଼ମାଡ଼କେ ଅଣ୍ ମନ୍ଦିରତାଗ୍
ମାନତାନ୍ ଇଶ୍ବରତେ ପେଦେରତେ ଶପଡ଼ ମାଡ଼ିତନ୍ ।

୨୨ ☆ବେନ ସ୍ବର୍ଗ ପେଦେରତେ ଶପଡ଼ ମାଡ଼ିତନ୍, ଅଣ୍ ଇଶ୍ବର
ସିଂହାସନ ନୁ କୁଦିମାନ୍ତାନ୍ ଇଶ୍ବରତେ ପେଦେରତେ ଶପଡ଼ ମାଡ଼ିତନ୍
।

୨୩ ଆର୍, ମୁର୍କ୍ ଦର୍ମଗୁରୁ ନୁ ଫାରୁଶୀଡ଼, ମିୟାଦ୍ ପରିଣତି ବେସର
ଶବନିୟ, ମିଡ଼ ଇଶ୍ବରତେ ଗର୍ବତେ ପଦିନା, ପାନ ମହୁରୀ ନୁ ଜିରାର
ଆନ୍ତେ ଦଶମାଂଶ ଦାନ ହିସମିନ୍ଦେଡ଼ି, ବାତେଙ୍କ ଇଡ଼କେ ନ୍ୟାୟ
ଦୟା ସାଦୁତା ସାରେ ବ୍ୟବସ୍ଥାତାଉ ଲେକେଡ଼ ବିଷୟଆନ୍ତେ ଓଡ଼ସି
ମିନ୍ଦେଡ଼ି । ବ୍ୟବସ୍ଥାତା ହି ବିଷୟତାଉ ମୁନେଙ୍କ ପୁଞ୍ଜମାନ୍ୟାନାଦ୍
ଲେକାମ୍ ।

୨୪ ଆର୍ କାନାଙ୍କ ଆର୍ ତଅତାନଡ଼ି, ମିଡ଼ ବାତେଏ ତିୟାନ୍ ଖେଲେ
ଆଗେ ପୁଡ଼ିୟି ରାଲିମାନ୍ତେ ହିଞ୍ଜ ଆଦିଙ୍କ ଗାନାମାଡ଼ିଡ଼ିଡ଼, ଇଡ଼କେ
ମିଡ଼ ଖେରର ଉଡ଼ତିଙ୍କ ଲୋପିଡ଼ିଡ଼ ।

୨୫ ହାୟ, ଦଣ୍ଡତେ ନାରୁଡ଼ ମୁର୍କ୍ ଶାସ୍ତ୍ରୀ ନୁ ପାରୁଶୀଡ଼, ମିଡ଼ ଗିନା ନୁ
ତାଲିତେ ବାୟିଦେ ନରଦଡ଼ିଡ଼, ମାତର୍ ଲୋପେ ଆଦ୍ ସାରେ ବୁସା
ପାଡ଼ିୟି ନୁ ଇନ୍ଦ୍ରିୟ କାମ୍ଦେ ବର୍ତ୍ ଆସମିନ୍ଦେ ।

୨୬ ହୋ କାନାଲ୍ ଫାରୁଶି, ମୁନେଙ୍କ ଗିନେଡ଼ ଲପ୍ ନରମୁର୍,
ବେଦପୁଟୁଙ୍କ ଆଦିନାଗେ ବାୟିଦେ ଆନ୍ତେ ନରସ୍ ଆଦ୍ତେ ।

୨୭ ☆ଆୟ, ଦଣ୍ଡତେ ନାରୁଡ଼ କପଟି ଶାସ୍ତ୍ରୀ ନୁ ପାରୁଶୀଡ଼, ବାଡ଼ତେଙ୍କ
ଇଡ଼କେ ମିଡ଼ ତୁନ୍ ଆକ୍ତେ ସମାଦିଡ଼ ଲେକାମ୍ ଆଦ୍ ବାଇଦେ ସୁନ୍ଦର୍
ଇଡ଼କେ ଲୋପେ ଡଲ୍ତେ ମେନ୍ଦୁଲ୍ ନୁ ଡଲ୍ତେ ବୁଲା ।

୨୮ ରକମ୍ ମିଡ଼ିଆନନ୍ତେ ବାୟୁଦେବ ନାରୁଡ଼୍ କଣ୍ଢେତେ ଦାମ୍ କି
ତନ୍ଦିତିଡ଼୍, ବାତେଙ୍କ ଇଡ଼କେ ମିଇ ଲୋପେ ଅପରାଦ୍ ନୁ ପାପ୍ତେ
ବର୍ତ୍ତ ଆଗେ ମାନଡେ ।

ଜିସୁ ଅଡ଼ାଦ୍ ଦଣ୍ଡ ତିପାଲ୍ ଗର୍ ହିଡ଼ତଣ୍ଡ (ଲୁକ ୧୧:୪୭-୫୧)

୨୯ ହାୟ, ଦଣ୍ଡେତେ ନାରୁଡ଼୍ ମୁର୍କ୍ ଶାସ୍ତ୍ରୀ ନୁ ପାରୁଣୀଡ଼୍, ବାତେଙ୍କ
ଇଡ଼କେ ମିଡ଼୍, ବାବବାଦୀଲଡ଼ାଦ୍ ସମାଦି ତିଆର୍ ମାଡ଼ି ନୁ
ଦାମ୍ କିଡ଼ାଦ୍ ସମାଦିସ୍ତମ୍ ସୁଶବିତ ମାଡ଼ି ମାନଡିଡ଼୍,

୩୦ ମାମ୍ ବେସୁଙ୍କ ମା ଆନିଦାଦିଡ଼୍ ସମୟେତେ ମାନେମ୍ ଆଡ଼କେ,
ଆଲେକ୍ ବାବବାଦୀଡ଼୍ ନେତୁରତେ ଅଡ଼୍ ତୋଡ଼୍ ଅୟମ୍ ଆୟେମ୍ ।

୩୧ ଆଦିଙ୍କ ମିଡ଼୍ ଯେ ଆଞ୍ଜକାନ୍ ବାବବାଦୀ ବଂଶତଡ଼ି, ଆଦ୍
ସମ୍ବଦେତେ ମିଡ଼୍ ହି ନିଜେଡ଼୍ ନିଜେଡ଼୍ ବିଷୟେତେ ସାକ୍ଷ୍ୟ ଇସମିନ୍ଦେଡ଼ି ।

୩୨ ଆଲାଇଡ଼କେ ମୁନେ ଦାବ୍, ମିଇ ମୁନେଡ଼୍ ଆନିଦାଦିଡ଼ାଦ୍ ସାରେ
ଆୟ୍‌କ୍ଷେ ପାଡ଼ିୟିଡ଼ିଙ୍କ ସାରେ ମାଡ଼ିମୁର୍ ।

୩୩ ☆ଆର୍ ତାଡ଼ାକିନଡ଼ି, କାଲସର୍ପର ବଂଶତଡ଼ି ! ନରକ ଦଣ୍ଡକଞ୍ଜ
ରକ୍ଷା ପାହେମ୍ ଆଦଡିଡ଼୍ ?

୩୪ ଆଦିଙ୍କ ଉଡେ, ନାନନେ ମିଇ ଗାରରେ ବାବବାଦୀ, ଜାନି ନୁ
ଶାସ୍ତ୍ରିକ୍ ରୟସ୍ ମିନ୍ଦେନ୍; ଅଡ଼୍ ଲୋପେଙ୍କ ବେନ ବେନଙ୍କ ମିଡ଼୍
ଆଞ୍ଜକିଡ଼ିଡ଼୍ ନୁ କୁଶତାଗେ ଆଞ୍ଜକିଡ଼ିଡ଼୍, ମେଣ୍ଡେ ବେନ ବେନଙ୍କ ମିଇ
ଉପାସନା ଲଡ଼ତାଗେ କରଡ଼ା ରେହ୍‌ତିଡ଼ିଡ଼୍ ନୁ ନାରଦେ ନାର୍ ତାଡ଼ନା
ମାଡ଼ିଡ଼ିଡ଼୍ ।

୩୫ ସାରେଲେକେଡ଼୍ ହେବଲ୍‌ତାଗାଙ୍କ ଆରାମ୍ ମାଡ଼ି ମନ୍ଦିର୍ ନୁ ବେଦି
ମଦ୍ୟସ୍ଥଳତାଗେ କାୟି ମାନ୍ଦାନ୍ ଜିକରିୟ ବରକିଅନ୍‌ତେ ମାର୍ ଦେ
କଞ୍ଜ ପୂତିବିତେ ସାରେତଡ଼୍ ଦାମ୍ କି ନାରୁଡ଼ାଦ୍ ଆଞ୍ଜକାନ୍ ମାଲଦିଙ୍କ
ମିଡ଼୍ ଦଣ୍ଡିଡ଼୍ ଆଦଡିଡ଼୍ ।

୩୬ ନାନନେ ମିକିଙ୍କ ନିଜାମ୍ କେଡୁଡାନ, ହି ସାରେ ନାରିଡ଼୍
ଆଞ୍ଜକାନ୍ ମାଲଦିଙ୍କ ହି ଯୁଗ୍‌ତେ ନାରୁଡ଼୍ ଦଣ୍ଡିଡ଼୍ ତିପାଲ୍ ଆଦଡିନ୍ ।

ଯିରୁଶାଲେମ୍‌ରେ ସେଙ୍ଗେ ଜିସୁନ୍ ପ୍ରେମ (ଲୁକ ୧୩:୩୪-୩୫)

୩୭ “ହୋ ଯିରୁଶାଲେମ୍, ହୋ ଯିରୁଶାଲେମ୍ । ମିତ୍ ବାବବାଦୀତ୍‌କୁ ଆସୁକୁତିତ୍ ନୁ ଇଶ୍ବର ରୟ୍‌ସ୍‌ମାନ୍‌ନ୍ ଗଟିକେ ଅଡ୍‌କିଂଙ୍କ କାଲ୍‌କ୍ ହେସି ରେହ୍‌ତୁତିତ୍ । କର୍ ତାନ୍ ରେକାନ୍ ମଦଲ୍ ପିଲାଙ୍କ ପୟ୍‌ସ୍ ନେହେତାନ୍ ଲେକାମ୍, ମିଇ ନାରୁଡ୍‌କିଂଙ୍କ ନା ବାହୁଡ୍ ମଦଲ୍ ରକ୍ଷା ମାଡାନ୍ ମାଇଦିଙ୍କ ନାନ୍ ବେସଦାମ୍ ଆଲ୍‌ସି ମାଡ୍‌ତାନ୍ । ବାତେଙ୍କ ଇଡ୍‌କେ ମିଡ୍ ନାକିଂଙ୍କ ଆଦ୍ ମାଡାନ୍‌ଙ୍କ ଇଡ୍‌ଡି ।”

୩୮ ଉଡେ, ମିଇ ମନ୍ଦିର୍ ମିୟିକାଇଦେ ଡିଡ୍‌ସିଦୁତମ୍ ।

୩୯ ବାତେଙ୍କ ଇଡ୍‌କେ ନାନ୍ ମିକିଂଙ୍କ କେତୁତାନ୍, ପ୍ରବୁନ୍ ପେଦେର୍‌ରେ ବେନ ଖାଦୁଡ୍‌ଣ୍ଡ, ଅଣ୍ଡ ଦନ୍‌ୟ, ମିଡ୍ ହି ଗର୍ କେଲକଟ ମାନ୍‌ନା ଯାକ ନାକିଂଙ୍କ ମେଣ୍ଡେ ଉଡେ ପାର୍‌ଡିଡ୍ ।

୨୪

ମନ୍ଦିର୍ ଦଂସ ବିଷୟରେ ଗର୍

(ମାର୍କ ୧୩:୧-୨; ଲୁକ ୨୧:୫-୬)

୧ ଜିସୁ ମନ୍ଦିର୍‌ତାଗାଙ୍କ ପେୟ୍‌ସ୍ ଆଦ୍‌ଦାନ୍ ଝେୟ୍ ଶିଷ୍ୟତ୍ ମନ୍ଦିର୍ ବେଡେତାଗେ ମାନ୍‌ନ୍ ବେଡ୍‌ୟା ସୌଦତ୍ ପାକେ ଜିସୁନ୍ ଦୃଷ୍ଟି ତିଆର୍ ମାଡ୍‌ଡେ ।

୨ ବାତେଙ୍କ ଇଡ୍‌କେ ଜିସୁ ସଡ୍ କେଡ୍‌ତଣ୍ଡ, “ଇଞ୍ଜେ ସିନା ଇସାର୍‌ରେ ଉଡ୍‌ଡିଡ୍ । ନାନ୍ ମିକିଂଙ୍କ କେତୁତାନ୍, ହି ମନ୍ଦିର୍‌ତାଗ୍ ଝେରଡ୍ ଆନ୍‌ଡେ କାଲ୍ ଅନ୍ ପଡ୍‌ୟେତାଗ୍ ମାନ୍‌ନ୍ । ସାରେ ବୁମିସାଡ୍ ଆଦ୍‌ଡେ ।”

ଦୁଃକାମ୍ ନୁ ତାଡ୍‌ନା

(ମାର୍କ ୧୩:୩-୧୩; ଲୁକ ୨୧:୭-୧୯)

୩ ଜିସୁ ଜିତ ମେଟେଡ୍ ପର୍‌ର କୁଦି ମାନ୍‌ନ୍‌ଝେଲେ ଶିଷ୍ୟତ୍ ଅଣ୍ଡୟଦାମ୍ ଝାସ୍ ପାତ୍ରା ମାଡ୍‌ଡଡ୍, “ଇସାର୍‌ରେ ବେସୁର୍ ଗଟେମ୍ ଆଦ୍‌ଡେ, ମାକିଂଙ୍କ କେଲମ୍ । ବାତେଏ ଗଟେମ୍ ଆଡ୍‌କେ ମାମ୍‌ମେ ପୁନ୍‌ମ୍‌ମେ ନିୟାଦ୍ ଝାଦାନ୍ ଦିନାମ୍ ଆଦୁଡ୍ ନୁ ଇ ଯୁଗାନ୍ତ ଆଦ୍‌ଡେ ।”

୪ ଜିସୁ କେଡ୍‌ତଣ୍ଡ, “ସଡର୍କ୍ ମାନ୍‌ବ୍ ।” ବେନ ବେଦ୍‌ପୁରୁଙ୍କ ମିକିଂଙ୍କ ବୁଲ୍‌କା ମାଡ୍‌ମାକିଡ୍ ।

୫ ନା ପେଦେର ଆସ୍ ନାରଗେ ଝାସ୍ କେତିତଡ଼, “ନାନନେ ବାନେ ମସାହ ।” ଇଲା କେସ୍ ଅଡ଼୍ ସାରତଡ଼କିଙ୍କ୍ ବୁଲ୍‌କା ମାଡ଼ିତଡ଼ ।

୬ ମିଡ଼୍ ଗାରରେ ଯୁଦ୍‌ତେ ଆସମାନ୍‌ ମରରେ କେଞ୍ଜିତିଡ଼ ନୁ ଜୁୟ୍ ତାଲେମ୍ ଆସମାନ୍‌ ଯୁଦ୍‌ତେ କବର୍ କେଞ୍ଜିତିଡ଼ । ବାତେଙ୍କ୍ ଇଡ଼କେ ଦାନ୍‌ ଆୟମାଟ୍ । ହିଦ୍‌ପୁଟୁଙ୍କ୍ ସାରେ ନିଜାମ୍ ଗଟେମ୍ ଆଦ୍‌ତେ । ବାତେଙ୍କ୍ ଇଡ଼କେ, ହିଦିନ୍ ଇଡ଼କେ ଆୟଜେ ଯୁଗାନ୍ତ ଦିନାମ୍ ହେଝ୍‌ତେ ।

୭ ଦେଶ୍ ଦେଶ୍ ଲୋପେ ଯୁଦ୍‌ ଆଦ୍‌ତେ, ଝେରଡ଼୍ ରାଜ୍ୟ ମେଣ୍ଟନ୍ ରାଜ୍ୟତ୍‌ପରୁ ଚିଟିରମନ୍ ମାଡ଼ିତେ । ପଡ଼ିୟେ ପଡ଼ିୟାନାଗ୍ ଦୁର୍‌ବିକ୍ଷା ନୁ ବୁନିକମ୍ ଆଦ୍‌ତେ ।

୮ ବାତେଙ୍କ୍ ଇଡ଼କେ ନାଟାଡ଼୍ ଇଚ୍ଛାତେ ପ୍ରସବ୍ ବେଦନାତେ ଆରାମ୍ ଲେକାମ୍ ।

୯ ☆ “ମିଡ଼୍ ଦରାପଡେମ୍ ଆଗେ ଉଡ଼ପିଡିତ ନୁ ତଲିତିଡ଼୍ ନୁ ମେଣ୍ଟେ ନାୟାଗେ ବିଶ୍ୱାସ୍ ମାଡ଼ାନ୍ ସେଙ୍ଗେ ମିଡ଼୍ ସାରେ ଜାତିତଡ଼୍ ତ ଗୁନାତେ ପାତ୍ରଡ଼ି ଆଦ୍‌ତିଡ଼୍ ।

୧୦ ଆସୁଟେ ବେସ୍‌କ୍‌ତୁଡ଼୍ ଅଡ଼୍ ବିଶ୍ୱାସ୍‌ତିଙ୍କ୍ ଆରାମାଡ଼ିତଡ଼୍, ନିଜେ ନିଜେତିଙ୍କ୍ ପାସ୍‌କି ମାଡ଼ି ନିଜେଡ଼୍ ବିଶ୍ୱାସ୍‌ତିଙ୍କ୍ ଝିଡ଼୍‌ସିଦ୍‌ତଡ଼୍ ।

୧୧ ଆସୁଟେ ବେସ୍‌କ୍ ତଡ଼୍ ବଣ୍ଟବାବବାଦିଡ଼୍ ନାରୁଡ଼୍‌କିଙ୍କ୍ ବୁଲ୍‌କା ମାଡ଼ିତଡ଼୍ ।

୧୨ ହିଦ୍‌ପୁଟୁଙ୍କ୍ ଅପରାଦ୍ ନାର୍ଗେ ଆଦ୍‌ତେ ନୁ ନାରଗେ ନାରୁଡ଼୍‌ତେ ପ୍ରେମ ଇଶ୍‌ବରତେ ସେଙ୍ଗେ ଶିନ୍ତେ ଆଦ୍‌ତେ ।

୧୩ ☆ ବାତେଙ୍କ୍ ଇକେ ବେନଆଇ ତେରନା ଯାକ ଶକ୍ତିତଡ଼୍ ପୟସ୍ ମାନତଣ୍ଟ, ଅଣ୍ଟ ପରିତ୍ରାଣ୍ ପାହେମ୍ ଆଦ୍‌ତନ୍ ।

୧୪ ଇଶ୍‌ବରତେ ରାଜ୍ୟ ବିଷୟ୍ ସାୟେଡ଼୍ ଗଟ୍ ସାରେ ନାରୁଡ଼୍ ଜାତିଡ଼୍ ମାଇଦିଙ୍କ୍ ସଡ଼୍ କାଇଲ୍‌ତେ ଲେକାମ୍ ସାରା ଜଗତ୍‌ତାଗେ ପ୍ରଚାର୍ ଆଦ୍‌ତେ । ତାନ୍‌ପେକେ ଯୁଗ୍ ଶେଷ୍ ଆଦ୍‌ତେ ।”

ଝିଡ଼୍‌ସି ମାଡ଼ିକାଡ଼୍ ପାସ୍‌କାନ୍ ଜିନିଷ୍
(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ “ବାବବାଦୀଡ଼ ଦାନିୟେଲ୍ ତିଆର ମାଡ଼ିମାୟାନ୍ ଓଡ଼ିସି ମାଡ଼ାନ୍ ପାସକି ଜିନିଷ । ପବିତ୍ର ଜାଗାତିଙ୍କ ଆଦି କଲୁଷିତ ମାଡ଼ିତେ । ଇଦିନ୍ ଇଡ଼କେ ବାତେଏ, କାପାର୍ ବନ୍ଦ ମାଡ଼ାନାଦ ।”

୧୬ ଆସୁଟେ ବେନଡ଼, ଯିହୁଦା ଦେଶ୍‌ତାଗେ ମାନ୍‌ତଡ଼, ଅଡ଼, ମେଟେତାଗେ ମିରିଡ଼ ।

୧୭ ☆ବେନଡ଼, ଲୋଡ଼ତେ ମୁସିନାନ୍ ମାନ୍‌ତଡ଼, ଅଡ଼, ଲୋଡ଼ତେ ମଦଲ୍ ଖାସ୍ ଦିନାମ୍ ନଷ୍ଟ ମାଡ଼ମାର୍ ।

୧୮ ବେନଡ଼, ଖାୟାନା ଆଞ୍ଜମାନ୍‌ତନ୍, ନିଜେଡ଼ ଚକା ଆଦଦାନ୍ ମାଉଦିଙ୍କ ଲୋନ୍ ମାଲୁସ୍ ହାନମାକି ।

୧୯ ଆସୁଟେ ଡ଼ଲେଡ଼ ମୁତେକି ନୁ ତେକାନାନ୍ ବାରୁଙ୍କ ପୟସ୍‌ମାୟାନ୍ ଅବସ୍ଥାତେ ବେସର୍ ଶୋତିନୀୟ ଆଦତେ ।

୨୦ ଇଶ୍‌ରତିଙ୍କ ପ୍ରାର୍ଥନା ମାଡ଼ମାନ୍‌ଟ, ସାଲ୍‌ଦେ ଦିନାତେ ବା ବିଶ୍ୱାମ୍‌ବାର୍‌ଦେ ମିକିଂଙ୍କ ବେଦ୍‌ପୁରୁଙ୍କ ମିରାଙ୍କ ଆୟ୍‌ୟ ।

୨୧ ☆ଆସୁଟେ ବେନ ଦୁଃକାମ୍ ମାଡ଼ଝେୟଡ଼ିଡ଼, ଜଗଡ଼ତେ ତିଆରତାଗାଙ୍କ ନେଣ୍ଡଜାକ ଗଟେମ୍ ଆସ୍‌ମାୟାନ୍ ସାରେ କଷ୍ଟତିଙ୍କ ଆଦ ବଲି ଆଦତେ । ରକମ୍ ଦୁଃକାମ୍ ପାୟେ ବେସୁଙ୍କ ଖାଡ଼ ।

୨୨ ବାତେଙ୍କ ଇଡ଼କେ ହି ଦୁଃକଡ଼ ଦିନାମତିଙ୍କ ଇଶ୍‌ର କମ୍ ମାଡ଼ିସ୍ ମିନ୍ଦେଣ୍ଡ । ଆଲା ଆୟ୍‌ୟକଟ ମାୟାନ୍‌ଇକ୍, ମେଣ୍ଡେ ବେନ ବାଦ୍‌କ ପାର୍‌ଖଣ୍ଡ ଆୟେଣ୍ଡ । ବାତେଙ୍କ ଇଡ଼କେ ତାନ୍ ହେଞ୍ଚିମାୟାନ୍ ନାରୁଡ଼କିଂଙ୍କ ଗେଲ୍‌ସ୍ତାନ୍ ମାଉଦିଙ୍କ ଇଶ୍‌ର ଆଦ ସମୟତିଙ୍କ ସୁଦୁର୍ ମାଡ଼ିସ୍ ମିନ୍ଦେଣ୍ଡ ।

୨୩ “ଆସୁଟେ ଯଦି ବେନ ମିକିଂଙ୍କ କେଡିତଣ୍ଡ, ‘ଇଗେ କ୍ରିଷ୍ଟ ମିନ୍ଦେଣ୍ଡ ବା ଆଗେ ଅଣ୍ଡ ମିନ୍ଦେଣ୍ଡ,’ ତାଙ୍କ ବିଶ୍ୱାସ୍ ମାଡ଼ମାର୍ ।

୨୪ ବାତେଙ୍କ ଇକ୍ ନିଜ୍‌ତିଙ୍କ ବଣ୍ଡକ୍ରିଷ୍ଟ କେସମାନ୍‌ତଡ଼, ବୁସାମାଡ଼ାନଡ଼ ଆସୁଟେ ଡ଼ୟିତଡ଼ । ଅଡ଼, ବାକ୍‌ଖା ନୁ ବାକ୍‌ଖାତାଉ ପାଡ଼ିୟି ଡ଼ୟି ଇଶ୍‌ରତେ ହେଞ୍ଚିମାୟାନ୍ ନାରୁଡ଼କ୍ ବୁଲ୍‌କା ମାଡ଼ିତଡ଼ ।

୨୫ କେଞ୍ଜାର୍, ଆଦ ଦିନାମ୍ ଖାଦାନ୍ ମୁନେଙ୍କ ନାନ୍ ମିକିଂଙ୍କ ହିସରେ ଗର୍ କେଞ୍ଜିପିଦୁତାନ୍ ।”

୨୭ ☆“ଉଡ଼ାଟ୍, ଅଣ୍ଟ ଉୟା ନାରତାଗ୍ ମିନ୍ଦେଣ୍ଟ ଇଞ୍ଜେ ଯଦି ନାରୁଡ୍, କେତିତଡ୍, ଆଗେ ଆନ୍‌ମାଟ୍, ଯଦି ଅଡ୍ କେତିତଡ୍, ‘ଉଡେ, ହିଗେ ଅଣ୍ଟ ମିଞ୍ଜିମିନ୍ଦେଣ୍ଟ’ ଅଡ୍‌କିଂଙ୍କୁ ବିଶ୍ୱାସ୍ ମାଡ୍‌ମାଟ୍ ।”

୨୭ ପିଡ୍‌ଗ୍ ବେଦ୍‌ପୁରୁଙ୍କୁ ପଡ୍‌ଦ୍ ପେଇତାନାଗାଙ୍କୁ ପଡ୍‌ଦ୍ ଆଦାନ୍ ଯାକ ମାବ୍‌ତିଙ୍କୁ ଖେସ୍‌ମାଡ୍‌ତିଡ୍, ନାରୁନ୍‌ପିଲେ ଆନ୍‌ତେ ରକମ୍ ଖାଦ୍‌ତଣ୍ଟ ।

୨୮ ☆“ବେଗେ ଡଲ୍‌ତାଦ୍ ବାତେଏ ମାନ୍‌ତେ, ଆଗେ ଡାମର୍‌ପିଟେ ଗୁଡ୍‌ତି ମାନ୍‌ତା ।”

ମନୁଷ୍ୟପୁତ୍ର ଖାଦାନାଦ୍

(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ ☆ଆଦ୍ ଦୁଃକାମ୍‌ତେ ଦିନାମ୍ ଶେଷ ଆଦ୍‌ଦାନ୍ ଖେୟ୍ ପଡ୍‌ଦ୍ ଇକାଡ୍ ଆଦ୍‌ତେ, ନେଲ୍‌ଞ୍ଜି ମେଣ୍ଟେ ଖେସ୍ ହିଦ୍‌ପାର୍‌ଖ୍, ନୁ ମିହାଶ୍‌ନିୟତେ ନାର୍‌ଗେ ହୁକାକ୍ ଇକେ ଆକେ ଆଦ୍‌ତା ।

୩୦ ☆ତାନ୍ ପେକେ ମନୁଷ୍ୟପୁତ୍ରତିଙ୍କୁ ମାବ୍‌ତାଗ୍ ଖାଦାନାଦ୍ ଉଡ୍‌ତିଡ୍‌ଡ୍, ନୁ ମାବ୍‌ତେ ଲୋପେଙ୍କି ନାର୍‌ଗେ ଶକ୍ତି ନୁ ଗୌରବ୍ ତେ ଖାଦାନାଦ୍ ଉଡ୍‌ତି ପୃତିବିତେ ସାରେ ବାଷାଡ୍ ନାରୁଡ୍ ଉଡ୍‌ତି କେଇତଡ୍ ।

୩୧ ମହିରତେ ଶବ୍ ନୁ ପୃତିବିତାଗ୍ ଖେରଡ୍ ପଡ୍‌ତିୟେ ତାଗାଙ୍କୁ ମେଣ୍ଟନ୍ ପଡ୍‌ତିୟେ ହେଞ୍‌ନା ଅନ୍ ହେଞ୍‌ଣ୍ଟ ନାରୁଡ୍‌କ୍ ମଦ୍‌ମାଡ୍‌ତି ତାତାନ୍ ମାଇଦିଙ୍କୁ ନାରୁନ୍‌ପିଲେ ତାନ୍ ଦୂତକିଙ୍କୁ ରହ୍‌ତିତନ୍ ।

ତୟାମାଡେଡ୍ ଶିକ୍ଷା

(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ତୟାମାଡେଡ୍ ଆଗାଙ୍କୁ ଶିକ୍ଷା ଗ୍ରହନ୍ ମାଡ଼ାଟ୍ ବେସ୍‌ଙ୍କୁ ତାନାଦ୍ ଟିଟି ରଙ୍‌ଦେ ଲେକ୍‌ଡ୍‌ତେ କମେ ସୁଦୁକମା ନାଗାଙ୍କୁ ପୁନେ ଆକି ପେୟ୍‌ତିତା, ହେଦ୍‌କାଲାମ୍ ଆଦ୍‌ତେ ଇଞ୍ଜି ମିଡ୍‌ ପୁନ୍‌ତିଡ୍ ।

୩୩ ଟିକ୍ ରକମ୍ ହିସାରରେ ଗଟନା ଉଡ୍‌କେ, ମୁନେଡ୍ ଦିନାକଞ୍ଜି ଆରାମ୍ ଆଡ୍‌ତେ ଇଞ୍ଜି ମିଡ୍‌ ପୁନ୍‌ତିଡ୍ ।”

☆ ୨୪:୨୭ ଲୁକ ୧୭:୨୩, ୨୪.

☆ ୨୪:୨୮ ଲୁକ ୧୭:୩୭.

☆ ୨୪:୨୯ ପ୍ରକାଶିତ୍ ବାକ୍ୟ

୬:୧୨; ପ୍ରକାଶିତ୍ ବାକ୍ୟ ୬:୧୩.

☆ ୨୪:୩୦ ପ୍ରକାଶିତ୍ ବାକ୍ୟ ୧:୭.

୩୪ ମନେମାଡ଼ାଟ, ଇଞ୍ଜେ ହି ଯୁଗ୍ମତେ ନାରୁଡ଼ତେ ଲୋପେଙ୍କ ସାରେତଡ଼, ତଲାନ ମୁନେଙ୍କ ଇଞ୍ଜୁ ସାରେ ବିଷୟ ନିଜାମ୍ ଗଟେମ୍ ଆଦତେ ।

୩୫ ମାବ୍ ନୁ ପୃତିବି ନଷ୍ଟ ଆଦତେ ସିନା; ବାତେଙ୍କ ଇଡ଼କେ ନା ଗଟ୍ ବେସୁଙ୍କ ଲୋପ ପାହେମ୍ ଆୟ୍ଯ ।

ଅନ୍ ଖାଦାନାଦ୍ ବେନ୍‌ଆଇ ଦିନାମ୍ ବେନ ପୁନଡ଼୍

(ମାର୍କ ୧୩:୩୨-୩୭; ଲୁକ ୧୭:୨୭-୩୦, ୩୪-୩୬)

୩୬ “ଆଦିନ୍, ଆଦ୍ ସମୟତେ ବେସୁଙ୍କ ଖାଦତେ, ବେନ କେଡ଼ ପାରୁଡ଼୍ । ସ୍ବୟଂ ଇଶ୍ବରତେ ମାର୍ ନୁ ସ୍ବର୍ଗଦୂତ ଆନ୍‌ତେ ଆଦ୍ ଗଟ୍ ପୁନନ୍, ମାତର ବାବାଲ୍ ଇଶ୍ବର ପୁନତଣ୍ ।”

୩୭ ନହତେ ଦିନାମ୍ ବେଦ୍‌ପୁରୁଙ୍କ ଗଟେମ୍ ଆସ୍‌ମାଡ଼ତେ, ମନୁଷ୍ୟପୁତ୍ରନ୍ ଖାଦାନାଦ୍ ସମୟତେ ରକମ୍ ଆଦତେ ।

୩୮ ଏରୁତୁପାନ୍ ଆଦଦାନ୍ ମୁନେଙ୍କ ନହ ଜାହାଜ୍‌ତାଗେ ଅସ୍‌ନା ଯାକ ନାରୁଡ଼୍, ତିନ୍ଦାନ୍ ଉନ୍ଦାନ୍ ନୁ ପେଣ୍ଡୁଲୁ ଆଦାନାଦ୍ ଆସଡ଼ ପାଡ଼ିନ୍ଦାଗ୍ ଦାନ୍ଦେ ମାନ୍‌ତଡ଼୍ ।

୩୯ ଏର୍ ଗାଲ୍‌ଦେ ଅଡ଼୍ ବୁଡେଲ୍ ଅୟ୍‌ନା ଯାକ ବାତେଏ ଗଟେମ୍ ଆଦୁଡ଼ତେ, ବେନ ପୁନକଟ୍ ମାଡ଼ତଡ଼୍ । ନାରୁନ୍‌ପିଲେ ଖାଦାନ୍ ଦିନ୍ ଟିକ୍ ଆଦତେ ।

୪୦ ଆଦ୍ ସମୟତେ ଖାୟାନାଗେ ପାଡ଼ିୟି ମାଡ଼ାନଡ଼ି ଇର୍‌ଝୁଡ଼୍ ମାନ୍‌ତଡ଼୍, ଅଡ଼୍ ଲୋପେଙ୍କ ଖେରଣ୍ଡେ ହେଞ୍ଜିମାନ୍ଦାନ୍ ଆଗେ ଆଦତନ୍ । ମେଣ୍ଡେ ଖେରଣ୍ଡେ ହେଞ୍ଜିମାନ୍ଦାନ୍ ଆୟ୍‌ୟକଟ୍ ପେକେ ମାନ୍‌ତଣ୍ ।

୪୧ ରେଣ୍ଡ ଜାଡ଼ତେ ତିହିତାନ୍ ନାଟାକିନ୍ ଲୋପେଙ୍କ ଖେରଡ଼୍, ଆଦତେ ନୁ ମେଣ୍ଡନ୍ ଆଗେ ମାନ୍‌ତେ ।

୪୨ ମିଡ଼୍ ସତର୍କ୍ ମାନୁଟ୍, ବାଡ଼ତେଙ୍କ ଇଡ଼କେ ମିଇ ପ୍ରବୁ ବେସୁଙ୍କ ଖାଦତଣ୍, ମିଡ଼୍ ପୁନ୍‌ଝିଡ଼୍ ।

୪୩ ☆ବେସୁଙ୍କ ତଙ୍ଗାଲ୍ ନେଜିତଣ୍ ଇଞ୍ଜ ପୁଞ୍ଜିମାଡ଼କେ, ଲୋଡ଼ତେ ମାଲିକ୍ ତିଆରତେ ମାଞ୍ଜି ତଙ୍ଗାଲ୍‌ତିଙ୍କ ଲୋପେ ନେଞ୍ଜଣ୍ ଆୟେଣ୍ ।

୪୪ ମିତ୍‌ଆନନ୍ତେ ସାରେଦାମ୍ ତିଆର ଆସ୍‌ମାନୁର୍ । ବାତେଙ୍କ
ଇଡକେ ମିତ୍‌ଅଂକିଙ୍କ ଝିଡ଼ିମି ମାଡ଼ଝେ ସମୟତେ ଅଣ୍ଟୁ ଝାସ୍ ହେଝଦେ
ପାଦ୍‌ତଣ୍ଟୁ ।

ବିଶ୍ୱାସ୍ ନୁ ବିଶ୍ୱାସ୍ ଇଲ୍‌ଝେ ଚାକର୍
(ଲୁକ ୧୨:୪୧-୪୮)

୪୫ “ବେନ ଆଲାଇଡକେ ବିଶ୍ୱାସ୍ ନୁ ବୁଦିମାନ ଚାକର୍ ? ବେନନ୍
ପରର ମାଲିକ୍ ବାଗାଡ଼ ଚାକରିଡ଼କ୍ ଟିକ୍ ସମୟତେ କାଦି ଇଦାନ୍
ବାର ନ୍ୟସ୍ତୁ ମାଡ଼ିତନ୍ ।”

୪୬ ମାଲିକ୍ ମାଲ୍‌ସ୍ ଝାଦାନ୍ ଝେଲେ ଆଦ ଚାକର୍ ଯଦି ବିଶ୍ୱାସ୍‌ତେ
ଅନାଦ୍ ପାଡ଼ିୟି ପାଲନ୍ ମାଡ଼ମାନ୍‌ତଣ୍ଟୁ, ଅଣ୍ଟୁ ବେସର୍ ସାରଦ୍ ଆଦ୍‌ତନ୍
!

୪୭ ନାନ୍‌ନେ ନିଜାମ୍ କେସମିନ୍‌ନେ, ଆସଡ଼ ଚାକର୍‌ତିଙ୍କ ମାଲିକ୍
ଦିନ୍ ଅନାଦ୍ ସାରେ ସମ୍ପତିତ୍‌ତେ ଦାୟିତ୍‌ତେ ନେହ୍‌ତିତଣ୍ଟୁ ।

୪୮ ବାତେଙ୍କ ଇଡକେ ଆଦ ଚାକର୍ ଯଦି ବିଶ୍ୱାସ୍ ଆୟ୍‌ୟକଟ
ମାଲିକ୍ ସିର୍‌ପାଟ୍ ଝାଡ଼ଣ୍ଟୁ ଇଞ୍ଜି ଆଲ୍‌ସିତିଡ଼ିନ୍

୪୯ ବାଗାତେ ସେବକ୍ ନଡ଼କିଙ୍କ ରେହେତା ରେହେତି ମାଡ଼ି
କାଲ୍‌ଉଦାନଡ଼ତ କାଈଲି ତିନ୍‌ଦାନ୍ ଉଦାନାଗ୍ କାୟ୍‌ଲିତଣ୍ଟୁ,

୫୦ ଅଣ୍ଟୁ ଝିଡ଼ିମି ମାଡ଼କର୍ ମାନ୍‌ଦାନ୍, ବେଦ୍‌ଦିନେ ଅଣ୍ଟୁ ପୁନ୍‌ଝେ
ମାନ୍‌ତନ୍ ଆଦ୍ ସମୟତେ ଅନ୍‌ଦିନେ ଦାସନ୍ ମାଲିକ୍ ମାଲ୍‌ସ୍
ଝାଦ୍‌ତଣ୍ଟୁ,

୫୧ ଅଂକିଙ୍କ ଅଣ୍ଟୁ ତିପାଲ୍‌ତେ ଦଣ୍ଟୁ ହିଦ୍‌ତଣ୍ଟୁ । ଅଣ୍ଟୁ ଅଂକିଙ୍କ
ମୁର୍ଜନାରୁଡ଼ ତ ବେଗେକି ନାରୁଡ଼ କେଇତଡ଼ ନୁ ଯନ୍ତ୍ରନାତାଗ୍ ପାଲ୍‌କ୍
କିଟୁମ୍ କାର୍ତୁମ୍ ମାଡ଼ିତଡ଼ ଆଦ୍ ପଡ଼ିୟେତାଗ୍ ରୟ୍‌ସିଦ୍‌ତଣ୍ଟୁ ।

୨୫

ଦଗ୍‌ଗାନ୍ ପିକିନ୍ ଗର୍

୧ ☆ “ଆଦ୍ ସମୟତେ ସର୍ଗରାଜ୍ୟତେ ଝାଦାନାଦ୍ ହିଦ୍ ଲେକାମ୍
ଆଦ୍‌ତେ ।”

ଦଗ୍‌ଗାନ୍ ପିକି ସାର୍‌ତାଝ୍ ଝେରଡ଼, ଝେରଡ଼, କୁପି ଆସ୍ ବରଙ୍କ
କାଈଲାନ୍ ମାଡ଼ାଙ୍କ ଆଞ୍ଜିମାଡ଼ିତା ।

୨ ଆଞ୍ଜିନ୍ ଲୋପେ ଏଇଙ୍ଗ ବୁଦ୍ ହିଲ୍‌ଖାଞ୍ଜିନ୍ ନୁ ଏଇଙ୍ଗ ବୁଦ୍ ମାୟାନାଞ୍ଜିନ୍ ।

୩ ବୁଦ୍ ହିଲ୍‌ଖେ ପିକି କୁପି ଆଡ୍‌ତା ବାଡେଙ୍ଗ ଇଡ୍‌କେ ଆକେ ନାର୍‌ଗେ ନିୟ୍ ଆୟକଟ ମାଡ୍‌ତା ।

୪ ବୁଦି ମାୟାନାଞ୍ଜି ପିକି ଆକେ କୁପି ଆଡ୍‌ତା ନୁ ବଡଲ୍‌ତାଗେ ନାର୍‌ଗେ ନିୟ୍ ଆସ୍ ମାଡ୍‌ତା ।

୫ ବର ଖାଦାନାଦ୍ ଲେଟ୍ ଆଡ୍‌ତାଙ୍ଗ ପିକି କୁଡ୍‌କି କୁଡ୍‌କି ହୁଞ୍ଜିତା ।

୬ ନାଡ୍‌ନାର୍‌କା ମର୍‌ରେ କେଞ୍ଜିତା, “ହିକ୍ ଉଡ୍‌ଟା ବର ଖାଦୁଡ୍‌ତଣ୍ଡ, ଖାଡ୍‌ଟା ଅଡ୍‌କିଙ୍ଗ କାର୍‌ଜି ତାଡିତାଡ୍ ।”

୭ ପିକି ଡେଡିମେଣ୍ଡେ ନିଜେଡ୍ ନିଜେଡ୍ କୁପି ତିଆର୍ ମାଡ୍‌ତେ ।

୮ ଆସୁଟେ ବୁଦ୍‌ହିଲ୍‌ଖେ ପିକି ବୁଦ୍ ମାୟାନାଞ୍ଜିଙ୍ଗ କେଡ୍‌ତା, “ମାକିଙ୍ଗ୍ ସୁବୁର୍ ନିୟ୍ ହିମ୍‌ବର୍ । ମାୟାଞ୍ଜି କୁପି ପିୟ୍‌ବୁଡା ।”

୯ ବୁଦ୍‌ମାୟାନାଞ୍ଜି କେଡ୍‌ତା, “ଇଲେ, ମି ସେଙ୍ଗେ ନୁ ମା ମାଇଦିଙ୍ଗ୍ ନିୟ୍ ଆଲକର୍ ଆଡ୍‌ତେ । ମିଡ୍‌ବୁକାନ୍‌ତାଗେ ଆଞ୍ଜି ନିଜେଡ୍ ନିଜେଡ୍ ମାଇଦିଙ୍ଗ୍ ବେସର୍ ନିୟ୍ ଆସି ତାଡ୍‌ଟା ।”

୧୦ ଆଦିଙ୍ଗ ବୁଦ୍‌ହିଲ୍‌ଖେ ପିକି ନିୟ୍ ଆସାଙ୍ଗ ପେୟ୍‌ତା । ଆଞ୍ଜି ଆଡ୍‌ତେ ପେକେ ବର ଖାସ୍ ହେଞ୍ଜିତଣ୍ଡ । ତିଆର୍ ଆଗେ ମାୟାନ୍ ଏଇଙ୍ଗ ପିକି ଅନ୍‌ଡଡ୍ ପେଣ୍ଡୁଲ୍ ବଜିତାଗେ ଆଦ୍ କାପାଟ୍ ବନ୍ଦ୍ ଆଡ୍‌ତେ ।

୧୧ ☆ “ପେକେ ବାଗାଡେ ପିକି ଆଗେ ଖାଡ୍‌ତା । ପ୍ରବୁ, କାପାଟ୍ ଡେର୍‌ମ୍; ମାମ୍‌ମେ ଲୋପ୍ ଆଦ୍‌ତମ୍ ଇଞ୍ଜି ଆଞ୍ଜି ମର୍‌ପୟ୍‌ତା ।

୧୨ ବର ଉଡ୍‌ର ଇଡ୍‌ତଣ୍ଡ, ‘ନାନ୍ ମିକିଙ୍ଗ୍ ସଡ୍ କେଡୁତାନ୍, ମିଡ୍‌ବେନଡି, ନାନ୍ ମିକିଙ୍ଗ୍ ପୁନନ୍ ।’ ”

୧୩ ଗଟ୍ କେତାନାଦ୍ ଡେର୍‌ସ୍‌ପି ଜିସୁ କେଡ୍‌ତଣ୍ଡ, “ସଡର୍‌କ୍ ମାନ୍‌ବର୍ । ଆଦ୍ ଦିନ୍ ବା ଆଦ୍ ଦିନାମ୍ ବେନ ବା ପୁନଡ୍ ।”

ମୁଞ୍ଜୁଡ୍‌ଦାସନ୍ ଗଟ୍
(ଲୁକ ୧୯:୧୧-୨୭)

୧୪ ☆ “ସ୍ୱର୍ଗ ରାଜ୍ୟ ଇଦ୍ ପୁରୁଷ୍ଟ,” ଆଦିନ୍ ମେଣ୍ଟାଣ୍ଡାୟ ଖେଷଡ଼୍ କେଞ୍ଜାର୍ । ଅନ୍ଦାମ୍ ଖେରଣ୍ ନାରୁନ୍ ଚାକରକିଡ଼୍ କାୟ୍ଦେ ଅନାଦ୍ ସମ୍ପତ୍ତି ଓଡ଼ିସି ମେଣ୍ଟେ ବିଦେଶତା ଆଦଦାଙ୍କ ପେୟତଣ୍ ।

୧୫ ଅଡାଦ୍ ଶକ୍ତି ଲେକାମ୍ ଅଡ଼କିଂଙ୍କ ବେସର୍ ବେସର୍ ଇଡ଼କେ ଗୁଡ଼ପି ମାଡ଼ିତନ୍, ଅରଡୁଙ୍କ ହିଡ଼ତଣ୍ ଏଇଙ୍ଗ୍ ହଜାର୍ ରୁପା ମୁଦ୍ରା, ମେଣ୍ଟେ ଅରଡୁଙ୍କ ରେଣ୍ଡ ହଜାର୍ ନୁ ମେଣ୍ଟେ ଅରଡୁଙ୍କ ଅଣ୍ଡାୟ ହଜାର୍ ଇସ୍ ବିଦେଶ ଆଡ଼ତନ୍ ।

୧୬ ଏଇଙ୍ଗ୍ ହଜାର୍ ରୁପା ମୁଦ୍ରା ପାହେମ୍ ଆଡ଼ତେନଣ୍ ଚାକର୍ ଆଦ୍ ଦନ୍ଦିଙ୍କ ବେପାର୍ ମାଡ଼ି ମେଣ୍ଟେ ଏଇଙ୍ଗ୍ ହଜାର୍ ରୁପା ମୁଦ୍ରା ଲାବ୍ ମାଡ଼ିତଣ୍ ।

୧୭ ରକମ୍ ରେଣ୍ଡ ହଜାର୍ ମୁଦ୍ରା ପାହେମ୍ ଆଦ୍ ଚାକର୍ ମେଣ୍ଟେ ରେଣ୍ଡ ହଜାର୍ ମୁଦ୍ରା ଲାବ୍ ମାଡ଼ିତଣ୍ ।

୧୮ ବାତେଙ୍କ ଇଡ଼କେ ବେନ୍ ଚାକର୍ ହଜାର୍ ପାହେମ୍ ଆଶେ ମାଡ଼ତେନଣ୍, ଅଣ୍ଡ ନେଲ୍ ଖେରଡ଼୍ ଦର୍ ତେଓି ମାଲିକ୍ତେ ଆଦ୍ ମୁଦ୍ରାକିଂଙ୍କ ମିଞ୍ଜିପି ନେହସ୍ ମାଡ଼ିତଣ୍ ।

୧୯ ନାର୍ଗେ ଦିନ୍ତେ ପେର୍କେ ମାଲିକ୍ ମାଲ୍ତଣ୍ ନୁ ଚାକରିଡ଼୍ ତଡ଼୍ ହିସାପ୍ କିତାବ୍ ମାଡ଼ିତଣ୍ ।

୨୦ ଏଇଙ୍ଗ୍ ହଜର୍ ଅସ୍ ମାନ୍ଦାନ୍ ଚାକର୍ ମାଲିକ୍ତିଙ୍କ ମେଣ୍ଟେ ଏଇଙ୍ଗ୍ ହଜାର୍ ହିଡ଼ତଣ୍, “ଗର୍, ନିମ୍ ନାକିଂଙ୍କ ଏଇଙ୍ଗ୍ ହଜାର୍ ରୁପା ମୁଦ୍ରା ଇସ୍ ମାଡ଼ିତନ୍, ହିଞ୍ଡତା, ନାନ୍ ମେଣ୍ଟେ ଏଇଙ୍ଗ୍ ହଜାର୍ ଲାବ୍ ପାହେମ୍ ଆଡ଼ତାନ୍ ।”

୨୧ ମାଲିକ୍ ସାର୍ଦେ ଆଶେ କେଡ଼ତଣ୍, ଟିକ୍ ମାଡ଼ିତନ୍, ନିମ୍ ଲେକେଡ଼୍ ନୁ ବିଶ୍ୱାସ୍ ଦାସନ୍ । ନିମ୍ ବିଶ୍ୱାସ୍ତେ ଲେକାମ୍ ସୁଦୁର୍ ଦନ୍ଦିଙ୍କ କାରବାର୍ ମାଡ଼ି ମାନ୍ଦାନ୍ ମାଲ୍ଦିଙ୍କ ନି କାୟ୍ଦେ ନାର୍ଗେ ଦନ୍ ଓଡ଼ିସିଦତାନ୍ । ଖାଡ଼ା, ନା ତଡ଼୍ ଖେଡ଼କା ମାଡ଼ା ।

୨୨ “ରେଣ୍ଡ ହଜାର୍ ରୁପା ମୁଦ୍ରା ଆସ୍ ମାନ୍ଦାନ୍ ଚାକର୍ ଖାସ୍ କେଡ଼ତଣ୍, ଗର୍, ନିମ୍ ନାକିଂଙ୍କ ରେଣ୍ଡ ହଜାର୍ ଇସ୍ ମାଡ଼ିତନ୍, ନାନ୍ନେ ମେଣ୍ଟେ ରେଣ୍ଡ ହଜାର୍ ଲାବ୍ ମାଡ଼ିତାନ୍ ।”

୨୩ ମାଲିକ୍ କେଡ଼ତଣ୍, “ଲେକେଡ଼୍ ମାଡ଼ିତ । ନିମ୍ ଆଶେ ଲେକେଡ଼୍ ଚାକର୍ ତନି । ସୁଦୁର୍ ଦନ୍ତାଗେ ବିଶ୍ୱାସ୍ ତଡ଼ିତନ୍ । ନାର୍ଗେ ଦନ୍

ନାନ ନି ମାଇଦିଙ୍କ ଗୁଡ଼ିଏ ମାଡ଼ିଦତାନ । ଖାଡ଼ା ନା ସାରଦେ ତାଗ୍ ବାଗି ଆୟୁମ୍ ।”

୨୪ ଶେଷତ ଝେରଡ଼୍ ହଜାର୍ ମୁଦ୍ରା ଆସ୍‌ମାନ୍‌ ଚାକର୍ ଖାସ୍ କେଡ଼ତଣ୍ଡ, “ପ୍ରବୁ, ନାନ ପୁଡ଼ତାନ, ନିମ୍ ଝେରେତନି କଟରି ନାରୁନୀ ଝିଡ଼ଝେ ଖାୟେତାଗାଙ୍କ ନିମ୍ ପାଣ୍ଡୁସ୍ତା ନନି । ଝିଡ଼୍ ଝିଡ଼କର୍ ପସଲ୍‌ତିଙ୍କ ଗୁଡ଼ପାନନି ।

୨୫ ଆଦିନ୍ ମାଇଦିଙ୍କ ନାନନେ ନିକିଂଙ୍କ ଝେରସ୍ ମେଣ୍ଡେ ନି ଡାବ୍‌ତିଙ୍କ ଅସ୍ ବୁମ୍‌ତାଗ୍ ମିସି ମାଡ଼ତାନ । ଉଡେ, ନିୟାଦ୍ ଆଦ୍ ଡାବ୍ ।”

୨୬ ମାଲିକ୍ କେଡ଼ତଣ୍ଡ, “ଆରେ ଅୟୋଗ୍ୟ, ମଣ୍ଡି ଦାସ ! ନିମ୍‌ବାନେ ପୁଞ୍ଜମାଡ଼ତିନ୍ ନାନନେ ବେଗେ ଝିଡନ୍, ଆଗେ ପାଣ୍ଡୁସ୍ତାନଙ୍କ, ଆଦ୍‌ନିମେ ପୁଡ଼ତିନ୍ ।

୨୭ ଆଲାଈଡ଼କେ ନା ଡାବ୍‌କ୍ ଆସ୍ ନିମ୍ ବ୍ୟାଙ୍କ୍‌ତାଗ୍ ଗୁଡ଼ିଏ ମାଡ଼େନି । ଆସୁଙ୍କ୍ ନାନ ଆଝିଙ୍କ୍ ସୁଦତଡ଼୍ ମାଲ୍‌ପିଝେନ୍ ।

୨୮ ଆଲାକେସ୍ ମାଲିକ୍ ଗର୍ ହିଡ଼ତଣ୍ଡ, ହି ଚାକର୍‌ତେ କାୟ୍‌ଦେକଞ୍ଚି ହି ଡାବ୍‌କ୍ ଟେଣ୍ଡିଅସ୍ ବେନ କାୟ୍‌ଦେ ଦଶ ହଜାର୍ ମିନ୍‌ଦେ, ଅଂକିଙ୍କ୍ ଆଉ ହିମ୍‌ର୍ ।

୨୯ ☆ବାଡେଙ୍କ୍ ଇଡ଼କେ ବେନନାଗ୍ ମିନ୍‌ଦେ, ଅଂକିଙ୍କ୍ ଅଦିକ୍ ହିଦ୍‌ଝେୟ୍‌ଡ଼ିଡ଼ ନୁ ଅଣ୍ଡ୍ ନାରଗେ ଲାବ୍ ମାଡ଼ିତନ୍ ବାଡେଙ୍କ୍ ଇଡ଼କେ ବେନନାଗ୍ ଇଲେ, ଅନାଞ୍ଚୁ ବାଡା ମିନ୍‌ଦେ, ଆଉ ଆନ୍ତେ ଟେଣ୍ଡି ଆଦ୍‌ଦେ ଝେୟ୍‌ଡ଼ିଡ଼ ।

୩୦ ☆ହି ବେସଡ଼ ଚାକର୍‌ତିଙ୍କ୍ ବାୟ୍‌ଦେ ଇକାଡ଼ତାଗ୍ ଆୟ୍‌ମୁର୍ । ଆଗେ ଅଣ୍ଡ୍ କେୟ୍‌ତନ୍ ନୁ ପାଲ୍‌କ୍ କିଟୁମ୍ କାଟୁମ୍ ମାଡ଼ମାନିଣ୍ଡ ।”

ଶେଷ ବିଚାର

୩୧ ☆“ବେସୁଙ୍କ୍ ନାରୁନ୍‌ପିଲେ ରାଜାଲ୍ ଆଗେ ତାନ ଦୂତକି ତ ଖାଦତଣ୍ଡ, ଅଣ୍ଡ୍ ଗୌରବମୟ୍‌ତେ ସିଂହାସନତାଗ୍ କୁଦିତଣ୍ଡ,”

୩୨ ଜଗଡ଼ତେ ସାରେ ଜାତିଡ଼ ନାରୁଡ଼୍ ଅନ୍ ମୁନେ ଅଣ୍ଡ୍‌ୟ୍ ଆଦତଡ଼୍ । ଆସୁଟେ ମେକ୍‌ଗଲାଲ୍ ବେଦ୍‌ପୁରୁଙ୍କ୍ ମେକା ନୁ ମେଣ୍‌କିଂଙ୍କ୍ ଝେରେ

☆ ୨୫:୨୯ ମାତିଉ ୧୩:୧୨; ମାର୍କ ୪:୨୫; ଲୁକ ୮:୧୮. ☆ ୨୫:୩୦ ମାତିଉ ୮:୧୨; ୨୨:୧୩; ଲୁକ ୧୩:୨୮. ☆ ୨୫:୩୧ ମାତିଉ ୧୭:୨୭; ମାତିଉ ୧୯:୨୮.

ମାଡ଼ିଉନ୍, ନାରୁନ୍‌ପିଲେ ରକମ୍ ନାରୁଡ଼କିଂଙ୍କ ରେଣ୍ଡ ମାନ୍ଦେତେ
ଝେରେ ମାଡ଼ିଉତଣ୍ ।

୩୩ ଦାମିଂକ୍ ନାରୁଡ଼କିଂଙ୍କ ଅଣ୍ଡ ତିନ୍ଦେପାକ୍ ନୁ ଝେରଡ଼କିଂଙ୍କ ଅନ୍
ଡେବ୍‌ପାକେ ନେହ୍‌ଡିତଣ୍ ।

୩୪ ତାନ୍‌ପେକେ ଅନ୍ ତିନ୍ଦେପାକ୍ ମାନ୍‌ନ୍ ନାରୁଡ଼କିଂଙ୍କ ରାଜାଲ୍
କେଡିତଣ୍ଡ, ଝାଡ଼ାଟ୍, ମିକିଂଙ୍କ ନା ବାବାଲ୍ ଆଣି ବାଦ୍ ମାଡ଼ିମିନ୍ଦେଣ୍ ।
ତିଆରତେ ମୁନେଙ୍କ ବେନ୍ ରାଜ୍ୟ ମିଇ ମାଇଦିଙ୍କ୍ ତିଆର୍ ଆସ୍‌ମିନ୍ଦେ,
ଝାଡ଼ାଟ୍, ଆଗେ ନେଙ୍ଗାଟ୍ ।

୩୫ ନାନ୍‌ନେ କାର୍‌ଝିନ୍ ମାଡ଼ତାନ୍, ମିଡ୍ ନାକିଂଙ୍କ୍ ତିନ୍ଦାଙ୍କ୍ ହିଡ଼ିଡ଼ିଡ଼ି;
ନାକ୍ ଉନ୍‌ଝାହ୍‌ସ୍ ମାଡ଼ତେ, ମିଡ଼ନାକିଂଙ୍କ୍ ହୁନ୍‌ନ୍ ମାଇଦିଙ୍କ୍ ହିଡ଼ିଡ଼ିଡ଼ି ।
ନାନ୍‌ନେ ପୁନ୍‌ଝେ ମାଡ଼ତାନ୍, ମିଡ୍ ନାକିଂଙ୍କ୍ ଲୋନ୍ କାର୍‌ଜିଡ଼ିଡ଼ି ।

୩୬ ନାନ୍‌ନେ ବାଣ୍ଡା ମାଡ଼ତାନ୍, ମିଡ୍ ନାକିଂଙ୍କ୍ ଚକାସେଡ଼ି
କେରସ୍‌ଡିଡ଼ି । ନାନ୍‌ନେ ରଗ୍‌ତେ ମାଡ଼ତାନ୍, ନା ଯତନ୍ ଆଡ଼ିଡ଼ି ।
ନାନ୍‌ନେ ବନ୍‌ଲଡ଼ତାଗେ ମାଡ଼ତାନ୍, ନାକିଂଙ୍କ୍ ଉଡାଙ୍କ୍ ଝାଡ଼ିଡ଼ି ।

୩୭ ଦାମିଂକ୍ ନାରୁଡ଼ ଉଉର୍ ହିଡ଼ିଡ଼ି, “ପ୍ରବୁ ! ବେସୁଙ୍କ୍ ନିକିଂଙ୍କ୍
କାର୍‌ଝିନ୍ ମାନ୍‌ନାଦ୍ ଉଡ଼ି ତିନ୍ଦାଙ୍କ୍ ହିଡ଼ିଡ଼ି ? ବେସୁଙ୍କ୍ ନିକିଂଙ୍କ୍ ଉନ୍ଦେ
ଝାଡ଼ତାଦ୍ ଉଡ଼ି ହୁନ୍‌ନ୍ ହିଡ଼ିଡ଼ି ?

୩୮ ବେସୁଙ୍କ୍ ନିମ୍ ପୁନ୍‌ଝେ ଆୟ୍‌ୟକଟ୍ ମାଡ଼ଝେୟ୍ ନିକିଂଙ୍କ୍
କାର୍‌ଜିଡ଼ିଡ଼ି ମାଡ଼ିଡ଼ି ? ବେସୁଙ୍କ୍ ବାଣ୍ଡା ମାନ୍‌ନାଦ୍ ଉଡ଼ି ଚକା
କେସ୍‌ଡିଡ଼ି ?

୩୯ ବେସୁଙ୍କ୍ ନିକିଂଙ୍କ୍ ରଗ୍‌ତେ ବା ବନ୍‌ ଅବସ୍ଥାତେ ଉଡ଼ି ନିକିଂଙ୍କ୍
ସେବା ମାଡ଼ିଡ଼ି ?

୪୦ ରାଜାଲ୍ ଉଉର୍ ହିଡ଼ିଡ଼ି, ନାନ୍‌ନେ ସଡ଼ କେଡୁତାନ୍, ହି
ଦାଦାଲ୍‌ଲୋପେ ସାର୍‌ରେଡ଼ିଡ଼ି ଡାଗାଙ୍କ୍ ସୁଡୁର୍ ମାଇଦିଙ୍କ୍ ବାତେଏ
ମାଡ଼ିଡ଼ିଆଦ୍ ନା ମାଇଦିଙ୍କ୍ ମାଡ଼ିଡ଼ି ।”

୪୧ ତାନ୍‌ପେକେ ଡେବ୍‌ପାକେ ମାନ୍‌ନ୍ ନାରୁଡ଼କିଂଙ୍କ୍ ଅଣ୍ଡ
କେଡିତଣ୍ଡ, “ଆର୍ ଅବିଶାପ୍‌ତେ ମାନ୍ଦେ ! ନା ମୁନେକଙ୍କ୍ ଦୁରାମ୍
ଆୟ୍‌ମୁର୍ ।” ଶୟ୍‌ତାନ୍ ନୁ ତାନ୍ ଦୂତତେ ପେକେ ଆଦାନଡ଼ ମାଇଦିଙ୍କ୍
ବେଗେ ସାରେଦିନା ନିଡ଼ତାନାଦ୍ କିସ୍ ତିଆର୍ ଆସ୍‌ମିନ୍ଦେ, ଆଗେ
ଆନ୍‌ବୁ ।

୪୨ ନାନନେ କାର୍ତ୍ତିନ ମାଡ଼ତାନ, ମିଡ଼ ନାକିଂଙ୍କ ତିନ୍ଦାଙ୍କ ହିଞ୍ଜିଡ଼ ।
ନାକ୍ ଉନ୍ଦେଝାହ୍‌ତେ ଝେୟ୍‌ ଏର୍ ହୁନ୍ଦାଙ୍କ ହିଞ୍ଜିଡ଼ ।

୪୩ ନାନନେ ପୁନ୍‌ଝେ ମାନ୍ଦାନ୍ ଝେୟ୍‌ ନାକ୍ ମିଇ ଲୋନ୍ କାର୍ତ୍ତିତିଡ଼,
ମାଡ଼ିଡ଼ । ନାନନେ ବାଡ଼କେର୍‌ଝେ ଝେୟ୍‌ ଚକାସେଡ଼ି କେର୍‌ସ୍ତିଡ଼ ।
ରଗ୍‌ତେ ନୁ ବନ୍ଦି ଅବସ୍ଥାତେ ମାନ୍ଦାନ୍‌ଝେୟ୍‌ ନାକିଂଙ୍କ ଉତାଙ୍କ ଝାଡ଼ିଡ଼ ।

୪୪ ଆସୁଟେ ଅଡ଼ ଉତ୍ତର୍ ହିଡ଼ତଡ଼, “ପ୍ରୁ, ବେସୁଙ୍କ ନିକିଂଙ୍କ
କାର୍‌ପୟିତେ, ଉନ୍ଦେଝାହ୍‌ତେ, ପୁନ୍‌ଝେ, ବାଡେଏ କେର୍‌ଝେ ଝେୟ୍‌,
ରଗ୍‌ତେ ବା ବନ୍ଦି ମାନ୍ଦାନାଦ୍ ଉଡ଼ି ମାମ୍‌ମେ ନିକିଂଙ୍କ ସାହାୟ୍ୟ ମାଡ଼ମ୍‌
?”

୪୫ “ରାଜାଲ୍ ଉତ୍ତର୍ ହିଡ଼ତଣ୍ଡ, ‘ନାନ୍ ସଡ଼ କେଡୁତାନ୍, ହି ସୁବୁର୍
ନାରୁଡ଼, ଲୋପେଙ୍କ୍ ଅର୍‌ଡୁଙ୍କ୍ ସାହାୟ୍ୟ ମାଡ଼ାଙ୍କ୍ ମନା ମାଡ଼ାନ୍‌ଝେୟ୍‌,
ନିମ୍ ନାକିଂଙ୍କ୍ ସାହାୟ୍ୟ ମାଡ଼ିଡ଼ ।’

୪୬ ହି ନାରୁଡ଼ ସାରେ ଦିନାଡ଼ ମାଇଦିଙ୍କ୍ ଦଣ୍ଡ ଆଦତଡ଼, ନୁ
ଦାମ୍ କିଡ଼ ସାରେଦିନାଡ଼ ଜିଞ୍ଜୁନ୍ ଲାବ୍ ମାଡ଼ିତଡ଼ ।

୨୭

ଜିସୁନ୍ ବିରୁଦ୍‌ତେ ଚାଲାକି

(ମାର୍କ ୧୪:୧-୨; ଲୁକ ୨୨:୧-୨; ଯୋହନ୍ ୧୧:୪୫-୫୩)

୧ ହି ସାରେ ଶିକ୍ଷାକ୍ଷ୍ ଡେର୍‌ସ୍‌ତେ ପେକେ ଜିସୁ ଶିଷ୍ୟଡ଼କିଂଙ୍କ
କେଡ଼ତଣ୍ଡ,

୨ ମିଡ଼ ପୁଡ଼ତିଡ଼, ନିସ୍ତାର ପାଣ୍ଡୁନ୍ ଆଦଦାନ୍ ମାଇଦିଙ୍କ୍ ମେଣ୍‌ରେଣ୍ଡ
ଦିନା ମିନ୍ଦେ ଇଦ୍ ମିଡ଼ ପୁଡ଼ତିଡ଼ । ଆସୁଟେ ନାରୁନ୍‌ପିଲେ କୁଶତାର୍
ଡାର୍‌ସ୍ତାନ୍ ଆଦଦାନ୍ ମାଇଦିଙ୍କ୍ ସମର୍‌ପିତ ଆଦତନ୍ ।”

୩ ହି ସମୟ୍‌ତେ ମୁକ୍ୟ ଦାଉତ୍ୟତେ ମାନ୍ଦାନ୍ ନୁ ବାଗାତଡ଼,
ଯିହୁଦିନେତାଲଡ଼ ବେଡ଼ିୟ୍‌ଯାଜକ୍ କୟ୍‌ପାନ୍ ଲୋଡେ ଦୁଝାଡ଼ତାଗେ
ଅଣ୍ଡିୟ୍‌ଯାଗେ ଗୁଡ଼ତଡ଼ ।

୪ ଜିସୁଙ୍କ୍ ବେନ ଚଲନାମାଡ଼ି ପୟ୍‌ସ୍ ରେହ୍‌ତାନ୍ ମାଇଦିଙ୍କ୍ ଚକ୍ରାନ୍ତ
ମାଡ଼ତଡ଼ ।

୫ ବାଡେଙ୍କ୍ ଇଡ଼କେ ଅଡ଼ କେଡ଼ତଡ଼, “ହି ପାଡ଼ିୟି ମାମ୍
ମାଡ଼ାନାଦ୍ ଲେକାମ୍ ହିଲକର୍ ମାଡ଼କେ । ଆସୁଟେ ନାରୁଡ଼ ଅଶାନ୍ତି
ମାଡ଼ପାର୍‌ଝେଡ଼ ।”

ବେତନିୟାତାରୁ ଜିସୁଙ୍କ ପୁରାଣାଦ
(ମାର୍କ ୧୪:୩-୯; ଯୋହନ୍ ୧୨:୧-୮)

୬ ଅନ୍ଦିନେ ଜିସୁ ବେତନିତାଗେ ମୁନେଙ୍କ କୁଷ୍ଠରଗ ଆସ୍‌ମାନ୍‌ଦାନ୍ ଶିମୋନ୍ ଲୋନ୍ ମାଡ଼ିଉ ।

୭ ☆ ଶିମୋନ୍‌ତେ ଲୋନ୍ ଜିସୁ ତିନ୍‌ଆଙ୍କ କୁଦାନ୍‌ଖେଲେ ଝେରଡ଼, ମୁଡ଼ତେ ଅଣ୍ଟାୟ କାଲ୍‌ଦେ ତିଆର୍ ଆଡ଼ତେ ଗିନେତାଗେ ମୁଲ୍ୟତାଦ ସାୟଡ଼ ଗାବ୍‌ତେ ନିୟ ବଉ ମାଡ଼ି ଜିସୁନ୍ ତାଲେଡ଼ ପରର ତରସିଡ଼ତେ ।

୮ ଶିଷ୍ୟଡ଼ ଇଦ୍ ଉଡ଼ି କପାମ୍ ଆଦତଡ଼ । ଅଡ଼ ତାଙ୍କ କେଡ଼ତଡ଼, “ହିସର୍ ନଷ୍ଟ ମାଡ଼ିତି ବାତେଙ୍କ ?

୯ ହି ଗାବ୍ ମାନ୍‌ଦାନ୍ ନିୟତିଙ୍କ ନାରଗେ ତାବ୍‌ତେ ଖାମାଙ୍କ ପାର୍‌ଖେନି ନୁ ଆଦ ଦନ୍‌ତିଙ୍କ ଗରିବ୍‌ନଡ଼ଙ୍କ ଦାନ ମାଡ଼ିଦ୍ ପାର୍‌ଖେନି ।”

୧୦ ଅଡ଼ ବାଡ଼ କେଡ଼ୁତଡ଼, ଜିସୁ ପୁଞ୍ଜମେଣ୍ଟେ କେଡ଼ତଣ୍ଟ, “ଆଦ ମୁତେଙ୍କ ବାତେଙ୍କ ଅଇରାନ୍ ମାଡ଼ିଡ଼ିଡ଼ ? ନା ମାଇଦିଙ୍କ ଆଦ ଅଣ୍ଟାୟ ସାୟେଡ଼ ନୁ ସୁନ୍‌ଦର୍ ପାଡ଼ିୟ ମାଡ଼ିତେ ।”

୧୧ ଗରିବ୍ ନାରୁଡ଼କିଂଙ୍କ ମିଡ଼ ସାରେଦାମ୍ ପାହେମ୍ ଆଦତିଡ଼, ବାତେଙ୍କ ଇଡ଼କେ ନାକିଂଙ୍କ ସାରେଦାମ୍ ପାହେମ୍ ଆୟୁଡ଼ିଡ଼ ।

୧୨ ନା ତାଲତାରୁ ଗାବ୍ ମାନ୍‌ଦାନ୍ ନିୟ ତରସି ଆଦ ନାକିଂଙ୍କ ସମାଦି ଇଦାନଙ୍କ ତିଆର୍ ମାଡ଼ିତେ ।

୧୩ ନାନ୍‌ନେ ମିକିଂଙ୍କ ନିଜାମ୍ କେଡ଼ୁତାନ୍, ସାରେ ଜଗଡ଼ତାଗେ ଯେ ବେନ୍‌ଆଇ ପଡ଼ିୟେତାରୁ, ଇ ସୁସମାଚାର ପ୍ରଚାର ଆଦତେ, ଇ ମୁଡ଼ତେ ବାତେଏ ମାଡ଼ିତେ, ତାଙ୍କ ହେର୍କା ମାଡ଼ି ଆଦିଙ୍କ ଆନ୍‌ତେ ଲେକେ ଝେୟିଡ଼ିଡ଼ ।

ଜିସୁଙ୍କ ପସିଦାନ୍ ମାଇଦିଙ୍କ ଯିହୁଦାଲ୍ ରାଜି ଆଦତନ୍
(ମାର୍କ ୧୪:୧୦, ୧୧; ଲୁକ ୨୨:୩-୬)

୧୪ ଜିସୁନ୍ ବାରଜାନ୍ ଶିଷ୍ୟଡ଼ ଲପ୍ ଇଷ୍ଟାରିୟ ଯିହୁଦା ପେଦେର୍ ତଣ୍ଟ ଝେରଣ୍ଟ ଶିଷ୍ୟ ମୁକ୍ୟ ଯାଜକିଡ଼ ଗାରରେ ଆଞ୍ଜ ପାତ୍ରା ମାଡ଼ିତଣ୍ଟ,

୧୫ “ଜିସୁଙ୍କ ପସ୍ତିତକେ ନାକିଂଙ୍କ ବାତେଏ ଇଦ୍‌ତିଡ଼?” ଅଡ଼୍‌ଆକିଙ୍କ ତିରିଶ୍‌ଟାନ୍ ରୁପାମୁଦ୍ରାଲେକି ଇଡ଼ତଡ଼ ।

୧୬ ଆଦ୍ ଦିନ୍ କଞ୍ଜ ଜିସୁଙ୍କ ଅଡ଼୍‌କାୟଦେ ପସ୍ତିଦାନ୍ ମାଈଦିଙ୍କ ଯିହୁଦାଲ୍ ସୁଯଗ୍ ମୋହକ୍ ତଣ୍ ।

ଶିଷ୍ୟତ୍‌ତ ଜିସୁନ୍ ନିସ୍ତାର ପାଣ୍ଡୁନ୍ ବଜି ପାଲନ୍

(ମାର୍କ ୧୪:୧୨-୨୧; ଲୁକ ୨୨:୭-୧୩, ୨୧-୨୩; ଯୋହନ୍ ୧୩:୨୧-୩୦)

୧୭ ତାଡ଼ି ଶୁନ୍ୟ ରୁଟି ପାଣ୍ଡୁନ୍ତେ ମୁନେଡ଼ ଦିନେତେ ଶିଷ୍ୟତ୍‌ ଝାସ୍ ଜିସୁଙ୍କ ପାତ୍ରା ମାଡ଼ତଡ଼, “ମାମ୍ ବେଗାକଞ୍ଜ ନି ମଈଦିଙ୍କ ନିସ୍ତାର ପାଣ୍ଡୁନ୍ ବଜି ତିଆର୍ ମାଡ଼ିତମ୍ ?”

୧୮ ଜିସୁ ଉତ୍ତର ହିଡ଼ତଣ୍, “ସହରତାଗ୍ ଆଞ୍ଜ ଆଦ୍ ବେନ୍‌ଆଇ ନାରୁଙ୍କ କେତିତିଡ଼, ‘ଗୁରୁ କେତୁତଣ୍ ନାୟାଦ୍ ଦିନାମ୍ ଗାରରେ ହେଝ୍‌ସ୍ ଝାସ୍‌ମିୟେ । ତାନ୍ ଶିଷ୍ୟତ୍‌ ତ ମିଈ ଲୋନ୍ ଅଣ୍ ନିସ୍ତାର ପାଣ୍ଡୁନ୍ ପାଲନ୍ ମାଡ଼ିତନ୍ ।”

୧୯ ଜିସୁ କେଡ଼ତାନ୍ ଲେକାମ୍ ଶିଷ୍ୟତ୍‌ ନିସ୍ତାର ପାଣ୍ଡୁନ୍ ବଜ୍ ମିଟିଙ୍କ ମାଡ଼ତଡ଼ ।

୨୦ ମୁଲ୍‌ପୁର୍ ଆଡ଼ତାଙ୍କ ଜିସୁ ନୁ ବାରଜାନ୍ ଶିଷ୍ୟତ୍‌ ତିନ୍‌ଆଙ୍କ କୁଦ୍‌ତଡ଼ ।

୨୧ ତିନ୍‌ଆନ୍ ଝେୟ୍ ଜିସୁ କେଡ଼ତଣ୍, “ନାନ୍ ମିକିଂଙ୍କ ସଡ଼ କେତୁତାନ୍, ମିଈ ଲୋପେଙ୍କ ଝେରଣ୍ ନାକିଂଙ୍କ ଶତୁଡ଼ କାଈଦେ ସମର୍‌ପନ୍ ମାଡ଼ିତନ୍ ।”

୨୨ ଶିଷ୍ୟତ୍‌ ଗାଟି ଦାୟେ ଆଶେ ଝେରନ୍ ପେକେ ଝେରନ୍ ଜିସୁଙ୍କ ପାତ୍ରା ମାଡ଼ତଡ଼, ନିମ୍ ନିଜାମ୍ ନାକିଂଙ୍କ ଉଡ଼ି କେଲ୍‌ଝିନ୍ ।

୨୩ ଜିସୁ କେଡ଼ତଣ୍, “ବେନ ନା ତଡ଼ ଝେରଡ଼ ପାତ୍ରତାଗେ ରୁଟି ଲିହ୍‌ତିତଣ୍, ଅଣ୍ ନାକିଂଙ୍କ ଶତୁଡ଼ କାଈଦେ ସମର୍‌ପନ୍ ମାଡ଼ିତନ୍ ।

୨୪ ଶାସ୍ତ୍ରତାଗ୍ ଲେକ୍‌ତାଦ୍ ଲେକାମ୍‌ତେ ନାରୁନ୍‌ପିଲେ ତଲିତଣ୍, ବାତେଙ୍କ ଇଡ଼କେ ନାରୁନ୍‌ପିଲେତିଙ୍କ ବେନ ପସ୍ତିଦ୍‌ତଣ୍, ଅନାଦ୍ ଦଶା ବେସର୍‌ ବୟ୍‌ଙ୍କର ଆଦିତେ ! ବେସୁଙ୍କ ଜନମ୍ ଆୟ୍‌ୟକଟ୍ ମାଡ଼କେ ଅନ୍ ମାଈଦିଙ୍କ ସାୟ୍‌ ଆୟେଡ଼ ।”

୨୫ ଶତ୍ରୁତ୍ୱ କାଲଦେ ସମରପନ୍ ମାଡ଼ାନ୍ ଯିହୁଦାଲ୍ ତେଦି ପାତ୍ରା ମାଡ଼ତଣ୍ଡ, “ଗୁରୁ, ନିମ୍ ନାକିଂଙ୍କ ଉଡ଼ି କେଲ୍‌ଝିନ୍ ତ !” ଜିସୁ ଅଂକିଂଙ୍କ ଉତ୍ତର ହିଡ଼ତଣ୍ଡ, “ନିମ୍ ଆଦ୍ କେତୁଡିନ୍ ।”

ପ୍ରବୁ ବଜ

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧ କରନ୍ତିୟ ୧୧:୨୩-୨୫)

୨୬ ଅଡ଼ ତନ୍ଦାନ୍ ସମୟତେ ଜିସୁ ଝେରଡ଼ ରୁଟି ଅସ୍ ଇଶ୍ବରତିଙ୍କ ଦନ୍ୟବାଦ୍ ହିଡ଼ତଣ୍ଡ ନୁ ଆଦିଙ୍କ ଉସ୍ ଶିଷ୍ୟଡ଼କିଂଙ୍କ ଇସ୍ କେଡ଼ତଣ୍ଡ, “ଆୟମୁର୍, ତିନୁର୍, ହିଦ୍ ନାୟାଦ୍ ମେୟୁଲ୍ ।”

୨୭ ତାନ୍‌ପେକେ ଅଣ୍ ଦେବ୍‌ତିଙ୍କ ଆସ୍ ଇଶ୍ବରତିଙ୍କ ଦନ୍ୟବାଦ୍ ଇଡ଼ତଣ୍ଡ ନୁ ଆଦ୍ ଶିଷ୍ୟଡ଼କିଂଙ୍କ ଇସ୍ କେଡ଼ତଣ୍ଡ, “ମିଡ଼୍ ସାରେ ଇଗାଙ୍କ ଉନୁର୍ ।

୨୮ ଇଦ୍ ନାୟାଦ୍ ନେତୁର୍ । ନାରୁଡ଼ାଦ୍ ପାପ୍ କ୍ଷମାତେ ମାଲଦିଙ୍କ ନାନ୍‌ନେ ନା ବେନ୍ ନେତୁର୍ ତଣ୍‌ସିଦାଙ୍କ ଆଦୁତାନ୍, ବେଦ୍ ଇଶ୍ବରତେ ପୁନାଦ୍ ନିୟମତିଙ୍କ ମୁଦ୍ରାଙ୍କିତ ମାଡ଼ିଡ଼ ।

୨୯ ନାନ୍‌ନେ କେସ୍ ନେହ୍‌ତୁଡାନ୍, ନା ବାବାନ୍ ରାଜ୍ୟତାଗେ ମିଇ ତ ପୁନାଦ୍ ଦ୍ରାକ୍ଷାରସ୍ ଉନ୍‌ନା ଯାକ ନାନ୍ ମେଣ୍ଡେ ବେସୁଙ୍କ ଅଙ୍ଗୁରରସ୍ ଉନ୍‌ନନ୍ ।”

୩୦ ଆଦିନ୍ ପେକେ ଅଡ଼ ଦନ୍ୟବାଦ୍ ପାଟା ପାର୍‌ରି ମେଟେତାଗେ ଆଡ଼ତଡ଼ ।

ପିତର୍ ଅସ୍ବାକାର ବିଷୟତେ ଜିସୁନ୍ ଗର୍

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଯୋହନ୍ ୧୩:୩୬-୩୮)

୩୧ ଆଦ୍ ସମୟତେ ଜିସୁ ଅଡ଼କିଂଙ୍କ କେଡ଼ତଣ୍ଡ, “ନେଣ୍ଡ ନାର୍‌କେଡ଼ ମିଡ଼୍ ସାରେ ନାକିଂଙ୍କ ଝିଡ଼୍‌ସି ଆଦ୍‌ତିଡ଼ । ଶାସ୍ତ୍ରାଗ୍ ଲେକାମିୟେ, ନାନ୍ ମେଣ୍ଡା ପଡ଼୍‌ପାନ୍‌ଙ୍କ ଆଞ୍ଜିତାନ୍ ନୁ ମେଣ୍ଡା ଝେରେ ଝେରେ ଆଦ୍‌ତା ।

୩୨ ☆ବାତେଙ୍କ ଇକେ ନାନ୍‌ନେ ମେଣ୍ଡେ ଆଦ୍ ଅଦିକ୍ ମିଇ ମୁନେଙ୍କ ଗାଲିଲୀତାଗ୍ ଆଦ୍‌ତାନ୍ ।”

୩୩ ପିତର୍ ଜିସୁଙ୍କ କେଡ଼ତଣ୍ଡ, “ସାର୍‌ତଡ଼୍ ନିକିଂଙ୍କ ଝିଡ଼୍‌ସି ଆଡ଼କେ ବା ନାନ୍‌ନେ ବେସୁଙ୍କ ବା ଆନନ୍ ।”

୩୪ ଜିସୁ ପିତରୁତିଙ୍କ କେତତଣ୍ଡ, ନାନନେ ନିଜାମ୍ କେତୁତାନ, ନେଣ୍ଡ ନାରକେଡ଼ କର୍କକୁସାନ୍ ମୁନେଙ୍କ ନିମ୍ ନାକିଂଙ୍କ ପୁନନ୍ ଇଞ୍ଜ ମୁଣ୍ଡଦାମ୍ କେତିତିନ୍ ।

୩୫ ପିତର ଉତ୍ତର ହିଡ଼ତଣ୍ଡ, “ନି ତ ତଲାଙ୍କ ଇଡ଼କେ ବା ନାନନେ ବେସୁଙ୍କ ନିକିଂଙ୍କ ଅସ୍ତାକାର ମାଡ଼ନ୍ ।” ବାଗାଡ଼ ଶିଷ୍ୟତ୍ ଆନ୍ତେ ସାରେ ରକମ୍ କେଡ଼ତଡ଼ ।

ଗେଡ଼ସମନିତାଗେ ଜିସୁନ୍ ପ୍ରାର୍ଥନା

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୬ ତାନ୍ ପେକେ ଜିସୁ ଶିଷ୍ୟତ୍ ତ ଗେଡ଼ସମନି ପେଦେରତେ ଝେରଡ଼ ପଡ଼ିୟେତାଗ୍ ଆଞ୍ଜ କେଡ଼ତଡ଼, “ମିଡ଼ ହିଗ୍ ସେନେକ୍ କୁଦାବ୍ । ନାନନେ ଆଗେ ଆଞ୍ଜ ମାଡ଼ିତାନ୍ ।”

୩୭ ଆଦ୍ ପିତର ନୁ ଜେବଦିନ୍ ଇର୍ଝୁଡ଼ ମାରକିଙ୍କ ଅନ୍ତଡ଼ ଆଡ଼ତେ । ଆସୁଚେ ଜିସୁ ଗାଟି ଦୁଃକ ଯନ୍ତ୍ରତାଗେ ବ୍ୟାକୁଲ ଆଡ଼ତଣ୍ଡ ।

୩୮ ଅଡ଼କିଂଙ୍କ କେଡ଼ତଣ୍ଡ, “ଦୁଃକତେ ନା ହୁଦୟ୍ ଝାଡ଼କୁଡ଼ । ହିଗେ ନାକିଙ୍କ କେପି ମାନୁବ୍ ।”

୩୯ ଜିସୁ ସୁଦୁର୍ ଦୁରାମ୍ ଆଞ୍ଜ ବୁମ୍ତାଗେ ମକମ୍ ମଦଲ୍ ମାଡ଼ି ପ୍ରାର୍ଥନା ମାଡ଼ତଣ୍ଡ, “ବାବାଲ୍ ! ଯଦି ନିଜାମ୍ ଆଡ଼କେ, ଇ ଦୁଃକାମ୍ତାଦ୍ ଦାୟାକ୍ ନାୟାଗାଙ୍କ ଦୁର୍ ମାଡ଼ା, ବାଡେଙ୍କ ଇଡ଼କେ ନା ଇଚ୍ଛା ଆୟ୍ୟ, ନିୟାଦ୍ ଇଚ୍ଛା ସାରେ ଆୟ୍ ।”

୪୦ ତାନ୍ ପେକେ ଅଣ୍ଡ ମୁଝୁଡ଼ ଶିଷ୍ୟତ୍ ଗାରରେ ମାଲ୍ସ ଝାସ୍ ଉଡ଼ତଣ୍ଡ, ଅଡ଼ ପୁଞ୍ଜି ମିୟେଡ଼ । ଜିସୁ ପିତରୁତିଙ୍କ କେଡ଼ତଣ୍ଡ, “ମିଡ଼ ମୁଝୁଡ଼ ଯାକ ନା ତଡ଼ ଝେରଡ଼ ଗାଣ୍ଟା ଯାକ କେପ୍ପେ ପାରୁଡ଼ ?

୪୧ ପରିକ୍ଷାତେ ବେଦ୍ପୁରୁଙ୍କ ଆଗ୍ ଆୟ୍ଡ଼ିଡ଼, ଆଦିନ୍ ମାଇଦିଙ୍କ କେପିମେଣ୍ଡେ ପ୍ରାର୍ଥନା ମାଡ଼ାବ୍ । ମିୟାଦ୍ ଆମ୍ବା ଉଦ୍‌ଯଗ, ବାଡେଙ୍କ ଇଡ଼କେ ମେନ୍ଦୁଲ୍ ଦୁର୍ବଲ୍ ।”

୪୨ ଜିସୁ ମେଣ୍ଡନ୍ ଦାମ୍ ଆଞ୍ଜ ପ୍ରାର୍ଥନା ମାଡ଼ତଣ୍ଡ, “ବାବାଲ୍ ! ଯଦି ହି ଦୁଃକାମ୍ତେ ପାନପାତ୍ରତିଙ୍କ ନାୟାଗାଙ୍କ ଯେକା ମାଡ଼ାଙ୍କ ଆୟ୍ୟ ନୁ ନାକିଂଙ୍କ ଆଦ୍ ଉଦ୍‌ଝେୟ୍ଡିଡ଼, ନିୟାଦ୍ ଇଚ୍ଛା ସାରେ ସଫଲ୍ ଆୟ୍ ।”

୪୩ ଅଣ୍ଟା ମେଣ୍ଟନ୍ ଦାମ୍ ଝାସ୍ ଶିଷ୍ୟତ୍ ଉଞ୍ଜିମାନ୍ଦାନାଦ୍ ଉଡ଼ତଣ୍ଟ ।
ଅଡ଼କଣ୍ଡା ତେରସ୍ ଉଡ଼ି ମାନ୍ଦ୍ ପାର୍ବକ କଟ୍ ମାଡ଼ତଡ଼ ।

୪୪ ଜିସୁ ଅଡ଼କିଂଙ୍କ୍ ଓଡ଼ସି ସୁଦୁର୍ ଦୁରାମ୍ ଆଞ୍ଜ ମୁଣ୍ଡଦାମ୍ତେ
ଆଦେପଟୁଙ୍କ୍ ପ୍ରାର୍ଥନା ମାଡ଼ତଣ୍ଟ ।

୪୫ ତାନ୍ ପେକେ ଶିଷ୍ୟତ୍ ଗାରରେ ଝାସ୍ କେଡ଼ତଣ୍ଟ, “ମିଡ଼ଲଞ୍ଜେକ୍
ଆଇନା ଉଞ୍ଜି ରମୁଡ଼ିଡ଼ ? ଉଡ଼ାଟ୍, ନାରୁନ୍ପିଲେ ଦୁଷ୍ଟ ନାରୁଡ଼,
କାୟଦେ ସମରପିତ ଆଦ୍ଦାନ ଦିନାମ୍ ହେଝ୍ତେ ।

୪୬ ତେଦାଟ୍ ମାନାଡ଼ ଅଦିକା, ଉଡ଼ାଟ୍, ବରନ ନାକିଂଙ୍କ୍ ଶତୁଡ଼,
କାୟଦେ ପସ୍ତିତେ ନାରୁଡ଼ ଝାସ୍ ହେଝ୍ସ ମିନ୍ଦେଣ୍ଟ ।”

ଜିସୁ ଗିରାପ୍ ଆଡ଼ତଣ୍ଟ

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଯୋହନ୍ ୧୮:୩-୧୨)

୪୭ ଜିସୁ ହି ଗଟ୍ କେଡ଼ତାନ୍ ଝେୟ୍, ଅନ୍ ବାରଶିଷ୍ୟତ୍ ଲପ୍ ଯିହୁଦା
ପେଦେର୍ତେ ଶିଷ୍ୟ ଝାସ୍ ହେଝ୍ତଣ୍ଟ । ଅନ୍ ତଡ଼ ସୁରି ନୁ ଟେଙ୍ଗା
ପୟସ୍ ନାରଗେ ନାରୁଡ଼ ଆଗେ ଗୁଡ଼ତଡ଼ । ଅଡ଼କିଂଙ୍କ୍ ମୁକ୍ୟ ପୁଜାରି
ନୁ ଦର୍ମନେତାଲଡ଼ ରୟସ୍ ମାଡ଼ତଡ଼ ।

୪୮ ବିଶ୍ବାସ୍ ଆୟୁଓଡ଼ ଯିହୁଦାଲ୍ ଅଡ଼କିଂଙ୍କ୍ ଝେରଡ଼ ସଙ୍କେତ ହିଦାନ୍
ମାୟଦିଙ୍କ୍ ଟିକ୍ ମାଡ଼ିମାଡ଼ତଣ୍ଟ । ଅଣ୍ଟା ଅଡ଼କିଂଙ୍କ୍ କେଡ଼ତଣ୍ଟ, ବେନ୍
ନାରୁଙ୍କ୍ ନାନ୍ନେ ସୁମା ହିଦ୍ତାନ୍, ଅଂକିଂଙ୍କ୍ ମିଡ଼ ମେହେକୁଡ଼ିଡ଼ ।
ଅଂକିଂଙ୍କ୍ ପୟଡ଼ିଡ଼ ।

୪୯ ଯିହୁଦାଲ୍ ଆଞ୍ଜଡ଼େ ଜିସୁନ୍ ଗାରରେ ଆଞ୍ଜ ଅଂକିଂଙ୍କ୍ ନମସ୍କାର
ମାଡ଼ି ସୁମା ହିଡ଼ତଣ୍ଟ ।

୫୦ ଜିସୁ ଅଡ଼କିଂଙ୍କ୍ କେଡ଼ତଣ୍ଟ, “ସାଙ୍ଗ, ନିୟାଦ୍ ପାଡ଼ୟି ସିଟ୍ପାଟ୍
ତେରସ୍ତାନ୍ ।” ତାନ୍ ପେକେ ଅଡ଼ ଜିସୁଙ୍କ୍ ପୟସ୍ ବନ୍ଦି ମାଡ଼ତଡ଼ ।

୫୧ ଜିସୁନ୍ ପାକାଙ୍କ୍ ଝେରଣ୍ଟ ନାରୁଡ଼ ନିଜେଡ଼ ସାକୁ ପେସପି ମୁକ୍ୟ
ପୁଜାରିନ୍ ଚାକରତିଙ୍କ୍ ରେହ୍ତଣ୍ଟ । ଆଦ୍ ନାରୁନ୍ କେଝୁ ତେଗ୍ତେ ।

୫୨ ଜିସୁ ପିତରତିଙ୍କ୍ କେଡ଼ତଣ୍ଟ, “ନି ସାକୁତିଙ୍କ୍ ତାନ୍ ପଡ଼ିୟେତାଗ୍
ନେହେମ୍ । ବେନଡ଼ ସାକୁତେ ଲାଗେମ୍ ଆଦ୍ତଡ଼, ଅଡ଼ ସାକୁତେକେ
ଡ଼ଲିତଡ଼ ।

୫୩ ମିଡ଼, ବାତେଏ ପୁନଃଓଡ଼, ନାନନେ ନା ବାବାଙ୍କ ସାହାଯ୍ୟ ତାଲୁକାନ ହିତକେ, ଅଣ୍ଟ ନା ମାଇଦିଙ୍କ ସାଙ୍ଗେ ସାଙ୍ଗେ ବାରଟାନ ବାହିନିକିନ୍ ଓଡ଼ସି ନାରଗେ ଦୂତକିଙ୍କ ରହଡ଼ ପାରତଣ୍ ?

୫୪ ବାତେଙ୍କ ଇଡ଼କେ ଆଲାଇଡ଼କେ ହିସାରରେ ଗଟେମ୍ ଆଦତେ ଇଞ୍ଜ ଶାସ୍ତ୍ରତାଗ୍ ବାଡ଼ ଲେକାମିନ୍ଦେ, ଆଦ ସାରେ ଆଦତେ ବେଦପୁରୁଙ୍କ ?”

୫୫ ☆ଜିସୁ ତାନପେକେ ଗୁଡ଼ଡ଼ି ମାନ୍ଦାନ୍ ଆଦ ନାରୁଡ଼କିଙ୍କ କେଡ଼ତଣ୍, ନାନ୍ ବାତେଏ ଝେରଣ୍ ତଙ୍ଗାଲ୍, ସାକୁ ଟେଙ୍ଗା ପୟସ୍ ନାକିଙ୍କ ପୟଦାଙ୍କ ଝାଡ଼ଡ଼ିଡ଼ ? ସାରେ ଦିନା “ନାନନେ ମନ୍ଦିର୍ ତାଗ୍ କୁଦି ଶିକ୍ଷା ଇସମାଡ଼ତାନ୍, ଆସୁଙ୍କ ତ ନାକିଙ୍କ ପୟଓଡ଼ !

୫୬ ଅଣ୍ଟ ବାଡ଼ଆଇ, ବାବବାଦାଡ଼ ଶାସ୍ତ୍ରତାଗ୍ ବାତା ଲେକିମିନ୍ଦେଡ଼, ଆଦ ସାରେ ସପଲ୍ ଆଦଦାନ୍ ମାଇଦିଙ୍କ ହିଦ୍ ଗଟେମ୍ ଆଦୁଡ଼ ।” ଆଦ ସମୟତେ ଶିଷ୍ୟଡ଼ ସାରେତଡ଼ ଜିସୁଙ୍କ ଓଡ଼ସି ମିରତଡ଼ ।

ଯିହୁଦିଦାଦ୍ ମହାସବାତାଗେ ଜିସୁନ୍ ବିଚାର୍

(ମାର୍କ ୧୪:୫୩-୬୫; ଲୁକ ୨୨:୫୪-୫୫, ୬୩-୭୧; ଯୋହନ୍ ୧୮:୧୩-୧୪, ୧୯-୨୪)

୫୭ ଜିସୁଙ୍କ ପସ୍ତିଡ଼ନଣ୍ ଅଂକିଙ୍କ ବେଡ଼ିଇ ଯାଜକତାଗେ କୟାପାନ୍ ଲୋନ୍ ଆଡ଼ତଡ଼ । ଆଗେ ଦର୍ମଗୁରୁ ନୁ ଦର୍ମନେତାଲଡ଼ ସମବେତ ଆଗେ ମାଡ଼ତଡ଼ ।

୫୮ ପିତର୍ ସୁଦୁର୍ ଦୁରାମ୍ ମାଞ୍ଜି ଜିସୁଙ୍କ ପେକେ ଆଞ୍ଜମାଡ଼ତଣ୍ ନୁ ଅଣ୍ଟ କୟାପାନ୍ ଲୋନ୍ ଗେର୍ ଯାକ ଆଡ଼ତଣ୍ । ହି ସାରେ ଗର୍ନାତେ ପରିନତ ବାତେଏ ଆଦତେ, ଉଡ଼ାନ୍ ମାଇଦିଙ୍କ ପିତର୍ ଆଗେ ପ୍ରହରିନାରୁଡ଼ ତ କୁଦତଣ୍ !

୫୯ ମୁକ୍ୟ ଯାଜକକିଡ଼ ନୁ ବେଡ଼ିୟମିଟିଙ୍କତେ ସଦସିଡ଼ ଜିସୁଙ୍କ ଡଲାନଦଣ୍ ହିଦାନ୍ ମାଇଦିଙ୍କ ଅନ୍ ବିରୁଦ୍ଧତେ ବଲାନ ପ୍ରମାନ୍ ଗୁଡ଼ପାନଙ୍କ ଆଲ୍‌ସି ମାଡ଼ତଡ଼ ।

୬୦ ନାରଗେ ନାରୁଡ଼ ଜିସୁନ୍ ବିରୁଦ୍ଧତେ ବୁସା କେଡ଼ତଡ଼ । ବାତେଙ୍କ ଇଡ଼କେ ରକମ୍ ବାତେମେଣ୍ଟେ ସିଡ଼ ପାହେମ୍ ଆୟ୍‌ୟଡ଼ । ଶେଷତେ ଇର୍‌ଝୁଡ଼ ତେଦତଡ଼ ।

☆ ୨୭:୫୫ ଲୁକ ୧୯:୪୭; ୨୧:୩୭.

୭୧ ☆ ଅଡ଼୍ କେଡ଼ତଡ଼, “ଇ ନାରୁଡ଼୍ କେସମାଡ଼ତଣ୍ଡ, ନାନ୍ ଇଶ୍ବରତେ ମନ୍ଦିରତିଙ୍କ ଲିକି ମୁଣ୍ଡିନାତେ ଲପ୍ ଆଦିଙ୍କ ମେଣ୍ଡେ ତିଆର୍ ମାଡ଼ିଦ୍ ପାର୍ଦତାନ୍ ?”

୭୨ ବେଡ଼ିୟେ ପୁରହିଡ଼ ନିସ୍ ଜିସୁଙ୍କ କେଡ଼ତଣ୍ଡ, ନିମ୍ ବାଡ଼ତିଙ୍କ ବାତେଏ କେଲ୍ଡି ? ନି ବିରୁଦ୍ତେ ହି ଅବିୟର୍ କଣ୍ଡନ୍ ମାଡ଼ାନଙ୍କ ନିୟାଦ୍ ବାତେଏ କେତାନାଦ୍ ଇଲ୍ଲେ ?

୭୩ ବାତେଙ୍କ ଇଡ଼କେ ଜିସୁ କଟ ମାଡ଼ତଣ୍ଡ । ବେଡ଼ିୟାଦ୍ ଜାଜକ୍ କେଡ଼ଣ୍ଡ, ଜିସୁନ୍ମାୟାନ୍ ଇଶ୍ବରତେ ପେଦେର୍ ତେ ନାନ୍ନେ ନିକିଙ୍କ ପାତ୍ରା ମାଡ଼ତୁନ୍, ସଡ଼ତେ କେଲ୍ମ, ନିମ୍ ବାତେଏ ଇଶ୍ବରତେ ମାର୍ କ୍ରିଷ୍ଟ ନି ?

୭୪ ଜିସୁ ଉତ୍ତର ଇଡ଼ତଣ୍ଡ, “ନିମ୍ ଟିକ୍ କେଡୁତିନ୍ । ବାତେଙ୍କ ଇଡ଼କେ ନାନ୍ନେ ମିଇ ସାରତଡ଼୍ କେଡୁତାନ୍, ସିଟ୍ପାଟ୍ ନାରୁନ୍ପିଲେ ସାରେତିଙ୍କ ଶକ୍ତିନଡ଼୍ ତିନ୍ଦେପାକ୍ କୁଦାଙ୍କ ଆଦୁତନ୍, ମେଣ୍ଡେ ଅଂକିଙ୍କ ସର୍ଗତାଗେ ମାବ୍ମୟଲ୍ତେ ତ ତିଗି ଖାଦାନାଦ୍ ମିଡ଼୍ ଉଡ଼ିତିଡ଼୍ ।”

୭୫ ଇଲା କେଞ୍ଜି ବେଡ଼ିୟାଦ୍ ଯାଜକ୍ ନିଜେଡ଼ ତାଦ୍ ଚକା ତିଙ୍କ୍ ହିକି ମେଣ୍ଡେ କେଡ଼ତଣ୍ଡ, “ଇଦ୍ ତ ଇଶ୍ବରତାଦ୍ ନିୟ । ମେଣ୍ଡେ ଝେରେ ସାକ୍ସି ଦରକାର୍ ଇଲେ । ଇଞ୍ଜେକେ ହିନାଦ୍ ଇଶ୍ବରତେ ନିୟ ତ ନିମ୍ କେଞ୍ଜିତିନ୍ ।

୭୬ ଇ ବିଷୟତେ ମିୟାଦ୍ ମତ ବାତେଏ ?” ଅଡ଼୍ ଉତ୍ତର ହିଡ଼ତଡ଼୍, “ଅଣ୍ଡ୍ କାରାପ୍ ନାରୁନ୍, ଅଣ୍ଡ୍ ଡଲାନ୍ ମାଇଦିଙ୍କ୍ ଯଗ୍ୟ ।”

୭୭ ତାନପେକେ ଅଡ଼୍ ଜିସୁନ୍ ମକତାଗ୍ ଉସି ଅଂକିଙ୍କ୍ ରେହଡ଼ତଡ଼୍ । ବେସ୍ବକଡୁଡ଼୍ ଅଂକିଙ୍କ୍ ଚାପୁଡ଼ା ରେହେସ୍ବ କେଡ଼ତଡ଼୍,

୭୮ “ଏୟଇ କ୍ରିଷ୍ଟ ! ନିମ୍ ବାବବାଦି ବାବବାନି ସୁଦୁଟ୍ କେଲ୍ଲଲା । ବେନ ନିକିଙ୍କ୍ ରେହଡ଼ଣ୍ଡ, କେଲ୍ମ ତ !”

ପିତର୍ ଜିସୁଙ୍କ ଅସ୍ତ୍ରୀକାର୍ ମାଡ଼ତଣ୍ଡ

(ମାର୍କ ୧୪:୬୭-୭୨; ଲୁକ ୨୨:୫୬-୬୨; ଯୋହନ୍ ୧୮:୧୫-୧୮, ୨୫-୨୭)

୭୯ ମୁକ୍ୟ ଜାଜକ୍ ବାୟଦେଡ଼ ଦୁଆତାଗେ ପିତର କୁଦିମାନ୍ଦାନ
ଝେଲେ ଝେରଣ୍ଡ ତାକର ଗାରରେ ଝାସ୍ କେଡ଼ତଣ୍ଡ, ନିମ୍ ଆନଡେ
ଗାଲିଲୀୟ ଜିସୁନ୍ ତଡ଼୍ ମାଡ଼ତିନ୍ ।

୮୦ ବାତେଙ୍କ୍ ଇକ୍ଟେ ପିତର ସାରତଡ଼୍ ମୁନ୍ ଇଦଗର୍ ଅସ୍ତୀକାର୍ ମାଡ଼ି
କେଡ଼ତଣ୍ଡ, “ନିମ୍ ବାତେଏ କେଡୁତିନ୍, ନାନନେ ବୁଜେମ୍ ଆୟନ୍ ।”

୮୧ ଇଲା କେସ୍ ଅଣ୍ଡ ଦୁଝାଡ଼ତେ ଆରଦେ ଗାରରେ ଆଡ଼ତଣ୍ଡ ।
ମେଣ୍ଡେ ଝେରଣ୍ଡ ଦାସ ଅଂକିଙ୍କ୍ ଉଡ଼ି ଆଗେ ମାନ୍ଦାନ ନାରୁଡ଼କିଙ୍କ୍
କେଡ଼ତଣ୍ଡ, “ହିଣ୍ଡ ନାଜରିତୟ ଜିସୁନ୍ ତଡ଼୍ ମାଡ଼ତଣ୍ଡ ।”

୮୨ ପିତର ମେଣ୍ଡନ୍ ଦାମ୍ ଅସ୍ତୀକାର୍ ମାଡ଼ି କେଡ଼ତଣ୍ଡ, “ରାଣାଝାଟି
କେଡୁତାନ୍, ଇଲ୍ଲେଲେ ଆଦ୍ ନାରୁଙ୍କ୍ ନାନନେ ପୁନନ୍ ।”

୮୩ ସୁଦୁର୍ ପେକେ ଆଗେ ମାନ୍ଦାନ ନାରୁଡ଼୍ ପିତରତେ ଗାରରେ
ଝାସ୍ କେଡ଼ତଡ଼୍ “ନିମ୍ ନିଜାମ୍ ଅଡ଼୍ ଲୋପେଙ୍କ୍ ଝେରେତନି । ନି ଗର୍
ତିରୟାନାଗ୍ ଗର୍ ପୁନ୍ଦାଙ୍କ୍ ଆଦୁଡ଼୍ ।”

୮୪ ଆସୁଟେ ପିତର କେଡ଼ତଣ୍ଡ, “ରାଣ ଇସ୍ କେଡୁତାନ୍, ନା ଗର୍
ସଡ଼୍ । ସଡ଼୍ ଆୟନ୍ଦକଟ୍ ମାଡ଼କେ ଇଶ୍ବର ନାକିଙ୍କ୍ ଦଣ୍ଡ ଇଝୀଣ୍ଡ ।”
ଆଦ୍ ନାରୁଙ୍କ୍ ନାନନେ ପୁନନ୍ । ଆସୁଟେ ସାଙ୍ଗେ ସାଙ୍ଗେ କର୍କ୍ କୁସଡ଼ା
।

୮୫ ଜିସୁ ବାତେଏ କେସ୍ମାଡ଼ତଣ୍ଡ, ପିତରତିଙ୍କ୍ ହେକ୍ଟା ଝାଡ଼ତେ,
“କର୍କ୍ କୁସାନ୍ ମୁନେଙ୍କ୍ ନାକିଙ୍କ୍ ପୁନନ୍ ଇଞ୍ଜ ନିମ୍ ମୁଣ୍ଡଦାମ୍ କେଡିତିନ୍
।” ଅଣ୍ଡ ବାୟଦେ ଆଞ୍ଜ ବ୍ୟାକୁଲ ଆଗେ କେୟଡ଼ଣ୍ଡ ।

୨୭

ପିଲାତନ୍ ମୁନେ ଜିସୁ

(ମାର୍କ ୧୫:୧; ଲୁକ ୨୩:୧-୨; ଯୋହନ୍ ୧୮:୨୮-୩୨)

୧ ତାନ୍ ମେଣ୍ଡନ୍ ଦିନ୍ ନାରକା ଜିସୁଙ୍କ୍ ରେହ୍ତାନ୍ ମାଲଦିଙ୍କ୍ ମୁକ୍ୟ
ଯାଜକ୍ ନୁ ଦର୍ମନେତାଲଡ଼୍ ରାଜି ଆଦତଡ଼୍ ।

୨ ଅଡ଼୍ ଅଂକିଙ୍କ୍ ଇକ୍ଲେତେ ତହସ୍ ରମିୟ ସାରରେ ରାଜ୍ୟତେ
ରାଜ୍ୟପାଳ ପିଲାତନ୍ ଗାରରେ ଆଡ଼ତଡ଼୍ ।

ଯିହୁଦାଲ୍ ଡଲ୍ଲନାଦ୍

(ପ୍ରେରିତ ୧:୧୮-୧୯)

୩ ☆ ଶତ୍ରୁତ୍ କାଇଦେ ହିଦାନ୍ ଯିହୁଦାଲ୍ କେଞ୍ଜତଣ୍ ଯେ, ଜିସୁଙ୍କ ଦଣ୍ଡାଦେଶ ଆଡ଼ତଣ୍, ଅଣ୍ଡ ଅନୁତାପ୍ ମାଡ଼ିତଣ୍ ତିରିଶ୍ଟାନ୍ ରୁପାଡ଼ାବ୍ ମାଲ୍ପିସ୍ କେଡ଼ତଣ୍,

୪ ଝେରନ୍ ନିର୍ଦ୍ଦଷ୍ ନାରୁନ୍ ନେତୁର୍ ସେଙ୍ଗେ ବିଶ୍ବାସ୍ ଗାତକତା ମାଡ଼ି ନାନେ ବେଡ଼ୟାଦ୍ ପାପ୍ ମାଡ଼ିତାନ୍ । ଅଡ଼ ଉତ୍ତର୍ ହିତତଡ଼, “ମାୟାଦ୍ ଆଦିନାଗେ ବାତେଏ ମିୟେ ? ଆଦ୍ ନିୟାଦ୍ ନିଜେଡ଼ ଗର୍ ।”

୫ ଯିହୁଦାଲ୍ ମୁଦ୍ରାକିଙ୍କ୍ ମନ୍ଦିରତେ ଲୋପେ ହେସିସ୍ ଆଡ଼ତଣ୍ । ତାନ୍ ପେକେ ଆଞ୍ଜ୍ ଗୁଡ଼ଞ୍ଜାତାଗ୍ ନଡ଼ମ୍ ତହସ୍ ଗୁସ୍ ଝିଡ଼ି ତଲ୍ତଣ୍ ।

୬ ମୁକ୍ୟ ଯାଜକ୍ ମୁଦ୍ରାକିଙ୍କ୍ ପେହ୍ କି କେଡ଼ତନ୍, “ଇ ନେତୁର୍ତେ ମୁଲ୍ୟ । ହିଡ଼ ମନ୍ଦିରତେ ବଣ୍ଡାରିତାଗେ ନେହ୍ତାନ୍ ନିୟମ୍ ବିରୁଦ୍ତେ ପାଡ଼ିଲ୍ ।”

୭ ଆଦ୍ ଦନ୍ତିଙ୍କ୍ ବେଦ୍ପୁଟ୍ କର୍ସ୍ ମାଡ଼ିତଡ଼, ହି ସମ୍ପର୍କତେ ଝେରଡ଼ ଆଲ୍ପି ମିକା ମାଡ଼ି “କୁମ୍ଭାରତେ ଝାୟା,” ପେଦେର୍ତେ ସୁକୁକ୍ ଝାୟା ଆସତଡ଼ । ହିଦ୍ ବିଦେସିଡ଼ କବର୍ ହିଦାନ୍ ପଡ଼ିଲେ ଲେକାମ୍ ବ୍ୟବହୃତ ଆଡ଼ତେ ।

୮ ନେଣ୍ଡଜାକ୍ ଆଦ୍ ଝାୟାଙ୍କ୍ ନେତୁର୍ ଝାୟା ଇଞ୍ଜ କେଡୁତଡ଼ ।

୯ ହିଦ୍ ଲେକାମ୍ ଜିରିମୀୟ ବାବବାଦୀ କେସ୍ମାୟାନ୍ ବାବବାନି ସାରେ ଆଡ଼ତେ, “ବାତେଏ ତିରିଶ୍ପାଇସାତେ ଝାମାନ୍ ସେଙ୍ଗେ ଇସ୍ରାୟେଲିୟ ପେକଡ଼ ସମତ ମାଡ଼ିମାଡ଼ିତଡ଼ ଆଦ୍ ଆଡ଼ତଡ଼,

୧୦ ତିରିଶ୍ଟାନ୍ ମୁଦ୍ରାନେ ଅଡ଼ କୁମ୍ଭାର ଝାୟାଙ୍କ୍ ଆସତଡ଼, ହିଦ୍ ମାଡ଼ାନ୍ ଇଶ୍ବର ନାକିଂ ଗର୍ ଇସ୍ମାଡ଼ତନ୍ ।”

ପିଲାତ ଜିସୁଙ୍କ୍ ଜେରା ମାଡ଼ିତଣ୍

(ମାର୍କ ୧୫:୨-୫; ଲୁକ ୨୩:୩-୫; ଯୋହନ୍ ୧୮:୩୩-୩୮)

୧୧ ଜିସୁଙ୍କ୍ ମୁନ୍ ଉଡ଼ି ରମିୟ ରାଜ୍ୟପାଲ ଅଂକିଙ୍କ୍ ପାତ୍ରା ମାଡ଼ିତଣ୍, “ନିମ୍ ବାତେଏ ଯିହୁଦିଡ଼ ରାଜାନି ?” ଜିସୁ ଅଂକିଙ୍କ୍ କେଡ଼ତାନ୍, ହୋ ନିମ୍ ଆଦ୍ କେଡୁତିନ୍ ।

୧୨ ବାତେଙ୍କ ଇଡ଼କେ ବେଡ଼ିୟ ଯାଜକ ନୁ ଦର୍ମନେତାଲଡ଼, ଅନ୍ ବିରୁଦ୍ଧତେ ତାସ୍‌ମାୟାନ୍ ଅବିୟଗ୍, ଅଣ୍ ବାତେଏ କେଲଣ୍ ।

୧୩ ଆଦିଙ୍କ ପିଲାତ ଅଂକିଙ୍କ କେଡ଼ତଣ୍, ନି ବିରୁଦ୍ଧତେ ଅଡ଼ାଦ୍ ଅବିୟଗ୍ ସାରେ ନିମ୍ ବାତେଏ କେଞ୍ଜିଞ୍ଜିନି ?

୧୪ ବାତେଙ୍କ ଇକେ ଜିସୁ ଉତ୍ତରତେ ଝେରଡ଼, ବା ଗର୍ କେଲ୍‌ଝାଙ୍କ ପିଲାତ ଗାଟି ବାକ୍‌ଝା ଆଡ଼ତଣ୍ ।

ଜିସୁଙ୍କ ତଲାନ୍ ଦଣ୍ ଇଡ଼ତଡ଼,

(ମାର୍କ ୧୫:୬-୧୫; ଲୁକ ୨୩:୧୩-୨୫; ଯୋହନ୍ ୧୮:୩୯-୧୯:୧୬)

୧୫ ଝିଜା ପାଣ୍ଡୁ ଝେଲେ ନାରୁଡ଼, ଇଚ୍ଛା ଲେକାମ୍ ରମିୟ ଗାସନ୍‌କର୍ତାଲ୍ ଯେ ବେନ୍‌ଆଇ ଅରଡୁଙ୍କ ବନ୍ଦି ନାରୁଙ୍କ ମୁକ୍ତି ହିଦାନ୍ ନିତିମାଡ଼ତେ ।

୧୬ ଆସୁଟେ “ବାରବବା,” ପେଦେରଡ଼ଣ୍ ଝେରଣ୍ କାରାପ୍ ପାଡ଼ିୟିଦେ ବନ୍ଦି ଆସ୍ ମାଡ଼ତଣ୍ ।

୧୭ ଆଗେ ଝାସ୍‌ମାୟାନ୍ ନାରୁଡ଼କିଂଙ୍କ ପିଲାତ ପାରା ମାଡ଼ତଣ୍, “ନାନନେ ବେନଙ୍କ ମୁକ୍ତିକତାନ୍ ଇଞ୍ଜି ମିୟାଦ୍ ଇଚ୍ଛା ? ବାରବବାତିଙ୍କ ନା ଜିସୁଙ୍କ ବେନଙ୍କ କ୍ରିଷ୍ଟ୍ ହିଞ୍ଜି କେତାନଙ୍କ ।

୧୮ ପିଲାତ ସାୟ୍ ପୁଞ୍ଜିମାଡ଼ତଣ୍ ଯେ ଯିହୁଦି ନେତାନଡ଼, କର୍ତ୍ତୁପକ୍ଷଡ଼ିଡ଼, କର୍ଷାତେ ସମର୍ପନ୍ ମାଡ଼ତଡ଼ ।

୧୯ ପିଲାତ ବିଚାରପଡ଼ିୟେତାଗେ କୁଦିମାୟାନ୍ ଝେୟ୍ ଅନ୍ ମୁଡ଼ତେ ଝେରଡ଼, ଗର୍ ରହତେ ଆ ଦାମ୍‌କ୍ ନାରୁଙ୍କ ବାତେଏ ମାଡ଼ମାଟ୍ । ନିନେଡ଼ ନାରକେଡ଼ ଝେରଡ଼, ସାପ୍‌ନେତେ ଅନ୍ ମାଇଦିଙ୍କ ନାନନେ ନାରଗେ ଦୁଃକାମ୍ ମାଡ଼ତାନ୍ ।”

୨୦ ବେଡ଼ିୟାଦ୍ ଯାଜକ ନୁ ଦର୍ମନେତାଲଡ଼, ବାରବବାଙ୍କ ପେସ୍‌ପି, ଜିସୁଙ୍କ ତଲାନ୍ ଦଣ୍ ଇଦାନ୍ ମାଇଦିଙ୍କ ପିଲାତଙ୍କ ଦାବୀ ମାଡ଼ାନଙ୍କ ନାରୁଡ଼କିଂଙ୍କ ଅସ୍ତିତଡ଼ ।

୨୧ ପିଲାତ ମେଣ୍ଟେ ପାରା ମାଡ଼ତଣ୍, “ଇ ଇର୍‌ଝୁଡ଼, ଲପ୍ ନାନନେ ବେନଙ୍କ ମୁକ୍ତି ମାଡ଼ିଦତାନ୍ ଇଞ୍ଜି ମିୟାଦ୍ ଇଚ୍ଛା ?” ଅଡ଼, କେଡ଼ତଡ଼, “ବାରବବାଙ୍କ ।”

୨୨ ପିଲାତ ପାତ୍ରା ମାଡ଼ତଣ୍ଟ, ଆଲାଉଡ଼କେ କ୍ରିଷ୍ଟ ଇଞ୍ଜ ପୁଞ୍ଜିମାନ୍ଦାନଙ୍କ ବାତେଏ ମାଡ଼ିତାନ୍ ? “ଅଂକିଙ୍କ କୁଶତାଗେ ତାରସ୍ତାର୍” ଇଞ୍ଜ ଅଡ଼ ସାରେତଡ଼ ମରପୟତଡ଼ ।

୨୩ ପିଲାତ ପାତ୍ରା ମାଡ଼ତଣ୍ଟ, “ବାତେଙ୍କ ଇଡ଼କେ ଅଣ୍ଟ ବାତେଏ ବୁଲ୍ ମାଡ଼ତଣ୍ଟ ?” ଅଡ଼ ମେଣ୍ଟେ ମରପୟସ୍ କେଡ଼ତାଙ୍କ ପସ୍ପଡ଼ତଡ଼, ଅଂକିଙ୍କ କୁଶତାଗେ ତାରସ୍ତାର୍ ।

୨୪ ବେସୁଙ୍କ ପିଲାତ ଉଡ଼ତଣ୍ଟ ଯେ, ଅଡ଼କିଂଙ୍କ କେସମେଣ୍ଟେ ବାଡ଼ଲାବ୍ ଇଲେ, ବେଲାନ୍ ଶାନ୍ତି ବଙ୍ଗର୍ ଆଶଙ୍କା ମିନ୍ଦେ, ଅଣ୍ଟ ସୁଦୁର୍ ଏର ଆସ୍, ନାରୁଡ଼ ମୁନେ କାୟ ନରତଣ୍ଟ, “ହି ନାରୁନ୍ ତଲାନ୍ ସେଙ୍ଗେ ନାନେ ଦାୟି ଆୟନ୍ । ହିଦ୍ ମିୟାଦ୍ ପାଡ଼ୟି ।”

୨୫ ନାରୁଡ଼ ଉଉର୍ ହିଡ଼ତଡ଼, “ଅନାଦ୍ ତଲାନ୍ ଦସ୍, ମାକିଂଙ୍କ ବା ମା ପିଲାନ୍ ପରର ଆୟି ।”

୨୬ ଶେଷତେ ପିଲାତ ବାରବବାଙ୍କ ପେସ୍ପିସ୍ ଜିସୁଙ୍କ କରତାତେ ରେହତାଙ୍କ ଆଦେଶ୍ ହିଡ଼ତଣ୍ଟ, ତାନ୍, ପେକେ କୁଶତାଗ୍ ତାରପାନ୍ ମାଉଦିଙ୍କ ସନ୍ୟଡ଼ କାଇଦେ ଝିଡ଼ସିଡ଼ତଣ୍ଟ ।

ସୈନ୍ୟହିଡ଼ ଜିସୁଙ୍କ ପରିହାସ୍ ମାଡ଼ତଡ଼

(ମାର୍କ ୧୫:୧୭-୨୦; ଯୋହନ୍ ୧୯:୨-୩)

୨୭ ପିଲାତନ୍ ସୈନ୍ୟହିଡ଼ ଜିସୁଙ୍କ ରମିୟ ଶାସକତିଙ୍କ ପ୍ରାସାଦତାଗ୍ ଆଡ଼ତଡ଼ ନୁ ସାରେତଡ଼ ସୈନ୍ୟଡ଼ ଅଂକିଙ୍କ ତିଡ଼ୟି ଆସ୍ ନିଡ଼ତଡ଼ ।

୨୮ ଅନାଦ୍ ଚକା କୁସ୍ପି ଆସ୍ ଅଂକିଙ୍କ ଅଣ୍ଟୟ ଆପେ ରଙ୍ଗଦେ ଚକେ କେରସ୍ତଡ଼ ।

୨୯ କୟେ ମାଡ଼ତେ ସୁଦୁର୍ତେ ଝେରଡ଼ ସହନ୍ ତିଆର୍ ମାଡ଼ି ଅନ୍ ତାଲେଡ଼ ପରର କେରସ୍ତିଡ଼ ତଡ଼ ନୁ ଅନ୍ ତିନ୍ଦେକାୟିଦା ଝେରଡ଼, ତୁଡ଼ ପସ୍ତଡ଼ତଡ଼ । ତାନ୍ପେକେ ଅଡ଼ ମୁନେ ବର୍ମିଣ୍ଡା ହୁହ୍ସି ଅଂକିଙ୍କ ପରିଆସ ମାଡ଼ି କେଡ଼ତଡ଼, ଯିହୁଦିଡ଼ ରାଜା ଚିରଜିବି ଆୟନ୍ ।

୩୦ ଅଡ଼ ଅନ୍ପରୁ ଉସ୍ତଡ଼, ଆଦ୍ ତୁଡ଼ ତଡ଼ ଅନ୍ ତାଲତାଗ୍ ରେହତଡ଼ ।

୩୧ ହିଦ୍ପୁରୁଙ୍କ ଅଂକିଙ୍କ ପରିହାସ୍ ମାଡ଼ତେ ପେକେ ରାଜକିୟ ଚକା ପେସ୍ପି ଅନାଦ୍ ନିଜେଡ଼ ଚକା କେରସ୍ତି ତଡ଼ ନୁ କୁଶତାଗେ ତାରସ୍ତାନ୍ ମାଉଦିଙ୍କ ଅଂକିଙ୍କ ଆଗାଙ୍କ ଆଡ଼ତଡ଼ ।

ଜିୟୁଙ୍କ କୁଶତାଗ୍ ତାରସ୍ତାନାଦ୍

(ମାର୍କ ୧୫:୨୧-୩୨; ଲୁକ ୨୩:୨୬-୪୩; ଯୋହନ୍ ୧୯:୧୭-୨୭)

୩୨ ଅଡ୍ ଆଦଦାନ୍ ଝେଲେ ଆରଦାଗ୍ କୁରୁନିୟ୍ ସହର୍ତେ ଶିମୋନ୍ ପେଦେର୍ତେ ଝେରନ୍ ନାରୁଙ୍କ୍ କାୟଲ୍ତଡ୍ ନୁ ସୈନକିଡ୍ ଅଂକିଙ୍କ୍ ଜିୟୁନ୍ କୁଶ କାଞ୍ଜାନ୍ ମାଇଦିଙ୍କ୍ ବାଦ୍ୟ ମାଡ୍ତଡ୍ ।

୩୩ ଅଡ୍ ଗଲ୍ଗତା ପେଦେର୍ତେ ଝେରଡ୍ ପଡ଼ିୟେତାଗ୍ ହେଝୁଦତଡ୍ । ଗଲ୍ଗତାତେ ଇଡକେ *କପୁରି ଲେକେତାଦ୍ ପଡ଼ିୟେ ।

୩୪ ଆଗେ ଅଡ୍ ଜିୟୁଙ୍କ୍ କାଇତାଦ୍ କାୟଲି ମାୟାନ୍ ଦ୍ରାକ୍ଷାରସ୍ ଉନ୍ଦାଙ୍କ୍ ହିଡ୍ତଡ୍ । ଜିୟୁ ଆଦିଙ୍କ୍ ସୁଦୁର ନାକି ମେଣ୍ଡେ ଉନଶ୍ ।

୩୫ ଅଡ୍ ଜିୟୁଙ୍କ୍ କୁଶତାଗେ ତାରସ୍ତି ଗୁଲିବାଣ୍ଟ ତଡ୍ ଅନ୍ ତକାତିଙ୍କ୍ ନିଜେଡ୍ ଲୋପେ ତୁସି ଆଡ୍ତଡ୍ ।

୩୬ ତାନ୍ପେକେ ଅଡ୍ ଆଗେ କୁଦି କୁଶତାଗେ ତାରସ୍ତେ ଜିୟୁଙ୍କ୍ କେପି ମାଡ୍ତଡ୍ ।

୩୭ ଅନ୍ ବିରୁଦ୍ଧତେ ଆସ୍ମାୟାନ୍ ଅବିୟଗତେ ଝେରଡ୍ ଲେକିମାୟାନ୍ ବାଲା ଅନ୍ ତାଲେଡ୍ ପରର କୁଶତାଗ୍ ଝେଇସ୍ ମାଡ୍ତଡ୍, “ଇଣ୍ଡ ଆଦୁତନ୍ ଜିୟୁ ଯିହୁଦିନାରୁଡ୍ ରାଜାଲ୍ ।”

୩୮ ତାନ୍ପେକେ ଅଡ୍ ଇରଝୁଡ୍ ଡଙ୍ଗାଲଡ୍କିଙ୍କ୍ ଆଗେ କୁଶତାଗେ ତାରସ୍ତଡ୍, ଅରଡୁଙ୍କ୍ ଜିୟୁନ୍ ତିନ୍ଦେକାୟିଦେ ପାକେ ନୁ ମେଣ୍ଡେ ଅରଡୁଙ୍କ୍ ତେବ୍‌କାୟିଦେ ପାକ୍ ।

୩୯ ଆଦ୍ ଆର୍ ଆଦଦାନ୍ ନାରୁଡ୍ ତାଲ୍ତିଙ୍କ୍ ଉଷ୍ ଜିୟୁଙ୍କ୍ ଅପ୍ମାନ୍ ଇସ୍ କେଡ୍ତଡ୍,

୪୦ ✠ “ନିମ୍ ବାନେ ମନ୍ଦିରତିଙ୍କ୍ ଉସ୍ ମୁଣ୍ଡିନାନେ ମେଣ୍ଡେ ଆଦିଙ୍କ୍ ତିଆର୍ ମାଡ୍ତିସ୍ ମାଡ୍ତିନ୍ । ନିମ୍ ଯଦି ଇଶ୍ବରତେ ମାର୍, ନିଜ୍ତିଙ୍କ୍ ଗେଲ୍‌ସ୍ତା । କୁଶତାଗାଙ୍କ୍ ଡିଗିଝାଡ୍ ।”

୪୧ ବେଡ଼ିଇଯାଜକ୍, ଦର୍ମଗୁରୁ ନୁ ସଂପ୍ରଦାୟତେ ମୁୟ୍ତେ ନେତାଲଡ୍ ଆନ୍ତେ ଜିୟୁଙ୍କ୍ ପରିଆସ ମାଡ଼ି କେଡ୍ତଡ୍,

* ୨୭:୩୩ ଇକ୍ ତାଲେତାଦ୍ ମୁଞ୍ଚି ତିଙ୍କ୍ କପୁରି ଇଞ୍ଜ କେଡିତଡ୍, ✠ ୨୭:୪୦ ମାତିଉ ୨୭:୨୧; ଯୋହନ୍ ୨:୧୯.

୪୨ “ଅଣ୍ଟ ବାଗାତଡ଼କ ଗେଲ୍‌ସ୍ତ ମାଡ଼ତଣ୍ଟ, ବାତେଲ୍‌ ଇଡ଼କେ ନିଜ୍‌ତିଲ୍‌ ଗେଲ୍‌ସ୍ତ ପାର୍‌ଝଣ୍ଟ । ଅଣ୍ଟ ବାବେ ଇସ୍ତାୟେଲ୍‌ତେ ରାଜାଲ୍ । ଇଞ୍ଜି ଯଦି ଅଣ୍ଟ କୁଶତାଗାଲ୍‌ ଡିଗି ଝାଦ୍‌ ପାର୍‌ଦତଣ୍ଟ, ଆଲାଇଡ଼କେ ମାମ୍‌ ଅଂକିଲ୍‌ ବିଶ୍ବାସ୍‌ ମାଡ଼ିତମ୍ ।

୪୩ ଅଣ୍ଟ ନିଜ୍‌ତିଲ୍‌ ଇଶ୍ବରତେ ମାର୍‌ ଇଞ୍ଜି କେସ୍‌ ଇଶ୍ବରତେ ପରର ଆସ୍‌ ନେହେସ୍‌ ମିନ୍‌ଦେଣ୍ଟ । ହାଲେକ୍‌ ଉଡାଲ୍‌ ଆଦତେ, ଇଶ୍ବର ଅଂକିଲ୍‌ ଗେଲ୍‌ସ୍ତାଲ୍‌ ଇଚ୍ଛା ମାଡ଼ତୁଣ୍ଟ କି ଇଲେ ।”

୪୪ ଅନ୍ ତଡ଼ କୁଶତାଗ୍‌ ମାନ୍ଦାନଣ୍ଟ ଡଙ୍ଗାଲ୍‌ ଆନ୍ତେ ଅଂକିଲ୍‌ ଆଦେ ରକମ୍‌ ପରିହାସ୍‌ ମାଡ଼ତଣ୍ଟ ।

ଜିସୁ ତଲ୍‌ତାଦ୍‌

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଯୋହନ୍ ୧୯:୨୮-୩୦)

୪୫ ଆଦଦିନେ ପାୟାଲ୍‌ ତାଲେଡ଼ ପଡ଼ଦିନ୍‌ ସାରେ ଦେଶ୍‌ଜାକ ହିକାଡ଼ ଆଡ଼ତେ ନୁ ମୁଣ୍ଟ ଗାଣ୍ଟା ଯାକ ମାଡ଼ତେ ।

୪୬ ପାୟାଲ୍‌ ଅଲ୍‌ ତିନ୍‌ଟାଝେଲେ ଜିସୁ ଗାଟି ଲେଙ୍ଗ୍‌ଦେ କେଡ଼ତଣ୍ଟ, ଏଲି, ଏଲି, ଲାମା ସବକ୍‌ତାନି । ଇଡ଼କେ “ହୋ ଇଶ୍ବରତନି, ହୋ ଇଶ୍ବରତନି, ନାକିଂଲ୍‌ ବାତେଲ୍‌ ଝିଡ଼ସ୍‌ତିନ୍‌ ?”

୪୭ ଗାରରେ ନିସ୍‌ ମାନ୍ଦାନ୍‌ ବେସ୍‌କ୍‌ତୁଡ଼ ଇଦ୍‌ କେଞ୍ଜି କେଡ଼ତଡ଼, “ଅଣ୍ଟ ଏଲିୟାଲ୍‌ କାର୍‌ଙ୍ଗୁତଣ୍ଟ ।”

୪୮ ଝେରଣ୍ଟ ନାରୁଡ଼ ମିରି ଆଞ୍ଜି କାଇତାଦ୍‌ ଦ୍ରକ୍ଷାରସ୍‌ତେ ଝେରଡ଼ ପସ୍ତେ ମୁହ୍‌ସ୍‌ ଅଂକିଲ୍‌ କାରେଡ଼ ମୁନ୍‌ ତହସ୍‌ ଉନ୍ଦାନଲ୍‌ ଜିସୁନ୍‌ ପାକେ ଆସିଡ଼ତନ୍ ।

୪୯ ବାଗାତଡ଼ କେଡ଼ତଡ଼, କେପାର୍‌, ଉଡାଲ୍‌ ଆଦତେ, ଅଂକିଲ୍‌ ଗେଲ୍‌ସ୍ତାଲ୍‌ ଏଲିୟା ଝାଦତଣ୍ଟ କି ଇଲେ ।

୫୦ ଜିସୁ ମେଣ୍ଟନ୍‌ ଦାମ୍‌ ଗାଟି ଲେଙ୍ଗ୍‌ଦେ କେସ୍‌ ଶେଷ ନିଶ୍ବାସ୍‌ ଝିଡ଼ସ୍‌ତଣ୍ଟ ବା ନିଜେଡ଼ ଜିଝୁନ୍‌ ଝିଡ଼ସ୍‌ଡ଼ତନ୍ ।

୫୧ ଆଦ୍‌ ସମୟତେ ମନ୍ଦିରତାଗ୍‌ ଉଙ୍ଗମାନ୍ଦାନ୍‌ ପର୍ଦା ପରରକଞ୍ଚ ମଦଲ୍‌ ହେଉନା ରେଣ୍ଟ ଗାନା ଆସ୍‌ ହିଙ୍ଗ୍‌ତେ । ବୁନିକମ୍‌ ଆଡ଼ତେ, ମେଟେଆନ୍‌ତେ ପକ୍‌ଡ଼ତା

୫୨ ନୁ କବର କୁଲାଆସ୍‌ ନାରଗେ ଇଶ୍ବର ଆଗେ ତଲିମାନ୍ଦାନ୍‌ ନାରୁଡ଼, ମେଣ୍ଟେ ଜିଝୁନ୍‌ ଆଦତଡ଼ ।

୫୩ ହିତ୍ କବର ତାଗାଙ୍କ ତେଦି ଝାଡ଼ତଡ଼, ନୁ ଜିସୁନ୍ ପୁନରୁଡ଼ତାନ ପେକେ ହିତ୍‌କିଙ୍କ ପବିତ୍ର ନାର ଯିରୁଶାଲେମ୍‌ତାଗ୍ ଆଦାନାଦ୍ ବେସ୍‌କ୍ ତଡ଼, ଉଡ଼ତଡ଼ ।

୫୪ ଜିସୁଙ୍କ କେପି ମାନ୍ଦାନ ସେନାପତି ନୁ ସୈନ୍ୟହିତ୍, ରୁମିକମ୍ ନୁ ବାଗାତାଉ ଗର୍ନା ଉଡ଼ି ଝେରସ୍ ଆଦତଡ଼ । ଅଡ଼, କେଡ଼ତଡ଼, “ହିଣ୍ ନିଜାମ୍ ଇଶ୍‌ରତେ ମାର ।”

୫୫ ☆ଗାଲିଲୀ ତାଗାଙ୍କ ଜିସୁଙ୍କ ଲେକେଡ଼ ମାଡ଼ି ଅଂକିଙ୍କ ସାହାଯ୍ୟ ମାଡ଼ିମାନ୍ଦାନ ବେସ୍‌କ୍ ମୁତ୍‌ତେ ଦୁରାମ୍ ମାଞ୍ଜ ସାରେ ଉଡ଼ମାଡ଼ତା ।

୫୬ ହାଞ୍ଜିନ୍ ଲୋପେ ମାଡ଼ତେ ମଗ୍‌ଦଲୀନି ମରୀୟମ୍, ଯାକୁବ୍ ନୁ ଯସେପ୍‌ତେ ଯାୟ ମରୀୟମ୍ ନୁ ଜେବଦିନ୍ ମୁତ୍‌ତେ ।

ଜିସୁଙ୍କ ସମାଦି ହିତ୍‌ତଡ଼,

(ମାର୍କ ୧୫:୪୨-୪୭; ଲୁକ ୨୩:୫୦-୫୬; ଯୋହନ୍ ୧୯:୩୮-୪୨)

୫୭ ମୁଲ୍‌ପୁର୍ ଆରମାଡିଆତେ ସହର୍ ଯସେପ୍ ପେଦେରତେ ଝେରଣ୍ ସାଉକାର୍ ନାରୁଡ଼, ଝାସ୍ ହେଡ଼ତଣ୍ । ଅଣ୍ ଜିସୁନ୍ ଝେରଣ୍ ଗିଷ୍ୟ ମାଡ଼ତଣ୍ ।

୫୮ ଅଣ୍ ପିଲାତଙ୍କ କାୟଲି ଜିସୁନ୍ ତଲ୍‌ତେ ମେନ୍‌ଲୁତିଙ୍କ ଆଦାନ ମାଇଦିଙ୍କ ଗର୍ ତାଲ୍‌କତଣ୍ ପିଲାତ ଗର୍ ହିତ୍‌ତାଙ୍କ ।

୫୯ ଯସେପ୍ ଜିସୁନ୍ ମେନ୍‌ଲୁତିଙ୍କ ଅସ୍‌ମେଣ୍ଟେ ଝେରଡ଼, ପାଲ୍‌ସାଲାଦ୍ ସିଲେ ଇଡ଼ତଣ୍ ନୁ

୬୦ ଅନ୍ ନିଜେଡ଼ ମାଇଦିଙ୍କ କାଲ୍‌ଦାଗ୍ ତେଡ଼ିମାନ୍ଦାନ ଝେରଡ଼, ପୁନାଦ୍ ସମାଦିତାଗେ ଅଂକିଙ୍କ ଝାଡ଼ତଡ଼, ନୁ ସମାଦିତେ ମୁନେ ଝେରଡ଼, ବେଡ଼ୟାଦ୍ କାଲ୍ କୁହୁସି ଆଡ଼ତଣ୍ ।

୬୧ ମଗ୍‌ଦଲୀନି ମରୀୟମ୍ ନୁ ମେଣ୍‌ଣନ୍ ମରୀୟମ୍ ଆଦ୍ ସମାଦିତା ମୁନ୍‌ମାଡ଼ି କୁଦିମାଡ଼ତା ।

ସମାଦିତେ ପ୍ରହରି

୬୨ ତାନ୍ ମେଣ୍‌ଣନ୍‌ଦିନେ ବିଶ୍ୱାମଦିନେତେ ବେଡ଼ିଇଯାଜକ ନୁ ପାରୁଶାଡ଼, ପିଲାଡ଼ତଙ୍କ କାୟଲି କେଡ଼ତଣ୍,

୨୩ ☆“ଗର୍, ମାକ୍ ହେର୍କା ମିନ୍ଦେ, ଅଣ୍ଟ ମିତ୍ୟାବାଦି ଗେଲ୍‌ସି ମାନ୍ଦାନଝେୟ୍ କେସମାଡ଼ତନ୍, ମୁଣ୍ଟିନାନ୍ ପେର୍କେ ନାନ୍‌ନେ ପୁନରୁଡ଼ତାନ୍ ଆଦତନ୍ ।

୨୪ ଆଦିଙ୍କ ମୁଣ୍ଟିନା ଯାକ ଆଦ୍ ସମାଦିତିଙ୍କ କେପି ମାନ୍ଦାଙ୍କ ସୈନ୍ୟତ୍‌କ୍ ଆଡ଼ତାଙ୍କ ନିମ୍ ଗର୍ ହିମ୍, ଆଲାଇଡ଼କେ ଅନ୍ ଶିଷ୍ୟତ୍, ଅନ୍ ମେନ୍‌ଲୁଡ଼ିଙ୍କ ତଙ୍ଗି ଆସ୍, ଅଣ୍ଟ ଗେଲ୍‌ସି ତେଦତଣ୍ଟ ଇଞ୍ଜ କେଡ଼ ପାର୍‌ଝଡ଼ । ଅଡ଼ାଦ୍ ହି ମିଡ଼ ପ୍ରଚାର୍ ସାରରେ ଅଦିଙ୍କ ଅନିଷ୍ଟ ଆଦତେ ।”

୨୫ ପିଲାତ ଉତ୍ତର୍ ହିଡ଼ତଣ୍ଟ, “ମିଡ଼, ଅଣ୍ଟମାନ୍ଦେ କେପାନଡ଼କ୍ ଆୟ୍‌ମୁର୍ ଆଦ୍ ସମାଦିତିଙ୍କ ଲେକେଡ଼ କେପିଡ଼ତ୍ ।”

୨୬ ଅଡ଼, ଆଞ୍ଜ୍ ସମାଦିତିଙ୍କ କେପାନ୍ ମାଇଦିଙ୍କ ଲେକେଡ଼ ତିଆର୍‌ମାଡ଼ତଡ଼ । ଅନ୍ ମାଇଦିଙ୍କ ମୁସିମାନ୍ଦାନ୍ କାଲ୍‌ଦେ ପରର କୁଦି ଅଂକିଙ୍କ କେପାନ୍ ମାଇଦିଙ୍କ ନୁ ସୈନ୍ୟତ୍‌କ୍ ଆଗେ ମାନ୍ଦାଙ୍କ କେଡ଼ତଣ୍ଟ ।

୨୮

ଜିସୁନ୍ ପୁନରୁଡ଼ତାନ୍

(ମାର୍ଚ୍ଚ ୧୬:୧-୧୦; ଜୁଲ ୨୪:୧-୧୨; ଯୋହନ୍ ୨୦:୧-୧୦)

୧ ବିଶ୍ୱାମ୍‌ଦିନେ ମେଣ୍ଟିନ୍‌ଆଡ଼ତେ ଦିନ୍ ରବିବାର୍ ଦିନ୍ ନାରକେଡ଼ ମଗ୍‌ଦଲାନି ମରୀୟମ୍ ନୁ ମେଣ୍ଟିନ୍ ମରୀୟମ୍ ସମାଦି ଉଡ଼ାଙ୍କ ଆଦତେ ।

୨ ଆସୁଟେ ହଟାଡ଼ ଝେରଡ଼, ବୁମିକମ୍ ଆଡ଼ତେ । ପ୍ରବୁନ୍ ଝେରଡ଼, ଦୂତ ପରରକଞ୍ଜ୍ ତିଗି ଝାସ୍, ସମାଦି ଝାଟିମାନ୍ଦାନ୍ କାଲ୍‌ଦିଙ୍କ ଗୁସ୍‌ପି ଆଦ୍ କାଲ୍‌ଦେ ପରର କୁଦତନ୍ ।

୩ ତାନାଦ୍ ମକମ୍ ପିଡ଼ଗୁହିନା ଝେସ୍‌ମାଡ଼ତେ ନୁ ତାନାଦ୍ ଚକା ଇମ୍ ଲେକାମ୍ ପାଣ୍ଟେ ମାଡ଼ତେ ।

୪ ସୈନ୍ୟତ୍, ଝେରସ୍ ଝାଡ଼କ୍‌ତଡ଼, ନୁ ଡଲ୍‌ତେ ଲେକାମ୍ ଆସ୍ ମାଡ଼ତଡ଼ ।

୫ ଦୂତ ଆଦ୍ ନାଟାଙ୍କ କେଡ଼ତେ, “ଝେର୍‌ମାଟ୍ ।” ନାନ୍ ଝେରନ୍, ମିଡ଼, କୁଗତାଗ୍ ତାପ୍ ମାନ୍ ଜିସୁଙ୍କ ଉଡ଼ାଙ୍କ ଝାଡ଼ତିଡ଼ ।

☆ ୨୭:୨୩ ମାତିତ ୧୬:୨୧; ୧୭:୨୩; ୨୦:୧୯; ମାର୍ଚ୍ଚ ୮:୩୧; ୯:୩୧; ୧୦:୩୩, ୩୪; ଜୁଲ ୯:୨୨; ୧୮:୩୧-୩୩.

୬ ଅଣ୍ଟ ହିଗେ ଇଲେଣ୍ଟ । ଅଣ୍ଟ କେତେତେ ଲେକାମ୍ ଅଣ୍ଟ ପୁନରୁତ୍ତାନ ଆଗେ ମିନ୍ଦେଣ୍ଟ । ହିଗ୍ ଖାସ୍ ଉଡ଼ାଟ୍, ହିଗେ ଅଂକିଙ୍କ୍ ଖାଟିସ୍ ମାଡ଼ତଡ଼ ।

୭ ଶିଟ୍‌ପାଟ୍ ଆଞ୍ଜ ନା ଶିଷ୍ୟତ୍‌କିଙ୍କ୍ କେଲ୍‌ମୁଟ୍, “ଅଣ୍ଟ ମେଣ୍ଟନ୍ ଦାମ୍ ଜିହ୍ମନ୍ ଆଡ଼ତଣ୍ଟ ନୁ ମିଇ ମୁନେ ମୁନେ ଅଣ୍ଟ ଗାଲିଲୀତା ଆଦୁତନ୍ । ଆଗେ ମିଡ଼ ଅଂକିଙ୍କ୍ ଉଡ଼ିତିଡ଼ । ନାନ୍‌ନେ ବାଡ଼ କେତ୍‌ତାନ୍, ହେର୍କା ନେହେମୁଟ୍ ।”

୮ ଇଦ୍ କେଞ୍ଜି ଆଞ୍ଜ ସିଟ୍‌ପାଟ୍ କବର ଡିଡ଼ସି ଶିଷ୍ୟତ୍ ଗାରରେ ମିରତା । ଝେରସ୍ ମାଡ଼କେ ବା ଆଞ୍ଜିନ୍ ମନ୍‌ଦାଗ୍ ଗାଟି ସାରଦେ ନୁ ଝେଡ଼କେତେ ମାଡ଼ତା ।

୯ ଜିସୁ ଆଞ୍ଜିଙ୍କ୍ କାୟଲି କେତ୍‌ତଣ୍ଟ “ମିୟାଦ୍ ଶାନ୍ତି ଆୟି !” ଆଞ୍ଜ ଅନ୍‌ଗାରେ ଆଞ୍ଜ ଅନ୍ ଡେକାଙ୍କ୍ ପୟସ୍ ମଡ଼କ୍‌ତଡ଼ ।

୧୦ ଜିସୁ ଆଞ୍ଜିଙ୍କ୍ କେତ୍‌ତଣ୍ଟ, ଝେରମାଟ୍ ନା, ଦାଦାଲଡ଼କିଙ୍କ୍ କେଲ୍‌ମୁଟ୍, ଅଡ଼ ଗାଲିଲୀତାଗ୍ ଆଦ୍‌ତଡ଼ । ଆଗେ ଅଡ଼ ଖାସ୍ ନାକିଙ୍କ୍ ଉଡ଼ିତିଡ଼ ।

ସମାଦିତିଙ୍କ୍ କେପିମାନ୍‌ଦାନ୍ ସୈନ୍‌ୟଡ଼

୧୧ ନାଟାଙ୍କ୍ ଆଗାଙ୍କ୍ ଆଦାନ୍ ଝେଲେ ସମାଦିତିଙ୍କ୍ କେପିମାଡ଼ତେ ସୈନିକିଡ଼ ସହରତାଗ୍ ମାଲ୍‌ସ୍ ଆଞ୍ଜ ବେଡ଼ୟାଦ୍ ଯାଜକ୍‌ନଡ଼ ହି ସାରେ ଗଟ୍‌ନା କେତ୍‌ତଡ଼ ।

୧୨ ମୁକ୍ୟ ବେଡ଼ିୟ୍ ଯାଜକ୍‌ନଡ଼ ଦର୍ମନେତାଲଡ଼ ତ ମନ୍ତ୍ରନା ମାଡ଼ି, ଆଦ୍ ସୈନ୍‌ୟକିଡ଼କ୍ ନାରଗେ ଡାବ୍‌ଲାଞ୍ଜ ଇସ୍ ଅଡ଼କିଙ୍କ୍

୧୩ କେତ୍‌ତଡ଼, “ମିଡ଼ କେଲ୍‌ମୁଟ୍ ଯେ ନାରକେଡ଼ ମାମ୍ ହୁଞ୍ଜିମାଡ଼ ଝେୟ୍ ତାନ୍ ଶିଷ୍ୟତ୍ ଖାସ୍ ଅନ୍ ମେନ୍‌ଲୁଡ଼ିଙ୍କ୍ ଡ଼ଜିମେଣ୍ଟେ ଆଡ଼ତଡ଼ ।”

୧୪ ଯଦି ଶାସକ ହି ଗଟ୍ କେଞ୍ଜିକେ ମାମ୍ ଅଂକିଙ୍କ୍ ବୁଜାମାଡ଼ିଦ୍ ତମ୍ ଯେ ମିଡ଼ ଦଷି । ହି ବିଷୟତେ ମିଡ଼ ଦାନ୍ଦେ ଆୟ୍‌ମାଟ୍ ।

୧୫ ସୈନିକିଡ଼ ଡାବ୍ ଆସ୍ ଅଡ଼କିଙ୍କ୍ କେସ୍ ମାନ୍‌ଦାନ୍ ଲେକାମ୍ ପାଡ଼ୟି ମାଡ଼ତଡ଼ । ଅଡ଼ ଆସୁଙ୍କ୍ ବାଡ଼ କେତ୍‌ତଡ଼, ଯିହୁଦିଡ଼ ନେଣ୍ଟ ଯାକ ଆଦ୍ ଗଟ୍ ପ୍ରଚାର ମାଡ଼ତୁଡ଼ ।

ଶିଷ୍ୟତ୍ୱକିଂଙ୍କ ଜିସୁ ଦର୍ଶନ ହିତତଶ୍ଚ

(ମାର୍କ ୧୭:୧୪-୧୮; ଲୁକ ୨୪:୩୬-୪୯; ଯୋହନ୍ ୨୦:୧୯-୨୩;
ପ୍ରେରିତ ୧:୭-୮)

^{୧୭} ✧ଜିସୁ କେସମାଡ଼ତେ ଲେକାମ୍ ତାନ୍ ଏଗାରଜାନ୍ ଶିଷ୍ୟତ୍ୱ
ଗାଲିଲୀ1ତେ ଝେରଡ଼୍ ମେଟେଡ଼୍ ପରର ଆଦତଡ଼୍ ।

^{୧୭} ଆଗେ ଜିସୁଙ୍କ ଉଡ଼ି ଅଡ଼୍ ଅଂକିଙ୍କ ମଡ଼କ୍ତଡ଼୍ ନୁ ବେନଡ଼୍ ତାଉଟ୍
ମାଡ଼ତଡ଼୍ ।

^{୧୮} ଜିସୁ ଅଡ଼୍ ଗାରରେ ଝାସ୍ କେଡ଼ତଶ୍ଚ, “ସ୍ୱର୍ଗ ନୁ ପୃତିବି ସାରେ
ଅଦିକାର ନାକିଂଙ୍କ ଇସ୍ମିନ୍ଦେନ୍ ।

^{୧୯} ✧ମେଣ୍ଡେ ମିଡ଼ିଆଞ୍ଜ୍ ସାରେ ଜାତିଡ଼୍ ନାରୁଡ଼୍ ଆଞ୍ଜ୍ ଅଡ଼କିଂଙ୍କ
ନା ଶିଷ୍ୟ ମାଡ଼ାର୍ । ବାବାଲ୍, ମାର୍ ନୁ ପବିତ୍ର ଆମ୍ବା ପେଦେବ୍‌ତେ
ଅଡ଼କିଂଙ୍କ ବାପ୍ତିସ୍ମ ହିମୁଟ୍

^{୨୦} ମେଣ୍ଡେ ନାନନେ ବେନ୍‌ସାରେ ଶିକ୍ଷା ଇସ୍ମିନ୍ଦେନ୍, ଆଦ୍ ପାଲନ୍
ମାଡ଼ାଙ୍କ୍ ଅଡ଼କିଂଙ୍କ ଶିକ୍ଷା ହିମୁଟ୍ । ମେଣ୍ଡେ ହେକା ନେହେମୁଟ୍,
ତେରାନ୍ ଯାକ ନାନ୍ ସାରେ ଦିନା ମିଇ ତଡ଼୍ ମାନ୍‌ତାନ୍ ।”

ପୁନାବ୍ ଆର୍ବ୍
The New Testament in the Koya language of India:
ପୁନାବ୍ ଆର୍ବ୍ (Bible)

copyright © 2020 The Word for the World International and Koya Translation Samithi, Malkangiri, Odisha

Language: (Koya)

Contributor: The Word for the World South Asia

ପୁନାବ୍ ଆର୍ବ୍
ପୁନାବ୍ ନିୟମ୍ , 2020

The New Testament in Koya Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

72ff5787-bb80-584b-a1a0-0acd8a2fefae